




Division *IV.100*

Section



506
171716

v. 2








COLLEGE

WEST VIRGINIA

COLLEGE




William, of Newburgh

Ex Libris **GUILIELMI** *Thi*
Rob: Throckmorton Baronetti.
NEUBRIGENSIS

VOLUMEN SECUNDUM.

Biblioth: Weston:



Digitized by the Internet Archive
in 2011 with funding from
Princeton Theological Seminary Library

- I. De Primordiis Regis Richardi, & de ¹ hiis quæ in ejus coronatione contigerunt.
- II. De ordinatione vacantium ecclesiarum post coronationem Regis Richardi.
- III. De affectu Regis ad Joannem fratrem ² suum.
- IV. Quis successerit Rannulpho de ³ Glamvilla in procuratione regni.
- V. Quæ ⁴ fecerit Rex in Anglia antequam transfretaret.
- VI. De quodam prodigio, quod eo tempore in aëre visum est.
- VII. Quid actum sit contra insolentiam Judæorum apud Linnam.
- VIII. Quid actum sit contra Judæos apud Stanfordiam, & de quadam superstitione populi.
- IX. Quæ acta ⁵ sint contra Judæos Lincolnia & ⁶ Eboracæ.
- X. De exitio Judæorum apud ⁷ Eboracam.
- XI. De ira Regis in interfectores Judæorum.
- XII. Quomodo Reges ⁸ venerunt Siciliam : & quomodo Rex Anglorum expugnavit Messanam.
- XIII. De expeditione Teutonica, & morte Imperatoris.
- XIV. De insolentia & fastu Cancellarii post Regis protectionem.
- XV. Quare Rex Rothomagensem Archiepiscopum de Sicilia miserit in Angliam.
- XVI. Qua occasione Joannes frater Regis restiterit Cancellario.
- XVII. De captione Eboracensis Archiepiscopi, & expulsionem Cancellarii.
- XVIII. De ordinatione regni post ⁹ expulsionem Cancellarii, & de molitionibus ejus irritis.

1. His *Edd. pr.* 2. Ejus *Edd. pr.* 3. Glanvilla *Edd. pr.* 4. Fecit *Edd. pr.* 5. Sunt *Edd. pr.* 6. Eboraci *Edd. pr.* 7. Eboracum *Edd. pr.* 8. Venerunt in Siciliam *Edd. pr.* 9. Repulsionem C. & mol. *Edd. pr.*

- xix. De processu Regum à Sicilia, & impedimentis Christiani exercitus apud Acram.
- xx. ¹ Quomodo Rex Anglorum ² adquisivit ³ insulam Cyprum.
- xxi. Quibus ³ ex causis Reges dissidere cœperunt apud Acram.
- xxii. De expugnatione Acræ, & præmaturo discessu Regis Francorum.
- xxiii. Quæ acta sint à nostris in Syria post discessum Regis Francorum.
- xxiv. Quomodo Conradus Marchio à sicariis interfectus est.
- xxv. Quomodo Rex Francorum necem Marchionis refudit in Regem Anglorum, & de conventu Parisiensi.
- xxvi. Quomodo Rex Francorum duxit sororem Regis ⁴ Dacorum, & quomodo repudiavit eam.
- xxvii. Quomodo Eboracensis Archiepiscopus præcipitavit sententiam excommunicationis in Episcopum Dunelmensem.
- xxviii. Cur minus actum sit à nostris in Oriente, & de repatriatione peregrinorum.
- xxix. Quomodo Rex Anglorum liberavit Joppen, & de induciis Christianorum & Turcorum.
- xxx. Quod Deo disponente plus actum sit illa expeditione pro superna quam terrena Jerusalem, & de morte Saladini.
- xxxi. Quomodo Rex Anglorum naufragium passus, & captus est à Duce Austriæ.
- xxxii. Quomodo Rex Francorum delusus à filio Ducis Saxonix speratis nuptiis caruit.
- xxxiii. Quomodo Rex Anglorum per Ducem Austriæ ⁵ devenit in custodiam Imperatoris.

1. Desunt bini sequentes tituli in Ed. Antv. 2. Deest insulam in Ed. Pic. 3. De causis Reges cœperunt dissidere ap. A. Ed. Pic. 4. Danorum Edd. priores. 5. Venit Edd. priores.

- xxxiv. Quomodo Rex Francorum invasit Normanniam, & quomodo Joannes turbavit Angliam.
- xxxv. Quomodo Hubertus Salesbiriensis Episcopus factus est Archiepiscopus Cantuariensis, & de ecclesia contradictionis.
- xxxvi. ¹ Quomodo Hugo Cestrensis Episcopus destruxit monasterium ² Coventrense.
- xxxvii. De nece ³ Leodicensis Episcopi, cujus occasione pene periclitatus est Rex Anglorum.
- xxxviii. Quomodo afflicta sit Anglia per captivitatem Regiam.
- xxxix. De prodigio ruboris insoliti, ter in aëre diversis temporibus apparentis.
- xl. Quomodo ⁴ Rex Francorum, cum non posset impedire liberationem Regis Anglorum, iterum invasit Normanniam.
- xli. Quomodo Rex Anglorum de captivitate relaxatus applicuit in Anglia.
- xlii. Quomodo Rex pacificato regno Wintoniæ coronatus est.

Expliciunt capitula. Incipit liber quartus.

De Primordiis Regis Richardi, & de ⁵ hiis quæ in ejus coronatione contigerunt.

C A P. I.

ANNO à plenitudine temporis, quo ⁶ veritas de terra orta est, M.C.LXXXIX. II 89.
fedi Apostolicæ præsidente Clemente,
Henrico autem Frederici filio arcem
Romani imperii tenente, & Francis imperante

1. Deest hic titulus in Ed. Anrv. 2. Anrea, Conventrense. 3. Leodienfis Edd. pr. 4. Francorum Rex Edd. priores. 5. His Edd. priores. 6. Psal. 84. P.

Philippo, Richardus, illustrissimi Regis Anglorum Henrici II. filius, defuncto patri successit. Hic patre sepulto hereditati mox transmarinæ incumbens, nobilium simul & plebium solemnibus votis gaudiisque excipitur: rebusque trans mare mature dispositis, in Angliam, quæ ejus cum desideriis præstolabatur adventum, opportune transvehitur, cunctis ex ejus edicto custodiis per Angliam relaxatis: ut scilicet ad introitum novi Principis esset lætitia generalis. Quippe æstuabant tunc carceres reorum multitudine, sub expectatione vel discussionis vel supplicii: sed eo regnum ingrediente pestes illæ carcerum per ejus clementiam sunt egressæ, confidentius fortasse de cetero grassaturæ. Statuto die unctionis regiæ, convenit Lundonias pene universa regni nobilitas, de partibus quoque Transmarinis copiosa virorum spectabilium multitudo. Richardus ¹ igitur solus Regum à seculo ita nominatus, Lundoniis est consecratus ² in regem, & solemniter coronatus à Balduino Cantuariensi Archiepiscopo tertio ³ Nonas Septembris; qui dies ex prisca gentili superstitione malus vel Ægyptiacus dicitur, tanquam quodam Judaici eventus præfagio. Dies enim ille Judæis exitialis fuisse dinoscitur, & Ægyptiacus magis quam Anglicus; cum Anglia, in qua

1. Igitur primus, solus Regum *Edd. pr.* 2. Sic etiam *MS. Pic. Antea omitebantur*, in regem, & solemniter coronatus. 3. *Vide Notas. P.*

sub Rege priore felices & incliti fuerant, repente illis in Ægyptum, ubi patres eorum dura perpeffi sunt; Dei iudicio verteretur. Res quidem recentis memoriæ est, nullique ignota præsentium; sed operæ pretium est pleniori relatu transmittere ad posteros tam ¹ perspicui circa gentem perfidam & blasphemam superni iudicii monumentum. Convenerant ad solemnem Christiani Principis unctionem ex cunctis Angliæ finibus non tantum nobiles Christiani, verum etiam primi Judæorum. Caventes enim ² iidem hostes veritatis, ne forte habita sub Rege priore felicitas minus eis arrideret sub novo; ejus decentissime honoranda primordia, & favorem non disparem amplitudine munerum redimendum duxerunt. Verum ille vel minus jam eos acceptans quam pater, vel nescio quid præcavens, superstitiosa quadam de consilio quorundam cautela, edicto (ut dicitur) interdixit eis ingressum vel ecclesiæ, dum coronaretur, vel palatii, dum post coronationis solemniam convivaretur. Expletis igitur missarum solemnitiis, Rex fulgens diademate cum Pompa magnifica ad convivium intravit. Contigit autem eo discumbente cum omni frequentia nobilium, populum circa palatium observantem tumultuari. Judæi siquidem turbis immixti, fores sic regias introibant. Unde indignatus (ut

1. Perspicuum *Edd. pr.* 2. Idem *Edd. pr.* Neque aliter *MS. noster.*
Vide var. lect. ad pag. 65. & 72.

fertur)

fertur) quidam Christianus, Judæum palma percussum ab ingressu januæ arcere curavit, regium objectans edictum. Quo exemplo plures accensi, Judæos cum contumelia repellebant. Factoque tumultu indisciplinata cum turbine turba accurrit: credentesque Regem talia mandasse, tanquam freti auctoritate regia in multitudinem Judæorum ad fores regias observantium pariter irruerunt. Et primo quidem percutiebant pugno impie: mox vero vehementius efferati fustulerunt ligna & lapides. Porro Judæi fugam inierunt. In fuga nonnulli cæsi usque ad mortem, quidam etiam protriti perierunt. Venerant autem illuc cum ceteris duobus nobiles Judæi Eboracenses, Jocus scilicet & Benedictus. Quorum prior evasit: sequens vero dum plagis impositis segnius fugeret comprehensus, ut mortem differret, Christum coactus est confiteri, ductusque in ecclesiam illico baptizatus est. Interea rumor gratissimus, quod scilicet Rex omnes Judæos exterminari jussisset, totas incredibili celeritate percurrit Lundonias; moxque infinitus indisciplinatorum populus tam ex ipsa civitate, quam ex illis quos illuc ex provinciis plurimis unctionis regiæ solemnitas traxerat, armatus accurrit, spirans prædarum & cædis in populum, Dei judicio cunctis invisum. Porro cives Judæi, quorum multitudo Lundoniis habitare dinoscitur, cum illis qui undecunque confluxerant, in domos se proprias receperunt.

runt. Circumdantur à ¹ frementibus populis fortiterque oppugnantur ab hora nona usque ad solis occasum eadem domus. Quæ, quoniam propter fabricam firmiorem effringi non poterant, & ² furentibus machinæ deerant: igne tectis immisso, horrendum cito colluxit incendium, quod & laborantibus Judæis ³ exitiale fuit, & furentibus Christianis in nocturno opere lucis adjutorium præbuit. Nec solis Judæis specialiter in eos accensus ignis nocuit, quia discretionis nescius, nonnullas quoque proximas Christianorum ædes corripuit. Videres repente clarissima urbis loca flammis civilibus, tanquam hostilibus, ⁴ miserabiliter conflagrare. Judæi vero vel in propriis torrebantur ædibus, vel egredientes excipiebantur ensibus. Multum sanguinis in brevi fusum est. Verum cito satieta-tem cædium induxit fortius excandescens cupido prædarum, vicitque avaritia crudelitatem. Denique omissis cædibus, expilandis ædibus & diripiendis opibus rabies avara incubuit. At hoc Christianos versa vice Christianis fecit infestos; dum alius alii, quod forte rapuerat, invideret, & prædandi studio ne amicis quidem & ⁵ fociis impia æmulatrix avaritia parceret. Nunciantur hæc Regi festive in palatio cum omni procerum frequentia convivanti; mitti-

1. Sic etiam MS. Pic. *Ansea*, ferventibus. 2. Quia addit MS. Pic.

3. Exitio Edd. pr. 4. Ita quoque MS. Pic. *Ansea*, mirabiliter.

5. Sic etiam MS. Pic. *Ansea*, sacris pro fociis.

tur à latere ejus Rannulphus de ¹ Glamvilla, regni procurator, vir potens & prudens, cum aliis æque nobilibus, ut vel flecteret vel frenaret audaces. At id frustra. In tumultu enim tanto nullus eorum aut vocem auscultavit, aut faciem honoravit. Quin potius quidam indisciplinatiores fremere adversus eos cœperunt : & ut maturius recederent, terribiliter denunciaverunt. Illis igitur effrenatam rabiem consulte declinantibus, tanta licentia quanta & audacia usque ad sequentis diei horam secundam defæviere prædantes, & tunc sæviendi magis satietas vel lassitudo, quam vel ratio, vel reverentia Principis prædantium sedavit furorem. Hoc eatenus inaudito regiæ civitatis eventu, & egregie inchoato perfidæ gentis exitio, & nova Christianorum contra inimicos crucis Christi fiducia, insignitus est regni illustrissimi Regis Richardi dies primus, plane non tantum juxta regulam, qua jubentur ambigua in melius potius, quam in deterius derivari, verum etiam juxta significationem aptissimam Christianæ in diebus ejus promotionis præfagus. Quid enim aptius portendit, ² si quid portendit, quod regiæ consecrationis ejus diem pariter & locum blasphemæ gentis nobilitavit exitium, quod in ipso regni ejus exordio, hostes Christianæ fidei cœperunt juxta eum cadere & infirmari? Non ergo sic moveat quemquam vel urbis in quadam

1. Glanvilla *Edd. pr.* 2. *Adest hæc clausula à MS. Pic.*

ejus parte incendium, vel infusus ille fervor indisciplinatorum ¹ quo minus præclari eventus bonus fiat piusque interpres: cum ² & hujusmodi supernæ moderationis ordini militent, impleatque Omnipotens plerumque voluntatem suam valde bonam, per hominum etiam nequissimorum voluntatem & actionem valde pravam. Sane Rex novus, cum esset ingentis animi & ferocis, indignatus, & dolens quod in suæ coronationis solemniis regnique primordiis sub ejus præsentia talia contigissent, æstuebat, anxius quid nam super ³ hiis esset agendum. Tantam quippe & sine exemplo Majestatis regiae læsionem dissimulare, atque inultam dimittere, & Regi nimis indecorum, & regno quoque noxium videbatur: cum tantæ atrocitatis dissimulatio per impunitatis fiduciam, improborum ad attentanda similia, nutritura foret audaciam. Porro in infinitam reorum multitudinem censuræ regiae vigorem exercere prorsus erat impossibile. Nam præter nobiles cum Rege convivantes, quorum tantus erat numerus, ut regii amplitudo palatii angusta videretur, fere totum civitatis populum, & fere totas nobilium familias quæ cum ipsis nobilibus ad unctionis regiae solemnia venerant, odium Judæorum & prædarum illecebra ad memorati operis patratiorem contraxerant. Dissimulari

1. In quo *Ed. Pic. male.* 2. Enim pro & in *MS. Pic.* 3. His *Edd. priores.*

ergo oportuit, quod vindicari non potuit, Deo nimirum ordinante, ut qui divinæ in perfidos & blasphemos ultionis ministri extiterant, humano propter hoc judicio minime sisterentur. Superniquippe examinis ratio exigebat, ut blasphemii illi, qui tempore superioris Principis supra modum cervicosi & protervi in Christianos fuerant, ¹ in successoris ejus primordiis humiliarentur. Benedictus vero ille, qui (ut dictum est) lavacrum Christianum coactus acceperat, corde quidem non credens ad justitiam, sed inani tantum oris confessione aërem verberans, in crastino perductus ad Principem, interrogatus est ab eo an esset Christianus? Qui respondit se à Christianis baptizari coactum, sed animo semper fuisse Judæum: & talem se malle mori, cum jam non posset vivere, plagis enim pridie acceptis urgebatur ad mortem. Ejectus ergo à facie Principis, Judæis est redditus apostata Christianus, factusque filius Gehennæ duplo quam prius, post dies paucos defecit, ad hoc tantum Christianus factus, ut apostata moreretur. Princeps autem post cladem Judæis pacem ² edicto sancivit, qua tamen, ut suo loco narrabitur, non diu sunt fructi, superno utique judicio exigente, blasphemæ gentis superbiam severius castigari.

1. Sic etiam MS. Pic. Antea, ut pro in. 2. Sancivit edicto Edd. pr.

De ordinatione vacantium ecclesiarum post coronationem Regis Richardi.

CAP. II.

IN primis fane Rex novus studium habuit, ut quoniam plures in Anglia Cathedrales vacabant ecclesiæ, propriis ad ejus instantiam eædem gauderent Præsulibus. Richardus ergo Eliensis, thesaurarius Regius, sedem accepit Lundoniensem; Godefridus Lucienfis cathedram Wintoniensem; ¹ Willelmus de longo Campo, Cancellarius Regius, Episcopatum Eliensem; Hubertus Eboracensis Decanus, ecclesiam ² Salesbiriensem. Porro Gaufrido fratri suo, qui ad Lincolniensem ecclesiam olim electus, annis (ut suo ³ loco dictum est) plurimis eidem Ecclesiæ ad metenda ejus carnalia ⁴ incubaverat, ⁵ & inde tandem amotus cancellis regiis usque ad patris decessum præfuerat, concessit Rex Metropolitanam sedem Eboracensem, cum jam vacasset annis ⁶ ferme decem. Cujus Gaufridi electionem talem fuisse cognovimus. Patre defuncto novi Ducis adhuc in Normannia constituti litteræ arte (ut dicitur) quorundam ⁷ ejusdem Gaufridi elicitæ ad capitulum Eboracense manarunt, Gaufridum fratrem suum in

1. Willelmus *Edd. pr.* 2. Salisburiensem *MS. Pic.* 3. *L. 2. c. 22. supra. P.* 4. Incubuerat *Edd. pr.* 5. Sic etiam *MS. Pic. Antea mittebantur*, & inde t. a. c. r. usque ad p. d. præfuerat. 6. Fere *Edd. priores.* 7. Familiarium *inserit MS. Pic.*

Archi-

Archiepiscopum eligi postulantes, atque obfistentibus Regii ¹ motus periculum comminantes. Quibus litteris territi atque præstrikti Præcentor & ceteri qui aderant (nam Decanus & ² plures alii aberant) ad solam futuri Principis gratiam respicientes, memoratum Gaufridum solemniter elegerunt. Verum cum idem sumpto diademate regno præsideret paterno, eidem electioni succensuit, litterisque illis, quibus præstrikti fuerant eligentes, tanquam vel non suis vel certe ³ surrepticiis derogans, pro necessitate tamen Jerosolymitanæ expeditionis ingentis summæ ⁴ promissione placatus, tandem assensum præbuit. Qualia vero circa eundem electum postmodum provenerunt, suo loco exponetur.

De affectu Regis ad Joannem fratrem ⁵ suum.

C A P. III.

PRÆTEREA circa Joannem fratrem suum uterinum Rex proprium egregie declaravit affectum. Nam præter paternæ in Hibernia acquisitionis plenitudinem, & Comitatum in ⁶ Normannia Moritanensem, de quibus scilicet paternam donationem ratam habuit: in Regno Anglorum tanta illi adjecit, ut quasi Tetrarcha videretur. Denique Cornubiam, Devenesiram,

1. Metus *Edd. pr.* 2. Alii plures *Edd. pr.* 3. Subrepticiis *Edd. pr.*
 4. Provisione *MS. Pic.* 5. Ejus pro suum in *Edd. priorib.* 6. Deest in *V.C.* sed appositæ est illic additum ut lector provinciam nosset. *Pic.*

¹ Notingehamesiram, Loncastrum cum adjacentē provincia, atque alia plurima de Regio ² dominico contulit: & nihilominus illi ³ Gloucestrensis Comitis ⁴ filiam, propriam scilicet in quarto gradu consobrinam, cum integritate juris paterni, quod esse amplissimum noscitur, minus quidem legitima, & plus iusto fraterna provisione despondit. Verum ⁵ hæc ejus in fratrem immoderata atque improvida largitas, multa & gravia mala sequenti tempore peperit, & profusum largitorem profunda poenitudine castigavit. Indulta enim Joanni tetrarchia, fecit eum ambire monarchiam: unde & factus est de cetero fratri infidus, & ad ultimum manifeste infestus: quod nimirum plenius exponendi suum in ordine historiæ locum habebit.

Quis successerit Rannulpho de ⁶ Glamvilla in procuratore regni.

C A P. IV.

ERAT autem idem adhuc regni procurator qui fuerat tempore Regis prioris, Rannulphus scilicet de ⁷ Glamvilla, homo præclaræ prudentiæ. Qui cum esset grandævus, & videret à Rege novitio multa minus consulte & provide ⁸ actitari: hujus officii onere expediri

1. Notigamsiram, & Loncastrum *Edd. pr.* 2. Dominio *Edd. pr.*
 3. Cloucestrensis *MS. Pic.* 4. Sic *distinximus cum Cod. nostro MS. Ansea*, filiam propriam, scilicet &c. 5. Hæc in ejus fratrem *Edd. pr.* 6. Glanvilla *Edd. pr.* 7. Glanvilla *Edd. pr.* 8. Actari *MS. Pic.*

voluit,

voluit, ut ad Jerosolymitanam se profectionem (nam signum Domini sub Rege Henrico suscepit) commodius præpararet. Solemniter ergo renunciando officio, minus legitimos habuit successores. Idem quippe officium Dunelmensi Episcopo, nec obluctanti à Rege commissum est: qui nimirum consultius proprio contentus officio, divini juris multo decentius quam humani minister extitisset; cum nemo possit utrique, prout dignum est, deservire, atque illud dominicum ad Apostolos, ¹ *Non potestis Deo servire & Mammonæ*, maxime successores Apostolorum respiciat. Si enim velit Episcopus, ut coelesti pariter & terreno Regi placeat, ad utrumque se officium dividere: certe Rex coelestis, qui sibi vult ex ² toto corde, tota anima, ³ tota mente servire, ministerium dimidium non approbat, non diligit, non acceptat. Quid si Episcopus nec saltem ⁴ dimidius quæ Dei sunt & decent Episcopum exequatur; sed vices suas indignis & remissis executoribus committat, ut terreno vel palatio vel foro totus ⁵ deserviat? Nam nec terreni Principis ratiocinia quisquam dimidium sufficienter administrat. Quamobrem memoratus Pontifex, cum jam esset grandævus, officio seculari suscepto, in Australibus Angliæ partibus ad publica totus negotia residebat.

1. *Matt. 6. P.* 2. *Deut. 6. Josue 22. P.* 3. Tota virtute servire, ministerium *Edd. pr.* 4. Dimidium *MS. Pic.* 5. Serviat *Edd. pr.*

Quæ fecerit Rex in Anglia antequam¹ transfretaret.

CAP. V.

TUNC idem Rex Anglorum, qui primus potentum, cum Comes adhuc Piſtavenſis diceretur, dominicum ſignum acceperat, circa Jerofolymitanam profectionem ſtudioſius ſa- tagens, inſtante maxime Rege Francorum, ut tempore congruo iter ſimul arriperent, & mo- ram, quam² interpoſuerant, apparatu propen- ſiore purgarent, ſumptus idoneos modis cœpit omnibus præparare. Neque enim theſauros patrios, & quæcunque pater ſpecialiter ad illam profectionem congeſſerat, ſufficere judicavit: ſed ſuam quoque induſtriam & operam in hoc ipſo expendens, citra patris vel in hoc conſi- ſtere gloriam, duxit inglorium. Evocavit igitur mandatis urgentibus Regem Scottorum inve- terata laborantem triſtitia pro caſtellis, bellico (ut ſuperius³ memoratum eſt) ſibi caſu ablatis, ſcilicet⁴ Rokesburg & Berewich. Nam tertium, quod dicitur Caſtellum puellarum, ſub Rege Henrico receperat: cum conjugem ejus volun- tate & conſilio de partibus acciperet Tranſma- rinis. Veniens itaque ad Regem Anglorum, pa- ctus eſt ei decem milia marcas argenti pro re- ſignatione Caſtellorum, remeanſque ad propria, eandem à ſubditis⁵ imminentia Regiæ poteſta-

1. Tranſfretaret *MS. noſter.* 2. Interpoſuerat *Ed. Pic.* 3. Dictum eſt *Edd. pr.* 4. Rokesburch & Berewyck *Edd. pr.* 5. Ita quoque *MS. Pic. Arnea,* eminentia. *Vide var. lect. infra ad cap. 14.*

tis summam corrasit : qua Regi Anglorum soluta, cum multa lætitia Castella recepit. Dunelmensem quoque Episcopum, quem pecuniosum esse credebat, Rex novus astute pellexit, ut emeret à se proprii Episcopatus provinciam, essetque ejusdem provinciæ Episcopus simul & Comes, annexo Episcopatui Comitatu. Quod & factum est, quam excogitato astu Principis, ut pecunias Episcopi tolleret, tam immoderato ambitu grandævi Episcopi Episcopatu, qui opulentissimus noscitur,¹ in illa ætate non contenti, nec reputantis illud propheticum, immo per² prophetam Dominicum, *Væ qui conjungitis domum ad domum, & agrum agro copulatis* : ut Comitatum ad Episcopatum³ conjungere, quod utique majus est non curaret. Dedit ergo Regi pro emendo Comitatu, quicquid pro Jerosolymitanæ profectionis apparatu congesserat : & quicquid insuper corradere poterat de Episcopatu. Et ipse quidem de hujusmodi mercimonio glorians⁴ jocabatur. Rex vero facetias inde conficiens ita jocabatur. De⁵ vetusto Episcopo novitium Comitem mirus ego artifex feci. Cum autem idem Episcopus hoc modo se nudasset pecuniis, quas sacræ propter Christum peregrinationi devoverat, illud quoque consequenter studuit irritare, quod in solenni

1. In omisit Picardus. 2. Esai 5. P. 3. Ita plane in Cod. nostro. Conjungeret, quod utique majus non est curaret Edd. priores. 4. Jucundabatur MS. Pic. 5. Honesto MS. Pic.

crucis susceptione Omnipotenti ¹ Domino voverat. Cumque apud Romanum ² Pontificem per nuncios non diceret, Comitatum emi, & ideo Jerosolymam proficisci non possum, rogo te ³ habe me excusatum, quod quidem vere dixisset, sed potius fatiscentem causaretur ætatem, seque tam laboriosæ peregrinationi minus sufficere allegaret, ⁴ propriæ conscientiæ relictus, illico signum sacrum solemni devotione susceptum irreverenter ⁵ & infruite abjecit, & inventæ apud Regem pretiosæ Margaritæ, pro qua tanta dederat, possidendæ incubuit; quæ tamen uti nunc cernere est, non solida, sed pro rerum & temporum mutatione, brevis & perfunctoria possessio fuit. Sane Rex eadem arte, qua hujus Episcopi sacculos exhaustit, alios quoque plures pellexit, ut effusis pecuniis certatim dignitates sive libertates quaslibet, vel publica officia, vel ipsa etiam prædia regia compararent. Distraxerat itaque propria mature profecturus; tanquam animum redeundi non habens. Cumque ab amicis propter hoc familiari ausu increparetur, respondisse fertur: Landonias quoque venderem, si emptorem idoneum ⁶ invenirem. Denique in hac distractione

1. Voverat Domino *Edd. pr.* 2. Ita *MS. noster*. Pontificem non diceret *Ed. Anrv.* Pontificem diceret *Ed. Pic.* Fatetur tamen *Picardus in suo Cod.* Pontificem per nuntios diceret *legi.* Imo, ni fallor, non aliter in illo Codice atque in nostro. 3. Me habe excusatum *Edd. priores.* 4. Sic etiam *MS. Pic. Anrea*, quippe pro propriæ. 5. Et infirmite abjecit *Edd. pr.* 6. Ita quoque *MS. Pic. Anrea*, invenissem.

desipere videbatur: eoque proclivius emebant plurimi, quo nunquam repatriaturus credebatur. Præmaturo namque & immoderato usu armorum, quibus ab ingressu adolescentiæ plus justo indulserat, ita jam fractus & languidus dicebatur, ut Orientalis labore expeditionis cito absumendus videretur. Alii vero dicebant eum quartano incommodo, quo diu laboraverat, ita corruptum & tabidum, ut diu non posset in illo maxime tam grandi labore subsistere. Hujus rei argumentum esse indecentem quandam, quæ in eo apparebat, cum pallore faciei membrorum corpulentiam. Aiebant etiam quidam, quod plusquam centum in corpore haberet usturas pro evaporanda corruptione humorum. Tales de Rege per aures, & fere per ora omnium volitabant rumores: quibus utique fidem dabant indiscretæ atque immoderatæ ejus vel donationes, vel distractiones. & credebatur, tanquam cito se finiendum intelligens, minus de regno curare, quod ita vel scinderet, vel dissiparet. Verum quam subtili hæc astu vel fecerit, vel finxerit, ut omnium qui pecuniosi videbantur sacculos exhauriret, postea claruit. Mensibus autem aliquot in Anglia demoratus, regni administratione Cancellario suo, Episcopo scilicet Eliensi, relicta, ante Dominici natalis sollemnia ¹ Normanniam transfretavit. Succensebant ² ei fere omnes, quod Rex nobilis per-

1. In Normanniam *Edd. pr.* 2. Deest ei in *Edd. priorib.*

egre profecturus in regiones longinquas, minus solemmniter regnum proprium reliquerit : & remissio- rem quam oportuit ejus curam, cum egrederetur, habuerit, & quod homini peregrino obscuri nominis, & minus probatæ vel fidei, vel industriæ, absque consilio & voluntate Opti- matum, rerum summam crediderit. Utrum vero recte an secus in ' hiis Regiæ fuerit ordi- nationi derogatum, sequentis est temporis e- ventibus declaratum.

De quodam prodigio, quod eo tempore in aëre vi- sum est.

CAP. VI.

NEC silentio prætereundum est stupendum nimis terribileque prodigium: quod cir- ca hæc tempora in Anglia visum est à multis, qui usque nunc sunt testes ejus ad eos qui non viderunt. Est super stratam publicam, qua Lun- donias pergitur, vicus² haut ignobilis³ Dunsta- pla nuncupatus: ibi dum forte quidam hora post⁴ meridiana in coelum suspicerent, viderunt in sublimitate sereni aëris formam vexilli Do- minici lacteo candore conspicuam, & conjun- ctam ei formam hominis crucifixi, qualis in ec- clesia ad memoriam Dominicæ passionis & de-

1. His Edd. pr. 2. Haud Edd. pr. 3. Dunstapela Edd. pr. Cun- stapla tamen ad oram Ed. Pic. scilicet è vet. Cod. Sed metuo ne sit spha- ma pro Dunstapla. 4. Mediana MS. Pic. |

votionem

votionem fidelium pingitur. Stabant autem
¹ stupefacti, fixis rem mirabilem oculis intuentes. Quorum stuporem & erectos in cœlum vultus, plurimi strata publica gradientes mirati: ipsi quoque suspicere, & visa rei novitate pariter stupere cœperunt. Cum ergo terribilis hæc species ² diutiuscule appareret, & curiose intuentium vultus animosque suspenderet; visa est forma crucis ab eo, qui affixus videbatur, recedere, ut medium aëris spatium inter utrumque ³ notaretur, & paulo post res stupenda disparuit: sed causa stuporis sublata effectus remansit. Denique late vulgatum est verbum ⁴ istud, reique prodigiosæ rumor & stupor pariter ⁵ cucurrerunt. Interpretetur quisque ut voluerit signum mirabile, cujus utique didici simplex ⁶ esse narrator, non etiam ⁷ prælagus interpres. Quid enim divinitas eo significare voluerit, nescio.

Quid actum sit contra insolentiam Judæorum apud Linnam.

C A P. VII.

DUM igitur (ut supra dictum est) illustris Rex Anglorum Richardus regno, ut volebat, ⁸ disposito Normanniam transfretasset,

1. Stupefacti, genibus fixis rem mirabilem intuentes *Edd. pr. Monuit tamen Picardus in suo Cod. legi*, stupefacti, fixis rem miserabilem oculis intuentes. 2. Diutiuscule *Edd. pr.* 3. Moraretur *Edd. pr.* 4. Illud *Ed. Pic.* 5. Concurrerunt *Edd. pr.* 6. Narrator esse *Edd. pr.* 7. V. C. prælagii. *Pic.* 8. Disposito in Normanniam *Edd. pr.*
solemne

solemne cum Rege Francorum colloquium habuit: ubi ambo inter se mutuæ societatis jura firmantes, & germanam alterutrum compromittentes charitatem, Orientali se expeditioni cum viris nobilibus, qui signum Domini acceperant, fortius astrinxerunt, & tempus profectiois æstatem proximam statuerunt. Quibus solemniter actis, uterque se princeps pro sua¹ & negotii magnitudine præparabat. Sane dum hæc in Galliis agerentur, Christianorum adversus Judæos in Anglia zelus Lundoniis (ut dictum est) paulo ante accensus vehementer excanduit; non quidem sincere, id est, causa fidei tantum, sed eorum vel æmulando felicitatem, vel inhiando fortunis. Arbitrabantur audaces & cupidi obsequium se præstare Deo, dum spoliarent vel perderent homines Christo rebelles: & agebant sine ullo vel minimo conscientiae scrupulo, hilari furore propriæ cupiditatis negotium: Dei quidem justitia talia minime approbante, sed decenter ordinante: ut hoc modo gentis perfidæ coërceret insolentiam, & linguas frenaret blasphemias. Apud urbem, com meatu & commerciis nobilem,² quæ Linna dicitur, ubi ejusdem gentis plurimi³ habitabant, & sua multitudine, & opum magnitudine, & tuitione regia feroces, primus (ut accepimus) adversus eos motus est factus occasione hujusmodi. Cum forte quidam ex eorum supersti-

1. Deest & in Edd. priorib. 2. *Ad Isidis ripas.* P. 3. *Habitant Edd. pr.*

tione ad Christianam ¹ esset fidem conversus, ejus tanquam desertoris & prævaricatoris sanguinem sitientes, quærebant opportunitatem malitiæ consummandæ, raptisque quodam die armis aggressi sunt transeuntem: porro ille in Ecclesiam proximam se recepit. Nec quievire sævientes, sed pervicaci furore & impetu eandem Ecclesiam oppugnare coeperunt, ut effractis foribus profugum ad pœnam extraherent. Ingens eorum, qui erant in ² eadem Ecclesia, clamor attollitur. Christianum sonoris vocibus auxilium flagitatur. Clamor & fama Christianum populum accendunt. qui cominus erant, ad clamorem: & qui eminus, ad famam armati accurrunt. Et loci quidem incolæ propter metum regium remissius agebant: porro peregrini juvenes, quorum illuc multitudo negotiandi gratia venerat, superbos belligerantes fortius impetebant. Illi vero, dimissa oppugnatione ecclesiæ, cum Christianorum impetum ferre non possent, fugam inierunt. Cæsis in fuga nonnullis, domus eorum expugnatae atque expilatae à Christianis, flammis tandem ultricibus conflagrarunt: & eorundem plurimi hostilem, vel ignem, vel gladium cruentarunt. ³ Sequenti die superveniens quidam Judæus insignis medicus, qui & artis & modestiæ suæ gratia, Christianis quoque familiaris atque honorabilis fu-

1. Fidem esset conv. *Edd. pr.* 2. *Deest* eadem in *Edd. priorib.*
 3. *Sequente Edd. priores.*

erat, cædem fuorum paulo immoderatus deplo-
ravit, & quasi ultionem prophetans, spiran-
tem adhuc furorem instigavit. Quem mox
Christiani correptum, ultimam ibidem Judaicæ
vesaniæ victimam fecerunt. Peregrini juvenes
præda onusti, repetitis navibus, ne quam forte
à ministris regiis sustinerent quæstionem, cele-
riter abierunt. Loci vero incolæ, cum propter
hoc discuterentur à regiis, in peregrinos, qui
jam abierant, factum refuderunt.

*Quid actum sit contra Judæos apud Stanfordam, &
de ¹ quadam superstitione populi.*

C A P. VIII.

POST hæc apud ² Stanfordiam novi adver-
sus Judæos ³ turbinis motus surrexit. Cum
enim ibidem quadragesimali tempore solemnes
nundinæ agerentur, juvenum, qui signum domi-
nicum Jerosolymam profecturi susceperant, ex
diversis provinciis multitudo supervenit, indi-
gnans quod inimici crucis Christi ibidem habi-
tantes tam multa possiderent, cum ipsi ad tanti
itineris sumptus minus haberent, & ab eis tan-
quam injustis possessoribus extorquendum duxe-
runt, quod susceptæ peregrinationis necessariis
usibus applicarent. Arbitrantes itaque ⁴ obse-
quium se præstare Christo, si hostes ⁵ ejus im-

1. Deest quadam in Edd. priorib. 2. Stanforthiam MS. Pic.
3. Ita quoque MS. Pic. Antea, turbaminis. 4. Obsequium Deo se
præstare, si Edd. pr. 5. Sic etiam MS. Pic. Antea omitebatur ejus.

peterent quorum bonis inhiabant: audacter irruerunt in eos, nemine, vel ex loci incolis, vel ex ¹ hiis qui ad nundinas venerant, tantis se ausibus opponente, nonnullis vero ² etiam cooperantibus. Cæsi sunt aliquot ex Judæis, ceteri vero intra Castellum recepti ægre evaserunt. Expilatae sunt domus eorum, & magna vis pecuniæ capta. Prædones cum sui operis emolumento abierunt: nullusque eorum propter hoc studio disciplinæ publicæ sustinuit quæstionem. Quorum unus, Joannes nomine, audacissimus juvenis Hamtonam divertens, partem pecuniæ suæ deposuit apud quendam, à quo etiam ejusdem pecuniæ ambitu, occulte necatus est, corpusque ejus per noctem extra urbem projectum. Quo invento, & à quibusdam forte agnito, clandestinam iniit fugam avarus homicida. Mox somniantibus vetulis atque apparentibus ibidem fallacium signorum præstigiis, martyris illi meritum & gloriam simplices tribuerunt, sepulchrum ejus solemnibus excubiis honorantes. Fama excitum vulgus insipiens primo ex locis finitimis, ³ dehinc etiam ex diversis provinciis curiosa devotione confluebat, nullusque novi martyris cupiens vel intueri miracula, vel promereri suffragia, ad sepulchrum ejus vacuus veniebat. Ridebatur quidem hoc à prudentibus, sed tamen ⁴ gratum erat Clericis,

1. His *Edd. priores.* 2. *Deest etiam in Edd. priorib.* 3. *Abeest in MS. Pic.* 4. *Erat gratum Edd. pr.*

ex eadem superstitione provenientium gratia commodorum. Res defertur ad Episcopum eximiæ virtutis virum: qui accedens ad locum in spiritu fortitudinis, ¹ concinnata studio simplicium & cupidorum, falsi martyris insignia prophanavit, & superstitionem mortui hominis venerationem Pontificali auctoritate sub anathematis interpositione inhibuit. Sic pia & efficaci opera boni pastoris tota illa extincta est atque evanuit operatio spiritus illusoris.

Quæ acta ² sint contra Judæos Lincolnia & ³ Eboracæ.

CAP. IX.

LINCOLNIENSES vero audientes qualia circa Judæos agerentur, occasionem nacti, & animati exemplis, aliquid audendum duxerunt, & conglobati in cohabitantes Judæos motu subito exarserunt. Porro illi agnito fuorum ⁴ in locis diversis vel pavore vel exitio cautiore effecti, paucis discrimen expertis in munitiorem regiam cum pecuniis mature secesserunt. Itaque non multa re acta, sed multa per officiales regiones quæstione subsecuta, inanis ille motus cito quievit. Verum Eboracensibus non metus ferocissimi Principis, non vigor legum, non ratio, non humanitas obstitit, quo minus cohabitantium perfidorum generali exitio furorem

1. Continuata MS. Pic. 2. Sunt Edd. pr. 3. Eboraci Edd. pr.
4. Tò in omittit Ed. Pic.

proprium faturarent, atque in sua civitate totum illud genus abraderent. Quod nimirum quia valde memorabile est, pleniori ad posteros ¹ oportet relatu transmitti. Eboracensium igitur Judæorum (ut ² supra dictum est) primi fuere Benedictus & Jocus, homines locupletissimi & late foenerantes. Ædificaverant ³ autem in medio civitatis profusissimis sumptibus domos amplissimas, regalibus conferendas palatiis: ibique tanquam duo suæ gentis Principes, & Christianorum tyranni habitabant, cultu fastuque pene regio procedentes, & duram in eos, quos usuris opprefferant, tyrannidem exercentes. Qui cum essent Lundoniis in solemnitate unctionis regiæ: Benedictus (ut supra memoratum est) infelicissimum Dei judicio fortitus exitum, maledictus apparuit; Jocus vero ⁴ ægre ad tempus subductus discrimini, ⁵ Eboracam rediit. Et quoniam Princeps post turbinem Lundoniensem pro pace Judæorum legem posuerat, cum ceteris per Angliam Judæis juxta morem pristinum fiducialiter agebat. ⁶ Rege vero postmodum in partibus transmarinis constituto, conjurarunt adversus Judæos Eboracenses provinciales plurimi, eorum, cum ipsi egerent, ⁷ opulentiam non ferentes, & sine ullo Christianæ conscientiae scrupulo perfidum san-

1. Oportuit *Edd. pr.* 2. *Sup. c. 1. P.* 3. *Ante Edd. pr.* 4. *Egre-gie Edd. pr.* 5. *Eboracum Edd. pr.* 6. *Sic etiam MS. Pic. Antea,* Rex vero postmodum cum esset in partibus transmarinis constitutus: conjurarunt &c. 7. *Non ferentes opulentiam Edd. pr.*

guinem prædarum cupidine fitientes. ¹ Hiis auctores ad audendum fuere quidam nobiliores impiis foeneratoribus in multam summam debitores; quorum nonnulli cum pro accepta pecunia prædia illis propria apposuissent, grandi inopia premebantur: quidam vero cautionibus propriis obligati, ad satisfaciendum regiis foeneratoribus à fisci exactoribus urgebantur. Quidam etiam ex illis qui signum dominicum acceperant, jamque in procinctu Jerosolymitanæ profectionis erant, tanto facilius impelli potuere, ut ex præda hostium Domini suscepti pro Domino itineris sumptus juvent, quanto minus propter hoc quæstionem aliquam arrepto jam itinere formidarent. Cumque urbis pars non modica nocte intempesta, vel fortuito, vel potius (ut creditur) à conjuratis immisso conflagravisset incendio, scilicet ut occupatis circa ædes proprias, propter ignis periculum, civibus, impedimentum non esset prædantibus: armata conjuratorum manus domum dicti Benedicti Lundoniis (ut supra memoratum est) infeliciter mortui, in qua uxor ejus & filii cum aliis pluribus habitabant, vi magna & ferramentis ad hoc præparatis irrupit, cæsisque omnibus qui in ea erant, ignem quoque tectis immisit. Et dum morose vires incendium fumeret, corrasis opibus ardentem domum relinquere, & in suum, tenebrarum beneficio, se-

1. His Edd. priores.

cretum onusti se recepere prædones. Quo casu confternati Judæi, & maxime clarior ceteris Jocus, arcis regiæ custode exorato & connivente, in eandem pecuniarum suarum ingentia pondera tanquam gazas regias convexere, & vigilantiorum de cetero fuimet cautelam habuere. Post dies vero aliquot nocturni illi prædones cum majori fiducia atque ferocia redeunt, & aggregatis sibi plurimis domum Joci, constructionis magnitudine & firmitate arces non ignobiles æmulantem, fortiter oppugnantes, tandem captam expilatamque incendunt, cunctis, quos in ea sinister casus offenderat, flamma ferrove absumptis. Jocus ¹ enim paulo ante hoc malum caute præfagiens: cum uxore & filiis in arcem ² migraverat. Similiter & ceteri Judæi, paucis ad victimam foris remanentibus. Prædonibus autem cum tanti ausus emolumento dilapsis, facto mane vulgus promiscuum irruit, diripuitque in diversis speciebus & multiplici supellectile prædonum ignisque reliquias. Tunc demum qui Judæos prius invisos habuerant, cum conjuratis, ³ nullo publici vigoris respectu habito, manifeste & profusa licentia in eos debacchari cœperunt, nec eorum substantiis jam contenti, cunctis extra arcem inventis aut sacri baptismatis, aut extremi discriminis optionem dederunt. Denique bapti-

1. Autem *Edd. priores.* 2. Migravit *Edd. priores.* 3. Ita quoque *MS. Pic. Antea, multo pro nullo.*

zati nonnulli, fiste se, ut mortem evaderent, Christianis aggregarunt: sine misericordia vero trucidati sunt qui sacramentum vitæ vel fiste recipere detractarunt. Dum hæc agerentur, multitudo, quæ in arcem confugerat, in tuto agere videbatur. Porro arcis præpositus ad quoddam forte negotium egressus, cum regredi vellet, à multitudine intus excubante, incerta jam cui se crederet, non est admissus: ne forte & ejus circa se fides nutaret, & corruptus quos tuendos susceperat, hostibus exponeret. Ille vero provinciæ Præsidentem, qui forte tunc ob regia negotia cum frequentia ¹ provincialium militum aderat, confestim adiit, commissæ sibi arcis à Judæis fraudatum se custodia conquereus. Indignatus Præsides contra Judæos ² infremuit, illis maxime, qui conjurationis auctores extiterant, eum inflammantibus, & meticolosam illam miserorum cautelam superbam esse turris regiæ occupationem, atque in Domini Regis injuriam hoc ipsum redundare allegantibus. Cumque multi homines perfidos modis omnibus impetendos, arcemque illis regiam extorquendam, decernerent, jussit Præsides convocari populum arcemque oppugnari. Excurrit irrevocabile verbum, plebis Christianæ zelus accenditur, immensæ armatorum tam ex urbe,

1. Provincialium aderat, statim adiit *Edd. pr.* *Monuit tamen Picardus in suo etiam MS. confestim pro statim legi.* 2. Fremuit *Edd. priores.*

quam

quam ex provincia circa arcem glomerantur catervæ. Tum Præses, jussionis poenitentia stimulatus, frustra conatus revocare sententiam, arcis oppugnationem voluit inhibere: sed accensos semel animos, quo minus ¹ prosequerentur inceptum, nullo rationis vel auctoritatis pondere valuit cohibere. Sane urbis nobilitas & cives graviores, ² motus regii periculum formidantes, tantam vecordiam caute declinarunt. Porro omne genus opificum, atque universa juvenus urbana cum plurima provincialium turba, & militaribus viris non paucis, cum tanta alacritate aderat, instabatque cruento negotio, tanquam singuli proprium maximumque compendium quærerent. Clerici quoque plures non deerant, inter quos etiam quidam eremita ceteris ferventior videbatur. Par omnes zelus accenderat, arbitantes grande se obsequium præstare Deo, si gentem Christo rebellem abraderent; dum ad illud Davidicum, immo Dominicum, quod utique in persona salvatoris dicitur, cæcato animo caligarent: ³ *Deus ostendit mihi super inimicos meos, ne occidas eos, nequando obliviscantur populi mei.* Quippe eadem Christianæ utilitatis ratione perfidus Judæus Domini Christi crucifixor inter Christianos vivere finitur, qua & forma crucis Dominicæ in Christi

1. Persequerentur *Edd. pr.* 2. Metus *Edd. pr.* 3. *Psal. 58. Sic D. Bernard. epist. 322. & 323. & Genebr. in hunc locum Davidis, & Chron. l. 4. pag. 618. Pic.*

ecclesia pingitur, ad continuandam scilicet cunctis fidelibus saluberrimam Dominicæ passionis memoriam, cum tamen in Judæo impiam ' execramur actionem, in sacra vero forma illa divinam devotione debita veneremur dignationem. Itaque Judæi inter Christianos debent quidem pro utilitate nostra vivere, sed pro sua iniquitate fervire. Porro Judæi in Anglia sub Rege Henrico secundo consistentes, ordine præpostero super Christianos felices & inclyti fuerant, & ex multa felicitate impudentius tumendo contra Christum plurima Christianis gravamina irrogarant: propterea diebus novi Principis vitæ, quam de Christi habebant clementia, ² justo ejus judicio periculum pertulerunt, cujus tamen judicii ordine pulcherrimo nequaquam excusantur, qui motu incondito cladem illis intulerunt.

De exitio Judæorum apud ³ Eboracam.

C A P. X.

IGITUR Judæi obsidebantur in turri regia; deeratque obsessis sufficiens escarum apparatus, sola procul dubio inedia mature expugnandis, etiam si nemo foris urgeret. Sed nec sufficientem, sive pro sui tutela, sive ad hostes propulsandos armaturam habebant: quos nimirum

1. Execremur *Edd. pr.* 2. Sic etiam *MS. Pic.* Antea omittebatur, justo. 3. Eboracum *Edd. pr.*

imminentes faxis tantummodo interiori muro detractis arcebant. Oppugnatur turris fortiter per dies aliquot, & tandem paratæ admoventur machinæ. Urgebat ¹ opus funestum præ multis aliis memoratus ille, ex canonico Præmonstratensi, Heremita; qui fama excitus nuper in urbem venerat, arcemque oppugnantibus in veste alba ² sedulus aderat, hostes Christi proterendos sæpius cum clamore valido repetens, & ³ suæ quoque cooperationis exemplo bellatores accendens. Dicitur autem, quod diebus obsidionis processurus ad opus cruentum, hostiam incruentam (erat enim sacerdos) mane immolaverit; in tantum sibi cæcata mente persuaserat, quod ⁴ & aliis persuadere nitebatur, religiosum scilicet esse negotium quod agebatur. Cumque admoventur machinæ, ferventi animo cooperabatur pro viribus. Unde factum est, ut ⁵ incautius muro appropians, saxum grande desuper veniens non caveret. Denique conquassatus procubuit, & sublatus continuo expiravit. Declaratumque est, quod ratione ⁶ vel professionis, vel ordinis, major in eo petulantis facti reatus ⁷ extiterit, quem solum ex

1. Ita quoque MS. Pic. *Antea*, opus furens tum præ &c. 2. Sic etiam MS. Pic. *Antea*, seclusus pro sedulus. 3. Suo MS. Pic. 4. Deest & in Edd. priorib. 5. Incautius appropinquans muro, saxum Edd. pr. Rectissime appropians. Vide supra l. III. c. 19. 6. Desunt vel professionis in Ed. Pic. 7. Post hoc verbum extiterit desunt omnia in Cod. nostro usque ad quam insignium fiducia hospitem &c. in c. XII. Quæ sequuntur proinde supplevimus ex optimo Codice Archiepiscopi Cant. Lamethæ. Twyddenus.

nostris ibidem infelicitè occumbere contigit. Admotis itaque machinis certa erat turris expugnatio; nec jam erat ambiguum horam obfessis imminere fatalem. Nocte vero sequenti quievè oppugnantes, vicinæ victoriæ certitudine hilares. Porro Judæi sola jam desperatione fortes & rigidi, requiem minime habuere, tractantes inter se, quid in tali articulo esset agendum. Erat autem ibi senior quidam, juxta litteram, quæ occidit, famosissimus legis doctor, qui ad docendos Judæos Anglicanos (ut dicitur) ex partibus venerat transmarinis. Hic¹ erat honorabilis omnibus, & tanquam uni ex prophetis obtemperabatur ei ab omnibus. Cum ergo ab eo consilium pro tempore quæreretur, respondit: Deus, cui dici non debet, cur ita facis? jubet nos pro lege sua mori modo. Et ecce² nostra mors in januis est, sicut videtis: nisi forte (quod absit) pro brevitate vitæ hujus facram legem deferendam putetis, atque eligatis, quod bonis & virilibus animis omni morte est durius: de misericordia scilicet impiorum hostium, cum summo dedecore³ apostatice vivere. Cum ergo mortem gloriosam vitæ turpissimæ præponere debeamus, honestissimum plane atque facillimum mortis genus eligendum est. Nam si inciderimus in manus hostiles, pro eorum arbitrio cum ludibrio moriemur. Itaque vitam, quam nobis creator dedit, cum eam

1. *Deest erat in MS.* 2. *Mors nostra Edd. pr.* 3. *Apostate MS.*

ipse jam repetat, propriis illi manibus sponte & devote reddamus, nec ad reddendum quod repetit, ministerium crudelitatis expectemus hostilis. Hoc enim multi nostrorum in diversis tribulationibus laudabiliter fecisse noscuntur, formam nobis decentissimæ electionis præstru-
 entes. ¹ Hoc cum dixisset, exitiale consilium amplexi sunt plurimi: quibusdam vero durus visus est hic sermo. Tunc senior, quibus, inquit, consilium tam bonum piumque non placet, sedeant seorsum, ab hoc sancto præcisi collegio: nobis enim præ charitate legis paternæ vita hæc temporalis jam viluit. Secefferunt igitur plurimi, hostium potius clementiam experiri, quam hoc modo interire cum sociis eligentes. Mox ad arbitrium insanissimi senioris, ne suis opibus hostes ditarentur, vestes pretiosas in conspectu omnium ignis ² absumpsit, vasa vero concupiscibilia, & cetera, ³ quæ non poterant per ignem transire, artificiosa invidia pendenda repositione damnavit. Quibus actis & igne tectis immisso, qui in solidiori materia, dum res horrenda fieret, morose nutrire-
 tur, eorum quoque, qui ab eis vitæ amore secefferant, ⁴ vitam correpturus, jugulos ad victimam præparabant. Dictante vero inveterato illo

1. Hæc *Edd. pr.* 2. Assumpsit *MS.* 3. Sic cum *MS.* *Antea omittabatur, non. Et quidem sciendum est (notante doctissimo Twysdeno) particulam hanc insertam fuisse inter lineas post libri compositionem.* 4. Vitam juxta correpturus, *Edd. pr.*

¹ dierum ² malorum, ut viri, quibus constantior esset animus, propriis uxoribus atque pignoribus vitam adimerent: famosissimus ille Joceus, Annæ uxori charissimæ, cultro ³ præacuto guttur incidit, & propriis quoque filiis non pepercit. Cumque hoc & ab aliis viris factum esset, infelicissimus ⁴ ille senior Joceum, eo quod ⁵ esset honorabilior ceteris, jugulavit. Absumptis mox omnibus una cum magistro erroris, immisso (ut dictum est) à morituris igne, interiora turris ardere cœperunt. Qui vero vitam elegerant, incendio à suis, ut & ipsi vel inviti commorerentur, concinnato, prout poterant resistebant, quædam scilicet sibi turris defendentes extrema, in quibus minime urerentur. Stupendus plane irrationalis ille rationalium in semetipsum furor. Verum qui Josephi de Judæico bello ⁶ legit historiam, satis intelligit ab antiqua Judæorum superstitione, cum forte tristior casus incumberet, illam nostri temporis manasse vesaniam. Mane autem factò cum populus frequens ad expugnandam arcem concurreret, miseræ illæ Judæorum reliquiæ stantes ad propugnacula nocturnam suorum cladem voce lacrimabili declararunt, & ad oculatam tanti piaculi fidem extincta cadavera muro devolventes, talia proclamarunt: *En corpora infelicium,*

1. Sic etiam MS. Pic. *Anrea*, diem. 2. *Respexit auctor ad illud Dan. l. 13.* inveterate dierum malorum. Pic. 3. Ita quoque MS. Pic. *Anrea* omitebatur præacuto. 4. *Deest ille in Edd. priorib.* 5. Honorabilior esset Edd. pr. 6. *Præcipue l. 6. & 7. P.*

qui mortem sibi furore nefario conciverunt: & ut nos idem facere detrectantes, ¹ Christianamque potius clementiam experiri volentes, vivos incenderent, ignem interioribus turris hujus morientes immiserunt. Sed servavit nos Deus & à fratrum nostrorum vesania, & ab ignis periculo, ut à vobis ulterius in religione minime discrepemus. Vexatione enim dante intellectum Christianam cognoscimus veritatem, & requirimus charitatem, parati, quod à nobis soletis exigere, sacro Baptismate ablui: & pristinis ritibus abdicatis, ecclesiae Christi ² uniri. Suscipite ³ fratres pro hostibus, ut una vobiscum in Christi fide & pace vivamus. Talia illis lacrimose loquentibus nostrorum plurimi & extinctorum vesaniam cum ingenti stupore horrebant, & ⁴ cladi reliquos miserabantur. At conjuratorum Principes, è quibus erat quidam Richardus, vero agnomine Mala bestia, homo audacissimus, nulla super miseris illis misericordia movebantur. Mitia tamen cum eis in dolo loquentes, & speratam gratiam sub fidei testificatione pollicentes, ut egredi minime vererentur: mox ut egressi sunt, hostiliter comprehensos, & Baptismum Christi constanter postulantes, lanistæ crudelissimi peremerunt. Et de his quidem, quos ita plusquam belluina illa confecit immanitas, incunctanter dixerim, quia si in petitione sacri Baptismatis fictio defuit, ejus nequaquam effectum fraudatos

1. Christianique *Ed. Pic.* 2. Unire *MS.* 3. Fratres ex hostibus *Edd. pr.* 4. Cladis reliquorum *Edd. pr.*

sanguis proprius baptizavit. Sive autem ficte, sive non ficte, sacrum petierunt lavacrum, inexcusabilis est execranda illa crudelitas lanistarum. Quorum procul dubio primum scelus est, quod ordinatam potestatem non habentes, humanum (quasi aquam) sanguinem effundere præsumpserunt: secundum, quod livore magis malitiæ quam zelo justitiæ sævierunt: tertium, quod Christianam gratiam petentibus inviderunt: quartum, quod miseros ut egrederentur ad victimam mentiendo fefellerunt. Horrenda plane & foeda tunc rerum erat facies in urbe, & circa arcem passim jacentibus tot miserorum cadaveribus inhumatis. Cæde vero completa, conjurati continuo Cathedralem ecclesiam adeuntes, monumenta debitorum, quibus Christiani premebantur, à Judæis fœeneratoribus regiis ibidem repofita, ab exterritis custodibus violenta instantia resignari fecerunt, & tam pro sua, quam pro aliorum multorum liberatione eadem profanæ avaritiæ instrumenta in medio ecclesiæ flammis solemnibus absumpserunt. Quibus actis, illi ex conjuratis, qui signum Domini acceperant, ante omnem quæstionem iter propositum arripuerunt: ceteri vero in provincia sub quæstionis formidine remanserunt. Sane tempore Dominicæ passionis, pridie scilicet ante Dominicam Palmarum, talia ¹ Eboracæ contigerunt.

1. Eboraci *Edd. priores.*

De ira Regis in interfectores Judæorum.

CAP. XI.

RES¹ Eboracæ acta mature trans mare defertur ad Principem: qui Judæis post motum Lundoniensem, pacem & securitatem in regno suo lege sanciverat. Indignatur & fremit, tum pro læsione Regiæ majestatis, tum pro tam magna fisci jactura. Fisco enim competit, quidquid Judæi, quos fœneratores constat esse regios, in bonis habere videntur. Mox dato mandato ad Eliensem Episcopum, Cancellarium scilicet Regium, & regni præpositum, ut tanti ausus patratio condigna plecteretur vindicta: idem Episcopus, homo ferocis animi & gloriæ cupidus, circa Dominicæ Ascensionis solemnia² Eboracam civitatem cum exercitu adiit, &³ formidissimam civibus intulit quæstionem. Porro principales & famosi rerum gestarum auctores, relictis omnibus quæ habebant in provincia, à facie ejus transfugerunt in Scotiam. Civibus vero constanter proclamantibus, ea, de quibus invidiam sustinebant, suo neque voto, neque consilio, vel opere accidisse, neque per suam mediocritatem effrenatum indisciplinatæ multitudinis impetum impediri potuisse: tandem Cancellarius, multa

1. Sic etiam MS. Pic. *Antea*, Eboraci. 2. Ita quoque MS. Pic. *Antea*, Eboracum. 3. Fortissimam civitatem Edd. pr.

pecuniaria singulis juxta modum fortunarum imposita, satisfactionem, ne severius plecterentur, accepit. Vulgus autem promiscuum & infinitum, cujus zelus inconditus dirum illud maxime patrarat negotium, in judicium vocari, aut discuti minime potuit. Itaque Cancellarius, amoto illo qui provinciæ administrationem habuerat, cum non posset efficacius de jure mandatum exequi regium, abiit incruentus, nec¹ usque ad hunc diem pro illo Judæorum exitio aliquis supplicio est addictus.

*Quomodo Reges venerunt in Siciliam, & quomodo
Rex Anglorum expugnavit Messanam.*

CAP. XII.

SEQUENTI æstate anno à partu Virginis
M. C. nonagesimo, illustres Francorum & 1190.
Anglorum Reges iter Jerosolymitanæ profecti-
onis ingressi, cum apparatu congruo, & exer-
citu copioso convenerunt Massiliam; factaque
ibidem mora necessaria, Rex quidem Franco-
rum autumnali tempore prior cum suis copiis
secundis² flatibus navigavit Siciliam, Rex vero
Anglorum post discessum Regis Francorum die-
bus aliquot Massiliæ demoratus, tandem classe
soluta, cum parente sibi exercitu mari se cre-
didit, flabrisque arridentibus in insulam ean-
dem devenit. Verum qui prior advenerat,

1. Vide Notas. 2. Flatibus in Siciliam navigavit Edd. pr.

Messanam urbem clarissimam, cum gaudio exceptus à civibus, ad hiemandum elegit. Sequens vero, expositis copiis propter ejusdem urbis amplitudinem, & multimodam opportunitatem, ipse quoque ibidem socialiter hiemare voluit. Cumque hujus rei gratia quosdam ex suis præmisisset, cives unius ad se Regis ingressu contenti, & duorum regum magnorum gravari hospitio renuentes, præmissos à superveniente, paucis eorum in tumultu extinctis, cum contumelia urbe extruserunt. Motus super hoc Rex Anglorum, à Messanenensibus, utrum de illata injuria satisfacere dignarentur, duxit querendum. Illis vero, tam propriarum conscientia virium, ¹ quam insignium fiducia hospitum superbe detrectantibus satisfactionem, accensus est Princeps ferocissimus ad ultionem. Itaque armari copias, urbemque oppugnari præcepit. Cumque in hoc opere suos non tantum urgeret imperio, verum etiam animaret exemplo; urbem aliquamdiu à civibus simul ² & Francis fortiter defensam tandem potenter irrupit. Quam paucis suorum amissis victor ingressus, decentem tamen in ultione modum tenuit, & motum animi triumphalis gloriæ voluptate mollivit. Civium ergo vel fera satisfactione, & coacta devotione placatus, frenavit impetum,

1. *Hic iterum incipit MS. quem mox post hæc verba (cap. X.) extiterit, quem solum &c. desuere diximus.* Twysdenus. 2. Et à Francis *Edd. priores.*

& minas remisit. Moxque pro reverentia Regis Francorum urbe egressus, ejusdem illi & suis libenter cessit hospitium: ipse vero munitione extra urbem constructa castrisque dispositis, ibidem cum suis copiis in ¹ omni rerum copia hiemavit. Porro Rex Francorum urbis hospitæ irruptionem ad suam trahens injuriam, & pro nihilo ducens indulti hospitii gratiam, implacabilem contra Regem Anglorum concepit totisque imbibit medullis rancorem: qui nimirum occultatus pro tempore, erupit suo tempore, claruitque orbi terrarum, ut suo loco narrabitur. Sane Regibus in Sicilia hiemantibus, ex plurimis quoque regionibus ingentia vernum tempus cum desiderio præstolantium agmina in Dalmatia, Histria, Venetia, sub caractere dominico hiemabant.

De expeditione Teutonica, & morte Imperatoris.

C A P. XIII.

INTEREA Fredericus Imperator Teutonicus, qui anno præterito, ² hoc est, à partu Virginis M.C.LXXXIX. cum ³ filio Suevorum Duce, 1189. & germanicis copiis iter fuerat (ut superius dictum est) Jerosolymitanum ingressus, lento propter obstacula plurima gradu per superiores

1. Omnium Edd. pr. 2. Ita quoque MS. Pic. *Ansea* omittuntur, hoc est, à p. V. M.C. LXXXIX. 3. Filio suorum Duce Ed. *Anro. mendoſe.*

ducebat regiones exercitum. Prætergressus enim Pannonias, & progressus ad Imperatoris Constantinopolitani provincias, cum ejusdem Christiani Principis in negotio Christianissimo favorem optaret, eum paulo secus quam Saladinum invenit. Denique Græcus ille (nam Græci cum sint Christiani, non secus immo plerumque etiam ferocius quam Sarracenos abominari Latinos noscuntur:) Græcus inquam ille (ut dicitur) post captam Jerosolymam fœdus cum atrocissimo Christiani nominis hoste Saladino pepigerat, pollicens quod in terra vel mari ditionis suæ Latinorum in Syriam transitum inhiheret. Cumque imperator Latinus à Græco, Christianus scilicet à Christiano, per nuncios peteret, quod olim Israël sub Moyse¹ petierat à Seon Rege Amoræo: ² *obsecro te, inquit, ut transire mihi liceat per terram³ tuam: non declinabimus in agros & vineas: via regia gradiemur, donec transeamus terminos tuos:* Græcus ille impio Regi⁴ in hac parte simillimus, & Saladino quam Christo fidelior, concedere noluit, ut Christianus exercitus simpliciter transiret per fines suos. ⁵ *Quamobrem Latinus imperator ad suos: hostem, inquit, Christi Saladinum querimus, & ecce par Saladino, vel potius plus*

1. Petierat ab Edom Rege Amoræo Edd. pr. 2. Numeror. 20. P.
3. Tuam: & cetera: Græcus tantummodo in Edd. priorib. Et tamen fatetur Picardus suum etiam Cod. locum integrum habere. 4. Sic etiam MS. Pic. Antea mittebantur in hac parte. 5. Desunt quamobrem Latinus imperator ad suos in Ed. Pic.

quam

*quam Saladinus hic : qui zelando pro Saladino, zelantibus pro Christo palam obsistit. In ipsum ergo arma contra Saladinum sumpta vertamus : ferro nobis viam aperientes, cum aliter nequeamus. Placuit hoc omnibus, ingressique hostiliter terram ditionis Constantinopolitanæ, Thessalonicam urbem nobilissimam fortiter expugnatam ceperunt : & redacta in potestatem adjacente provincia, ibidem hiemandum duxerunt. Sane Christianorum, qui arma sumplerant contra Paganos, hunc motum & impetum contra Christianos, licet minus fraterne agentes, approbandum nequaquam censuerim : sicut nec illud, quod Christiani Christianis innoxium concedere transitum noluerunt. Denique hoc antiquis, & de lege sacra sumptis ² probatur exemplis. Israëliticus sub Moyse populus in transitu innoxii petitione à Rege Amorrhæo, ut dictum est, repulsam passus, in eundem, jubente Domino, irruit, & terram ejus possedit. Hoc forte Imperator ille noster cum suis exemplum attendens, pro negato transitu Græci Imperatoris terram invasit, cum aliud potius (ut credo) attendere debuisset. Scriptum quippe est : *Misit nuncios Moyses ad Regem Edom, qui dicerent : Hæc mandat frater tuus Israël. Obsecramus ut nobis transire li-**

1. Resistit Edd. priores. 2. Ita quoque MS. Pic. nisi quod ab Amorrhæo, ut est dictum, pro à Rege Amorrhæo, ut dictum est ; & quod forte pro hoc forte habeat. Antea, probatur exemplis. Quod forte &c. omiſſis intermediis.

*ceat*¹ *per terram tuam. Non ibimus per agros, nec per vineas, sed gradiemur via publica, nec ad dexteram nec ad sinistram declinantes, donec transeamus terminos tuos. Cui respondit Edom: Non transibitis per me. Dixeruntque filii Israël:*² *Per tritam gradiemur viam: & si biberimus aquas tuas, dabimus quod iustum est. Nulla erit in pretio difficultas, tantum velociter transeamus. At ille respondit, non transibitis. Quamobrem divertit ab eo Israël.* Ecce filii Israël sub magno propheta Moyse agentes, à fratribus suis filiis Esau, in simplicis transitus modestissima petitione repulsam bis passi,³ nec tamen tanto excessu fraterno ad ultionem vel transitum ferro parandum impulsī, sapienter, & tanquam immemores injuriæ, ab ingratis fratribus diverterunt. Postea vero ab⁴ Amorræo, qui non erat de genere Abrahæ, in re non dissimili unam passi tantum repulsam: in ultionem justissimam, jubente & favente domino, exarserunt. Consuetius igitur Imperator Christianus fecisset, si ab inofficioso, sed tamen Christiano, Imperatore divertens, alium in Syriam transitum, licet cum multa laboris & sumptuum jactura, quæsisset, quod utique sequens declaravit eventus. Videns autem Græcus Imperator,⁵ non parum contra se actum à Latinis, & ex hoc tanquam modico ferociæ eorum

1. Per terram tuam, & cetera. Cui respondit *tantummodo* in Edd. priorib. 2. Per terram gradiemur vestram: & si biberimus Edd. pr. 3. Nec cum tanto Edd. pr. 4. Amoreo Edd. pr. 5. Ita quoque MS. Pic. Antea omitebatur, non parum.

gustu duriora, nisi præcaveret, conjectans, fœdus cum Imperatore nostro pepigit: & concessio transitu qui petebatur, de sumptibus quoque moræ, quam propter inhibitum fecerat transitum, ei dictante justitia satisfecit. Itaque Latinus Imperator cum exercitu per Constantinopolim transiens, fretum quod brachium sancti Georgii dicitur, prospere transmeavit. ¹ Veniensque in Asiam Minorem, cujus pars quædam Constantinopolitanæ ditionis est, parti vero reliquæ Soldanus Iconii præsidet, magnis actibus ipsi Soldano Turcisque jam erat terribilis. Unde idem Soldanus, licet esset magnus & potens, arte tamen magis quam experientia virium ² imminens impetum frangere studuit, de suscipienda (ut dicitur) Christianitate, simulatione callida cum eo agens, & pia simplicitate credulum per frequentes nuncios ambagibus longis suspendens. Cum ergo gentilis astutia suis præstigiis ita nostros deluderet, capta paulo ante amplissima civitate Iconio, & locupletissima præda direpta, Christianus exercitus imperatoria provisione bipertitus, in castris excubabat, amne medio interlabente discretis. Et parte quidem exercitus filio, Suevorum duci, commissa, parti vero reliquæ ipse Imperator sollicitudinem ³ debitam impendebat: cum repente virum tantæ claritatis occulto Dei judi-

1. Veniens in Asiam *Edd. pr.* 2. Imminentem *Edd. pr.* 3. Debitum *Ed. Antv. barbare.*

cio tristissimus (& quem nemo vereri poterat) mundo ¹ casus ademit. Cum ² equo sedens, filium visendi & alloquendi studio, cum paucis amnem vellet medium transmeare, dissuasus à comitibus, ne se vir tantus petulanter in ³ amnem daret incognitum, extrema eum forte urgente non adquievit, sed imperialis oblitus gravitatis, in gurgitem, fallaci brevitate contemptibilem, equo stimulado profiliens, intuentibus comitibus, nec subvenire valentibus, in momento suffocatus interiit. Quidam autem dicunt ⁴, quod in æstu, refrigerii vel lavacri gratia, incautius in flumen descenderit, & subito ab aquis imperialis reverentiæ nesciis absorptus fit. Sed si hoc verum sit, si illud: constat quod in illo flumine modico intraverunt aquæ usque ad animam ejus. O abyssus multa judiciorum Dei! vir tantus, & qui divino quodam fervore, relictis deliciis opibusque imperii, mille se exposuerat propter Christum periculis, tam subito miseroque casu absumitur. Peccatum tamen ejus tantum & tale elucet, quod forte in Imperialibus non potuerit deliciis expiari, atque ideo oportuerit, ne æternaliter plecteretur, pia divinitatis provisione in hac vita severius castigari. Siquidem nefarii schismatis sub venerabili Papa Alexandro principalis ⁵ fautor exti-

1. Occasus *Edd. pr.* 2. Enim *inserit MS. Pic.* 3. *Dictum Selefu à Radulfo Cogesb. in Chron. Abb. Usp. Serram. Pic.* 4. *Sic Usp. sup. P.* 5. *V. C. factor. sed reperatur c. 9. l. 2. sup. Pic.*

terat,

terat, & pacis ecclesiasticæ per imperialem potentiam multo tempore perturbator. Tandem vero perspicue dans palmam veritati, minus tamen in deliciis palatii piaculare malum defleverat. Porro ne propter hoc gravia post mortem supplicia lueret, sed potius tam grande malum momentaneæ mortis casus ¹ acerbior perfecte dilueret: illa insigni devotione, ² qua propter Christum relicto imperio tantis se immerfit periculis, actum credo. Sane exercitus Christianus ita stupuit doluitque de raptu Principis, ut collapsis animis matura immanissimorum præda hostium fore videretur. Verum, resumpto paulisper spiritu, loco extincti patris, præsentis Suevorum Duci adhæsit & paruit. Qui, paterni corporis (quod post casus infelicissimi dies aliquot ægre inventum ereptumque aquis dicitur) ossibus assumptis, in multo laborum & periculorum experimento cum exercitu progressus est. Denique tantus exercitus per viam ³ longissimam paulatim bellis morbisque confectus atque imminutus, ita tandem laboris intolerantia sumptuumque penuria elanguit atque defluxit, ut nulla re memorabili facta contemptibiles ex eo ⁴ reliquiæ Palestinam cum Duce memorato venisse dicantur. Qui, paternis ossibus apud Tyrum cum decenti honore

1. Ita quoque MS. Pic. *Antea*, acerbus. 2. Quapropter (*unica ditione*) Edd. pr. 3. Longissimam morbis bellisque confectus Edd. pr. 4. Reliquiæ in Palestinam Edd. pr.

sepultis, militiæ Christianæ, quæ Acram obfidebat, cum omni comitatu adjunctus, ibidem post modicum morbo defecit. Hunc finem occulto Dei judicio habuisse noscitur famosa ¹ illa Teutonici Imperatoris expeditio.

De insolentia & fastu Cancellarii post Regis profectionem.

C A P. XIV.

REFLECTENDUS nunc ab Oriente in nostrum Occidentem videtur sermonis procurfus: atque exponendum, qualis regni Anglici in Regis absentia status extiterit. Idem Rex, ut superius dictum est, ad Orientalem egrediens expeditionem, Eliensi Episcopo Cancellario suo vices suas in administratione regni commiserat, cum ejusdem regni offibus, id est, munitionibus regiis. Qui Episcopus, cum esset audaciæ astutiæque pene singularis, gravi summa Romam transmissa vices quoque sedis Apostolicæ petiit: & tali intercessione facile impetravit. Quod astute dissimulans, tanquam pro regni negotiis convocavit Episcopos & regni majores, ingerensque incautis indultæ sibi legationis instrumentum, cum fastu solemnî sedis ² se Apostolicæ legatum ostentavit, multis quidem ægre ferentibus, sed obsistere nequaquam valentibus. Denique ³ ut ad summum evectus

1. Vide Notas. 2. Deeſt ſe in Edd. priorib 3. Cum pro ut in Edd. pr.

videretur, & tam regno quam ecclesiæ conspicuus apparens, æmulantium oculis dolorem injiceret: generale ex Anglia Concilium, terrore maximo Lundoniis congregatum, quanto gloriosius tanto & vanius celebravit, sub specie scilicet religionis, & obtentu quasi ecclesiasticæ utilitatis, agens propriæ negotium vanitatis. Quod utique tanto fortius tutiusque agebat, quanto Metropolitanis non extantibus infirmior rem contra se Episcoporum æmulationem vel indignationem videbat. Quippe sedes Eboracensis fere jam per decennium vacaverat, & novus ejusdem sedis electus in transmarinis partibus constitutus, ipso impediante nondum canonicæ poterat consecrationis munus promereri. Porro Cantuariensis Archiepiscopus, qui juxta sedis propriæ prærogativam Apostolicis in Anglia vicibus præditus, signum Domini sub Rege Henrico susceperat, & post coronationem Regis Richardi juxta devotionis suæ debitum in partes abierat Orientis, Tyrum deveniens, ante Regum adventum ibidem hominem exiit. Itaque homo ille sublato omni obstaculo, quo minus ambularet in magnis & mirabilibus super se, fretus duplici, id est, Apostolica simul & regia, potestate, Clero pariter & populo arrogantissime præsidebat. Et sicut de quodam scriptum² est, quod utraque manu utebatur pro

1. Regium Edd. pr. 2. Videur esse *Asteropæus*, de quo *Hadr. Jun. Adag. Cent. 8.* & *Brassician. in Proverb. Symm.* imo *Aioth filius Gera*, de quo *Bib. Jud 3. Pic.*

dextera, sic & ille ad faciliorem molitionum suarum efficaciam utraque potestate utebatur pro altera. Ad cogendos quippe vel ¹coërcendos potentes laicos, si quid forte ex seculari potentia minus poterat, Apostolicæ idipsum potestatis censura supplebat. Si autem ex Clero forte quisquam voluntati ejus obfisteret, hunc proculdubio frustra pro se secundum canones allegantem, seculari oppressum potentia coërcibat. ² Nec erat qui se ³absconderet à calore ejus: cum & secularis in eo virgam, vel gladium Apostolicæ potestatis timeret; & ecclesiasticus nulla se ratione vel auctoritate contra ⁴imminentiam regiam tueri valeret. Denique de potestate in immensum glorians, ut ⁵& Metropolitane ecclesiæ, quæ adhuc ejus videbantur aspernari excellentiam, experirentur potentiam, ad utramque tremendus accessit. Et primo quidem ad Eboracensem, cujus infestissimus erat electo. Præmissoque cum terroribus ad clericos ejusdem ecclesiæ mandato, ut sibi tanquam Apostolicæ sedis legato solemniter occurrerent, cum illi adversus eum appellandum duxissent, appellationi ad superiorem potestatem factæ non detulit: sed appellantibus optionem dedit, ut aut jussa complerent, aut tanquam rei majestatis in carcerem regium tru-

1. Exercendos *Edd. pr.* 2. Non erat *Edd. pr.* 3. *V. C.* abscondit. *Respexit vero Neubrig. ad Psal. 18. vers. 7. Pic.* 4. Eminentiam *Edd. pr.* *Vide var. lect. supra ad c. V.* 5. *Deest & in Edd. priorib.*

derentur.

derentur. Territi ergo paruerunt: & ne mutire quidem ulterius contra eum audentes, tanquam triumphanti quantum voluit honoris & gloriæ dissimulata tristitia impenderunt. Præcentor vero ejusdem ecclesiæ paulo ante declinaverat, ut non videret quod absque animi tormento videre non posset. Quo ille comperto sæviens in absentem tanquam in rebellem, motu implacabili per satellites proprios rebus eum omnibus spoliavit. Deprædato quoque Archiepiscopatu atque in fiscum redactō, triumphator inclytus ¹ abiit, ac non multo post de Cantuariensibus, cum nemo illi jam auderet ² obfistere, non dissimiliter triumphavit. ³ Utramque ergo sedem Metropolitanam habens substratam, utraque usus est, ut voluit. Denique ipsum illo tempore in Anglia & plusquam Regem experti sunt laici, & plusquam summum Pontificem clerici: utrique vero tyrannum ⁴ importabilem. Quippe duplicis occasione potestatis, duplicem indutus tyrannum, solis complicibus & cooperatoribus suis innoxius, ceteris indifferenter non tantum pecuniarum ambitu, verum etiam dominandi voluptate erat infestus. Fastus ⁵ ejus fere in omnibus plusquam regius erat. Orientalium more regum tanquam in expeditione jugiter positus, ⁶ armatorum circa

1. Abiit. At non *Edd. pr.* 2. Resistere *Edd. pr.* 3. Ita quoque *MS. Pic. Antea*, utrimque. 4. Intolerabilem *Edd. pr.* 5. Fere ejus *Edd. pr.* 6. Armorum *Edd. pr.*

cubiculum suum habere excubias voluit. Proce-
debat cum mille equis, & plerumque etiam
numerosius. Legationis suæ nomine hospitia à
cunctis per Angliam exegit monasteriis. Et à
minoribus quidem, quæ pondus hospitii ferre
non poterant, certa, id est, octo vel quinque
marcarum, summa redimi hospitia censuit: ma-
joribus vero incumbebat, velut locusta. Elien-
sis quidem Episcopatus redditus uberes esse nos-
cuntur: sed quantus erat ipsorum modus ad
immoderatissimas præfidentis expensas? Exhau-
sit ergo expensarum profluvio non solum æra-
rium regium, verum etiam quicquid ex regno,
monasteriis, ecclesiis, quacunque occasione five
per se, five etiam per officiales proprios corradere
poterat. Præfecerat enim ¹ provinciis singulis,
perdendis magis quam regendis, nequissimos
avaritiæ suæ ² ministros, qui non clerico, non
laico, non religioso parcerent vel ³ deferrent,
quo minus Cancellarii commodis inservirent.
Sic enim dicebatur, cum esset Episcopus: &
Episcopi quidem in illo nullum ⁴ vel tepidum;
Cancellarii vero nomen per universam erat An-
gliam insigne atque terribile. Provinciarum
vero præfectos, quo provincialibus essent for-
midini, sub prætextu publicæ provisionis, tan-

1. Singulis provinciis, singulis perdendis *Edd. pr.* 2. Admini-
stros *Edd. pr.* 3. Defenderent *MS. Pic.* 4. F. vestigium *ad oram*
exemplaris editionis Picardianæ, mecum communicati à viro amicissimo Ri-
chardo Rawlinsono. Sed non adstipulatur Codex MS.

quam

quam ad arcendam ¹ vel coërcendam latro-
num audaciam, voluit habere in ministerio ob-
errantes armatas immanium barbarorum cater-
vas, à quibus utique passim & impune debac-
chantibus innumeræ in provinciis enormitates
& crudelitates patratae esse noscuntur. Sane
quoniam ² regni optimatibus insolentiam fa-
stumque ejus execrantibus parum se credere
poterat, propin quarum suarum connubiis plu-
rimos sibi potentes & nobiles devincire curavit.
Quis enim nobilium eo tempore uxorem non
habens, vel filio suo sive nepoti uxorem acci-
pere cupiens, oblatam sibi aliquam propinqua-
rum Cancellarii, quarum turbam idem hujus
rei gratia ex Normannia in Angliam acciverat,
obviis manibus non acciperet: nec præclaram
affinitatem sub spe magnæ promotionis opta-
ret? Cum ergo hoc modo astrinxisset sibi no-
bilitium plurimos, ceteros vero vel confregisset
terroribus, vel arte ³ & officiis delinisset, solum
tamen metuebat Joannem Regis fratrem, ut-
pote longe potentiorum ceteris, & speratum
regni successorem, si forte Rex in illa tam labori-
osa periculosaque peregrinatione deficeret: cu-
jus utique reditus non solum incertus erat, sed
etiam causis valde probabilibus desperatus. De-
nique ne forte Rege peregre moriente, & Jo-
anne ⁴ rite succedente propria expiraret po-

1. Vel ad coërcendam *Edd. pr.* 2. Regis *MS. Pic.* 3. Vel *MS. Pic.* 4. Ita quoque *MS. Pic.* *Antea omitebatur rite.*

testas: arte (ut dicitur) agendum putavit, ut Joannes jam adultus non succederet, sed per successorem tenerum longi sibi temporis potestatem pararet. Duobus itaque fratribus suis ad Regem Scottorum directis, petiit, ut firmissimo sibi foedere cohærent ad præficiendum regno Anglorum Arturum Britonem ipsius pronepotem, si forte Rex peregre in fata concederet: eo quod illi potissimum, nato scilicet ex ² Geofrido fratre Regis majore, successio regni competeret, protestans, Regem litteris ex Massilia sive Sicilia ad se directis Arturum nepotem suum, si forte ipsum non reverti contingeret, regni successorem designasse: & ut illi adhuc paulo amplius quam quinquenni regnum usque ad annos viriles servaretur, mandasse. Hoc quidem mysterium inter duos illos potentes occultis tractatum ³ susurris non diu latuit Joannem. Qui conceptum rancorem subtili pro tempore cautela dissimulans, suæ parti quoscunque poterat prudenter allicere, artemque arte ⁴ eludere studuit.

1. Imperium pareret *Edd. priores. Et tamen potestatem in suo etiam Cod. legi testatur Picardus.* 2. Sic etiam *MS. Pic. Antea, Godefrido.*
 3. Susurrus *MS. noster.* 4. Ita quoque *MS. Pic. Antea, illudere.*

¹ *Quare Rex Rothomagensem Archiepiscopum de Sicilia in Angliam miserit.*

CAP. XV.

DUM talia in Anglia per unius hominis ² ausus insolentissimos gererentur, Regi in Sicilia hiemanti universa fideli multorum innotuere relatu. Qui mox Galterium Rothomagensem Archiepiscopum, virum prudentem & modestum, (qui cum ipso hiemabat) direxit in Angliam, ³ eum Regii auctoritate rescripti Cancellario per omnia in administranda rerum summa consortem & collegam adjungens: ac, ne quid in eadem administratione eo non pariter disponente fieret, districte præcipiens. Hugonem quoque cognomento Bardulfum, virum prudentem & nobilem, misit cum eo, Eboracensi præficiendum provinciæ; in qua frater Cancellarii ritu barbarico grassabatur. Verum idem Cancellarius propensiore sui fiducia regia contempsit mandata, allegans optime sibi notam esse Principis mentem, cui magis obtemperandum esset, quam sine mente ⁴ sonis, litteris scilicet surreptione elicitis. Cumque memoratus Archiepiscopus Cantuariam ire disponderet, vacantem ordinaturus ecclesiam, prout à Rege acceperat: Cancellarius, ad ejusdem jam sedis

1. Quare Rothomagensem Archiepiscopum Richardus Rex de Sic. in Ang. miserit *Edd. pr.* 2. In *V. C.* hæc aberant, inquit *Picardus.*

3. Cum pro eum in *Edd. priorib.* 4. Sic etiam *MS. Pic. Antea*, solis litteris, scilicet sur. &c. *Edd. priores.*

prærogativam aspirans, hac eum cito sollicitudine exuit, ¹ maturam præsumptionis poenitudinem, si vel tentaret illuc contendere, terribiliter comminatus. Itaque idem Rothomagensis ociosus ² in Anglia morabatur. Cancellarius vero in regni administratione collegæ impatiens, ³ singularis ferus Angliam depascebatur. At non diu homo insolentissimus quietam egit tyrannidem, malis adversus eum paulatim succrescentibus, auctore maxime atque incensore fratre Regis Joanne ob causam superius memoratam. Primi autem contra eum motus talis fuit occasio.

Qua occasione Joannes frater Regis restiterit Cancellario.

C A P. XVI.

GERARDUS de Camvilla, vir dives & nobilis, summa non modica emerat à Rege castelli Lincolniensis custodiam, quæ uxori ejus jure hereditario competere videbatur: nec non & adjacentis provinciæ præsidatum ad tempus certum. Rege autem in orientali expeditione posito, cum fere nullus reditum ejus speraret, Cancellarius, fere universis per Angliam munionibus regiis in ejus potestate consistentibus, arcem quoque Lincolniensem ad suam ordinationem traducere voluit, nactusque occasionem,

1. Maturam ei præf. *Edd. pr.* 2. Morabatur in Anglia *Edd. pr.*
 3. Ut singularis *Edd. pr.*

vel veram vel subornatam, prædicto Gerardo, præsidatu prius spoliato, arcem mox resignare præcepit. Ille vero necessitate cogente ad Joannem se contulit, ejusque favore fretus, jussione sprevit. Indignatus Cancellarius, eandem arcem obsessurus ex subjectis provinciis propere cogit exercitum. Optimatum autem plurimos habens suspectos, ¹ & non frustra eos conjiciens pronioris esse studii ad Joannem, profusioribus sollicitatam stipendiis transmarinam accersit militiam. Cujus tamen adventum homo fervidus & moræ impatiens minime ² præstolatur; sed civitatem Lincolniam cum ingentibus copiis ingressus, arcem ³ pervicaciter obsidet, & conficiendis cum festinatione machinis sumptuosum laborem impendit. Sane illo circa obsidionis negotium occupato, Joannes cum suis super munitiones regias, scilicet de Notingham & Tikehil, improvisus irruit, easque viris & victualibus parum munitas inveniens, bidui negotio ⁴ comprehendit. Tunc crescente fiducia superbo denunciavit obsessori, ut vel soluta obsidione recederet, vel certe se ad excipiendum ejus in proximo impetum ⁵ cautius præpararet. Sciens ille Optimatum plurimos, qui secum esse videbantur, animo esse cum Joanne, confusus abscessit, & post dies

1. Ita quoque MS. Pic. *Antea omitebatur* &. 2. Præstolabatur Edd. pr. 3. Sic etiam MS. Pic. *Antea*, pertinaciter. 4. Cepit Edd. pr. 5. Sic etiam MS. Pic. *Antea omitebatur* cautius.

paucos unum ex cornibus suis ¹ fractum esse, id est, legationis suæ officium per mortem Romani Pontificis exspirasse cognovit. ² Hiis ter-
ritus, amicis mediantibus solenne cum Joanne colloquium habuit, & quibus potuit conditio-
nibus pacem cum eo fecit. Mox vero militiam illam, quam accersire curaverat, transmarinam in Anglia applicuisse atque adventare cogno-
scens, resumpto spiritu resiliit à pactis, & pro-
testatus est vel se, vel Joannem ex Anglia pro-
pellendum, tantam scilicet regni latitudinem duobus tam grandibus, immo tam tumidis, signi-
ficans non sufficere capiendis. Tandem tamen inter eos facta est pax conditionibus novis : dum ille (sicut dicitur) Joanni ³ satisfaceret, ab-
jurata parte Arturi, & cautione præstita, quod Joanni tanquam justo heredi munitiones regias redderet, si forte Rex ab Orientis partibus non rediret. ⁴ Hiis actis, Joannes pro tempore qui-
evit. Cancellarius vero fastu agens solito, ty-
rannum non exiit. Solum enim tanquam alter ⁵ Herodes metuebat Joannem, & audito eo multa faciebat, & quidem non libenter, sed plane reverenter eum audiebat.

1. Ita quoque MS. Pic. Antea, resectum pro fractum. 2. His Edd. pr. 3. Satisfaciens Edd. priores. 4. His Edd. pr. 5. Scilicet Cancellarium Herodi, & Joannem Regem, quem timebat, Joanni Baptista, quem Herodes verebatur, componit. Pic.

De captione Eboracensis Archiepiscopi, & expulsionem Cancellarii.

CAP. XVII.

INTEREA ¹ Geofridus Eboracensis electus, in transmarinis partibus constitutus, ordine præpostero ante Pontificalem consecrationem insignem Metropolitani, id est, pallium, à Romano Pontifice petiit & accepit. Consecratio vero ejus post acceptionem pallii diuiscule dilata est, impredientibus eum per objectiones varias adversariis plurimis, & maxime memorato Cancellario. Verumtamen per instantiam clerici sui Simonis Apuli, viri prudentis & litterati, tandem ² invaluit; & impetrato Cælestini Papæ, qui Clementi successerat, ad Archiepiscopum Turonensem rescripto, ut ei, non obstante vel appellatione vel occasione qualibet, manus imponeret, ³ Turonis solemniter est consecratus anno à partu Virginis M. C. nonagesimo primo, 1191. mense Augusto. Quod ubi comperit principalis ⁴ infectator ejus Cancellarius, mox per satellites proprios Eboracensis Archiepiscopi tyrannice possessiones invasit, & præter res immobiles, cetera improbus dilapidator vel potius deprædator abrasit. Portus quoque caute custodiri præcepit: ne forte illi liber esset ⁵ in

1. Godefridus *Ed. Antv.* Godefredus *Ed. Pic.* 2. Prævaluit *Edd. pr.* 3. Turone *Edd. pr.* 4. Ejus infectator *Edd. pr.* 5. Vel interscribit *MS. Pic.*

Angliam ingressus, vel ad Ecclesiam suam accessus. Ille vero nihilominus adveniens, apud Doveram confidenter applicuit: sed majorem in terra quam in mari procellam invenit. Custos enim castri Doverensis, habens in conjugio germanam Cancellarii, appulso progressum inhibuit, atque ejus ingressum citissimis Cancellario nunciis indicavit. Qui ferocis animi motum nequaquam diffimulans, præcepit eum rebus nudatum ¹ omnibus monasterio Doverensi, in quo interim morabatur, abstrahi, & in arce Doverensi custodiæ mancipari. Venientes ergo missi à tyranno satellites, vehicula & clitellas, & quæcunque ejus vel clericorum ejus erant, diripuerunt: eumque in Ecclesia invenientes, nec personæ clarissimæ, nec ² sacra^{ti} loci reverentiam habuerunt; sed à venerabili altari violenter avulsum, & ab Ecclesia contumeliose extractum una cum clericis suis castello intruferunt. Et illè quidem servabatur in carcere. Fama vero enormitatis hujus discurrens, & quasi gradiens super pennas ventorum, in brevi Angliam replevit. Majores in Cancellarium fremunt, minores eidem mala imprecantur, universi votis communibus tyrannum detestantur. Joannes maxime de fratris captivitate doluit; atque ad ejus non tantum liberationem, sed etiam ultionem justissimo motu exarsit. Itaque

1. Omnibus in monasterio Doverensi custodiæ mancipari, *omissis intermediis, Edd. pr.* 2. Sacri *Edd. pr.*

festinanter congregatis ex omni terra ditionis suæ, nec non & ex regione Walliarum ingentibus ¹ copiis properabat. Cui mox accessere Wintoniensis Episcopus, & Barones plurimi, Comitesque nonnulli cum militia copiosa. Nec defuere Episcopi ² Bathensis & Cestrensis: qui paulo ante principales Cancellarii complices & fautores extiterant, sed tyrannicis ejus moribus & immoderato fastu offensi, cum ceteris, immo præ ceteris in eum tunc linguis simul & animis sæviebant. ³ Cancellarius vero fera pœnitundine stimulatus, quod tantam contra se flammam petulanti ausu accenderit, præcepit captivum relaxari Pontificem. Qui dimissus, venit Lundonias, & illatæ dolorem injuriæ abundantioribus multorum affectibus atque officiis compensavit. At non sicut ejus captione Præsulum Procerumque zelus excitari, ita etiam ejus potuit relaxatione sedari. Semel enim accensi animi per hanc quasi satisfactionem nequaquam deferbuere: sed ad confringenda Rhinocerotis illius cornua, omnium vota & studia laudabili constantia convenere. Ille, cum esset animi robusti & rigidi, necessitatem ⁴ ad alacritatem trahens, amicorum & militum peregrinorum stipavit se copiis, stetitque in campo non longe à Windesora, hostes, si forte progrediendum putarent, paratus excipere. Verum adventantis

1. Copiis præparabat exercitum. Cui mox *Edd. priores.* 2. Bathensis *Edd. pr.* 3. *Defunt* Cancellarius vero fera in *Edd. priorib.* Et tamen in *Cod. suo vet.* exflare agnoscit *Picardus.* 4. Et pro ad in *MS. Pic.* exer-

exercitus numero & fiducia territus, ¹ retrogradari cœpit. Mox quibusdam potentibus, qui cum eo esse ² videbantur, transeuntibus ad partes Joannis, cum ei in vicina munitione regia, scilicet Windesora, tutum non deesset receptaculum, turbatus inopsque consilii, instantibus à tergo hostibus, cum suis omnibus profugit Lundonias. Quas ingressus, civibus, quibus paulo ante terribilis ³ fuerat, ne sibi in illo deessent articulo humiliter supplicavit. Illi vero prioris fastus & ferociæ ejus memores, Joanni potius favorem præstiterunt. Itaque spe sua frustratus, quod solum poterat, à facie hostis imminenti in arcem se regiam cum omnibus suis recepit, quorum tantus erat numerus, ut in unius turris angustiis sua illis esset multo nocivior multitudo, quam hostium foris frementium fortitudo. Æstuabat turris interius compressione multitudinis inclusæ, cito evomitura quos prodendos magis quam tuendos susceperat. Denique post unam noctem egressus ad Joannem & obsessores ceteros ille paulo ante Rhinoceros, sed jam homo, humili alloquio abeundi facultatem impetravit inclusis. Ipse quoque arce resignata cum ceteris per Angliam munitionibus regiis, privatus & inglorius Do-

1. Retrogradi Edd pr. Et quidem rectius censente cl. Twysdeno. Quem tamen falli inde liquet, quod retrogradari jam antea usus sit auctor noster supra l. II. c. 12. 2. Sic etiam MS. Pic. Antea, visi fuerant. 3. Fuerat: ut sibi non deessent, in illo articulo &c. Edd. pr. Faisur tamen Picardus in suo etiam Cod. legi ne.

veram ad virum ¹ sororis concessit. Cernere erat tunc hominem modo paulo ante non contentum humano, sed pene cogitantem ² super astra coeli exaltare solium suum, & ascendere super altitudinem nubium, dejectionis suæ dedecus ³ ita pati, ut illi animo nequaquam Siculi potuisse videantur invenire tyranni majus tormentum. Cumque ad ecclesiæ propriæ regimen Episcopus deberet accedere, si sobrium vexatio dedisset intellectum, apud Doveram mora facta, tanquam in Anglia confusionem suam non ferens, vel certe liberius trans mare pro ultione propria aliquid moliturus, transfretare voluit. Impediri autem metuens, miri acuminis, qua omne impedimentum eluderet, artem invenit. Olim enim animo & ⁴ merito exutus episcopum, habitu quoque exuens, membris non tantum virilibus, more effeminatorum, sed etiam Pontificalibus, ⁵ quod à ⁶ seculis non erat auditum, vestem ineptissime aptavit muliebrem, ⁷ caputque & majorem faciei partem velut delicata muliercula, peplo obvolutus, inter plurimos deambulabat in littore, lævo brachio telam lineam, tanquam venalem, ulnam vero manu dextera præferens; scilicet ut hac

1. Sororis suæ concessit *Edd. pr.* 2. Supra *Ed. Pic.* 3. Sic etiam *MS. Pic. Antea*, ita ferre; ut fere adversariis suis condolentiam ac pudorem objiceret. Tandem tamen cum potius ad e. p. r. Episcopus debuisset accedere, si so. v. d. i. a. Doveram nonnulla mora facta, &c. 4. Ita distinxi cum *MS. nostro. Antea*, merito exutus, Episcopum habitu quoque exuens, &c. 5. Vide *Notas.* 6. Seculo *Edd. pr.* 7. Caput quoque & maj. *Edd. pr.*

arte non observatus ab aliquo, navim cum ceteris ¹ transfretaturis absque impedimento intraret. Verum à quodam forte agnitus proditusque, abstracto peplo tanquam manifestus effeminatus ignominiose multumque inepiscopaliter à concurrentibus est indisciplinatis pulsatus. De hinc magistratui loci exhibitus, servatusque est, quousque sciretur, quid super hoc decernerent regni potentes. Joannes quidem agnito, quod acciderat, hostili animo exultavit: atque aliquid in eum, quo magis dehonestaretur, sancire voluit. At vero Episcopi justo rubore suffusi, quod in persona Episcopali tam foeda res accidisset, vigore ecclesiastico, ut dimitteretur, egerunt. Dimissus ergo, & foris, quantum poterat, dissimulans, quo intus urebatur, transfretavit.

*De ordinatione regni post ² expulsionem Cancellarii, &
³ de molitionibus ejus irritis.*

C A P. XVIII.

TYRANNO igitur, qui regnum turbaverat, propulso, Episcopi & Optimates cum ⁴ Joanne Lundoniis congregati de regni ordinatione tractare coeperunt. Et primo quidem ab omnibus Regis Richardi propter Christum peregrinantis fidelitate jurata, regni admini-

1. Transfretaturus *Edd. pr.* 2. Repulsionem *Edd. pr.* 3. *Def-*
deratur de in Edd. priorib. 4. *Richardi Regis fratre. Pic.*

strationem

strationem Rothomagenſi Archiepiſcopo (quem ad hoc ipſum idem Rex à Sicilia in Angliam miſerat) decreto communi tradiderunt: amotiſque miniſtris tyrannicis, provinciarum regimen melius ordinari voluerunt. Quibus actis, Anglia in cunctis finibus ſuis pacem recepit, & decenti ſub novis cœpit rectoribus moderamine gubernari, malis plurimis, quæ ſub tyranno pullulaverant atque viguerant, ¹ cum ipſo pariter eliminatis; juxta illud ² Salomonis: *Ejice deriſorem, & exhibit cum eo jurgium, ceſſabuntque cauſſæ & contumeliæ.* Sane illi, quorum laudabili opera hæc regno Anglorum ſalus influxerat, molitionum illius hominis non ignari, quod ſcilicet Regem etiam longiſſime poſitum concinnatis prævenire atque inflammare curaret mendaciis, integram rerum veritatem regi per litteras ſignificandam duxerunt, cum ³ atteſtationibus ſignorum appendentium plurimorum. Præterea Rothomagenſi Archiepiſcopo, ⁴ cui rerum erat principaliter ſumma commiſſa, regni-que Episcopis viſum eſt, vacanti primæ ſedi (ad quam tyrannus aspiraverat, & forte adhuc aſpirabat) maturius, quo ejus ſpes fruſtraretur, providendum eſſe paſtorem. Invitati igitur ad celebrandam ex more futuri Metropolitani electionem Cantuarienſes, Bathenſem Episcopum ſo-

1. Pariter cum ipſo *Edd. pr.* 2. *Prov. 22. P.* 3. Acceſſionibus *Edd. pr.* 4. Cui rerum principaliter ſumma fuerat commiſſa *Edd. priores.*

lemniter elegerunt. Verum ¹ is post modicum nondum inthronizatus decessit, spemque Cancellarii, sua forte electione mortuam, moriendo resuscitavit. Qui nimirum in transmarinis positus, suam, tanquam ad Domini Regis propter Christum peregrinantis injuriam & ² dedecus, expulsionem, regnique à Joanne invasionem, per nuncios in auribus Domini Papæ Cælestini deploravit, redditisque sibi vicibus sedis Apostolicæ, quas sub Papa Clemente habuerat, pro coërcendo Joanne, & revocando in pristinum statum regni Anglici, rescriptum fortissimum impetravit. Verum idem rescriptum quadam Episcoporum Angliæ cautela delusum viribus caruit. Videns ergo nihil à se agi posse Joanne adverso, per clandestinos nuncios collusit cum eo, ingentique summa illi vel præstita vel promissa, favorem ejus emeritus, confidenter in Angliam venit. Applicans autem apud Doveram, mox ut male sibi notum littus attigit, tanquam ad ³ detergendum dedecus, quod ibidem incurrerat, erectis suæ legationis insignibus gloriosus refulsit. Non tamen progressus est, sed apud ⁴ virum Germanæ resedit, donec agnosceret, utrum eum metu vel regio vel Apostolico inclinati reciperent adversarii, cum jam ⁵ placasset maximum omnium Joannem. Hujus rei

1. Is haud multo post nondum inthr. *Edd. pr.* 2. Dedecus pertinentem expulsionem, *Edd. pr.* 3. Detegendum *MS. Pic.* 4. Germanæ virum sedit, ut agnosceret, *Edd. pr. Monuit tamen Picardus in suo etiam MS. donec legi.* 5. Placavisset *Edd. pr.*

gratia missis Lundonias nunciis, litterisque ad Reginam matrem Regis, quæ nuper à Sicilia venerat, & tunc forte cum Rothomagenfi & Eboracenfi Archiepiscopis, & Joanne filio aliisque compluribus, tam Episcopis quam Optimatibus, Lundoniis consistebat, secus quam sperabat, invenit. Cum enim Joannes collusionem, quanta poterat cautela, dissimulans, mollius ¹ tamen agendo deprehenderetur, atque objurgaretur à matre & ceteris; tandem flexus generali subscripsit decreto. Itaque universi cum Regina directis ad Cancellarium viris honoratis, eum tanquam regni turbatorem hostemque publicum Angliæ finibus mature excedere cum interminationibus præceperunt. Denique territus & confusus recessit, filuitque gemens usque ad tempus. Quia vero quales, Rege peregrinante, res Anglicæ fuerint, superiori narratione perstrinximus; nunc ad ejusdem ² peregrinantis acta, prout ab eis, qui interfuere, accepimus, explicanda veniamus.

De ³ progressu Regum à Sicilia, & impedimentis Christiani exercitus apud Acram.

C A P. XIX.

IGITUR illustribus Francorum Anglorumque regibus in insula Sicilia sub expectatione vernæ expeditionis hiemantibus, regina ⁴ Alia-

1. Tum pro tamen in *Edd. priorib.* 2. Vide *Notas.* 3. Processu *Edd. pr.* 4. Alienora *Edd. pr.*

noris,

noris, anilis oblita ætatis, nec reputans longitudinem seu difficultatem itineris, aut rigorem temporis hiemalis, dum materno duceretur vel potius traheretur affectu, à finibus terræ ¹ Siciliam venit ad filium, secum adducens nupturam illi Regis Navarrorum filiam, famosæ pulchritudinis & prudentiæ virginem. Et quidem tam ineptum quam & inusitatum videbatur, ut in præcinctu bellorum de voluptate ² cogitaret, & quam uxorem duxisset, mox secum ad prælia duceret. At tamen hoc in regnante juvene non tantum utilitatis, verum etiam salubritatis ratio honestabat. Nam & in illo articulo sobolem quærere, cum filium qui succederet non haberet, utile fuit: cumque esset pro ætate & usu deliciarum lubricus, bellorum propter Christum pericula subiturus, contra maximum fornicationis periculum competenti remedio, salubri usus consilio se munivit. Adductam ergo virginem duxit uxorem, eandem per maris Martisque discrimina secum ducturus, una cum nobili vidua, propria scilicet Germana, Guillelmi illustrissimi olim Regis Siculorum relicta. Quæ nimirum præclari conjugii amplissimam in Sicilia sive Calabria dotis nomine habens mercedem, eadem dote Regi Tancredo absolute vendita, ut fratrem Regem sequeretur, ejus in immensum auxit thesauros. Adest tandem longis expectatus desiderii mensis Mar-

1. In Siciliam *Edd. pr.* 2. Cogitarent *Edd. pr.*

tius. tranquillatur mare. arridet coelum. Christianorum ingens numerus, qui relictis ante hiemem propriis, in diversis ¹ provinciis transiturus in Syriam hiemem egerat, cum solemnī lætitia & alacritate naves ascendit. Memorati quoque Reges cum suis copiis classem solvunt. Rex Francorum spatio dierum aliquot Regem Anglorum mox secuturum præcedens, & secundis flatibus circa Octavas Paschæ in Syriam veniens, Christiano exercitui, civitatem ² Tholomaidam (ut superius dictum est) jam fere ³ per biennium obsidenti, totis viribus jungitur. Hujus autem exercitus, tanto tempore sub divo excubantis ad tantum negotium, tam laudanda quam miranda devotio est, & illa nullis casibus sive periculis, nullis incommodis sive laboribus lassata constantia, quo minus hostes atrocissimos usque ad exterminium debitum coartarent. Civitas olim à Christianis ad summam claritatem & præcipuum robur evecta, postquam in manus impiissimi Saladini quanto minori negotio, tanto manifestiori Dei judicio incidit, per ejusdem tyranni providam & sumptuosissimam operam mœnia longe firmiora, & multiplex, tanquam primos Christianorum impetus expertura, munimen accepit. Universi ejus defensores electi, nullusque in ea remissus vel languidus. Et si forte quemquam debilitari con-

1. Provinciis, transiturus in Syriam egerat *Ed. Antv.* Neque aliter *Ed. Pic.* nisi quod Syria habeat. 2. Ita quoque *MS. Pic.* Antea, Ptolemaida. 3. Deest per in *Edd. priorib.*

tigisset,

tigisset, mature ¹ multabatur. Nam propter portum, quo urbi adjuncto potiebantur Pagani, inhibere non poterant obsidentes Christiani, quin captata flatuum & temporum opportunitate quæque necessaria civitati inferrentur. Fiebant autem ab obsefforibus diversi generis machinæ arte & sumptu inani. Muris enim admotæ, incendebantur ab hostibus quodam ignis genere quem Græcum dicunt. Denique hoc genus arte confectum miræ esse potentiæ dicitur, nec contrario cedere elemento. Cumque urbs abundaret subsidiis, ² gravi plerumque penuria noster exercitus laborabat. Non enim poterant nostri ad agendas prædas & comportanda exercitui necessaria egredi in ³ regionem, Turcorum jugiter haut procul observante exercitu, atque omnem illis inhibente excursum. Sed marino tantummodo commeatu tantus Christianus exercitus alebatur: & cum forte parcius adveheretur subsidium, famis incommodo tabescebat. Tantus autem numerus per singulos dies vel inedia vel morbis absumebatur, ut exercitus ita sensim deficiens in brevi totus absumendus ⁴ videretur. Veruntamen divina quadam providentia tantis & quotidianis defectibus nec in modico minuebatur exercitus. Nam & super illo-

1. Mutabatur *MS.* 2. Grani *Edd. pr.* 3. Regionem Turcorum, jugiter hanc procul *Edd. pr.* 4. Sic etiam *MS. Pic. Antea*, videretur, nisi divina providentia tantis & quotidianis defectibus, in singulos dies affluxissent, quorum accessione deficiens exercitus supplebatur. Præterea quædam mala interna, &c.

rum numerum qui ex labore propter Christum suscepto ad æternam requiem per dies singulos assumebantur, ex regionibus Christianis plures accedebant, & assumendo emeritos, ita suum Christus novo militum delectu reficiebat exercitum, ut assumptionem supplementa superarent. Præterea quædam mala interna, auctore diabolo, quantum inter nostros serpebant, tantum & hostem juvabant. Guido enim olim Rex Jerosolymorum, & Marchio de Monte Ferrato, causâ superius memorata diffidentes, ad exercitum venerant, atque in ipsa obsidione ita locis distincti ut animis, multam post se turbam trahebant: dum potentum plurimi partes oppositas divisim prosequerentur favoribus, in tantum ut religiosa hospitalis Jerosolymitani militia in duo collegia pro studio partium scissa videretur. Principibus itaque in diversa nitentibus, exercitus minus agere poterat, & Christianum lente negotium procedebat. Nonnullos quoque Principum nostrorum (ut dicitur) avaritiæ tabes infecerat, clandestinis à Saladino pecuniis, cum plurimum possent, ut remissius agerent, expugnatos. ¹ Hiis igitur causis propositum impredientibus, exercitus noster multo tempore circa urbem expugnandam casso labore sudavit. Verum cum nova militia Rex Francorum adveniens, fessorum auxit fiduciam, & de cetero fortius atque efficacius negotio

1. His Edd. priores.

instabatur. Denique idem ¹ Marchioni propensius favorem accommodans, atque eo, qui regnum Christianum perdiderat, illum qui reliquias saltem parvas salvaverat, eidem regno aptiorem pronuncians, partem Guidonis pro tempore infirmavit.

Quomodo Rex Anglorum adquisivit insulam Cyprum.

² C A P. XX.

IGITUR Rex Anglorum diebus aliquot post Regis Francorum profectiōem in Sicilia demoratus, tandem ³ & ipse cum suis copiis & longe majori apparatu non satis fidis se flatibus credidit, habens in ⁴ comitatu suo naves actuaras atque onerarias plurimas. Quippe in illo hiemali otio otiosus non ⁵ fuerat: sed congerendis necessariis exercitui subsidiis, & conficiendis machinis bellicis tempus imbellem impenderat. Dei autem ordinatissima provisiōe, ut consequenter claruit, oborta tempestas fatigatam compulit ⁶ classē Cyprum divertere, tanquam Christianorum incolarum fideli ac tuto colligendam hospitio, atque officiis confovendam. Verum majorem in portu optato, quam in mari turbato turbinem offenderunt. ⁷ Tyrannus enim, qui eandem insulam sæva dominatione

1. Sic etiam MS. Pic. *Annea*, Marchio. 2. *Hujus & insequentis capitis desiderantur numeri in Ed. Anrv.* 3. *Deest & in Edd. priorib.* 4. *Suo comitatu Edd. pr.* 5. *Fuit Edd. pr.* 6. *Classē in Cyprum Edd. pr.* 7. *Monach. Altißiod. appellat Pseudo-imperatorem. Pic.*

annis jam plurimis prefferat, & imperatorium sibi in ea nomen usurparat, Christiani nominis hosti Saladino foederatus, ipsique quam Christo fidelior, licet Christianus diceretur, cum exercitu affuit, & primos, fluctuum sævitia in portum coactos, sævior ipse excipiens, indigne tractavit, & bonis omnibus spoliatos, vix vita dignos censuit. Quosdam etiam redegit in carcerem inedia consumendos, Regi mox ¹ affuturo non dissimilia ore terricrepo comminans. Quibus ille agnitis, justo ad ultionem zelo inflammatus, cum tota classe portum intravit. Excipitur à tyranno, & totis hinc inde viribus conferitur prælium. At non diu Græca molli- ties impetum sustinuit Latinorum. Victus ergo tyrannus, dum tentaret fugere, incidit in manus hostium, disperfoque ² exercitu ejus, civitas portui imminens capta est. Rex quidem primo in tyrannum mitius agere voluit, & pro sua liberatione quicquid exigebatur pollicentem, celebratis cum eo pactis relaxavit. Verum ille libertate reddita prævaricator pactorum, malis prioribus perfidiam fociavit. Rex vero præmaturæ clementiæ poenitens, investigare perfidum & persequi statuit. Ille vires resumere atque exercitum cogere frustra conatus, fugiebat à facie persequentis: quem tandem Rex in quodam monasterio delitescentem, prodentibus

1. Affuturo non dissimilia comminans, *omissis* ore terricrepo, *Edd.pr.* Picardus tamen monuit in suo Cod. legi ore Turcicrepo. 2. Ejus exercitu *Edd. priores*.

eum quibusdam insulani, quibus merito exofus erat, comprehendit, & vinculis iustissimis innodavit. Vinciri autem iussus, dixisse fertur, quod ferro victus cito deficeret. Ad quod Rex, bene (ait) loquitur, quia nobilis est, & mori eum nolumus: sed, ut vivat innoxius, argenteis astringatur catenis. Mox tota insula ¹ tyrannicis faucibus moribus, sponte in ejusdem Principis ditionem devotionemque concessit, cunctis illi urbibus & munitionibus, ² nec non & opulentissimis tyranni thesauris cum unica ejus filia resignatis. Quibus feliciter actis, per dies aliquot in regno novo cum victricibus copiis victoriam cum multa gloria celebrans, præclaras manubias ad Christianæ expeditionis subsidium sollicitus ordinabat. Non latuere ista Christianum exercitum, qui ³ Tholomaidam obsidebat, atque ejus cum desiderio præstolabatur accessum. Verum præclari successus audita felicitas, cui congratulandum, non derogandum erat, necessariam ejus moram purgavit. Ipse vero paulo plus duobus mensibus in Cypro exactis, & rebus magnis spatio tam brevi patrat, hilares copias in Syriam traducendas ad naves ⁴ revocat. Ordinata igitur, prout voluit & decuit, insula, cunctisque rite dispositis, arridentibus quoque elementis portu egreditur, rectoque cursu ⁵ Tholomaidam properans, trierem maximam one-

1. Sic etiam MS. Pic. Antea, tyranni. 2. Append. Sigib. addit cum equo ejus mirabili. Pic. 3. Ptolemaidem Edd. pr. 4. Revocavit Edd. pr. 5. Ptolemaida Edd. pr.

rariam eminus conspicatur, ¹ quæ ² nimirum à Saladino missa, obsessis in ³ Tholomaïda multiplicis subsidii copiam defererebat. Quo ille comperto, jubet eam oppugnari. Verum cum non facile propter enormem posset magnitudinem & virtutem defensorum, desuper tanquam ex arce pugnantium, expugnari, rerum, quæ in ⁴ ea erant, dispendio, expugnationis ejus compendium, Rege volente, quæsitum est. Arte ⁵ siquidem sub aquis perforata, mari per foramina latenter immisso pondere paulatim subsedit, & tandem cum omni onere demersa est in profundum. Et res quidem omnes cum parte hominum nonnulla periire. Ceteri vero in naves profiliendo hostiles, ⁶ consulte hostibus quam fluctibus se credere maluere. Classis vero regia cum salute & gaudio attigit littus optatum.

Quibus causis Reges dissidere cæperunt apud Acram.

C A P. XXI.

ILLUSTRIS itaque Rex Anglorum post Pentecosten à Cypro digressus, paucis ante solemnia beati Baptistæ Joannis diebus ⁷ Tholomaïdæ, quæ Acra vulgo nunc dicitur, cum uni-

1. Quæque, inquit *Append. Sigeber.* si ad subsidium paganorum pervenire potuisset, sine dubio civitas capi non potuisset. *Pic.*

2. Ita quoque *MS. Pic. Antea*, in mare pro nimirum. 3. Ptolomaïde *Edd. pr.* 4. Eo *Edd. pr.* 5. Quidem pro siquidem in *Edd. priorib.*

6. Consultius reponit *Picardus. Perperam & contra fidem Codd. MSS.*

7. Ptolemaïda *Ed. Antv.* Ptolemaïdæ *Ed. Pic.*

verso comitatu suo applicuit, & à cunctis Principibus omnique exercitu tanto susceptus est gaudio, quanto prius desiderio fuerat expectatus. Porro Regem Francorum tanta ejus gloria¹ jam urere coeperat, & cordis sui æstus tabificos ægre diffimulabat, cum se intueretur viribus & opibus longe imparem, illum vero propter virium opumque magnitudinem & successuum claritatem excellentius eminere, & propensius coli ab exercitu, & ad ejus jam agenda omnia pendere arbitrium. Domine Jesu² feminator³ bone nonne bonum semen seminasti in cordibus duorum Principum istorum, tanquam in agro proprio? Unde ergo ager iste tuus tam cito habuit⁴ zizania? Plane inimicus hoc fecit, inimicus humani generis, plebis Christianæ tam pio studio invidens, & tantos pro te susceptos labores cassare cupiens, bono femini sanctæ devotionis, quod manus tua seminaverat in cordibus Principum, ut opulentissima propter te regna relinquerent, & delicias regias summis propter te laboribus atque periculis commutarent, superfeminavit⁵ pestifera zizania æmulationis & contentionis, quibus tam bonum semen & tam bona manu jactum infructuosum atque inefficax redderetur,

1. Deest jam in Edd. priorib. 2. Hæc insequentiaque Auctor composuit ad parabolam Evangelicam Matth. 13. exaratam. Pic. 3. Sic etiam MS. Pic. Antea mittebatur, bone. 4. Zizaniam? Plane inimicus hæc fecit, humani generis, plebis Edd. pr. 5. Pestiferam Zizaniam æm. & cont. qua tam bonum Edd. pr.

te quidem, domine, hoc ipsum iuste permit-
tente: sed permissionis hujus ratio penes te
est. Cum igitur, ut dictum est, Rex Anglorum
à Cypro triumphator inclytus ad obsidionem
venisset, mox inter ipsum & Regem Franco-
rum, quem ejus jam mordebat felicitas, mani-
feste diffidendi feminaria, auctore Sathana, pro-
venerunt. Rex enim Francorum, ratione pacti
inter eos peregrinationem ingressuros solemniter
habiti, quod scilicet omnem acquisitionem
suam æquali inter se sorte dividerent, medietatem
acquisitionis Cypriæ tam in immobilibus
quam & mobilibus, tanquam perspicuo sibi jure
competentem, exigebat. Ad hoc Rex Anglo-
rum respondebat, medietatem omnium, quæ
communibus acquirerent viribus, illi ratione
pacti competere, se propriis Cyprum viribus ad-
quisisse; illum ea, in quibus nec modice labo-
ravit, exigere non debere. Adjiciebat etiam, se
& illum, cum peregrinationem arriperent, Sar-
racenos solummodo aggrediendi, & ab eis quan-
tum possent Deo propicio extorquendi inten-
tionem habuisse, & juxta hanc intentionem pa-
ctum de acquisitione dividenda constituisse.
Porro se Christianam insulam non ex intenti-
one adisse, sed incidenter ad eam, causa ulcif-
cendæ atrocis & adhuc flagrantis injuriæ, diver-
tisse. Hoc modo illi duo altercabantur poten-
tes. Et Rex quidem Anglorum patrata ac-
quisitionis consortium Regi Francorum modis om-
nibus

nibus denegabat: Rex vero Francorum Regem Anglorum rupti foederis & pacti irriti arguebat. Alia quoque inter eos dissidendi causa emerfit. Rex Francorum cum ad obsidionem prior venisset, partes, ut dictum est, Conradi Marchionis contra Guidonem olim Jerosolymorum Regem propensioribus juvabat favoribus. Et cum tandem Rex Anglorum post factam in Cypro moram necessariam jam adesset, nifus est eum ¹ ad suam Rex Francorum sententiam trahere, allegans potiolem esse paucularum saltem reliquiarum Christianae ² regionis ³ salvatorem, quam regni Christiani perditorem. Rex vero Anglorum ⁴ non adquevit, pronior in partem Guidonis, Aquitani scilicet hominis, cujus tota propinquitas sub Rege agebat Anglorum. Denique allegans pro eo: regnum, inquit, Christianum perdidit non prodidit. Non enim illud sua vel nequitia vel negligentia five ignavia hostibus prodidit: sed aliis nequissime prodentibus, ipse inculpabilis ⁵ perdidit, proditus simul ipse perditusque cum regno, & à suis quidem nequissime in manus hostium traditus; Deo autem propicio liberatus. Aut ergo culpa ejus in hac parte declaretur: aut ei, qua nudari non meruit, prærogativa servetur. Ægre tulit Rex Francorum suam à Rege Anglorum non approbari, ac per hoc & infirmari senten-

1. Rex Francorum ad suam sententiam *Edd. pr.* 2. Religionis *Edd. pr.* 3. Ita quoque *MS. Pic. Antea*, salvationem, quam regni Christiani prodicionem. 4. *Deest* non in *Edd. priorib.* 5. Sic etiam *MS. Pic. Antea*, dedidit. tiam.

tiam. Et tunc quidem, cum suum non posset sancire decretum pro tempore filuit. Porro hæc dissensio majoris, vel indignationis, vel odii fomitem ministravit. Cumque jam pars Guidonis per favorem Regis Anglorum præstare videretur, ¹ memoratus Marchio ejusdem Regis potentiam veritus, cum suis Tyrum rediit. Sane post accessum Regis Anglorum, exercitus Christianus contra urbem obsessam invaluit, atque infra diem tricesimum tanti temporis tantique sudoris negotium, ejusdem maxime regis ferventi potentique opera, egregie consummavit.

De expugnatione Acræ, & præmaturo discessu Regis Francorum.

CAP. XXII.

IGITUR urbs insignis ² Tholomaïda, quam nunc Acram dicunt, postquam obsidentes Christianos multo & diuturno labore exercuit, tandem expugnata est anno ³ à partu Virginis M.C.LXXXXI. quinto Idus Julii: anno, ex quo in manus Turcorum inciderat, quarto. Denique fortissimi propugnatores ejus, cum jam Christianorum machinis ⁴ mœnia cederent, cernebantque irruptionem instare hostilem, suimet, quod solum poterant, providentiam habuerunt, pactique sunt Principibus nostris pro vitæ suæ

1. Præfatus *Edd. pr.* 2. Ptolemaïs *Edd. pr.* 3. Anno gratiæ M.C. LXXXXI. *Edd. pr.* 4. Cederent mœnia *Edd. pr.*

redemptione salutiferæ crucis honorificam, hoc est, cum mille & quingentis captivis Christianis resignationem, nec non & pecuniam copiosam. Huic suorum ¹ necessitati Saladinus, qui cum infinito exercitu non longe aberat, & subvenire non poterat, auctoritatem præstitit, & ad hæc omnia persolvenda Christianis diem constituit. Itaque resignatam mox civitatem ingressus est cum exultatione & solemni gratiarum actione exercitus Christianus. Armorum & variæ ² suppellectilis ingens ibidem copia reperta est: earum quoque plurimum, opumque nonnihil. Illi vero, qui ³ diu fortiter defensam ægre tandem resignaverant civitatem, sub expectatione diei à Saladino constituti fervabantur. Tunc Rex Francorum delicati sibi hominis tempore belli notam inurens, æstus causando molestiam, & quod illius ⁴ terræ aërem sustinere non posset publice protestatus, repatriare disposuit. Quod Christiano exercitui multum displicuit, & foeda res visa est personæ tanti Principis: præsertim cum plurimi aliter & forte verius ejus interpretarentur discessum. Quippe illustris Flandriæ Comes Philippus, qui cum ceteris fidelibus Christo militaturus in Syriam venerat, paulo ante expugnationem civitatis ibidem piæ militiæ munus expleverat. Et quoniam idem

1. Saladinus necessitati *Fdd. pr.* 2. *Antea*, supellectilis. 3. Fortiter diu *Edd. priores.* 4. *Chron. Dionys.* non hoc tantum, sed & quod reformidaret prodiones Angli suspecti propter nuncios frequenter legatos ad Saladinum, variaque munera ab eo recepta. *Pic.*

Rex vacanti Flandriæ obtinendæ inhiare videbatur, ut honestam discessionis causam prætexeret, peregrini aëris mendaciter causari molestiam credebatur. Dicitur etiam, quod Regis Anglorum, cujus propter opes longe impares non poterat æquare potentiam, ¹ non potuerit nisi oculis ægris & animo faucio specialem videre gloriam: præsertim cum illi potissimum quod jam actum erat ascriberetur, & ex hoc colligeret, quicquid de cetero Christianis viribus in Orientis partibus erat agendum, illi potius tanquam potentiori, quam sibi ascribendum. Denique non omnino inscius quid de illo sentirent vel dicerent homines, nihilominus obstinato animo adornabat discessum. Rex autem Anglorum, propter recentes dissensiones de benevolentia ejus minus confidens, coram viris honoratis (ut dicitur) quod terris suis & hominibus usque ad reditum suum foret innoxius, juratoriam ab eo exegit accepitque cautionem. Ita magnus ille Rex Francorum, Christianum, cui ferus advenerat, præmature relinquens exercitum, ² infra diem quintum decimum ab urbe expugnata, cum multo suorum, id est, Francorum, rubore navem conscendit & abiit. Et eorum quidem plurimi, qui illi deesse noluerunt, cum illo abiit. Porro Dux ³ Burgundiæ, Comes Campaniæ, & quique nobiliores contemplatione

1. Non poterat *Edd. pr.* 2. Infra quindecimum diem ab urbe *Edd. pr.* 3. Burgundiæ *Edd. pr.*

fuæ vel famæ, vel conscientiæ, vel etiam ad abolendum proprii Principis dedecus, in terra sancta pro tempore, & in sancta militia persistendum duxere. Quibus nimirum ille (ut dicitur) discessurus præcepit, ut Marchioni assisterent : & quotiens se incidens præberet occasio, Regi adversarentur Anglorum. Quod utique postmodum sive Regii respectu mandati, sive etiam propria petulantia, sive malitia fecisse noscuntur. Unde nimirum Christianum negotium minus ¹ prosperari potuit; dum à Christianis minus sincere minusque concorditer ageretur. Cumque idem Rex digressus à ² Tholomaïda prosperis flatibus venisset Italiam, Romanum Pontificem adiit, absolvi à quodam juramento, quo se contra voluntatem suam asserebat astrictum, importune (ut dicitur) postulavit. Suspendit ad breve callide postulantem vir altioris ingenii, moxque supervenientibus à Syria quibusdam, integre rem edoctus: Illud, inquit, juramentum, quod præstitisti Regi Anglorum, de pace usque ad reditum suum conservanda, quam utique Princeps Christianus absque juramento conservare deberes, nullatenus relaxamus, sed tanquam honestum & utile approbantes, auctoritate Apostolica roboramus. Itaque deprehensus in astutia sua, & obligatior quam venerat, inglorius repatriavit; vulgatumque est apud Francos per

1. Prospere geri potuit *Edd. pr.* 2. Ptolemaïde prosp. flat. venisset in Italiam : Rom. P. adiit, & absolvi *Edd. pr.*

quosdam ¹ concinnatores mendacii, ad purgandum Regis sui reditum, quod cum Rex Anglorum, insidiosè & nequiter quærendo animam ejus, præmature contra propositum suum redire compulerit.

Quæ acta ² sint à nostris in Syria post discessum Regis Francorum.

C A P. XXIII.

IGITUR Rege Francorum (ut dictum est) à Syria digresso, Rex Anglorum in urbe capta fessum otio necessario recreabat exercitum, nec tamen in illo otio otiosus, circa reficienda quæ machinis cesserant moenia sollicitè satagebat. Affuit tandem ³ dies à Saladino præfixus, quo sacri vexilli resignatio & commissæ captivorum commutatio sperabatur. Verum ille cum nostros inani expectatione ⁴ suspensos deluderet, Rex Anglorum justo ignitus zelo captivorum, qui urbe expugnata sub prætaxata pactorum forma servabantur, nobilioribus provida consideratione retentis, duo circiter milia & sexcentos, pactis à parte Saladini non stantibus, decollari præcepit. Quo factò, Turcorum ingens in Regem proprium indignatio efferbuit, quod electos juvenes, qui pro ipso

1. Sic etiam MS. Pic. Antea, concionatores. 2. Sunt à nostris post discessum Regis Francorum, in Syria Edd. pr. 3. Sic plane MS. Neque aliter reposuit Picardus. Die in Ed. Anrv. 4. Deest suspensos in Edd. priorib.

fortif-

fortissime usque ad proprium discrimen ¹ fudaverant, ingratus & infidus exposuisset gladio ² devorandos. Denique eorum, quibus munitionum custodia ³ credita erat, dum exemplum vererentur, ita ⁴ labefacti & collapsi sunt animi, ut tyrannus, fere cunctis pro recenti exemplo excusantibus, non habens, quibus ipsas munitiones crederet, easdem tanquam consilii inops ⁵ everti decerneret. Evertébantur ergo & deserebantur in dies per omnem provinciam munitiones nulla vi, nullis expugnabiles machinis. Sane post Regis Francorum digressum exercitus Domini paulatim coepit imminui. Eorum quippe, qui ad obsidionem ⁶ Tholomaïdæ priores confluerant, multa milia absumptis opibus, dum sumptus ad persistendum minus suppeterent, necessitate magis quam voluntate repatriandum duxerunt. Multi etiam sumptibus abundantes, vel laborum tædio, vel periculorum metu, vel solo Regis Francorum enervati exemplo abierunt. Tunc Rex Anglorum proprios thesauros aperiens, plurimos nobiles Principesque exercitus cum suis militiis, qui advectas secum opes mora productioni laudabiliter absumpserant, & declarata inopia sua redire ad propria excusabiliter ⁷ proponebant : largis, ut in exercitu Domini persistenter, invitavit sti-

1. Sudaverunt *Ed. Pic.* 2. *Deest* devorandos in *Edd. priorib.*
 3. Credebatur *Edd. pr.* 4. Labefactati *Edd. pr.* 5. Etiam desereret *pro* everti decerneret in *Edd. priorib.* 6. Ptolemaïdis *Edd. pr.*
 7. Propofuerant *Edd. priores.*

pendiis. ¹ E quibus fuit ex Imperio Teutonico Dux Austriæ, qui postea tanti beneficii immemor, ² & cujusdam non magnæ injuriæ plus justo memor, sceleratas repatrianti Regi, cujus stipendiarius fuerat, manus injecit, ut ³ suo loco monstrabitur: & Dux Campaniæ, qui eximiæ virtutis titulo Christianæ postmodum acquisitionis Principatum promeruit, ut infra exponetur. Denique expugnata civitatis moenibus instauratis, & sufficienter resecta multitudine, mense Septembri Rex Anglorum, cui jam fere totus devote parebat exercitus, ad alias urbes maritimas progredi statuit. Procedebant ergo ordinate & caute agmina Christiana. Porro infinitus Turcorum exercitus Duce Saladino æquis ⁴ haut procul passibus gradiebatur, ancipitem quidem prælii eventum declinans, extremos vero nostrorum raptim aggrediens, & nonnulla re acta refugiens, ut est illud hominum genus miræ astutiæ ad nocendum, nec minus arte quam viribus pugnare assuetum. Itaque exercitus noster in multo laboris & periculi experimento pervenit Cæsaream, Christianis olim incolentibus Metropolim inclytam, tunc vero hostili desolatione inanem & vacuum. Cumque ibidem modice respirasset, iter propositum cum alacritate ⁵ repetiit. Et primo quidem agmine procedente, jamque apud Assur castra metante,

1. Ex *Edd. pr.* 2. Sic etiam *MS. Pic.* *Antea omittebantur*, & c. non m. i. plus justo memor. 3. *Cap. 31. infra. P.* 4. Haud *Edd. pr.* 5. Ita quoque *MS. Pic.* *Antea*, repetit.

Saladinus captato tempore agmen extremum totis aggressus est viribus. Idem autem agmen per quatuor mox turmas dispositum irruentis impetum fortiter excipiens, Deo propicio ipsum cum tremendis suis copiis enerviter fugere compulit: tantaque eo die, hoc est, septimo Idus Septembris, ibidem nobilium Turcorum strages facta est, quantam ab annis retro quadraginta, ut fertur, uno die Saladinus expertus non fuerat. De nostris vero ¹ ibidem occubuit Jacobus de ² Aveniis, vir plane optimus, & meritis præcellentibus universo exercitui Christiano charissimus; qui ejusdem exercitus præclara per annos aliquot columna extiterat, atque in proposito pie suscepto sincere & strenue perseverans, nec levem unquam maculam dederat in gloriam suam. Cujus profecto laudabili devotioni divino munere retributum est, ut ³ in Omnipotentis Dei obsequio gloriose occumberet, & mediante discrimine brevi, temporalem felicitatem, ut pium est credere, æterna mutaret. Denique luxit vehementer cum omni exercitu Rex Anglorum, assumptum tanquam emeritum à Rege ⁴ Angelorum. Indeque progressus ⁵ usque Joppen, incursione jam pridem tyrannica Christianis vacuatam civibus, tunc vero derelictam & desolatam ab hostibus, loci opportunitate conspecta, eandem totis cœpit

1. Deest ibidem in *Edd. priorib.* 2. Duenniis *MS. Pic.* 3. In *omittunt Edd. pr.* 4. Sic *S. Ansel. epistol. MS. Ludic & S. Gregor. Papa I. Pic.* 5. Usque ad Jopen *Edd. pr.*

viribus instaurare. Audiens autem Saladinus, quod Aſcalonam oppugnare disponderet, eandem clarissimam civitatem, & ¹ Tholomaïda, quæ longo tempore exercitum fatigaverat Christianum, multo firmiorem, subita everſione damnavit. Tantus eum post recentem suorum cladem Christianæ constantiæ terror ² invaserat, atque ita Turcorum animos eorum, qui apud ³ Tholomaïdam in manus Christianorum inciderant, recens exemplum ⁴ præstrinxerat. Urbes quoque reliquas & Castella terræ illius, præter sanctam civitatem & munitiones paucissimas, complanavit, totamque provinciam, ab-
 ras bonis omnibus, inutilem ⁵ hostibus reddidit. Nec jam aliquid audendum putabat ⁶ experientia virium: sed nocebat insidiis, & incessanter abscondebatur tendiculas fraudum. Noſtri quoque post tam læta principia nihil jam magnum & memorabile agere poterant, propter internum discordiæ malum quo languebant. Principes enim non cohærebant, sed mordaci æmulatione dissentiebant ab invicem: nec poterant in commune consulere, studiis in diversa nitentibus contraria decernentes. Denique Conradus Marchio & Princeps famosissimæ firmissimæque urbis Tyri, adjuncto sibi Duce Burgundiæ & nobilibus Francorum cum subiectis copiis, Regi adversabatur Anglorum, æ-

1. Ptolemaïda *Edd. pr.* 2. Evaſerat *Ed. Pic.* 3. Ptolemaïdem *Edd. pr.* 4. Perſtrinxerat *Edd. pr.* 5. Deest hostibus in *Edd. priorib.* 6. Sic etiam *MS. Pic. Antea*, aperto Marte pro experientia virium.

mulanti pro Guidone olim Rege Jerosolymorum. Rex vero propter magnitudinem animi¹ ac virium, quos forte per mansuetudinem unire² sibi poterat, indignantis animi motibus exasperabat. Quia ergo in nostro exercitu non id ipsum dicebant omnes, sed schismata pullulabant, tantæ expeditionis jam stabat negotium, & non procedebat.

Quomodo Conradus Marchio à sicariis interfectus est.

C A P. XXIV.

VERUM supradictorum duorum æmulorum quanto animosior tanto³ & vanior pro regno incerto contentio, postquam motus in exercitu domini plurimos peperit, extremæ demum fortis beneficio conquievit. Regina⁴ quippe Jerosolymorum, quæ (ut⁵ supra plenius dictum est) memorato Guidoni infelicissime nupserat, fera tandem morte deficiens, illi ratione tantum Regii conjugii de regno contendenti silentium indixit. Marchio quoque nefarie à sicariis⁶ interemptus, regnum ambire cessavit. Incertum à quo malignante immissi duo ficarii in ejus obsequio sub schemate militantium diuiscule fuerant, patrandi vel cum proprio periculo sceleris opportunitatem jugiter observan-

1. Et *Edd. pr.* 2. Sic plane in *MS. nostro.* Neque aliter *Ed. Anrv.* Sibi non poterat *Ed. Pic.* 3. Deest & in *Edd. priorib.* 4. Quoque *MS. Pic.* 5. Ut superius plenarie dictum est *Edd. priores.* 6. Sic etiam *MS. Pic. Antea,* necatus.

tes. Qua inventa, clarissimum virum, solito paucioribus forte stipatum ministris, in medio propriæ civitatis, cum prope tanquam noti assisterent, repente aggressi, clandestinis cultris extractis mactarunt. Fertur enim esse in Oriente agens sub ditione cujusdam potentis Saraceni (quem ¹ Senem ² agnominant) quoddam hominum genus adeo seductibile, atque in propriam proclive perniciem, ut ab eodem, quem ³ scilicet loco prophetæ colunt, artificiosissimis fallacium pollicitationum præstigiis sollicitatum atque illectum, immortalia se post mortem commoda percepturos ⁴ existiment, si illi imperanti usque ad mortem obtemperent. Qui nimirum, cum forte à quolibet ⁵ præpotente infestari metuit, five jam infestatur, ad ejus peremptionem subornatos ex illo genere emittit sicarios. Illi vero ⁶ ad exitium tanquam ad solemne epulum cum gaudio properantes, nihil aliud ambiunt vel explorant, nisi ut, arrepto tempore pro certa mandati impletionem, certo se discrimini exponentes, designatum hostem commorituri interimant. Denique propter hoc maxime genus Orientales Principes provisorii se custodia muniunt, & præter familiarissimos nullius ad se, nisi propriis stipatoribus mediis, patiuntur

1. F. Assassinum scripsit eruditus quidam ad oram exemplaris Ed. Picardianæ mecum communicati ab amicissimo viro Richardo Rawlinseno, A.M.

2. Nominant Edd. pr. 3. Simul MS. Pic. 4. Æstiment MS. noster.

5. Præpotenti Edd. pr. 6. Ita quoque MS. Pic. Antea omittebatur, ad.

accessum. Verum quoniam ¹ iidem pestilentes plerumque, dum forte minus observarentur, ad necem clarissimorum virorum per medias custodias irruerunt, nullus magnorum qui sunt in terra tributum vel obsequium quodlibet à memorato Sene per potentiam exigit, vel quietem ejus aliquatenus perturbare præsumit. Soli Templarii, dum in Syria res Christianæ florent, tanquam mortis contemptores, ausi sunt eum impetere, & foederatum obsequia coegerunt præstare. Sciebat enim parum actum esse, si forte per ministros proprios quemlibet magistrorum ejusdem militiæ perderet: quæ utique mox alium sibi creans acrius pro extincti ultione sæviret. Ex hoc sane funestissimorum satellitum genere fuisse creduntur, qui memoratum Tyri Principem astu ausuque nefario peremerunt, commori non timentes. Comprehensi autem & subtiliter requisiti, quo id auctore vel incentore egissent; ad mortem prompti & hilares nihil certum ² vel credibile dixerunt. Itaque latet adhuc, quis tanto viro necem fuerit hujusmodi machinatus. Verum occasione recentis discordiæ, qua ³ disceptaverat cum Rege Anglorum, proclives fuere plurimi ad ⁴ succendendum super hoc eidem Regi, Francis maxime illum infamantibus, qui pro Marchione æmulati fuerant, multamque illi de morte viri præ-

1. Idem *MS. noster.* 2. Ita quoque *MS. Pic.* Antea omittebatur, vel credibile. 3. Discrepaverat *MS. Pic.* 4. Succensendum *Edd. priores.*

clari invidiam conflantibus per omnem fere orbem Latinum.

Quomodo Rex Francorum necem Marchionis refudit in Regem Anglorum, & de conventu Parisiensi.

CAP. XXV.

SANE postquam ¹ percrebuit apud Regem Francorum, quod Marchioni acciderat: de amici quidem indigno exitu doluit; sed mox hunc dolorem suscepta cum ingenti gaudio suffigillandi Regem Anglorum occasio compensavit. Cumque in propriis esset ² finibus tam longe à Syria constitutus, illius in Oriente consistentis vel frustra timebat, vel potius se, ad augendam invidiam, timere fingebat insidias, & tanquam ab eo subornati imminerent ficarii, præter morem majorum suorum non nisi ³ armata vallatus custodia procedebat, ⁴ in tantum ut quidam familiari ausu propius accedentes, non sine periculo hoc ausu dicantur. Mirantibus hanc novitatem Regiam plurimis, ut pro ea satisfaceret, gentemque suam in Regem Anglorum accenderet, Præfulum Procerumque suorum concilium à Parisius convocavit. Ubi allegans contra eundem Regem plurima tanquam certa, atque, inter cetera, quod virum illum

1. Percrebuit *Edd. pr.* 2. Tam longe finibus *Edd. pr.* 3. Sic etiam *MS. Pic. Anea*, firmata. 4. Adeo ut pro in tantum habent *Edd. pr.* 5. Ita quoque *MS. Pic. & rectissime. Anea*, Parisios.

nobilissimum ¹ nequissime per diros satellites peremisset, litteras quoque protulit, à quibusdam potentibus sibi (ut dicebat) transmissas, quibus monebatur propensiores fuimet habere cautelam: sciens quod Rex Anglorum insidiaturos animæ suæ ab Oriente jam direxisset sicarios. Quamobrem (inquit) nemo debet mirari, quod præter solitum diligentiores mei ipsius curam habeam; quam tamen si reputatis vel indecentem, vel superfluam, decernite amovendam. Adjecit etiam, cordi sibi esse de manifesto proditore proprias mature ulcisci injurias. Ad hæc plurimi adulatorie responderunt, bonum honestumque esse, ² & quod pro cautela faciebat, & quod pro ultione disponebat. ³ Prudentiores vero dixerunt: Cautelam quidem tuam, Rex, qua tibi contra incertos casus forte abundantius prospicis, non culpamus, præmaturæ vero ultionis propositum minime approbamus. Nam & si vera sint, quæ de Rege Anglorum dicuntur: non tamen est petulanter & ⁴ præpropere agendum; sed respectu honesti sustinendum, quousque ad propria revertatur, qui propter Christum peregrinari noscitur. Denique si reversus vel objecta purgare poterit, vel de excessibus satisfacere voluerit, bene actum erit: ⁵ sin autem, expetendæ ultionis,

1. Sic etiam MS. Pic. Antea, nequiter. 2. Deest hoc prius & in Edd. priorib. 3. Prudentes Edd. pr. 4. Ita quoque MS. Pic. Antea, præmature. 5. Sic etiam MS. Pic. Antea, sin minus pro sin autem.

justitia comite, congruum tempus erit. Quod si nostrum consilium minus placet, Romanus Pontifex, qui de rebus modernorum peregrinantium quietem sub gravi censura sancivit, super his consulatur, ejusque (ut dignum est) sententia expectetur. Hæc dicentes viri cordati, & sobriis rationibus astruentes, sævientis impetum ad tempus frenarunt, ne peregrinantis terras invaderet. Quievit ergo ad modicum: non tamen in illo extorto magis quam spontaneo ¹ otio desiit regno & Regi Anglorum crucentum moliri negotium, veteres scilicet Anglorum hostes ² Dacos ad mortuam olim querelam artificiose suscitare conatus. Verum hæc tam maligna molitio, Deo ordinante, Anglis non nocuit: auctorem vero suum nævo ³ inexpugnabili denigravit. Famosa res est & propter claritatem personæ mundo notissima.

Quomodo Rex Francorum duxit sororem Regis⁴ Dacorum, & quomodo repudiavit eam.

C A P. XXVI.

IGITUR Rex Francorum missis ad Regem⁵ Dacorum viris honoratis, germanæ ejus laudatissimæ Virginis nuptias solemniter expetivit. Rex autem Dacorum magnifice legatos suscipiens, petitionem quoque ⁶ de Optimatum suo-

1. Otio, regno desiit, & Regi *Edd. priores.* 2. Danos *Edd. pr.*
 3. Inexpugnabili *MS. Pic. male.* 4. Danorum *Edd. pr.* 5. Danorum *Edd. pr.* 6. Sic etiam *MS. Pic. Antea omitebatur,* de.

rum consilio libenter amplexus est. Et quid, inquit, Dominus vester vult sibi dari dotis nomine? Illi vero, prout in mandatis acceperant, antiquum, inquit, jus Regis Dacorum in regno Anglorum, & ad hoc assequendum classem exercitumque Daciæ ¹ anno uno. Tum ille, rem inquit difficilem postulat: veruntamen delibero, an concedi debeat. Cumque super hoc regni sui inclytos seorsum consuleret, responderunt: Satis nobis negotii est contra paganam & nostris vicinam finibus gentem Wandalorum. Illisne ergo dimissis, hostiliter aggrediemur Anglorum gentem Christianam atque innoxiam, duplici nosmetipsos periculo immergentes? Nam si Anglos ² aggredimur, ferocissimis, qui juxta nos sunt, barbaris fines nostros exponimus. Porro Anglorum gens magna & valida, opibusque famosa, propriæ vel salutis vel libertati contra omnem vim externam tuendæ sufficere creditur. Proinde aliud petat Rex Francorum, si voluerit, dotis nomine: cum tu Rex non debeas cum propriæ gentis periculo Germanæ tuæ honorabiles nuptias providere. Placuit Regi ³ consilium sobrium, jussitque Legatos aliud dicere, si quid haberent. Illi vero expirante petitione prima, decem marcarum ⁴ argenti milia petierunt. Ad hæc Rex magnanimus: rem (inquit) Rex Francorum à Rege

1. Ita quoque MS. Pic. Antea, in annum pro anno uno. 2. Sic etiam MS. Pic. Antea, aggrediemur. 3. Sobrium consilium Edd. pr. 4. Agenti MS. noster.

¹ Dacorum nunc petit pertenuem ratione negotii & personarum. Petitionem ejus grate suscipimus, & votum mature implebimus. Tunc pactis initis, & sacramento à Legatis præstito pro completionem pactorum, ornatam (ut decuit) cum summa postulata ² tradidit virginem, ³ & de suis honoratos quosdam qui ⁴ prosequerentur eam usque in Franciam ⁵ una direxit. Rex autem Francorum occurrit ei ⁶ Ambianis, ibique solemniter nuptiali sibi foedere copulatam, etiam thoro accivit. Verum post initi foederis (ut dicitur) noctem unam, incertum unde offensus abjecit eam: rem plane faciens non tantum illicitam, sed etiam personæ regiæ multum indecoram. ⁷ Causa ⁸ sane pudendæ levitatis hujus ⁹ varie assignatur. Dicunt enim quidam, quod propter foetidum oris spiritum: alii, quod propter latentem quandam foeditatem repudiaverit eam: vel quia non invenit eam virginem. Indignæ procul dubio causæ hujusmodi, atque ad dirimendum conjugium Christianum invalidæ. Verum cum præcipitati repudii causa sit incerta, incertum tamen non est, eum qui fodit foveam incidisse in eam, ¹⁰ illum scilicet, qui sub prætextu nuptiarum gentis innoxiae & Christianæ sitivit impie sanguinem, perspicuo Dei

1. Danorum *Edd. pr.* 2. Tradit *Edd. pr.* 3. *Deest & in Ed. Pic.*
 4. Persequerentur *Edd. pr.* *Monnit tamen Picardus in suo Cod. prosequerentur legi.* 5. *Deest una in Edd. priorib.* 6. *Rigordus Attrebat. P.*
 7. Causæ *Edd. pr.* 8. *Vide Notas. P.* 9. *Varia assignantur Edd. pr.*
 10. *Scilicet illum Edd. priores.*

judicio ex ipsis nuptiis sempiterni dedecoris reportasse mercedem. Porro, ut infami ¹ operi honestæ speciei colorem superduceret; &, vel ad homines, quod utique ad Deum non poterat, contracti matrimonii fœdus abrumperet: Romano Pontifici per responsales callidos infinuare curavit, surreptione quadam ² se propriam duxisse affinem, postulans ³ vinculo minus legitimo eximi. At ille delegavit judices ex regno postulantis, forti tamen mandato astrictos, uti in hoc negotio juxta integritatem canonicæ procederent ⁴ sanctionis. Qui nimirum suo regi plus justo propitii, affinitate per duorum pseudo-episcoporum, Beluacensis scilicet & Carnotensis, execrabile perjurium imaginarie approbata, divortium celebrarunt. Et Beluacensis quidem postea Dei judicio traditus in manus Regis Anglorum, eundem satis idoneum expertus est in severitate ultionis Dei ministrum. ⁵ Carnotensis vero, qui morum proluvie minus esse Episcopus dicitur, Dei adhuc patientia sustinet, ut tarditatem poenæ quantitate compenset. Sic itaque Rex Francorum in facie Ecclesiæ exossi connubii lege solutus, ad alias paulo post

1. Facto pro operi in *Edd. priorib.* 2. Propriam se *Edd. priores.*
 3. A vinculo *Edd. pr.* 4. Ita quoque *MS. Pic. Antea*, sanctionis. Illi autem Regis sui injusto desiderio plus æque faventes, affinitate perjurio Belluacensis & Carnutensis Episcoporum asserta, divortium fieri debere decreverunt. Et Belluacensis quidem perjurus Episcopus, post non multo in manus Regis Anglorum traditus, eundem satis idoneum &c. *Edd. priores.* 5. Carnutensis *Edd. pr.*

nuptias aspiravit, quibus tamen potitus non est, ut suo loco dicetur.

*Quomodo Eboracensis Archiepiscopus præcipitavit
sententiam excommunicationis in Episcopum Du-
nelmensem.*

CAP. XXVII.

¹ **H**IS diebus ² Geofridus Archiepiscopus Eboracensis, & Hugo Episcopus Dunelmensis sua fortius, & remissius ea quæ sunt Christi, quærentes, cum multo & gravi scandalo disceptarunt. Ille, ut præesset: iste, ne subesset: neuter vero, ut prodesset. Ita quippe in diebus nostris pastorale decus evanuit, ut inter pastores Ecclesiasticos admodum rarus inveniat³ intelligens aut requirens Deum: dum fere omnes quæ sua sunt quærunt. ⁴ Et quidem paulo ante ejusdem ⁵ Geofridi electi adhuc Eboracensis pendente fortuna, Clemens Romanus Pontifex intercedentibus obsequiis eundem Episcopum cum suis omnibus ab Archiepiscopi Eboracensis jurisdictione exemerat. Porro successor ejus Cælestinus Eboracensis Ecclesiæ jura & dignitates redintegrans, eandem exemptionem cassavit. ⁶ Geofridus itaque de mandato ⁷ sedis Apostolicæ Turonis ordinatus, & ad sedem propriam cum Metropolitani honore re-

1. His *Edd. pr.* 2. Godefridus *Edd. pr.* 3. Intelligens: vel requirens *Edd. pr.* 4. Equidem *Edd. pr.* 5. Godefridi *Edd. priores.* 6. Godefridus *Edd. pr.* 7. Apostolicæ sedis Turone *Edd. pr.*

versus, de memorato Episcopo, quem ante ordinationem suam infestum expertus fuerat, triumphare cupiens, Canonicam ab eo professionem instanter exegit. Ad quam ex more præstandam cum ille nullatenus inclinaretur, sed appellationis se diffugio & ¹ quorundam enormium capitulorum objectu tueri niteretur: idem Archiepiscopus excommunicationis in eum sententiam præpropere, & motu magis proprio quam ² prudentum consilio promulgavit. Verum sicut hic appellationem & objecta, ita ille sprexit ³ risitque sententiam. Uterque mox ad sedem Apostolicam instructos responsales direxit. Hic pro confirmanda, ille pro infirmanda evacuandaque sententia quæ lata fuerat. Et hic quidem cupiens experiri sinceritatem Romanam, vel potius sufficere judicans quod profusioribus obsequiis pro negotio promotionis suæ paulo ante placasset Romanos, simpliciter postulavit: ille vero sagacius, prout à Romanis postulari oportuit, postulandum putavit; tantoque factus est in causa potior, quanto & pollicendo ponderosior. Denique non solum pro eo est pronunciatum, quod sententia illa non teneret; verum etiam ei, sive pro acceptæ injuriæ consolatione, sive etiam pro insolentis

1. Sic etiam MS. Pic. *Aniea*, quodam. 2. Prudentium Edd. pr.
3. Sic plane MS. noster. Ita tamen ut è regione à manu antiqua asteriscus cum punctis quibusdam ponatur. Non alio, ut opinor, consilio, quam ut sententia spreta notaretur, non ut de voce risitque (quæ rectissime procul dubio se habet) subdubitaretur.

adversarii humiliatione indultum, ut illi tanquam Metropolitano subesse ulterius non deberet. Sic ergo exemptus à jurisdictione potestatis suspectæ, victoriam suam quanto gloriosius, tanto & vanius ostentavit. Porro idem Archiepiscopus post successus præclaros initium malorum hoc habuit, uti sequentia declarabunt.

Cur¹ minus actum sit à nostris in Oriente, & de repatriatione peregrinorum.

C A P. XXVIII.

INTEREA exercitus Christianus Regi Regum in Oriente militans, in multo laborum & periculorum experimento agebat. Verumtamen Christianum negotium minus procedebat, tum propter dissensiones æmulationesque Ducum (ut dictum est) tum propter difficultates plurimas, tanquam Deo minus propicio obfistentes. Decernebant quidam adeundam totisque oppugnandam viribus sanctam civitatem, quam impii prophanabant. Aliis vero hoc impossibile videbatur, certis ex causis. Terra quippe, quæ paulo ante fertilissima fuerat, & quasi omnimodæ copię promptuarium, maligna &² callida Saladini provisione redacta erat in solitudinem: ne scilicet Christianus exercitus quantumcunque ex ea subsidium caperet, ³ unde

1. Sic etiam MS. Pic. Antea, minus sit à nostris in Oriente perfectum, & de &c. 2. Calida Ed. Pic. 3. Tamen MS. Pic.

nec poterat à mari ad aliquod majus negotium longius progredi, cum solum ei mare navigiis necessaria ministraret. Rex autem Anglorum exacta hieme in montanis, cum aliud non posset, urbes maritimas, quas Turci everfas reliquerant, & maxime Ascalonam summo studio & profusis opibus instaurare cœpit, carpentibus eum æmulis & rumores de illo pessimos per totum fere orbem Christianum spargentibus: scilicet quod Regem Francorum insidiis appetisset, quod Conradum Marchionem virum Christianissimum nefarie per ficarios peremisset, quod cum Saladino de proditione terræ sanctæ nequissime collusisset, atque ideo ad expugnandam civitatem sanctam accedere noluisset. Porro ille cœptis insistens, præ animi magnitudine æmulationum maledicta & molimina contemnebat. Sane post memorati Marchionis interitum, cum & Guido quondam Rex Jerosolymorum, qui cum eo contenderat, uxore sublata, solo jam Regis nomine esset contentus: deliberavit Rex Anglorum cum Ducibus & nobilibus universis, cuiusnam fines Christianos crederent, mature ad propria¹ reversuri. Et concordî decreto constituerunt Principem Christianæ acquisitionis Henricum, illustrem Gallicanæ Campaniæ Comitem, utriusque Regis, Francorum scilicet & Anglorum, communem ex communi Germana nepotem, tantis condignum avunculis. Quo

1. *Antea*, reversurus.

facto, & novo Principi integre traditis munitionibus Christianis, ordinatisque præfidiis urbium, ¹ Principes & populi, tanquam expleto militiæ tempore, cum jam sumptus ad moram deficerent, certatim repatriare coeperunt, anno ab expugnatione ² Tholomaïdæ secundo, tempore autumnali. Veruntamen eorum, qui post Christianæ in terra sancta plebis excidium propter Christum peregrinati fuerant, ³ nec quarta pars ad propria rediit. Cum enim ex omni fere orbe Christiano infinita hominum milia ad illam peregrinationem sanctæ devotionis fervor ⁴ accenderit: vel morbus, vel gladius, vel inedia, vel laboris intolerantia ⁵ partem longe majorem ⁶ absumpsit. In qua re consideranda est altitudo sapientiæ Dei, de suorum, quos ad vitam præordinavit æternam, temporali vel salute vel felicitate minus curantis, & eorum clades temporales ad supernæ civitatis completionem subtili provisione derivantis. Non enim est dubium eos, qui relicta patria atque omni necessitudine carnali tantis se ⁷ laboribus, periculis, & cladibus propter Christum exponentes in hac laudabili devotione vitam temporalem finire meruerunt, illis annumerandos, de quibus dicitur, ⁸ *Beati mortui, qui in Domino mo-*

1. Princeps *Edd. pr.* 2. Ptolemaïdis *antea.* 3. Ne quarta quidem pars *Edd. pr.* 4. Accendisset *Edd. pr.* 5. Majorem longe partem *Edd. pr.* 6. Sic etiam *MS. Pic. Antea,* absumpserat. 7. Periculis, laboribus & cladibus *Edd. pr.* 8. *Apoc. 14. P.*

riuntur,

riuntur, cum non solum in Domino, ¹ sed etiam pro Domino mortui esse probentur. Proinde fidenter dixerim, quod multo clementius superna cum illis pietas egerit, ² multoque feliciter illis contigerit, qui in illa peregrinatione vitam terminantes, felici compendio ad æterna migrarunt, quam qui repatriantes cum sospitate corporali ad fordes pristinas remearunt. ³ Quippe in eis quos ex illa peregrinatione ad propria reversos cognovimus, etiam ad mores pristinos post tanta propter Christum tolerata incommoda reversos videmus. Mirum quidem videtur, quod Dominus suæ incarnationis, passionis, resurrectionis, ⁴ ascensionisque sacratissima loca à gente spurcissima occupari & prophanari permiserit. Verum divinæ permissionis hujus tunc quidem occulta erat, nunc autem manifesta est ratio. Quippe occasione illius tam dolendi pudendique casus infinitis peccatoribus ad studium pietatis conversis, tanta piarum ⁵ milia animarum in quinquennali jam spatio ad æternam requiem superni ordinatoris manus assumpsit, quanta per integritatem ⁶ terrenæ Jerusalem, illa quæ sursum ⁷ est Jerusalem, quæ est mater nostra, ad suam completionem annis retro plurimis non suscepit. Ita ergo Rex noster ⁸ at-

1. Sed pro Domino *Edd. pr.* 2. *Desunt* multoque feliciter illis contigerit *in Edd. priorib.* 3. Quippe eos quos *Edd. pr.* 4. Ascensionis sanctissima loca *Edd. pr.* 5. Militiam *MS. Pic.* 6. *Imitatur S. Paul. ad Galat.* 4. *Pic.* 7. Est, quæ (*omisso* Jerusalem) *Edd. pr.* 8. *Salom. Sap.* 8. *verba sunt huc reducta.* *Pic.*

tingens

tingens à fine usque ad finem fortiter, & disponens omnia suaviter, & malis quoque hominum utens optime, dum terrenam suam Jerusalem, & fines ejus propter peccata habitantium in manus hostium tradidit, cœlestis suæ Jerusalem uberiora subtiliter lucra quæsit.

Quomodo Rex Anglorum liberavit Joppen, & de induciis Christianorum & Turcorum.

CAP. XXIX.

SANE repatriantibus ceteris præter eos qui ordinati¹ erant ad præsidia urbium: nec illustri Anglorum Regi, qui jam proprios in sumptibus diuturnæ militiæ thesauros exhauserat, productioris moræ in Syria facultas fuit. Rebus ergo dispositis, & datis nepoti, quem regni exigui Principem relinquebat, mandatis, ² Cyprum cum suis rediit, ³ inde ⁴ opportune profecturus⁵. Quibus agnitis, Saladinus super Joppen minus sufficienti munitam præsidio cum exercitu irruit, eaque celeriter expugnata, & facta Christianorum strage non modica, reliquos in arce conclusos obsedit. Tum nostri eo modo quo poterant præcavescentes, ne usque ad ⁶ internicionem reliquiæ deleantur, immanissimo tyranno pacti sunt deditionem arcis ad

1. Sunt MS. Pic. 2. In Cyprum Edd. pr. 3. Unde Edd. pr.
4. Optime MS. Pic. 5. Erat addit MS. Pic. 6. Internicionem
reliquiæ deleantur, cum immanissimo tyranno pacti sunt deditionem se arcem, nisi ad diem certum forte Christianus &c. Edd. pr.

diem certum, nisi forte Christianus superveniret exercitus. Et ille quidem nostrorum, qui abierant, reditum non metuens, quietus jam erat, tanquam incruento negotio arcem mature ingressurus. Rex autem Anglorum ubi finistri eventus nuncium accepit, tristitia mox in virtutis materiam versa, cum omnibus, quos eum non sequi pudebat, secundis ¹ flatibus Syriam celeriter rediit, Turcos inopinato ejus reditu impetuque perterritos in fugam convertit. Qui rursus conglobati, fretique ingentibus numeris, eum in Joppe clausum frustra conati sunt obsidere. Egressus quippe in spiritu fortitudinis, & non solum optimi Ducis, verum etiam fortissimi militis implens officium, per dies aliquot cum eis in campo conflixit, & manu longe impari tremendas Turcorum copias tandem Christo propicio ita protrivit, ut invictum ejus animum mirantes, & nihil contra eum ulterius audendum putantes recederent. Joppe igitur liberata, apud castellum, quod dicitur ² Caiphas, diebus aliquot ægrotavit. Quo audito Saladinus (ut dicitur) non tanquam de hoste debilitato exultavit, sed tanquam de invictissimi Principis incommodo doluit. Missisque ad eum nunciis: Scio (inquit) quod in hac terra etiam sospes prolixior moram facere nequeas: te autem abeunte, quod à Christianis cum tanto labore

1. Flatibus in Syriam cel. rediit, & Turcos *Edd. pr.* 2. Ita quodque *MS. Pic. Antea*, Cephas.

adquisitum est, certo exponetur periculo, & mediocri negotio ¹ recidet in manus meas. Verumtamen propter te, cujus egregiam magis virtutem veneror quam animum hostilem averfor, triennii inducias Christianis indulgeo. Aſcalona ² tantum nec mihi, nec illis fit, sed destruat. Rex autem licet ægre ferret urbem everti, in cujus recenti instauratione sumptuosissimo frustra labore sudaverat, consilio tamen ³ & desiderio Patriarchæ, & novi Principis, omniumque Christianorum terræ illius, inducias amplexus est, respectu quidem urbis evertendæ minus honestas, sed fortiori ratione multum necessarias. Itaque per operam Regis Anglorum ⁴ solis culpandam æmulis, celebratæ firmatæque sunt inter Christianos in Palestina consistentes & Turcos Saladino subditos induciæ, à Paschali solemnitate proxima ⁵ in tres annos, tres menses, tres septimanas, ⁶ tres dies, tres horas. Indultum quoque firmiterque statutum est à Saladino in gratiam Regis Anglorum, ut Christiani toto induciarum tempore secure & libere sepulchrum Dominicum orandi studio visitarent, nihilque molestiæ à Sarracenis in accessu vel reditu patientes, expletis orationum solemnibus cum fructu devotionis suæ Christia-

1. Incidet Edd. pr. *Picardus tamen monuit in suo Cod. recedet legi. apte (inquit) si librarius pinxisset recidet.* 2. Tamen Edd. priores.

3. Ita quoque MS. Pic. *Antea omittebantur,* & desiderio. 4. Sed MS. Pic. 5. Abbas vero Uſperg. scribit fuisse quinquennales inducias. Pic.

6. Ita quoque MS. Pic. *Antea omittebantur,* tres dies.

nis se finibus ¹ redderent. Quamobrem sancitis, prout oportebat, induciis, Christianorum ingens numerus ad sanctam civitatem contendit, & votis potitus cum longi satisfactione desiderii hilariter repatriavit. Et Rex quidem ² qui unus pro decem milibus computabatur, dum propter casus ancipites de consilio sapientum propriæ cautius saluti prospiceret, minus satisfecit devotioni. At vero Hubertus Salesbiriensis Episcopus, qui ejus in illa expeditione Comes individuus & fidus, prudensque cooperator extiterat, regiæ devotionis vicem implere curavit. Denique (ut dicitur) pro se & Principe sepulchrum Principis Principum visitans, fuso ibidem piarum profluvio lacrimarum, & sacra hostia immolata suorum pariter & regionum compos votorum ad Principem rediit. Quibus actis idem ³ Rex repatriandi propositum declaravit. insulam Cyprum Guidoni olim Jerosolymorum Regi viro strenuissimo mera liberalitate donavit. dilecto nepoti, quem finibus Christianis præfecerat, suam (Christo propicio) reversionem circa induciarum expletionem pollicitus, charactere Dominico, quo insignitus advenerat, in argumentum propositæ reversionis retento, infidis se flatibus credidit.

1. Redderet *MS. noster*. 2. Quem & ipsi Sarraceni, & populus Christianus & alii timuerunt *inquit Abb. Uspersg. Pic.* 3. *Deest Rex in Edd. priorib.*

Quod Deo disponente plus actum sit illa expeditione pro superna quam terrena Jerusalem, & de morte Saladini.

CAP. XXX.

HUNC exitum occulto Dei judicio habuit Christiana illa tam sumptuosa, laboriosa, ¹ periculosa contra immanissimum sacri & tremendi nominis hostem Saladinum expeditio magnorum Regum, inclytorum Ducum, innumera- bilium populorum. Et quidem tantis sumpti- bus, periculis, laboribus, pro recuperanda ter- rena Jerusalem parum actum est: pro instau- randa vero superna Jerusalem plurimum, uti ² superius ostensum est. Deo enim melius, quam humana erat intentio, disponente, tam multa ³ Christianorum in suscepta pro Christo tam la- boriosa peregrinatione occumbentium milia, quæ quidem secundum intentionem pro recu- peratione terrenæ Jerusalem frustra sudasse vi- dentur, cum fructu pii laboris tanquam vivi la- pides in illius quæ sursum est Jerusalem ædifi- cium transierunt. Verumtamen sicut defectui temporum nostrorum, quibus utique abundante iniquitate refrigescit charitas, imputandum est, quod loca sacra, in quibus redemptionis nostræ celebrata sunt sacramenta, tradita sunt in ma- nus impiorum: ita & illud, quod pro recupe-

1. Periculosaque MS. Pic. 2. Cap. 28. hujus libri, Pic. 3. Sic etiam MS. Pic. Antea, Christianorum (suscepta pro Christo tam la- boriosa peregrinatione) occumbentium &c.

ratione eorundem locorum tantis laboribus & sumptibus Christianum minus processit negotium. Itaque propter nostrorum defectum & dedecus temporum, ¹ oportet civitatem sanctam conculcari & prophanari à gentibus usque ad tempus, quod solus Deus novit. Nam suo tempore procul dubio juxta morem priscum terra sancta spurcissimos evomet incolas; & forte per parciores manus Christianam, ut virtus divina in negotio clarius elucescat. Unde veraciter à quodam ² fideli bellatore ³ dictum est, *Facile est concludi multos in manus paucorum, & non est differentia in conspectu Dei, liberare in multis, aut in paucis.* Quod utique declaratum est, cum ⁴ unus persequeretur mille, & duo fugarent decem milia: cum ⁵ Gedeon amota multitudine per ⁶ trescentos viros, qui aquas lambuerant, de innumerabilibus populis triumpharet. At non est tentandus Deus: ut Christiani pro eo, quod ⁷ Dominum bonum potentemque habent, petulanter & inconsulte contra multos adversarios pauci profiliant. Ita enim ⁸ suos vult Deus in se confidere, ut tamen non negligant prudenter & provide agere. Unde scriptum est, quod sancti olim Duces proeliaturi proelia Do-

1. Oportuit MS. Pic. 2. Bellatore fideli Edd. pr. 3. Juda Machabeo 3. Machab. Pic. 4. Deut. 32. P. 5. Judic. 7. P. 6. Antea, trecentos viros, qui aquam lamberant. 7. Dominum potentem habent, Edd. pr. 8. Suos Deus vult in se credere, ut non negligant prudenter & provide agere Edd. pr. Et tamen Picardus monuit in suo Cod. vet. legi, Deus vult suos sic in se credere, ut non negligant agere provide.

mini, & futuræ victoriæ ipso hanc pollicente non ignari, ipso plerumque jubente, plerumque ¹ non jubente, convocaverint multitudinem; nec se cum paucis vel honestum, vel utile duxerunt offerre discrimini; non utique ² ut Omnipotenti facilius esset per impetum multitudinis, præstandæ victoriæ copia, sed quia illius saluberrimi præcepti, scilicet ³ *Non tentabis Dominum Deum tuum*, homo non debet esse negligens, & quia melius est, ut multi quam pauci Deo militent, non plane ex suo numero Omnipotenti plus facultatis allaturi, sed pro ⁴ suo numero ab eo, qui sibi nil ⁵ minuit, quantissimè distribuat, militiæ præmia percepturi. Sane paulo post exercitus Christiani ⁶ à Syria digressum, stillavit Dominus super populum suum misericordiæ modicum, tanquam arram quandam gratiæ plenioris. ⁷ Virgam quippe furoris Domini, ⁸ & formidabilem Christiani nominis malleum confregit Saladinum. Qui nimirum cum in multa lætitia & securitate ageret, tanquam elusa omni fortitudine magnorum Regum Occidentis, repente incidit in manus Dei viventis: magnumque illud imperium, quod ex regnis opulentissimis homo non Regii sanguinis, sed ⁹ astutiæ singularis arte simul & virtute

1. Etiam addit MS. Pic. 2. Quod pro ut in Edd. priorib. 3. Exod. 6. P. 4. Ita quoque MS. Pic. Antea omitebatur, suo. 5. Minuerit MS. Pic. 6. Ex Edd. pr. 7. Sic etiam MS. Pic. Antea, virga. 8. Deest & in Edd. priorib. 9. Astutia & virtute conflaverat, Edd. pr. Monuit tamen Picardus in Cod. suo legi, astutiæ singularis arte scilicet & confla-

conflaverat, cum ingenti rixarum bellorumque materia delicatis heredibus moriens dereliquit. Denique eo mortuo juxta numerum succedentium scissum est imperium ejus, ipsisque inter se dissidentibus facta est summa confusio in domo ejus. Christiani vero sub Principe Henrico in suis urbibus quiete commorantes, expletionem induciarum præstolabantur.

Quomodo Rex Anglorum naufragium passus, & captus est à Duce Austriæ.

C A P. XXXI.

IGITUR Rex Anglorum à Syria digrediens, duabus Reginis, sorore scilicet vidua & conjuge, cum omni fere familia præmissis, ipse cum paucis expeditioribus agiliori navigio sequebatur. Impatientior quippe tædii, dum lentum & morosum latissimi aspernaretur pelagi transitum, tutiorem gravioris navigii, & suo pondere minus timentis spiritus procellarum, eversionem recusavit, quod utique factum est illi in scandalum. Et quidem Reginæ cum omni comitatu suo, lento sed prospero ¹ cursu Siciliam venientes, ibidem ² sub Rege Tancredo in tuto pro tempore substitere. Porro Rex navi, qua vehebatur, inclementioribus auris ³ arrepta, tractus est ad partes ⁴ Histriæ, atque in-

1. Cursu in Siciliam *Edd. pr.* 2. Sic etiam *MS. Pic. Antea*, sub Tancredo, *omisso* Rege. 3. Ita quoque *MS. Pic. Antea*, abrepta. 4. Istriæ *Edd. pr.* Monuit tamen Picardus in *Cod. suo Austriæ legi.*

ter Aquileiam & Venetiam naufragium passus, ægre cum paucis æquoreum discrimen evasit. Ubi propriam pro tempore propter casus ¹ incertos inter ceteros naufragos celans personam, didicit Regem Anglorum hominibus regionis illius ob necem Conradi Marchionis, quæ ipsi imputabatur, esse invisum, nec ² posse ibidem tutum habere hospitium. Quamobrem imminens inani studuit illudere cautela periculum. Nam cito ³ percrebuit insignem naufragum latere vel ⁴ oberrare in terra illa. Mox nobilibus simul & populo ad vestigandum eum intentis, quidam Comes ⁵ Mainardus nomine, ipso latenter per fugam elapso, octo de comitibus ejus comprehendit. Deinde in Archiepiscopatu ⁶ Salburgenfi, loco qui vocatur ⁷ Frisarium, sex de comitibus ejus à quodam Frederico detentis, cum tribus tantum comitibus noctu ad partes Austriæ properavit. Humboldus ⁸ vero Dux Austriæ, qui (ut supra dictum ⁹ est) stipendiarius ejus in exercitu Domini fuerat, profusam ejus circa se largitatem, cum egeret, expertus, oblitus beneficii, atque in ultionem cujusdam læsionis exiguæ sæviens, magis autem opum Anglicanarum homo avarus & perfidus sitiens, cautissimos per omnes viarum transitus & di-

1. Sic etiam MS. Pic. Antea, incertos naufragos, absque inter ceteros. 2. Posse se ibidem Edd. pr. 3. Percrebuit Edd. priores. 4. Ita quoque MS. Pic. Antea, aberrare. 5. Sic etiam MS. Pic. Antea, Mamardus. 6. Salsburgenfi Edd. priores. 7. Sfrisarium MS. Pic. 8. Vide Notas. P. 9. Cap. 23.

verticula, ut insigni profugo evadendi locus non esset, custodes disposuit; quem tandem in suburbano quodam, indicio (ut dicitur) cujusdam ex comitibus ejus, dum escas lautiores emeret, caute notati, & ad prodendum cuinam peregrino talia procuraret intentata morte coacti, inventum, per ¹ immissos satellites captivavit. Denique ingressi ad eum ² sollicite se occultantem directi à Duce armati, ave, inquit, Rex Anglorum: frustra personam tuam pallias, facies tua manifestum te facit. Cumque vir ingentis animi gladium arriperet: noli, inquit, Rex, vel timere, vel temere agere, non enim morieris, sed potius à morte servaberis in medio hostium tuorum, propinquorum scilicet Conradi Marchionis, quærentium animam tuam: in quorum utique manus si forte etiam centum vitas habens incideres, ne una quidem earum salva tibi esse posset. Captus igitur Rex nobilis à Duce nequissimo anno ³ à partu Virginis M. C. nonagesimo II. mense Decembri, 1192. citra decus Regium in vinculis servabatur.

Quomodo ⁴ Francorum Rex delusus à filio Ducis Saxoniae, speratis nuptiis caruit.

C A P. XXXII.

RES mature defertur ad Imperatorem Teutonicum, in Germaniæ tunc partibus

1. Præmissos MS. Pic. 2. Sollicite occultantem se directi Edd. pr.
 3. Defunt à partu Virginis in Edd. pr. 4. Rex Francorum Edd. pr.
 consti-

constitutum. Qui nimirum vel imperialis, vel etiam Christianæ negligens honestatis, & occasione captivi insignis diripiendis plurimarum regionum opibus inhians, gavisus est valde. Moxque Regem Francorum suæ lætitiæ fieri volens participem, gratissimum illi super aurum & topazion quinto Kalendas Januarii à ¹ Renhenza nuncium destinavit. Ille vero lætatus super infelicitate aliena, sicut qui invenit spolia multa, sinistrum Principis eventum ad frangendos subditorum animos mox late vulgavit, animumque hostilem declarans, ut perpetua captivi esset dejectio, modis omnibus agendum putavit. Denique magnis pollicitationibus sollicitare atque allicere sibi curavit Joannem, captivi Regis Germanum, in Anglia, Hibernia, Normannia, multarum virium ² opumque virum. Quem profecto facile ad suas potuit partes traducere, jam pridem quantum regni fraterni, tantum & fraterni periculi cupidum. Accepto ergo idem in Anglia constitutus fraternæ captionis nuncio, illico transfretavit, & nutanti regno sperans ³ se facile posse ⁴ intrudi, si Francorum sibi vires adjungeret, inito cum eis fœdere, & fratris in periculo positi fidelitate exufflata, ejus se hostem inverecondissime declaravit. Rex quoque Francorum Imperatorem Teutonicum, ad cujus ⁵ fortuna Regis captivi

1. Rinhuza Edd. pr. *Fatetur tamen Picardus in Cod. suo Rôhenza legi.* 2. *Absunt hæc à MS. Pic.* 3. Facile se posse Edd pr. 4. Ingressi MS. Pic. 5. Fortunam Ed. Pic. *perperam.*

pendebat arbitrium, affinitate sibi cupiens ¹ media devincire, consobrinæ ejus, unicæ scilicet filiæ Palatini Comitis, missis ad eum nunciis connubium expetivit. Petitionem Imperator gratanter amplexus, ejus complendæ gratia Comitem Palatinum, virum (ut dicitur) in imperio summæ post Imperatorem amplitudinis, accersivit. Nec latuit ea res matrem puellæ. Quæ unicam sobolem secreto conveniens, vis, ait, honorabiles nuptias, & thorum Regium? Rex enim Francorum te comparem postulat. Tum illa, audivi, inquit, à multis de Rege hoc, quomodo ² foedaverit atque abjecerit puellam nobilissimam, germanam scilicet Regis Dacorum, & vereor exemplum. Ad quam mater, & quis, ait, in votis tuis est potior? Tum illa, si mea, inquit, vota prosperentur, ab eo certe, cui me didici in annis infantia desponsatam, nunquam disjungar: Henrico scilicet Ducis Saxonici filio. Et mater, confide, ait, filia, quia per maternam operam formidato ³ exempta exemplo, optato potieris connubio. Mox eundem Henricum elegantissimum & strenuissimum juvenem, Regis Anglorum ex sorore nepotem, virago mirabilis secretis litteris accersivit. Qui festinus occurrit, & votis promptissime concurrentibus dilectam Virginem tradente matre accepit; qua nimirum propter eventus ancipites accelerante

1. *Deest media in Edd. priorib.* 2. *Fœdavit atque abjecit puellam nobilissimam, scilicet Regis Danorum germanam, & ver. &c. Edd. pr.* 3. *Sic etiam MS. Pic. Ansea, liberata.*

negotium, illico ritu solemnī celebratæ sunt nuptiæ, ut quos ¹ Deus jam conjunxisset, ² homo de cetero separare non posset. Interea novæ nuptæ pater ab imperatore inductus, ut regiis filiam nuptiis honestaret, actæ rei repente famam accepit. Imperator quoque rem audiens, credensque hoc præter ejus conscientiam fieri minime potuisse, acri contra eum motu excanduit, & ad se vocatum mordaciter increpavit, tum quia juvenem oderat, tum quia factum erat aliter quam volebat. Ille vero stomachanti atque objurganti satisfaciens, per salutem, inquit, tuam, Imperator, mea hoc neque voluntate neque conscientia actum est; sed conjugem meam, consobrinam tuam, contemplatione juramenti, olim à me & illa, felicitis ³ memoriæ patris tui imperio, Duci Saxonix præstiti in absentia mea credo patrasse, unde mihi tua celsitudo succenset. Tum Imperator, vade, ⁴ ait, & nebulone illo expulso rescinde quod actum est. Et ille, noli, ⁵ inquit, sic loqui Imperator. Nam eo usque (ut dicitur) res processit, ut absque sempiterno unicæ filiæ meæ dedecore rescindi non possit. Reversus autem idem ad propria, genero blande locutus est, adoptansque eum ⁶ in filium, filiam egregie do-

1. Dominus *Edd. pr.* 2. Homo separare jam non posset *Edd. pr.* *Monuit tamen Picardus in Cod. suo de cetero mox post jam addi.* 3. Memoriæ patri tuo Imperatori, Duci Saxonix præstiti, absente me credo patrasse, unde tua mihi celsitudo succenset *Edd. pr.* 4. Inquit *Edd. pr.* 5. Ait *Edd. pr.* 6. In filium *omittunt Edd. pr.*

tavit.

tavit. Sic ille, qui propriam paulo ante cum
¹ dedecore repudiaverat conjugem, optatis speratisque, Dei judicio, caruit nuptiis.

*Quomodo Rex Anglorum per Ducem Austriae devenit
 in custodiam Imperatoris.*

C A P. XXXIII.

IGITUR illustris Rex Anglorum à Duce Austriae, qui paulo ante illi in Syria contra Turcos militaverat, tenebatur in vinculis. Imperator ² autem allegans Regem non ³ decere teneri à Duce, nec esse indecens, si ab Imperatoria celsitudine decus Regium teneretur, insignem ad se trahere curavit captivum. Et cum negari non posset, à Duce resignatum in propriam avarus Imperator traduxit custodiam, pactus tamen Duci ⁴ competentem provenientis commodi portionem. Sic ergo Christianus Imperator avaritia depravatus, memorato Regi versus in Saladinum, novo atque inexpiabili nævo Romanum foedavit imperium. A seculo enim non est auditum, quod aliquis Christianorum vel Regum, vel Imperatorum, quemlibet ⁵ alium Christianum à sancta militia redeuntem, & per suos fines simpliciter ⁶ transeuntem

1. Decore MS. noster. 2. Sic etiam MS. Pic. Antea ominebatur, autem.
 3. Debere Edd. pr. 4. Ita quoque MS. Pic. Antea, competentem ex
 proveniente comodo portionem. 5. Alium principem Christianum
 Edd. pr. 6. Transeuntem captivum detinuerit. Verum Edd. pr.
 Fatetur tamen Picardus in suo Cod. captivaverat pro captivum detinuerit legi.

capti-

captivaverit principem. Verum ¹ quid *non mortalia pectora cogis auri sacra fames?* Imperator Romanus (proh! pudor) præ commodi esurie ad omne honestum, omne jus fasque oculos clausit, imperiale decus nescivit, alter esse Saladinus non erubuit. Princeps autem Christianus, qui tam procul à propriis contra Saladinum & Turcos Christo militaverat, ad propria pro tempore cum pio proposito remeans, & in argumentum ² opportunitatis in Orientem ³ regressionis, characterem adhuc dominicum ⁴ portans, in ⁵ Alemannia Turcos incurrit peiores, & tanto amariorem quanto & avariorem Saladinum. Qui nimirum avaritiam pallians, & quod foedissime faciebat, adumbratæ justitiæ colore obducens, illustrem captivum concinnatis maculabat mendaciis, & gloriabatur voluntate Dei incidisse in manus suas plectendum severius hostem imperii, & terræ sanctæ, in cujus medio Dominus salutem operatus est, proditorem. Denique circa Dominicam palmarum solemniter sibi præsentatum, coram omni frequentia nobilium & populi, gravium objectu excessuum terrere tentavit. Ille vero hilari fretus conscientia, constanti & libera responsione ita objecta diluit,

1. *Æneid.* 4. P. 2. Conceptæ ad Or. *Edd. pr.* Opportunitatis tamen & in suo etiam Cod. legi monuit Picardus. 3. Reversionis *Edd. pr.* 4. Gestans *Edd. pr.* 5. Alemannos Turcis incurrit peiores. Imperator quidem avaritiam pallians, *Edd. pr.* Monuit autem Picardus in suo MS. legi, Alemannia Turcos incurrit peiores, & tanto amariorem, quanto avariorem Saladinum. Imperator quidem avaritiam pallians, &c.

ut Imperator quoque non solum ad misericordiam, verum etiam ad ¹ reverentiam ejus flecti videretur. Multis enim præ gaudio in lacrimas resolutis, inclinatum Regem dignanter erexit, uberiores de cetero gratiam, & ² profusiora solatia pollicens, re autem vera ingenti summæ, mediante Duce Austriæ ab ipso Rege pro sua liberatione promissæ, sitibunde inhians. Unde nec relaxandum duxit, quem sic honorare voluit, nullum commodius judicans pignus promissionis, quam corpus promissoris. Sane jam visitabatur ³ à plurimis vinctus insignis, & toto detentionis suæ tempore officiosissimam suorum experiebatur circa se charitatem. Venit autem ad eum Eliensis Episcopus, principalis ab eo, ut supra dictum est, cum ad Orientem tenderet, regni procurator ⁴ relictus, sed a potentibus regni propter mores insolentissimos Anglia jam pridem extrusus, & non discedebat ab eo, negotia quidem ejus strenue administrans, sed de suis expulsores regiis malum auribus infusurrans. Venerabilis quoque Hubertus Salesbiriensis Episcopus, qui ejusdem Regis in Syria comes individuus fuerat, cum applicuisset in Sicilia, cognito quod ei acciderat, ⁵ (nam tanti principis casus indignissimus cito insonuit

1. Venerationem *Edd. pr.* 2. Ita quoque *MS. Pic. Antea*, fusiora.
 3. Sic etiam *MS. Pic. Antea*, à pluribus nuntiis, & toto &c. 4. Ita quoque *MS. Pic. Antea*, relictus, & de suis expulsores &c. *omissis intermediis.* 5. Sic etiam *MS. Pic. Antea* omitebantur, nam t. pr. c. i. c. inf. orbi terrarum.

orbi terrarum) properavit ad eum. Quem ille mox direxit in Angliam, tum pro necessaria regni cura, tum etiam pro maturando ¹ suæ redemptionis negotio. Quippe alium non habebat ² unanimum, de cuius ³ fide, prudentia & ⁴ sinceritate tam crebra in variis casibus experimenta sumpsisset.

Quomodo Rex Francorum invasit Normanniam, & quomodo Joannes turbavit Angliam.

CAP. XXXIV.

REBUS igitur ita se circa Regem Anglorum habentibus, Philippus Rex Francorum missis ad eum in Alemanniam à latere suo viris honoratis, hominum, quo ⁵ sibi astrictus videbatur, solemniter refutavit, bellumque vincto indicens, hostile propositum declaravit. Indecorum plane ⁶ foedumque visum est omnibus, homini vincto & sui penitus impoti bellum indicare; *sed malitia nocendi avida respectum honesti non habet.* Displicere visa est Imperatoriæ majestati, regiæ personæ tanta indignitas; eique, ut à vincti rebus quiesceret, supplicandum putavit. Porro ille promissis ingentibus, & vel coæquantibus vel etiam excedentibus summam à vincto promissam, Imperatorem tentavit cor-

1. Redemptionis suæ *Edd. priores.* 2. Ita quoque *MS. Pic. Antea omittitur*, unanimum. 3. Fide *omittunt Edd. priores.* 4. Fidelitate pro sinceritate in *Edd. priorib.* 5. Videbatur sibi astrictus *Edd. pr.* 6. Foedumque *omittunt Edd. priores.*

rumpere, ut eundem sibi cautius custodiendum traderet, allegans mundum componi non posse, si tantus ¹ turbator emergeret. Et Imperatoris quidem animum minus solidum forte ad hoc pellicere potuit; sed ² potentes imperii victum ingenue miserantes, nefariæ molitioni obstitere. Ille vero erumpente malitia quiescere nescius, congregato exercitu invasit Normanniam, moxque Gisorcium, castellum nobile ³ & munimentis abundans, cujusdam ⁴ Gilleberti, cujus ⁵ modicæ fidei creditum fuerat, proditiōe recepit. Consequenter ad quædam alia versus castella, neminem obsistentem invenit. Ita quippe indigna fors Principis subditorum animos fregerat, atque omnem in eis fiduciam enervarat, ut tanquam oves non habentes pastorem, vel sponte manus darent, vel à facie fugerent ⁶ insequentis. Cumque jam Albemariam, ⁷ Augum, atque alia castella plurima in ejus ⁸ matura deditione potestatem transissent, Metropolim Normanniæ Rothomagum cum exercitu ⁹ adiit, atque ore terricrepto cunctis sibi obstituris intentans exitium, urbem resignari præcepit. At Comes Leicestrensis, Regis Anglorum comes ¹⁰ in orientali expeditione fidissimus,

1. Virgator *MS. Pic.* 2. Principes pro potentes in *Edd. priorib.*
 3. Ita quoque *MS. Pic. Antea omitebatur, &.* 4. Gileberti *Edd. pr.*
 5. Sic etiam *MS. Pic. Antea omitebatur, modicæ.* 6. Insistentis *MS. Pic.*
 7. Ita quoque *MS. Pic. Antea, Angum.* 8. Haud aliter quoque *MS. Pic. Antea omitebantur, matura deditione.* 9. Adiit, iminatusque internecionem, ni se dederent, urbem resignari præcepit *Edd. pr.*
 10. Sic etiam *MS. Pic. Antea, in Oriente fidissimus, &c.*

præcognito ejus adventu paulo ante urbem ingressus, animos civium erexerat, atque ut contra hostem immanissimum viriliter agerent, egregie roborarat. Ille vero urbe ¹ per dies aliquot frustra oppugnata, & jactura majori accepta quam illata, recessit, atque ad faciliora exercitum ² negotia revocans, munitiones nobiles, Paschy & ³ Iveri, absque multa difficultate obtinuit. Tunc ad frenandum ejus pro tempore impetum, illi, qui res vincti utcunque gerebant, inducias ad tempus certum ingentis summæ pactione redimendas duxerunt, & quatuor castella electa loco pignoris tradiderunt. Nec Joannes, ⁴ ex regni ambitu ⁵ hostis naturæ effectus, illis diebus à fratris infestatione quievit: Regis Francorum in omnibus cooperator ⁶ effulgens. Quippe illo in finibus Normanniæ debacchante, hic fretus munitionibus regiis, quas fratri in Oriente constituto dolose subtraxerat, catervis improborum undecunque contractis, Angliæ turbabat provincias, atque infinita ⁷ in caput perfidum maledicta congerebat. Regni autem Optimates fide integri, animisque infraçti, collecta manu valida vecordissimi juvenis nefariis se ausibus opposuerunt, & castel-

1. *Deest per in Edd. priorib.* 2. *Ita quoque MS. Pic. Antea omittebatur, negotia.* 3. *Wiery Edd. pr.* 4. *Ita quoque MS. Pic. Antea desiderabatur ex.* 5. *Hostis jam naturæ effectus Edd. pr.* 6. *Haud aliter etiam MS. Pic. Antea omitebatur, effulgens.* 7. *In caput regis maledicta congerebat Edd. pr.*

lum Windesforam, ¹ quod in ejus ² ditionem inciderat, diu & fortiter oppugnantes, ad dedicationem coëgerunt. Nam quum Joannes ³ videret suos, quibus subvenire non poterat, periclitari obsessos, pro eorum salute inducias ad tempus ⁴ definitum petiit, & castellum ⁵ resignavit, quo facto transfretans, ad Regem Francorum se contulit.

Quomodo Hubertus Salesbiriensis Episcopus factus est Archiepiscopus Cantuariensis, & ⁶ de Ecclesia contradictionis.

C A P. XXXV.

EODEM tempore ⁷ victus insignis salubri instinctu Cantuariensem ecclesiam vacare ⁸ diutius noluit. Nam venerabili Balduino, qui, ut superius dictum est, sub charactere dominico ⁹ in Orientem profectus Tyri ¹⁰ decesserat, nullus adhuc in ejusdem ecclesiæ sollicitudine pastorali successerat. Scripsit ergo Rex de Alemania Episcopis ceterisque, ad quos tantum spe-

1. Quæ pro quod in MS. nostro. 2. Ditionem diu inciderat, fortiter oppugnantes Edd. pr. 3. Ita quoque MS. Pic. Antea, videret obsessos, quibus subvenire non poterat, periclitari, pro eorum. 4. Deest definitum in Edd. priorib. pro quo tamen in Cod. suo diffinitum legi fateatur Picardus ad marg. Ed. suæ. 5. Resignavit, trajectoque Oceano ad Regem &c Edd. pr. 6. De quibusdam contradicentibus pro ecclesia contradictionis in Edd. priorib. 7. Sic etiam MS. Pic. Antea, Rex pro victus insignis. 8. Noluit diutius Edd. pr. 9. In Orientem secum erat profectus Edd. pr. 10. Sic etiam MS. Pic. Antea, decedente, scripsit Episcopis ceterisque, ad quos &c.

ctabat negotium, ut primæ sedis pro tempore providentiam habentes, Metropolitani electionem maturarent. Nec propriæ provisionis arbitrium tacuit, sed virum, in quo sibi complacbat, utpote in multis probatum, & præclare agnitum electuris commendabat. Itaque Cantuarienses cum Episcopis convenientes, approbata voluntate regia, Hubertum Salesbiriensem Episcopum ad primæ sedis regimen concorditer & solemniter elegerunt. Qui ¹ nimirum postulato atque accepto à Romano Pontifice pallio inthronizatus, mox sumpto apud ² Mere-tonam Canonice professionis habitu, religiosæ ³ mentis propositum cultu exteriori declaravit. Cantuariensibus sane, quos prædecessoris sui fervor paulo indiscretior exulcerarat, salvo defuncti honore molestus non fuit. ⁴ Nempe idem Cantuariensibus (ut dicitur) monachis plus justo infestus, proprium eligendi Pontificem jus & prærogativam ⁵ transferre ab eis voluit. Hujus rei gratia ⁶ Ecclesiam majoris ecclesiæ, in qua monachi ministrant, quasi æmulam Cantuariæ fabricare adorsus, præbendas quoque clericorum ⁷ ibidem instituit, ubi videlicet defuncto Cantuariensi Archiepiscopo Suffraganei convenirent, & simul cum ejusdem

1. *Deest nimirum in Edd. priorib.* 2. *Vide Notas. P.* 3. *Propositum mentis Edd. pr.* 4. *Ille enim pro nempe idem in Edd. priorib.* 5. *Ab eis transferre Edd. pr.* 6. *Ita plane MS. noster. Ædem Edd. priores. Et rectius censente cl. Twysdeno, à quo dissentendum esse puto. Codicis enim nostri lectionem firmat capituli summarium.* 7. *Instituit ibidem Edd. pr.*

¹ loci

¹ loci clericis de successoris electione deliberarent. Cantuarienses vero monachi in suæ dignitatis præjudicium hoc fieri non ferentes, ingentis controversiæ turbinem fuscitarunt, & Priore proprio cum aliis pluribus emisso, sedem Apostolicam interpellarunt. Et Archiepiscopus quidem favore Regio fortior, subactis & protrititis non sine ² bello & sanguine contradictoribus, urgebat opus, quod tamen ³ postmodum adversariis per Apostolicæ sedis judicium, & fortia mandata invalescentibus, coactus est intermittere. Denique tam foeda contentio inter pastorem & oves proprias per annos aliquot cum multo scandalo tracta est, dum neutra pars cedendum putaret, & utraque palmam dare alteri ignominiosissimum judicaret. Quamobrem cum idem Pontifex in hoc plane indiscretior, alias vero vir ⁴ bonus, prudens, & religiosus, in Oriente tam procul ab Ecclesia propria defecisset, Cantuarienses ⁵ parcioribus eum lamentis plangentes, opus ⁶ illud, quod totius dissensionis seminarium fuerat, jam pridem intermissum, ⁷ motu subito cum ingenti lætitia complanarunt.

1. Clericis loci *Edd. priores.* 2. *Desunt* bello & in *Edd. priorib.*
 3. Adversariis postmodum *Edd. pr.* 4. Bonus & prudens, & religiosus, *Edd. pr.* 5. Eum parcioribus *Edd. pr.* 6. Illud quoque, quod *Edd. pr.* 7. Subito motu *Edd. pr.*

¹ *Quomodo Hugo Cestrensis Episcopus destruxit monasterium* ² *Coventrense.*

CAP. XXXVI.

MIRANDUM fane est tantum virum (venerabilem dico ³ Balduinum) ⁴ qui ex Archidiacono Cisterciensis ordinis monachus, moxque abbas, & ex abbate ⁵ Wigorniensis Episcopus, & ex suffraganeo metropolitanus, recipiens scilicet ab eo Archiepiscopatum pro quo dimisit Archidiaconatum: ⁶ mirandum est, inquam, spectatæ religionis virum, illud genus, Canonicos scilicet seculares, propagare voluisse, cum salubrem impendere operam, ut ⁷ idem genus minus abundaret, atque in genus religiosum transfret, magis eum videatur decuisse; quod utique olim sancti ⁸ pontifices & principes in Anglia fecisse noscuntur. Quippe in præclaris ecclesiis, Cantuariensi scilicet & Wintoniensi, seculares olim clerici ministrarunt. Quibus nimirum religiosi illi, Dei nutu potestatem habentes, optionem dederunt, ut vel beneficia

1. *Desideratur totum hoc caput in Ed. Antv. E nostro Codice eruimus. Eruerat etiam è suo Picardus, qui tamen in calce libri collocavit, perinde ac si libri caput esset ultimum. Quem Picardi errorem notavit quoque vir eruditus ad marginem exemplaris Editionis Picardianæ quod ab amico charissimo Richardo Rawlinsono, A. M. mutuo accepi. Et errorem plane esse è summarijs capitum ad libri initium colligimus.* 2. *Antea, Coventrense.* 3. *Antea, Baldewinum.* 4. *Idem sed aliis verbis prosequitur Matt. Parkerus in antiq. eccles. Briian. Pic.* 5. *Antea, Wigorniensis.* 6. *Antea, mirandum, inquam, est spectatæ.* 7. *Antea, illud pro idem.* 8. *Antea desiderabamur pontifices & principes in Anglia.*

atque

atque officia, quibus indigni censebantur, relinquerent, vel in sacræ religionis propositum laudabili mutatione transfirent. Quibus, dum salubriter cogerentur, vel cedentibus, ¹ vel mutatis, decorem domus Dei usque in hodiernum diem religiosa melius collegia conservarunt. Religiosus ergo pontifex nostris temporibus illud genus propagare non debuit: cujus utique per salubrem conversionem minuendi occasio potius cooperante Christo quærenda fuit. Verum Hugonis ² Nunantini Cestrensis five ³ Coventrensis Episcopi flagrans adhuc maleficium longe præponderat, quod silentio prætereundum non est. ⁴ Coventrense cœnobium à nobilibus olim Anglis pia devotione fundatum, ditatum, ornatum, per annos fere ⁵ trescentos inter ecclesias Anglicanas ⁶ enituit, & propter suam claritatem Cestrensis Episcopi, ut & ⁷ Coventrensis diceretur multo tempore, in multa pace sedes fuit. Hunc venerabilem locum cum quidam satelles diaboli, Robertus scilicet Mariniun, sub Rege Stephano spoliatum ⁸ profanasset, divinæ, ut suo loco dictum est, severitati subjacuit, atque idem locus ⁹ ad suam, deo auctore, claritatem mox ¹⁰ rediens, usque ad præsentium faciem temporum quietus permanfit.

1. *Antea*, vel mutatis : unitatis decorem domus. 2. *Mat. Paris Anno 1191. p. 166. Ed. Walsianæ.* 3. *Antea*, Coventrensis. 4. *Antea*, Coventrense cœnobium vel à nobilibus. 5. *Antea*, trecentos. 6. *Antea*, enituit. 7. *Antea*, Coventrensis. 8. *L. 1. sup. c. 12. P.* 9. *Antea omitebantur*, ad suam. 10. *Antea*, reddens.

Quippe ante annos aliquot memoratus Hugo Nunantinus homo callidus, audax, inverecundus,¹ & ad ausus improbos litteratura eloquentiaque instructus, cum forte occulto ejus iudicio, *qui*² *facit hypochritam regnare propter peccata populi*, Cestrensem³ fuisset episcopatum adeptus, modis omnibus moliri cœpit, ut exclusis illius loci monachis, de rebus eorum suo distribuendas arbitrio præbendas faceret clericorum. Denique inter Priorem & monachos discordias ferens⁴ vel nutriens, cum in eadem ecclesia, astu nefario, pessimarum inquietudinum scandala suscitasset, occasione captata, manu armata expulit universos, tanquam manifestos atque⁵ incorrigibiles pacis ecclesiasticæ turbatores, reosque enormium criminum,⁶ quibus infamabat. Mox ad sedem Apostolicam instructos Responsales direxit, monachos ecclesiæ⁷ Coventrensis, desertæ religiosa militia, ad seculum relapsos insinuans, atque ejusdem ecclesiæ pro arbitrio suo ordinandæ liberam postulans facultatem. Romanus vero pontifex sub⁸ cautâ expectatione, si forte aliquis ex parte monachorum adveniens in contrarium allegaret, per menses sex sententiam suspendit. Quibus expletis, cum nullus pro monachis adesset, petentis Epif-

1. *Anlea* desiderabatur &. 2. *Job.* 34. P. 3. *Anlea*, episcopatum fuisset adeptus, malis omnibus. 4. *Anlea*, & pro vel. 5. *Anlea*, incorrigibiles & ecclesiasticæ pacis turbatores. 6. *Anlea*, quibus eos infamabat. 7. *Anlea*, Coventrensis, desertæ militia religiosa, ad. 8. *Anlea*, tanta.

copi voluntatem implevit. Quippe ut monachi tardius advenirent, sumptuum fecit inopia. Qui tamen vel fero advenientes, & violentæ expulſionis injuriam multo tempore deplorantes, prævalente Episcopi vel potentia, vel astutia, five pecunia, usque in hunc diem pro revocanda atque evacuanda semel per surreptionem elicit¹ & præmature lata, frustra laborasse noscuntur sententia. ² Nondum enim ulla detestandi operis provenit correctio: sed monachis pro toleranda inopia late dispersis, bona eorum ab eodem Episcopo in præbendas divisa seculares clerici ³ ipso auctore possident. Et ipse quidem in tanti ausus vel patratiōe vel defensione cooperatore pro tempore usus est Eliensi Episcopo, qui sub nomine cancellarii Regii eo tempore quasi regnare videbatur, cum eidem in ⁴ arrepta tyrannide consiliarius & coadjutor petulanti ⁵ vanitate existeret. Post modicum vero solita levitate ab ipso deficiens, adversario ejus Joanni Regis fratri adhæsit, eumque, ut dicitur, ad rebellandum contra fratrem pestilentibus consiliis imbuir. Verum cum idem Rex in Alemannia detentus visitaretur à suis, ipse quoque inter ceteros properavit ad eum, ut ejus circa se animum exploraret, seque dissimulatione calida ab infami, quæ illi ⁶ inurebatur à plurimis,

1. *Antea* omittatur, &. 2. *Antea*, non enim. 3. Non episcopo auctore, ut in apographo quodam cl. nostri Twysdeni, mecum communicato à doctissimo viro Thoma Bretto, LL. D. 4. *Antea*, accepta. 5. *Antea*, novitati pro vanitate. 6. *Antea*, à plurimis inurebatur. perfidiæ

perfidiae nota purgaret. Et cum principem ¹ ad-
umbratae devotionis praestigiis non posset delu-
dere, desperata ejus gratia ad propriam sedem
reverti minus sibi tutum esse arbitrans, cauteriata
comitante conscientia in Franciam concessit.

*De nece ² Leodicensis Episcopi, cujus occasione pene
periclitatus est Rex Anglorum.*

C A P. XXXVII.

ILLUSTRIS igitur Rex Anglorum Richardus
servabatur in Alemannia: sed placata Im-
peratoris avaritia, matura ejus liberatio spera-
batur. Contigit autem incidenti casu vacillare
spem istam, & insignem periclitari captivum
hoc modo. Ducis ³ Luvannensis germano ad
Episcopatum ⁴ Leodicensem electo, ⁵ Impera-
tori electio non placuit, verenti scilicet ne forte
Dux fortis facili occasione contra imperium
junctis sibi fraternis intumesceret viribus. ⁶ Leo-
dicensis enim Episcopus numerosam habere mi-
litiam, & magnarum esse virium noscitur. ⁷ Cum-
que idem electus, Imperatore obstante, à pro-
prio consecrari metropolitano non posset: ni-
hilominus impetrato Pontificis Romani man-
dato ad Episcopos Franciae, ut ei manus impo-

1. *Annea*, obumbrata. 2. Leodienfis *Edd. pr.* 3. Lovanienfis
Edd. pr. Monuit autem *Picardus* in *Cod. suo* Luvaniensis scribi. 4. Leo-
diensem *Edd. pr.* 5. Sic etiam *MS. Pic. Annea*, Imperator est of-
fensus, veritus scilicet, &c. 6. Leodienfis *Edd. pr.* 7. Cum ita-
que electus, Imperatore obistente, à proprio *Edd. pr.*

nerent, ordinatus est. Et metu quidem iratæ potestatis propriam sedem non adiit, sed motum ejus tempore lenitum iri sperans, in Francia pro tempore ¹ demoratus est. Indignatus autem Imperator, in indignissimum scelus exarsit. Quippe ab eo (² ut creditur) subornati quidam audaces, assumpta exsulum specie, eundem Episcopum adiere: suamque apud eum de natali Alemanniæ solo ³ expulsionem callide deplorantes, ita ⁴ furripuere incauto, ut miseratione vanissima hostes teterrimos in propriam ascisceret clientelam. Illi vero patrandi facinoris opportunitatem astu pervigili observantes: quodam forte die spaciandi gratia cum paucissimis urbe egressum repente aggressi, cum uno clerico peremerunt, & dum comites ejus in urbem refugerent, fuga elapsi ⁵ evadere potuerunt. Ad Ducis quoque memorati astu consimili necem patrandam alii sicarii missi dicuntur, qui forte deprehensi, ⁶ totius nequitiae mysterium revelarunt. Denique propter hoc tam grande piaculum, Colonienfis & ⁷ Magontienfis Archiepiscopi: Duces ⁸ quoque Saxonicus, Luvannensis, Lemburgenfis, alique nobiles plurimi animis efferati, contra Imperatorem conspirarunt. Hu-

1. Moratus est *Edd. pr.* 2. *Rigordus in gestis Philippi asserit plane. Pic.* 3. *Rigord. exheredationem. P.* 4. *Irrepsère Edd. pr.* 5. *Ita quoque MS. Pic. Antea, evaserunt. Ad Ducis.* 6. *Totum mysterium nequitiae Edd. priores.* 7. *Maguncienfis Edd. pr.* 8. *Quoque plurimi animis effrenati, contra Edd. priores. At Picardus testatur in suo Cod. legi, quoque Saxonicus, Luvaniensis alique nobiles plurimi animis efferati, contra.*

jus autem necessitatis articulo Imperator constrictus, ut sibi Francorum vires adjungeret, cogitavit rupta fide tradere in manus Regis Francorum ¹ nunquam relaxandæ mancipandum custodiæ Regem Anglorum, & propter hoc illius ad diem certum apud Vallem colorum solemne colloquium concupivit. Verum hoc malignissimæ molitionis colloquium alio saluberimo præventum & dissipatum est. Viris enim sapientibus & turbationi imperii & periculo Regis Anglorum laudabili provisione occurrentibus, inter Imperatorem & Optimates proprios concordia (Deo propicio) celebrata, universa, quæ inter partes emerferat, malignandi occasio expiravit. Post paucos autem dies Imperator ad locum ubi Rex Anglorum servabatur veniens, præsentibus & mediantibus Episcopis, Ducibus atque aliis dignitatibus plurimis, per dies aliquot cum eo colloquium habuit, & tandem in vigilia beatorum Petri & Pauli Apostolorum ² omni, quæ inter eos vertebatur, quæstione decisa, & summa redemptionis regiæ declarata, Imperator Regem de cetero honestius, id est, sine cathena, servari decrevit. Denique, jubente Imperatore, Episcopi & Duces cum universa nobilitate, quæ aderat, juraverunt in animam Imperatoris certam Regis liberationem post satisfactionem ejusdem

1. *Desunt* nunquam relaxandæ mancipandum custodiæ in *Edd. priorib.* 2. *Communi MS. Pic.*

summæ,

summæ, id est, ¹ C. milium librarum argenti :
cujus pars tertia Duci Austriæ, qui eundem Re-
gem captivaverat, competere dicebatur.

Quomodo afflictæ sit Anglia per captivitatem Regiam.

C A P. XXXVIII.

EODEM tempore Rex Anglorum, diutinæ
detentionis oppidò pertæsus, procuratores
regni Anglici, cunctosque fideles & devotos
suos qui alicujus momenti esse videbantur, fre-
quentibus commonebat mandatis, ² uti redem-
ptionis suæ precium modis omnibus præparan-
tes, liberationem suam maturarent. Urgebant
ergo negotium in cunctis Angliæ finibus execu-
tores regii, nulli parcentes, nec ³ ulla erat di-
stinctio clerici & laici, secularis & religiosi,
⁴ urbani & rustici, sed omnes indifferenter, vel
juxta vires substantiæ suæ, vel juxta reddituum
quantitatem ⁵ indictum pro redemptione regia
pecuniæ modum solvere cogebantur. Silebant
& vacabant privilegia, ⁶ prærogativæ, immuni-
tates ecclesiarum & monasteriorum. Omnis
dignitas five libertas oppilabat os suum : nec
alicui licebat dicere, tantus ⁷ vel talis sum ; ha-

1. *Anonym. Angl. contemporan.* CL. mille marcæ argenti ad pon-
dus Colonienfium. *Pic.* Idem est quod ad valorem, *inquit eruditius*
quidam ad oram exemplaris Ed. Picardianæ mecum communicavi à Richardo
Rawlinfsono, A. M. 2. *Ut Edd. pr.* 3. *Erat ulla Edd. pr.* 4. *Ita*
quoque MS. Pic. Antea omitebantur, urbani & rustici. 5. *Indictum*
solvere modum pecuniæ cogebantur Edd. pr. 6. *Sic etiam MS. Pic.*
Antea, prærogativa ecclesiarum. 7. *Ac pro vel in Edd. priorib.*

bete me excusatum. Cisterciensis quoque ordinis monachi, qui ab omni exactiōe regia hæcenus immunes extiterant, tanto magis tunc onerati sunt, quanto minus antea publici oneris fenserant. Quippe quod illis in substantia præcipuum esse noscitur, & quod fere pro omni reditu ad usus sumptusque necessarios habere videntur, lanam scilicet pecudum suarum, exacti coactique resignarunt. Putabatur quidem tanta pecuniarum coacervatio redemptionis regiae summam excedere, quam tamen non attingit, cum universæ particulæ Lundoniis convenissent ad summam, quod accidisse creditur per fraudem executorum. Denique propter hanc primæ collationis insufficientiam, ministri Regii secundam tertiamque instaurant, quosque locupletiores pecuniis spoliant,¹ manifestum rapinarum dedecus honesto redemptionis regiae nomine palliant. Postremo, ut nulla vacaret occasio, & residuum erucæ locusta, residuum locustæ bruchus, ejusque residuum rubigo absumeret, ad vasa sacra ventum est. Et quoniam ea in redemptionem quorumlibet fidelium captivorum expendi non tantum concessit, verum etiam monuit veneranda patrum discretio, multo fortius eadem² captivati Principis redemptioni debere proficere judicatum est. Itaque per omnem regni Anglici latitudinem traduntur³ sacri calices exactoribus regiis, vel indulgenter, id

1. Manifestumque rapinarum *Edd. pr.* 2. Captivi *Edd. pr.* 3. Calices sacri *Edd. pr.* est,

est, paulo infra pondus redimuntur. Cumque jam fere exinanita pecuniis Anglia videretur, & lassatis executoribus regiis, exquirendi quoque pecunias occasiones languescerent, tota tamen illa opum coacervatio (ut dicitur) ad complendam regiæ redemptionis atque expensarum ejus summam minus sufficere potuit. Quamobrem prætaxatæ summæ parte majori ministris Imperatoris appensa, rex consulte, ne sua supra modum protraheretur relaxatio, pro parte reliqua Imperatori per obsides idoneos fatisfecit.

De prodigio ruboris insoliti, ter in aëre diversis temporibus apparentis.

C A P. XXXIX.

EA tempestate per occasionem captionis Regiæ, Anglia sub multiplici, & quantam prius nec vereri poterat, attritione gemebat, cujus mali atrocitas recentibus (ut creditur) è cœlo prodigiis claruit. Denique illius anni, quo idem Rex in manus hostium incidit, mense Januario, signum in cœlo terribile vidimus, ¹ venturæ procul dubio afflictionis nostræ ² præsagium. Nam circa primam noctis vigiliam media inter Boream & Subsolanum cœli plaga ita rubuit, ut quasi ardere videretur, cum nec

1. *Anonym. MS.* hujus tantæ calamitatis præsagia extiterant inundationes aquarum, ter seu quater in quolibet mense: horrenda tonitrua hiemalia, fulgura, cornuscationes, frugum & fructuum infertilitas. *Pic.* 2. *Præsagium Edd. pr.*

levi obduceretur nubecula, sed sidera clare micarent: eodem tamen rubore igneo, & quasi albescentibus lineis interciso ita infecta, ut luce quadam sanguinea rutilarent. Cumque hæc horribilis species per cunctos Angliæ fines duarum fere horarum spatio oculos animosque cum stupore intuentium tenuisset intentos, tandem paulatim evanescens, multa sui quæstione relicta, disparuit. Anni vero sequentis mense Februario, cum jam Rex Anglorum in Alemannia teneretur, detentionis ejus nondum in Anglia rumore vulgato, simillimum plaga cœli non mutata per universam Angliam signum emicuit, post mediam noctem, cum viri religiosi consuetis Domino laudibus concreparent. Quos nimirum in diversis provinciis exhorrendi ruboris ¹ repercussione per fenestras vitreas ita territos novimus, ut plurimi casum incendii in ædificiis proximis accidisse putantes, relicta Psalmodia exilirent, & notato signo horribili stupidi Psalmodiæ se redderent. Cumque iterati signi non parva esset quæstio, subito captionis regiæ fama ² percrebuit. Eodem sane anno cum jam ³ morosa esset in Alemannia Regis detentio, & speraretur matura ejus liberatio; quarto Nonas Novembris ante crepusculum matutinum idem ipsum signum in eadem cœli plaga tertio apparens, minus quidem jam illi

1. Repulsione MS. Pic. 2. Antea, percrebuit. 3. Sic etiam MS. Pic. Antea, gravis pro morosa.

assuetos intuentium animos terruit, sed quæstionem suspicionemque auxit portenti.

Quomodo Rex Francorum cum non posset impedire liberationem Regis Anglorum, iterum invasit Normanniam.

C A P. XL.

CUM igitur illustris Rex Anglorum Richardus redemptionis suæ majori parte, ut dictum est, avaro Imperatori appensa, pro reliqua ex nobilibus, qui ad eum visitandum accederant, ¹ exactum obsidum numerum tradidisset, tandem post diutinam detentionem certus dies relaxationis ejus ² solemmniter designatus & præfixus est. Quod ubi innotuit Regi Francorum atque hosti naturæ Joanni, desperantes se jam non posse ad perpetuandam insignis captivi detentionem animum Imperatoris corrumpere, modis omnibus nisi sunt, eam saltem in annum sequentem protelare, scilicet ut hoc spatio terras ditionis ³ ejus nullo obsistente libere occuparent, quo facto inanis foret ejus post annum regressus. Cum ergo pro hac re Imperatori per nuncios supplicarent, & non imparem acceptæ à Rege Anglorum pecuniæ summam promitterent, ille supra modum corruptibilis ⁴ proprios super hoc Optimates consuluit. Qui nimirum imperatoriæ levitati succensentes, ho-

1. Obsidum exactum *Edd. pr.* 2. Designatus solemmniter *Edd. pr.*
3. Sux *Edd. pr.* 4. Super hoc proprios *Edd. pr.*

nestioris consilii pondere obstiterunt dicentes : Sufficit, domine Imperator, hucusque foedatum esse indigna nobilissimi Regis captione imperium, ¹ nec inexpressibilem imperiali maculam generes honestati. Itaque infecto foedissimæ molitionis negotio, nuncii redeuntes dominos suos animis faucios reddiderunt. Erat autem hiems, & tempus bello ² prorsus inhabile, ³ nec tamen erga Regem captivum flagrantis poterant malitiæ studia defervere. Denique Rex Francorum, Joanne cooperatore, ruptis concinnata occasione induciis, quarum respectu modicum quievissè videbatur, iterum invasit Normanniam, & ferocissimorum olim indigenarum languentibus animis, eo quod non haberent ducem, nec præceptorem, ⁴ nec principem, civitatem Ebroicensem cum castellis plurimis minimo & incruento ⁵ fere negotio occupavit. Verum post multam debacchationem quasi lassatus, suspensa ad tempus revocatis induciis feritate quievit. Sane nec in Anglia illis diebus pax fida vel tuta erat, cum & munitiones Joannis, gentem peccatricem & prædarum avidam continentes, provinciarum quietem turbarent, & provinciales accepto ex Alemannia Regis mandato earundem munitionum oppugnationem atque obsidionem pararent. Sane inter Eboracensem Ar-

1. Ne *Edd. pr.* 2. Omnino *Edd. pr.* 3. Nec tamen Regem captivum flagrantem, poterant malitiæ studio defervire *MS. Pic.*
 4. Sic etiam *MS. Pic. Antea omitebantur*, nec principem. 5. Ita quodque *MS. Pic. Antea omitebantur*, fere.

chiepiscopum & Clerum proprium foeda illis diebus contentio vertebatur, nata quidem ex levi causa, tanquam ex scintillula rogas ingens.
¹ Cujus initium, progressum atque exitum ² contextim exponere commodior locus erit.

Quomodo Rex Anglorum de captivitate relaxatus applicuit in Anglia.

CAP. XLI.

IGITUR Rex Anglorum post Alemannicæ detentionis tædium, quod jam annum excefferat, mense tandem Januario solemniter ³ relaxatus est, relictisque apud Imperatorem loco obsidum Rothomagenfi Archiepiscopo, Batoniensi Episcopo, & nobilibus plurimis, sive pro expletione summæ nondum persolutæ, sive etiam pro quorundam fide pactorum, portum, qui Swina dicitur, adiit, inde in regnum proprium Deo propicio transiturus. Verum cum ibidem diuscule demorari cogeretur, sive necessarii apparatus gratia, sive etiam propter flatu adversos, indultæ ei gratiæ, ut dicitur, Imperatorem poenituit, & relaxatum ad perpetuam revocare custodiam ⁴ cogitavit. Nam sicut olim Pharaos & Ægyptii, quos Deus indurave-

1. Cujus tamen initium *Edd. pr.* 2. Sic etiam *MS. Pic. Antea omitebatur*, contextim. 3. Die Purificationis B. Mariæ, inquit *Anonym. MS. Pic.* 4. Cogitavit. Missisque satellitibus suis, ut comprehenderent Principem, Revocetur, inquit, ad vincula non relaxandus &c. tantummodo in *Edd. priorib.*

rat, poenitentia ducti, quod populum Dei, quem servitute opprefferant, tandem vel coacti dimississent, dixerunt: quid volumus facere ut dimitteremus Israel ne serviret nobis? ita etiam perfidus ille imperator & Alemanni, cum regem Christianum, quem sola turpis lucri gratia diutina custodia coartarant, fera tandem clementia relaxassent, quid, inquiunt, fecimus, emittentes ad orbis periculum tremendi roboris & sævitiae singularis tyrannum? Et quidem olim elementis tradentibus datus in manus nostras, eisdem etiam nunc adversantibus reditumque ad propria negantibus ejusdem procul dubio fortis discrimen expectat. Ergo velociter revocetur ad vincula, non relaxandus in secula. Non latuit nequissimæ molitionis ¹ susurrium quendam ejusdem forte Regis benivolum. Qui tantæ malignitatis mysterium nihil tale suspicanti festino significans nuncio, cautum eum reddidit, & ut se confestim navigio in portum daret, ² seque potius elementis quam infidis hominibus crederet, amica sollicitudine monuit. Quod & ³ factum est tam celeri quam & salubri cautela. Mox Imperatorii (ut dicitur) ap-

1. Susurrus *Edd. pr.* Sed susurrium pro susurrus & alibi, ni fallor, usus est auctor. Nam susurriis ubi susurris exhibet Codex MS. licet susurris cum impressis reinere placuerit, quia ut alibi simplicem i pro duplici usurpavit, ita & hisce locis duplicem pro simplici usurpare potuit seu auctor seu scriba, idque etiam ad normam Antiquitatis. 2. Desunt seque potius el. q. inf. hom. crederet in *Edd. priorib.* 3. Factum tam celeri quam salubri cautela *Edd. pr.*

paritores affuere, atque ¹ impotentes nobilem prædam in arido non inventam per liquidum persequi, cum suæ frustrationis excusatione congrua ad præceptorem perfidum rediere. Qui fera sibi poenitudine imputans ² irregressibilis captivi elapsus: præcipitem motum in innoxios obsides transtulit, ac prius apud se indulgentius liberiisque habitos arctiori custodia castigavit. Porro Regem Anglorum, à facie hostilium satellitum refugientem in pelagus, secundi flatus excipientes, & quasi satisfaciens pro eo, quod illum anno præterito Alemannicæ immanitati prodiderant, salvum ³ atque incolumem cum omni comitatu regno proprio reddiderunt. ³ Applicans ergo apud ⁴ portum ⁵ Sandicum mense Martio, tempore quadragesimalis jejunii, tunc primum captivitate liberatum se credidit, cum navi egrediens Anglicum solum calcavit.

Quomodo Rex pacificato regno ⁶ Wintoniæ coronatus est.

C A P. XLII.

DIU ⁷ expectatum & jam fere desperatum Principis regressum Euro velocior fama ⁸ vulgavit. Mox à Provincialibus congratulato-

1. Sic etiam MS. Pic. Antea, non potentes. 2. Ita quoque MS. Pic. Antea, irrecuperabilis. 3. Die dominico post festum sancti Gregorii, hora secunda Anonym. MS. Pic. 4. Porticum MS. noster. 5. Sanduicum Edd. pr. 6. Wintonæ Edd. pr. 7. Inexpectatum MS. Pic. 8. Vulgavit: qui mox Edd. priores.

rio exceptus occurſu, venit Lundonias. Quæ nimirum, adventu ejus præcognito, ſumpſere¹ oleum gaudii pro luctu, & pallium laudis pro ſpiritu mœroris. Denique ad ingreſſum Principis ita ornata eſt facies ampliſſimæ civitatis, ut Alemanni nobiles qui cum ipſo venerant, & redemptione regia exinanitam bonis Angliam credebant, conſpecta opum magnitudine obſtupeſcerent. Quorum unus in ipſa pompa² ſolemni, ut dicitur, converſus ad Principem: Mira, inquit, prudentia, ô Rex, callet gens tua, quæ te ſibi nunc reddito opum ſuarum claritatem ſecure oſtentat, paulo ante paupertatis deploratrix, dum noſtri te imperatoris cuſtodia detineret. Revera enim ſi has opes Anglicas ille præſcire potuiſſet, Angliam non facile poſſe exhauriri opibus credidiſſet, nec te niſi ſub intoleranda redemptionis ſumma dimittendum duxiſſet. Sane regreſſo Regi Optimatum & Procerum regni admodum pauci occurrerant; quia fere omnes de mandato regio circa oppugnandas munitiones Joannis juſta neceſſitate occupati³ erant. Et quidem ante Principis ad propria reditum munitionem de⁴ Merleberle fortiter oppugnatam moroſa difficilique opera ceperant: tunc vero Notingham & Tikehil caſtella munitiſſima diverſo exercitu obſidebant.

1. *Eſai* 41. *verba mutuatus eſt auſtor.* Pic. 2. Solemni converſus ad Principem dixit. Revera ſi has opes Anglicas Imperator ſciſſet, nec te niſi &c. *tantummodo in Edd. priorib.* 3. Fuerant *Edd. pr.* 4. Merſebourg *Edd. pr.*

Rex autem post recens captivitatis tædium,
 1 pausam & delicias aspernatus, mora exigua
 Lundoniis facta, Notingham festinus 2 con-
 tendit. Est autem idem castellum natura &
 manu ita munitum, ut sola inedia, si defensores
 idoneos habeat, expugnabile videatur. Porro
 adversus hoc malum provisione sagaci 3 habe-
 bat in annos plurimos reposita ciborum subfi-
 dia, armorum quoque & virorum fortium co-
 piam. Verum cum Rex, 4 qui à malivolis nun-
 quam rediturus putabatur, repentinus adesset :
 ita illorum, qui in munitione erant, 5 ejus in-
 opinata præsentia perstricti 6 & quasi fascinati
 sunt animi, ut, 7 sicut fluit cera à facie ignis,
 sic eorum omnis fiducia à facie quasi gigantis
 subito apparentis liquefceret, statimque de 8 ca-
 stri inexpugnabilis, & nulla re necessaria ad
 tolerandam obsidionem diutinam indigentis, de-
 ditione enerves & languidi pertractarent. Cum-
 que apud ferocissimum Principem honestam
 non possent gratiam invenire, pudendis con-
 ditionibus munitionem cum omni armatura,
 9 suppellectili atque subsidio resignantes, sua
 quoque corpora pro declinanda severitate ju-
 dicii incertæ atque inexpressæ misericordiæ
 tradiderunt. Qui autem in alia munitione e-

1. Otium pro pausam in *Edd. priorib.* 2. Conscendit. Est au-
 tem id castellum *Edd. pr.* 3. Habet *Edd. pr.* 4. Qui ab impro-
 bis nunquam *Edd. pr.* 5. Illius *Edd. pr.* 6. *Desunt* & quasi fasci-
 nati in *Edd. priorib.* 7. Similitudo est *traducta* ex *Psalm. 67.* Pic.
 8. Castri & inexpugnabilis *Edd. pr.* 9. Supellectili *Edd. pr.*

rant, quæ disparis esse firmitatis noscitur, paulo excusabilius in idem periculum & dedecus inciderunt. ¹ Itaque Rex levi negotio firmissimas munitiones obtinuit, eisque, ² qui se dediderant sub spe clementiæ, custodiæ mancipatis, Joanni fratri suo, cui per immoderatam atque indiscretam largitatem cornua contra se dederat, ob enormem culpam ingratitude atque perfidiæ omne jus pristinum solemni judicio Procerum abjudicavit. Sic ergo tanti turbatoris, qui paulo ante regni Anglici Tetrarcha esse videbatur, abrasa potentia, omnis in Anglia motus hostilis conquievit. ³ Hiis Deo propicio feliciter gestis, Rex ad superiora remeans, solemnitatem Paschalem Hamtonæ in multa lætitia cum Optimatum suorum frequentia celebravit, atque in Octavis Paschæ ⁴ Wintoniæ regni Diademate fulgidus, deterfa captivitatis ignominia, quasi Rex novus apparuit. ⁵ Et hujus quidem libri iste sit modus, qui quartus in ⁶ nostro opere, sumpsit exordium in illustrissimi Regis Richardi coronatione prima, & ⁷ explicitis recentis memoriæ casibus, incisionis pausam ⁸ nunc postulat in ejusdem Regis coronatione secunda, anno regni sui quinto, à partu autem Virginis, M.C.XC.IV.

1194.

Explicit liber quartus. Incipiunt capitula libri quinti.

1. Itaque ut levi Rex neg. Edd. pr. 2. Vide Notas. P. 3. His Edd. pr. 4. Wintonæ Edd. priores. 5. Tota hæc clausula deest in Ed. Antv. 6. Antea omitebatur, nostro. 7. Antea, explicatis. 8. Antea omitebatur, nunc.

Qq q

Quæ

- I. Quæ acta ¹ sint à Rege in Anglia post coronationem suam antequam transfretaret.
- II. Quæ acta sint inter Regem Anglorum & inimicos ejus postquam transfretavit.
- III. De induciis inter Reges ² statutis, & pace provinciarum præterquam ab ³ Exactionibus regiis.
- IV. Quomodo tironum exercitia tempore Regis Richardi ⁴ in Anglia esse cœperunt.
- V. De reditu Joannis ad fratrem.
- ⁵ VI. Quomodo Stephanus quidem à Dæmone delusus est.
- VII. Quomodo ceciderit regnum Normannorum in Sicilia.
- VIII. De horrenda morte Ducis Austriæ.
- IX. Quid Dei ordinatione evenit in pago Cenomannensi ⁶ ad correctionem Regis Anglorum.
- X. De morte Hugonis Dunelmensis Episcopi.
- XI. De tribus spuris ejusdem Episcopi, & quis ei successerit.
- XII. Quomodo Hubertus Cantuariensis Archiepiscopus in Eboracensi Ecclesia nomine Legati celebravit Concilium: & de lite quæ vertitur ⁷ inter Cantuariensem & Eboracensem de ⁸ primatu.
- XIII. De exercitu Sarracenorum qui ex ⁹ Affrica Hispanias intravit.
- XIV. De ¹⁰ Macumeto Pseudo-propheta, & de lege quam

1. Sunt à Rege Angliæ, postliminio reverso antequam transfretaret in Normanniam *Edd. priores.* 2. Factis *Edd. pr.* 3. Exactionibus *Edd. pr.* 4. Esse in Anglia cœperunt *Edd. pr.* 5. VI. De Stephano procuratore Andegavensi deluso à Dæmone. VII De occasu Regni Normannici in Sicilia *Ed. Pic. è Cod. suo. Desunt autem omnia in Ed. Antv. in qua, uti etiam inferius monebimus, & ipsa capita sextum atque septimum desiderantur.* 6. Ad coronationem Regis pro ad correctionem Regis Anglorum in *Edd. priorib.* 7. In pro inter in *Cod. nostro.* 8. Prioratu *Edd. pr.* 9. Aphrica *Edd. pr.* 10. Mahometo *Edd. priores.*

¹ per spiritum erroris introduxit, & ² quomodo eadem lex plurimas gentes infecit.

xv. De ³ rediviva post expletionem induciarum ⁴ guerra Regum nostrorum.

xvi. Quomodo Rex Anglorum de nece Marchionis purgatus sit per litteras senis Montani.

xvii. De bellico post inducias motu Regum, & quomodo apud Ifondunum fœdus inierunt.

xviii. Quomodo Principes fœdus initum declararunt, quod diu ⁵ non stetit, & de motu Britannico.

xix. De improvisa morte Abbatis ⁶ Cadomensis in Anglia.

xx. De conjuratione Lundoniis facta per quendam Guilelmum, & quomodo idem ⁷ audaciæ pœnas luit.

xxi. Quomodo vulgus voluerit hominem illum tanquam martyrem honorare, & quomodo error iste extinctus sit.

⁸ xxii. De prodigio mortui post sepulturam ⁹ oberrantis.

xxiii. De re consimili, quæ accidit apud ¹⁰ Berewich.

xxiv. De quibusdam prodigiis.

xxv. De signo quod visum est in cœlo, ¹¹ & de expugnatione quorundam castellorum.

xxvi. De fame & peste per Angliam ¹² grassante.

xxvii. Quomodo Alemanni secundo signum Dominicum susceperunt.

xxviii. De dissensione Regis Richardi & Rothomagensis Archiepiscopi.

1. Per se spiritus erroris *Edd. priores.* 2. *Deest* quomodo in *MS. nostro.* 3. Redivivo *Edd. pr.* 4. Bello *Edd. pr.* 5. *Deest* non in *Edd. priorib.* 6. Cadomensis in Angliam missi *Edd. pr. nisi quod Cadoniensis pro Cadomensis in Ed. Anrv. legatur.* 7. Pœnas audaciæ suæ luit *Edd. pr.* 8. *Desunt* summaria quinque proxime sequentium capitulorum in *Ed. Anrv. Imo & summarium capituli 24. deest etiam in Ed. Pic.* 9. *Antea desiderabatur* oberrantis. 10. *Antea,* Bereuik. 11. *Antea omitebantur,* & de expugnatione quorundam castellorum. 12. *Antea desiderabatur,* grassante.

- ¹ xxix. De morte ² Eliensis Episcopi ³ qui cancellarius potius meruit appellari.
 xxx. Quomodo finitum est ⁴ bellum breve Britannicum & quadragenarium Tolosanum.
 xxxi. ⁵ De captione Beluacensis Episcopi.
 xxxii. De defectione quorundam à Rege Francorum, & qua occasione ⁶ treuia statuta est inter ipsum & Regem Anglorum.
⁷ xxxiii. De re prodigiosa quæ accidit apud ⁸ Maltonam.
 xxxiv. De concordia Regis Richardi & Rothomagensis Archiepiscopi, & ⁹ de re prodigiosa quæ accidit apud Andelaicum.

Expliciunt capitula. Incipit liber quintus.

Quæ acta ¹⁰ sint à Rege in Anglia post coronationem suam antequam transfretaret.

C A P. I.

REX igitur ¹¹ post coronationis suæ solemnities tempore modico in Anglia demoratus, rerum statum, tanquam tunc primum Rex factus, de novo curavit disponere; & fere quicquid illi placuisse vide-

1. *Desunt summaria capituli 29. & 30. in Ed. Anrv.* 2. *Antea*, Eliensis. 3. *Antea desiderabantur*, qui cancellarius potius meruit appellari. 4. *Antea*, bellum Britannicum quadragenarium *pro* bellum breve Britannicum & quadragenarium Tolosanum. 5. *Antea*, De captivatione Episcopi Beluacensis. 6. *Induciæ factæ sunt Edd. pr.* 7. *Desst summarium hujus capituli in Ed. Anrv.* 8. *Antea*, Maltonæ. 9. De quodam prodigio *pro* de re prodigiosa quæ accidit apud Andelaicum *in Edd. priorib.* 10. *Sunt à Rege Angliæ post liminio reuerfo antequam transfretaret in Normanniam Edd. priores.* 11. *Sic etiam MS. Pic. Antea*, post redemptionem suam, non diu in Anglia.

batur ¹ in sui novitate prima, mutandum atque innovandum duxit in secunda. Denique regnum, quod iter Orientale arrepturus, ut ² suo loco plenius dictum est, multifariam sciderat, ad integritatem satagens pristinam reformare, quicquid ab illo tunc fuerat vel leviter datum, vel ponderose venundatum, sub nomine repetiit commodati. Nec cuiquam fas erat ratione cujuslibet vel pacti, vel tituli, vel instrumenti perfunctorium jus tueri, dum omnes magnitudinis Regiæ mole premerentur, nec quisquam auderet ei dicere: ³ *Nolo multa fortitudine contendas tecum, nec magnitudinis tuæ mole me premas.* Astu tamen mollius loquebatur, regiarum dicens possessionum emptoribus; Non decet vos sublimitati regiæ foenerari: si ergo fortem vestram de fructibus rerum nostrarum jam percepistis, ea contenti esse debetis. ⁴ Si quo minus; supplebo de proprio, omnem amputans occasionem retentionis. Novit enim prudentia vestra rescriptum sedis Apostolicæ, quo prohibeamini Regi proprio fortem vestram excedendo foenerari, mihi suo tempore, si forte necesse sit, minime defuturum. Denique ⁵ illi regiæ imminentiæ metu attoniti, ⁶ & tunc deum artem intuentes, qua eos in sumptus Hierosolymitanæ profectiois nudarat pecuniis, nec

1. Ita quoque MS. Pic. *Antea*, in prima regni susceptione, mutandum. 2. Sup. l. 4. c. 5. Pic. 3. *Sunt verba Job. 24. ab Autore composita ad historiam.* Pic. 4. Sin minus Edd. pr. 5. Sic etiam MS. Pic. *Antea*, illi Regis imminente metu. 6. *Deest & in Edd. priorib.*

levi quidem quæstione habita de sorte minus percepta, universa resignarunt. ¹ Nam nec Dunelmensis Episcopus, qui Comitatum Scottorum finibus proximum, gravi summa comparatum ² per aliquot jam annos possederat, in hac parte præ ceteris privilegium habuit. Sed Comes esse desinens, in simplicem Episcopum rediit, sicque illi tanta opera & tanta pecunia periit, quæ utique ³ illi non ⁴ perisset, si piis aptata usibus in cœlestes thesauros ⁵ abiisset. Qui nimirum animum Principis minus sibi arridentis ex vultus mutatione conjectans, non expectata repetitione Comitatum resignavit, nec tamen (ut dicitur) commodis amplioribus infatigabiliter inhiantem satis placavit. Præterea ⁶ Rex sive pro liberandis obsidibus apud Imperatorem relictis, sive etiam in sumptus belli cum Rege Francorum gerendi, tributum minus usitatum universo regno indixit, à singulis ⁷ scilicet carucatis terræ indifferenter geminatum solidum exigens, vacantibus clericorum religionum & quorumlibet aliorum privilegiis. Præsentibus quoque ad congratulandum illi quibusdam majoribus Cisterciensis ordinis Abbatibus: Devotionem, inquit, vestram & liberalitatem circa nos, qua potissimum substantiæ vestræ, id est, vellera ovium vestrarum, redemptioni

1. Deest nam in Edd. priorib. 2. Jam per aliquot Edd. pr. 3. Deest illi in Edd. priorib. 4. Periisset *Twydenus* ad oram exemplaris Ed. *Picardianæ*, ac si ita esset in Cod. nostro, quum plane sit perisset. 5. Abiisset Edd. pr. 6. Vide Notas. 7. *Hoved.* Anno 1194. fol. 419. b. i.

nostræ impendistis, ut dignum est approbamus, & uberiores suo tempore, si vita comes fuerit, rependere gratiam pro gratia ista cogitamus. Ut autem vobis ¹ perpetuæ simus gratiæ debitores, oportet ut adhuc semel vestrum ad nos declarantes affectum, lanam vestram anni præsentis nobis non gravemini commodare. Nam cum ab Imperatore dimissi in multa paupertate ad propria tenderemus, confisi de vobis, urgentissima necessitate, à transmarinis mercatoribus in usus necessarios ejusdem lanæ vestræ precium sumpsimus, quod procul dubio ad ² Saccarium nostrum mensis Octobris probatæ charitati vestræ cum gratiarum actione reddemus. Hoc modo religiosos illos quasi blandiendo spoliens, clarissimis monasteriis egestatem insolitam irrogavit. Rebus igitur in Anglia dispositis, & viro industrio, Cantuariensi scilicet Archiepiscopo, principali procuratore regni constituto; exercitu quoque Anglico, qui cum eo transfretaret, ordinato, ³ descendit ad mare. Ubi accepto de transmarinis partibus nuncio, quod Francorum copiarum irruptionem in Normanniam meditantes convenissent: cum gravi tædio ⁴ transfretandi opportunitatem expectans, sæpiusque elementa incusans, tandem auris ad votum spirantibus transfretavit, susce-

1. Ita quoque MS. Pic. *Antea*, perpetuo. 2. Sic etiam MS. Pic. *Antea*, Saccarium. 3. Ita quoque MS. Pic. *Antea*, discessit ad mare. 4. Sic etiam MS. Pic. *Antea* omittuntur, transfretandi opp. exp. sæpiusque el. inc. tand. aur. ad v. spirantibus.

ptusque à suis cum gratulationibus, sua præsentia post longum torporem ad præclaram fiduciam animos eorum erexit.

Quæ acta sint inter Regem Anglorum & inimicos ejus postquam transfretavit.

C A P. II.

INTEREA Rex Francorum ¹ Vernullium opidum munitissimum, quod olim pater ejus ² incassum obsederat, cum infinitis copiis paternæ in hac parte fortis heres futurus obsedit. Rex autem Anglorum opportune suis in ³ Normannia redditus, contracto paulatim exercitu, non longe à ⁴ Vernullo, apud castellum, quod dicitur Aquila, castra posuit. Cumque per dies aliquot ibidem confedisset; Francorum exercitus, conferendi cum eo prælii discrimen declinans, postquam in oppugnatione oppidi multo castroque labore sudaverat, soluta obsidione recessit. Porro Rex eorum, tanquam ad detergendum pudendæ recessionis dedecus, urbem Ebroicensem, quam prius spoliarat, pervicaci furore evertit, nec celeberrimæ in illis regionibus Ecclesiæ beati ⁵ Taurini pepercit. Cum enim eandem incendi jussisset, & nullus ex tanto exercitu divini timoris intuitu nefariæ jussionis

1. *Antea*, Vernullum. 2. Obsederat incassum *Edd. pr.* 3. Normanniam *Edd. pr.* 4. *Antea*, Vernullo. 5. *V. C.* Taurini primi Episcopi Ebroicensis: *præcedentia vero succedentiaque scribit Rigor. Maio* *in* *gesta. Pic. Pro Taurini autem in Edd. priorib. habemus* Gaurini.

executor existeret: ipse (ut dicitur) cum quibusdam perditis ex illo hominum genere, quos Ribaldos vocant, ingressus sacris ædibus ignem immisit. Denique (ut fertur) quod ex eadem Ecclesia sublatum est, ¹ Carnutenſi civitati illatum, eidem clarissimæ civitati quasi ignis fuit: quæ nimirum consequenter pene usque ad consumptionem fuit in combustionem & cibus ignis. Bellum igitur inter duos reges magnos alternantibus, ² circa partes ut assolet, dextris sinistrisque casibus ³ gerebatur. Verum Regis Anglorum, quem paulo ante & thesauris dura ⁴ spoliarat captivitas, & ⁵ occasione captivitatis integritate finium suorum hostilis mutilarat immanitas, feliciores post tantam circa eum fortunæ malitiam successus fuere. Quippe in hoc bello nec unius passum pedis de terra possessionis suæ ⁶ perdidit: & de munitionibus quæ illi perierant, castellum nobile, quod ⁷ Luches dicitur, cum quibusdam aliis bellica forte recepit. Hostium quoque fines ingressus, nonnullis fortiter & prospere gestis, ⁸ Vindocinum veniens, ibidem per dies aliquot exercitum recreavit. Rex autem Francorum, cum eum hinc abisse putaret, non longe à ⁹ Vindocino castra locavit.

1. Carnutenſi *Edd. pr.* 2. Ut assolet, circa parteis *Edd. priores.*
 3. Agebatur *Edd. pr.* 4. Spoliaverat *Edd. pr.* 5. *Desunt* occasione captivitatis *in Edd. priorib.* 6. Perdidit: de munitionibus autem quas perdiderat, castellum *Edd. pr. Fatetur tamen Picardus in suo etiam Cod. quæ illi perierant legi.* 7. Loches *Edd. pr.* 8. Wendoverum *MS. Pic.* 9. V. C. Wendonio, hinc *Gallice Vendosme urbs in Celtica Ronsardi cunabulis splendida. Pic.*

Sed hostis vicinitate comperta, de nocte recessit. Mane facto Rex Anglorum abeuntem exercitum persecutus, Regis fugientis plaustra & clitellas cum quibusdam arcanis & gaza multiplici variaque ¹ suppellectili comprehendit. Sane ipso tempore infestabatur etiam à quibusdam nequissimis desertoribus in Aquitania, Geofrido scilicet ² Ranconensi & Comite ³ Engolismensi viris præpotentibus, & Francorum, à quibus ⁴ in eum instigati erant, fiducia multum ferocibus. Sed filius Regis ⁵ Navarorum, germanus ⁶ Berengeriæ Reginæ Anglorum, cum exercitu Aquitaniam ingressus, terra utriusque desertoris vastata, cum forte paterni decessus nuncium accepisset, successionis gratia ad propria remeavit. Cumque post modicum fatalis memoratum ⁷ Ranconensem necessitas sustulisset, Rex Anglorum cum exercitu superveniens famosissimum castrum ejus (quod dicitur ⁸ Tailleburgh) matura deditione obtinuit, moxque impetum in alium ⁹ desertorem convertens, civitatem ¹⁰ Engolismam cruenta celeritate expugnavit, Rege nimirum Francorum, dum hæc fierent, mollius agente, quem scilicet ¹¹ spe induciarum, de quibus inter eos jam tractabatur, astute suspenderat.

1. Supellectili *Edd. pr.* 2. Xantonensi *MS. Pic.* 3. Engolismensi *Edd. pr.* 4. Instigati fuerant in eum *Edd. pr.* 5. Navarorum *Edd. priores.* 6. Berengeriæ *MS. Pic.* 7. Xantonensem *MS. Pic.* 8. Tailleburg *Edd. pr.* Caileburg in *MS. suo legi. monuit Picardus.* 9. Desertorum *Ed. Pic.* 10. Engolismam *Ed. Anrv.* 11. Spes *Edd. pr.*

De induciis inter Reges ¹ statutis, & pace provinciarum præterquam ab ² exactioribus regiis.

CAP. III.

ANNO à partu Virginis M. C. nonagesimo 1194. quarto, circa ³ festivitatem ⁴ Principis Apostolorum, ⁵ quæ dicitur ad vincula, post multam conflictationem & casus varios, mediantibus honoratis, induciæ, quas Treugas vocant, inter Reges sancitæ sunt in annum, Regi quidem Anglorum per captivitatem multum attenuato ad reparationem virium admodum utiles, licet, ut quibusdam videbatur, parum honestæ, cum ⁶ intra fines jam breviores Normanniam possideret. Sed præponderavit ratio utilitatis, & rebus ⁷ cum aliquantula etiam honestatis jactura oportuit consuli. Quo factò, modicam laborantes provinciæ pausam recepere. Verum in illa interpolatione malorum, exquirendarum ⁸ ambitu pecuniarum vehementius excanduit in subditos avaritia Principum, dum cogitarent cogitationes magis belli quam pacis, & ad futuros se motus modis omnibus præpararent. Denique in hac re nulla vacavit occasio, & ubi forte ⁹ occasio vel imaginaria defuit, mera tamen per exactores regios ad extorquendum violentia non quievit, illis maxime onera insolita

1. Factis, & de pace Edd. pr. 2. Exactioribus Edd. pr. 3. Festum Edd. pr. 4. Absit à MS. Pic. 5. Quod Edd. pr. 6. Inter pro intra in Edd. priorib. 7. Præsentibus addit MS. Pic. 8. Studio Edd. pr. 9. Absit à V. C. nec abs re, upote superflua. Pic.

frustra caufantibus, qui de superiorum religiosa indulgentia Principum ab omni exactione seculari immunes & liberi esse ¹ solebant, viri scilicet religiosi. Et memoratorum quidem Regum Christianissimi patres ² præcipui religiosorum patroni & protectores fuisse noscuntur: filios vero ³ minus in hac parte patrißare dolemus. Et quidem Rex Anglorum, propter inquietam adolescentiam, in regni sui primordiis plus formidabatur tanquam immitior Princeps futurus. Porro de Rege Francorum ob patris memoriam & ætatis teneræ mores innoxios in suis auspiciis meliora sperabantur, atque omne hominum genus ⁴ imprecabatur illi prospera. At cum à partibus Orientis (ut supra memoratum est) ad propria remeasset, implacabili odio Regis Anglorum in virum alterum mutatus est, & tanquam se de illo in propriis ulturus subditis, fere omnibus, & maxime religiosis clericisque, gravis apparuit. Rex vero Anglorum de captivitate reversus, Deo propicio mitior inventus est. Unde venerabilis Joannes Lugdunensis Archiepiscopus, qui ipso forte tempore in Angliam venerat, cum Londoniis constitutus federet cum viris honoratis, & plurimi coram eo de proprii Principis duritia ⁵ quererentur, nolite (inquit) sic loqui. dico enim vobis, quia Rex vester in comparatione Regis

1. Soleant *Edd. pr.* 2. Religiosorum præcipui *Edd. pr.* 3. In hac parte minus *Edd. pr.* 4. Interpretabatur *MS. Pic.* 5. Conquererentur *MS. Pic.*

Francorum heremita est. Et pauca de moribus ejusdem ¹ Regis subtexens, adjecit eum ætate ² proxime exacta ita propriis pepercisse thesauris, ut omnes sumptus belli, quod cum Rege gerebat Anglorum, ab ecclesiis maximeque monasteriis extorqueret.

Quomodo tironum exercitia tempore Regis Richardi esse in Anglia cœperunt.

C A P. IV.

CURRENTIBUS igitur inter Reges induciis meditationes militares, id est, armorum exercitia (quæ torneamenta vulgo dicuntur) in Anglia celebrari cœperunt, Rege id decernente, & à singulis, qui exerceri vellent, indictæ pecuniæ modulum exigente. Nec movit hæc regia exactio alacritatem juvenum in arma flagrantium, quo minus flagrarent, atque ³ exercendi solemniter convenirent. Sane hujusmodi, nullo interveniente odio, sed pro solo exercitio atque ostentatione virium, concertatio militaris nunquam in Anglia fuisse noscitur, nisi in diebus regis Stephani, cum per ejus indecentem mollietiem nullus esset publicæ vigor disciplinæ. Porro temporibus Regum priorum, Henrici quoque secundi qui Stephano succedit, tironum exercitiis in Anglia prorsus inhi-

1. Principis *Edd. pr.* 2. Pueritiæ *MS. Pic.* 3. Sic etiam *MS. Pic.*
Antea, exercendo studio solemniter.

bitis,

bitis, qui forte armorum affectantes gloriam exerceri volebant, transfretantes in terrarum exercebantur confiniis. Considerans igitur illustris Rex Richardus ¹ Gallos in conflictibus tanto esse acriores, quanto exercitiores atque instructiores, sui quoque regni milites in propriis finibus exerceri voluit, ut ex bellorum solemni præludio, verorum addiscerent artem ² usumque bellorum, nec insultarent Galli Anglis militibus tanquam rudibus & minus gnaris. Scien- dum vero hujusmodi armorum exercitia tribus generalibus conciliis sub tribus venerabilibus Romanis Pontificibus esse prohibita. Unde in Concilio Lateranensi Alexander Papa; ³ *felicis*, ⁴ inquit, *memoriæ Papæ Innocentii & Eugenii prædecessorum nostrorum vestigiis inhærentes, detestabiles nundinas, quas vulgo Torneamenta vocant, in quibus milites ex conditō ⁵ venire solent, & audacia temeraria congregiuntur, unde mortes hominum & ⁶ animarum pericula sæpe proveniunt, fieri prohibemus. Quod si quis eorum ibidem mortuus fuerit, quamvis ei poscenti pœnitentia non negetur, Christiana tamen careat sepultura.* Cum ergo solemnem illum tironum concursum tanta sub gravi censura vetet auctoritas, fervor tamen juvenum, armorum vanissime affectantium gloriam, gau-

1. Etiam adversarii testimonio, Galli sunt in præliis acres, & exercitati. Pic. 2. Usque pro usumque in Ed. Pic. 3. Mirum certe quod superius suo non reposuerit loco. Pic. 4. Memorix, Papæ (inquit) Innocentii Edd. priores. 5. Convenire Edd. priores. 6. Pericula animarum Edd. pr.

dehs favore Principum probatos habere tirones
volentium, ecclesiasticæ provisionis usque in præ-
sens sprevit decretum.

De reditu Joannis ad fratrem.

C A P. V.

EODEM tempore Joannes frater Regis Anglorum cum multo dedecore contra fratrem militabat Regi Francorum, à quo, scilicet dum frater in Alemannia teneretur, abstractus erat atque illectus, ut ruptis naturæ legibus fraternis hostibus jungeretur. Qui nimirum dum plurimum potuit, Regi Francorum honorabilis fuit. Ubi vero captis munitionibus, quas in Anglia patris vel fratris profusa largitione acceperat, tanquam nihil habens ad nocendum fratri, factus est impotens: sprevit eum Rex Francorum, tanquam opera ejus non indigens. Ille autem videns fratrem non modo saluum ad propria remeasse, verum etiam ¹ bene prosperari: tandem dignatus est ei reconciliari. Itaque mediante matre supplex ad fratrem rediit, à quo satis fraterne susceptus, ei de cetero contra Regem Francorum fideliter & fortiter militavit, priores excessus novis officiis expians, & fraternam in se charitatem ad plenum reformans. Hugo quoque ² Nunantinus, Cestrensis

1. *Deest bene in Edd. priorib.* 2. *Vivantinus Edd. pr. Monuit tamen Picardus in Cod. suo Novantinus legi.*

Episcopus, vir inconstans in omnibus viis suis, qui à facie Regis Anglorum, pungente mala conscientia, in Franciam fugerat, eundem Regem non modica summa placavit: & Episcopatu suo recepto, Regiis magis negotiis, quam sollicitudinis pastoralis officiis, de cetero intervenire curavit.

¹ *Quomodo Stephanus quidam à Dæmone delusus est.*

CAP. VI.

LIBET hoc loco commemorare quod Stephano procuratori ² Andegavis contigisse fertur, paulo ante reditum ab Alemannia Regis Anglorum. Idem enim Stephanus ex statu mediocri ad tantæ administrationis culmen à Rege Henrico sublevatus, ipso superstite prudentiam atque modestiam in suis actibus ³ ostentavit: filio quoque ejus Regi Richardo sic placuit, ut eandem illi administrationem ⁴ crederet peregre profecturus. Porro ille conjectans ⁵ delicati corporis principem ex longissimæ & laboriosissimæ peregrinationis magnis certisque periculis vel non, vel difficillime posse reverti: in diutina absentia ejus coepit creditæ sibi po-

1. *Ansea hunc in modum se habuit summarium hujus capituli, viz: De Stephano procuratore Andegavenfi deluso à Dæmone. Quin & illud sciendum tam capitulum VI. quam & cap. VII. desiderari in Ed. Antverpiensi, id quod in summiis ad initium libri etiam animadvertimus.*

2. *Ansea, Andegaviæ.* 3. *Ostentans: filio quoque ejusdem, Regi ansea.* 4. *Ansea, crederet, ut peregre profi.* 5. *Ansea, debilitati.*

testatis

testatis fines excedere, atque ¹ ambulare in magnis & mirabilibus super se. Volens autem certissime ² dinoscere utrum idem princeps ad propria foret reversurus: suadente quodam familiari ³ quendam Toleti consistentem in artibus curiosis famosum super hoc credidit consulendum, habens divinationis precium in manibus. Ille vero assumens deludendum hominem in locum secretum, caput illi quoddam ⁴ adorandum exhibuit: *Quære*, inquit, *ab hoc*, ⁵ *sed pauca & breviter: nam ad multiloquium & ad plura non respondet.* ⁶ Tum ille: *Num*, inquit, *visurus sum* ⁷ *Regem Richardum?* Et respondit ⁸ nequam Spiritus de capite: *Non.* Et ille: *Quam diu*, ⁹ inquit, *durabit mihi administratio suscepta à Regibus?* Respondit Spiritus: *usque ad mortem tuam.* Tertio quæsit ubi esset moriturus? Et responsum est: *In pluma.* Nec licuit ei ulterius quærere. Sed dimissus à vate, lætus abscessit, concinnatam Dæmonis fallaciam ¹⁰ suo tempore experturus. Denique præcepit suis, ut ¹¹ modis omnibus præcaverent, ne quid sibi plumeum occasione qualibet applicarent sive substernerent: hac sibi cautela vitam longissimam pollicens, cum non esset moriturus nisi in pluma. Coepit ergo de cetero

1. Verba sunt Davidis Psal. 130. Pic. 2. *Antea*, dinoscere.
 3. *Antea*, quondam Toleti consistente in artibus. 4. *Antea*,
 abhorrendum exhibuit. 5. *Antea*, & pro sed. 6. *Antea*, tunc.
 7. *Antea* omitebatur, Regem. 8. *Antea*, Spiritus nequam: Non.
 9. *Antea* omitebatur, inquit. 10. *Antea* omitebantur, suo tempore.
 11. *Antea*, malis pro modis.

tanquam præscius futurorum confidentius agere, conculcare subditos, & maxime quendam ex nobilibus, quem suspectum atque exosum habebat, urgere. Qui viribus impar, in quendam munitionem suam fugit à facie insequentis. Ille vero munitionem castris circumdedit, ut eam oppugnaret. Et cum forte circa eam cum paucis negligentius oberraret, qua parte facilius capi posset explorans : repente vir ille, quem ad audendum desperatio stimulabat, ¹ cum suis per posticam erumpens, raptum hostem, & quasi iudicio Dei in manus suas traditum, ² muris cum gaudio intulit, & frustra offerentem plurima pro anima sua crudeliter laniatum trucidavit. Munitione vero illa dicebatur Pluma : patuitque cavillatio spiritus illusoris prædicentis quod infelix ille moriturus esset in pluma. Simile est quod olim ³ contigisse noscitur Gereberto ⁴ Pseudo-papæ. Qui nimirum magicis sacrilegiis deditus, ⁵ quæsit à capite æneo quando foret moriturus, & responsum est ei : *quando debebis* ⁶ *Missam celebrare in Iherusalem.* Credens itaque responsum vacillare non posse, & cogitans se nunquam visurum sanctam Civitatem ⁷ Iherusalem : coepit vivere securus tanquam nunquam moriturus, vel saltem longissime viturus. Porro ignorabat à Dæmone dignus il-

1. *Antea*, cum per posticum erumpens raptum &c. 2. *Antea*, nimio pro muris. 3. *Vide Notas.* P. 4. *Antea*, Pseudoprophetæ. 5. *Antea*, quæsit ex eo quando. 6. *Antea*, celebrare Missam in Hierusalem. 7. *Antea*, Hierusalem.

ludi, ¹ Romæ esse ecclesiam Iherusalem dictam, ubi Romanus Pontifex singulis annis consuevit sacra mysteria ² solemniter celebrare, Dominica qua ³ canitur, *Letare* ⁴ *Iherusalem*. Cum ergo & ⁵ ipse pro tempore exigeretur debitum consuetudinis: tandem vel fero fallacis responsi exhorruit ⁶ atque expertus est veritatem. De Alberico quoque ⁷ Comite quondam Northanhimbrorum simile narratur. Qui cum esset magnus & potens, proprio statu ⁸ non contentus ambiebat majora. Et consulto Dæmone per quendam nefariæ artis sectatorem, audivit quod Græciam esset habiturus. Denique relictis omnibus quæ habebat, partes adiens Orientis, Græciam ingressus est pro fide oraculi. Cumque in ⁹ Græcia multam incassum moram fecisset, & auditum forte esset à Græcis quod super eos regnaturus advenisset: ¹⁰ nudatum bonis omnibus de finibus suis exturbarunt, vix animæ ejus parcentes. Post annos ¹¹ vero fessus laboribus & æumnis Normanniam rediit, & be-

1. *Antea*, Romæ ecclesiam esse Hierusalem, ubi. 2. *Antea* omittitur, solemniter. 3. *Antea*, cantatur. 4. *Antea*, Hierusalem. 5. *Antea*, ab ipso pro ipse. 6. *Anica*, &. 7. *Antea*, Comite Northanhimbrorum. 8. *Antea*, non contentus, & consulto. 9. Græciam MS. noster. 10. *Antea*, nudatum à bonis omnibus, finibus &c. 11. *Antea*, quinque pro vero. Monuit tamen Picardus & in suo Cod. vero legi, se autem quinque reposuisse, ut inde tempus in Græcia moræ designaretur. Cujus etiam opinione alias oratio fuerit obscurior. Sed Picardi hac in re audaciam nequaquam probamus. Neque in Codicis MS. lectione ullam obscuritatem videmus. Ejusmodi loquelæ & alibi occurrunt; subauditio nimirum aliquot vel quosdam.

nigne susceptus est pro agnitione veteri ¹ à Rege Henrico. Qui fesso volens in reliquum providere, viduam ei nobilem cum omni patrimonio suo despondit. Cui mulieri cum ² in solemni benedictione à Sacerdote diceretur: *Domina Græcia complacet tibi in homine isto*? sic enim illa dicebatur: tunc demum ³ ille agnovit astutiam ⁴ spiritus illusoris, qui mentem cupidam in spem vanam erexerat, prædicendo quod Græciam esset habiturus.

Quomodo ceciderit Regnum Normannorum in Sicilia.

C A P. VII.

⁵ **H**IISEM diebus florentissimum Siciliae regnum, quod à ⁶ Wifcardo incipiens plus annis centum statum immobilem habuisse ⁷ dinoscitur, casus magis malitia quam vi externa expugnatum, cum annexis Provinciis, scilicet Campania, ⁸ Apulia, Calabria, in Imperatoris Teutonici ditionem transivit. Quod ut competentius exponatur, narrationis exordium altius sumendum est. Tempore igitur Willelmi senioris, ⁹ qui debellavit gentem Anglorum, ¹⁰ Wifcardus, mediocri loco ex Normannia oriundus, cum eidem Regi militans minus profice-

1. *Antea*, ab Henrico Rege: qui fesso nolens. 2. *Antea*, ei pro in. 3. *Antea desiderabatur*, ille. 4. *Antea*, illusoris spiritus. 5. *Antea*, his diebus. 6. *Antea*, Wifcardo, sine h. 7. *Antea*, dinoscitur. 8. *Antea*, Apulia & Calabria. 9. *Antea* omittebantur, qui debellavit gentem Anglorum. 10. *Antea*, Wifcardus, absque h.

ret, ¹ & propriæ virtutis confidentia nesciret humili contentus esse fortuna: relicta patria cum paucis comitibus Apuliam profectus est. Cumque ibi præclare militaret, exemplo ejus incitati paulatim ad eum confluxere ex gente ejus viri inopes, & commodis amplioribus inhiantes, ² factusque est eorum princeps: illos quoque, quibus paulo ante militaverat, cum malignari & fraudare inciperent, in brevi subjugavit; ususque procurrende fortuna, ³ ita invaluit, ut, opulentissimis provinciis Apulia & Calabria in potestatem redactis, mira successuum felicitate regno quoque Sicilia potiretur. Nec contentus hac gloria, Græciam hostiliter ingressus, Imperatoris Constantinopolitani provincias occupavit: eundem bello congressum, fusis ejus copiis, inglorium fugere compulit. Quo reparante bellum, & latissimi contrahente ⁴ vires Imperii, ille à Romano Pontifice, ⁵ qui ab imperatore Teutonico infestabatur, accepto mandato ut B. Petri Ecclesiæ sub omni celeritate subveniret, ⁶ reliquit in Græcia cum exercitu filium Boamundum, ipse vero, assumpta parte militiæ, concitus in Italiam rediit. ⁷ Factumque est, supra modum arridentibus prosperis, ut una die de utroque imperatore, felicitate non dispari triumpharet: de impera-

1. *Antea omittebatur, &.* 2. *Antea, facileque pro factusque est.*
 3. *Antea omittebatur, ita.* 4. *Antea, juris pro vires.* 5. *Antea, qui à Teutonico imperatore.* 6. *Antea omittebantur, reliquit in Gr. c.e. f. B. ipse vero.* 7. *Antea, factum est.*

tore quidem Teutonico per semetipsum in Italia, de imperatore vero Constantinopolitano per filium in Græcia. Verum non multo post sollicitatæ ab eodem imperatore uxoris absumptus veneno, quam vanum sit omne, quod seculare est, tantæ felicitatis infelici exitu declaravit. Reliquit autem filiis amplissimæ acquisitionis jus universum: qui & egregie post ipsum in multa felicitate & gloria imperasse noscuntur, Græcis ¹ Affrisque terribiles, imperatoribus quoque Teutonicis inaccessi. Denique cucurrit clarissimæ successionis series usque ad Willelmum ² Willelmi filium: qui cum illustrissimi Regis Anglorum Henrici filiam duxisset uxorem, non susceptis ex ea liberis, immatura morte præreptus est. Cui successit arbitrio & electione optimatum ³ Tancredus nothus, ⁴ cunctis Teutonicam aspernantibus ditionem. Quippe Constantia defuncti Regis ⁵ amita, cum eo defuncto jus successionis competere videbatur, Henrico Frederici imperatoris ⁶ Teutonici filio nupserat. Qui nimirum, patre, ut ⁷ supra expositum est, in expeditione Orientali defuncto, ⁸ imperatoriam successionem legitima nactus potentiam, jus uxorum in Imperium Teutonicum

1. *Antea*, Affrisque. 2. *Antea omitebatur*, Willelmi. 3. Tancredus *MS. noster*. 4. *Antea*, cunctis aspernantibus ditionem Teutonicam. Quippe. 5. *Antea*, amica, cui defuncto. *At amita pro amica reponendum esse conjecerat etiam vir eruditus ad oram exemplaris Ed. Picardianæ à Richardo Rawlinsono, A.M. mihi commodati*. 6. *Antea omitebatur*, Teutonici. 7. *L. 4. c. 13. P.* 8. *Antea*, imperatoria.

redigere studuit. Contractis igitur Imperii viribus, Campaniam Apuliamque invasit: civitates nonnullas cum castellis plurimis per deditionem obtinuit. Cumque inclytam in urbibus Neapolim obsideret, ¹ exorta in castris pestilentia, numerosissimi exercitus ² non modicam partem absumpsit: ipse vero cum reliquis ægre evasit. Interim vero uxor ³ ejus Salerniæ constituta, incidit in manus hostiles. Civibus quippe, ut dicitur, annitentibus superveniens classis ⁴ Tancredi, profligata manu militari, quæ ibidem Reginæ assistebat, ipsam comprehensam ⁵ in Siciliam traduxit. Verum à Rege ⁶ Tancredo honorifice tractata, marito quoque post modicum resignata est. Cumque ⁷ idem Imperator in Germaniam reversus secundam expeditionem in Apuliam pro abolenda priori macula meditaretur, & ex ⁸ ærario proprio sumptus bellici minus suppeterent: occasione forte reperta, ut futuræ expeditionis promoveret negotium, nævo inexpiabili foedavit imperium. Imperatoriæ quippe honestatis oblitus, & ex imperatore Christiano alter Saladinus effectus, illustrem Anglorum Regem, à partibus Orientis (ubi multum pro Christo sudaverat) ad propria simpliciter ⁹ revertentem (uti supra ¹⁰ ple-

1. *Anlea*, exacta pro exorta. 2. *Anlea*, partem non modicam.
 3. *Anlea*, ejus Constantia Salernæ incidit &c. 4. *Thancredi MS. noster*. 5. *Anlea*, traduxit in Siciliam. 6. *Thancredo MS. noster*.
 7. *Anlea* omittebatur, idem. 8. *Anlea*, errore pro ærario. 9. *Anlea*, redeuntem (ut supra &c. 10. *L. 4. cap. 31. P.*

nus relatum est) instigante avaritia captivavit: sicque Anglia usque ad sacros Calices ¹ pecuniis exinanita satis infames bello Apulico ² expensas paravit. Rege autem tandem relaxato, sed retentis ejus obsidibus, eo quod avaritiæ ignis ³ exæstuans in pectore inverecundo nondum diceret sufficit: infinitas ex omni imperio contraxit copias, hostium fines ingressurus. Verum ante irruptionem bellicam, contigit Regem ⁴ Tancredum cum filiis in fata concedere: nec jam aliquis ⁵ supererat masculus ex femine regio, qui vacanti præsumeret regno irrepere, præsertim cum imperiali potentiæ hereditaria conjugis ejus justitia ⁶ jungeretur. Adveniens ergo cum exercitu Imperator, ⁷ nomine comparis suæ haut difficulter opulentissimas Apuliæ, Calabriæ, ⁸ Siciliæque regiones obtinuit. Et ceteris quidem, ut dicitur, qui sub ⁹ Tancredo obstiterant, veniam ¹⁰ dedit: cives vero Salernitanos percutiens castigatione crudeli, ipsam clarissimam civitatem evertit. Quod & victor olim ¹¹ Wischardus ejusdem urbis fecisse civibus dicitur; hoc ipso eis palmam perfidiæ tribuens, & punitionis exemplo disciplinam ¹² in posterum sanciens. Sic igitur regnum nobilissimum, quod

1. *Antea ominebatur, pecuniis.* 2. *Antea, expulsus pro expensas. Et quidem expulsus in suo etiam ver. Cod. legi monuit Picardus, qui tamen expensas rectius legi conjecerat.* 3. *Antea, æstuans.* 4. *Thancredum MS. noster.* 5. *Antea, masculus supererat.* 6. *Antea, infereretur.* 7. *Antea, nomine corporis sui haud.* 8. *Antea, Siciliæ provincias obtinuit. Cum ceteris.* 9. *Thancredo MS. noster.* 10. *Antea, dedit.* 11. *Antea, Wiscardus, sine h.* 12. *Antea, imposterum.*

virili successione diu immobile steterat, per feminam heredem deficiens concidit, atque in provinciam ¹ Teutonici Imperatoris transivit, anno à partu Virginis M. C. XCIV.

1194.

De horrenda morte Ducis Austriæ.

C A P. VIII.

ANNO à partu Virginis M. C. LXXXV. ^{1195.} ingresso illustri Anglorum Regi post gravium experimenta malorum favor coepit arridere divinus. Cum enim plusquam viginti marcarum milia præparasset Duci Austriæ, cum multo periculo ² mature transmittenda: illi, quos eidem Duci pro satisfactione summæ exactæ obfides dederat, repente affuere, habentes mel & lac sub lingua sua; hostem scilicet immanissimum divini pondere judicii obrutum nunciantes, & pro fide nuncii seipsos cum gaudio ostentantes. Referabant autem ejusdem potentis terram ante ejus interitum flagello multiplici ita divinitus fuisse attritam, ut ex ³ hiis posset ⁴ agnoscere, sibi quoque non lento jam pede appropinquare judicium, nisi maturius faceret fructus dignos poenitentiae, homo tantorum reus malorum, quæ proculdubio in regnis Christianis provenisse noscuntur ex infelicissima illa captivitate regis

1. *Antea*, Imperatoris Teutonici. 2. *Dceſt* mature in *Edd. priorib.*
3. *His Edd. pr.* 4. *Agnosci MS. Pic.*

Anglorum. Denique (ut dicitur) civitates terræ illius incertam prorsus causam habentibus incendiis conflagrarunt. Danubius fluvius maximus tanquam ad ultionem egressus, adjacentia quædam loca cum ¹ ingenti hominum exitio occupavit, æstate media tota illa regio ² innaturali atque insolita ariditate deficiens, interpestive viroris sui gratia caruit, femina frugum terræ mandata cum deberent erumpere, degenerarunt in vermes, nobiliores quoque terræ illius, tanquam effusa pestis morbus absumpsit. Non terruerunt ista cor nequam & avarum, quo minus opibus Anglicanis inhiaret adhuc, cum plurima jam marcarum milia à Rege captivo sumpsisset. Et quidem à Romano ³ Pontifice pro ⁴ hiis quæ in eundem Regem ⁵ commiserat anathemate innodatus, avaritia ⁶ tamen fortius perurgente superbe derisit sententiam. Jam posita erat divinæ animadversionis securis ad radicem ⁷ malæ arboris. Sed quia ⁸ scriptum est, *contritionem præcedit superbia, & ante ruinam exaltatur spiritus*: de insignis captivi ⁹ quasi manubiis inclytus, convocatis nobilibus terræ, Dominici natalis solemnitatem in multa ostentatione & gloria celebrare voluit. Et die quidem primo gloriosus effulsit: in crastino

1. *Anonym. MS.* decem millibus hominum. *Pic* 2. *Sic etiam MS. Pic.* Antea, præternaturali. 3. *Celestino. P.* 4. *Antea, his.* 5. *Sic etiam MS. Pic.* Antea, commisisset. 6. *Tantum Edd. pr. pro quo tamen in Cod. suo tum legi monuit Picardus.* 7. *Antea, arboris malæ.* 8. *Prov. 16. P.* 9. *Absit à V. C. quo usus est Picardus.*

vero gloriam Deo dedit. Cum enim in natali beati Stephani jam pransus exisset, ut in campo cum suis militibus luderet, forte equus ejus decidens, sefforem quoque dejecit, pedemque ejus ita comminuit, ut ossa hinc inde confracta, rupta cute exterius prominerent. Acciti mox medici ¹ tantæ læsionis curandæ sollicitudinem habuere atque adhibuere quæ expedire credebant. In craftino vero pes ita denigratus apparuit, ut à medicis incidendus decerneretur. Quod cum ipse præ vitæ amore fieri postularet, non est inventus vel medicus, vel familiaris, vel filius, qui hoc patraret. Tandem accitus cubicularius ejus, ² atque ad hoc ³ coactus, dum ipse Dux dolabrum manu propria tibiæ apponeret, malleo vibrato vix trina percussione pedem ejus abscidit. Medici vero appositis medicaminibus, cum eum in craftino visitarent, signis ⁴ haut ambiguis mortem esse in januis cognoscentes, vultu & voce dixerunt: *Dispone domui tuæ, quia morieris tu, & non vives.* Desperatus igitur accitis Episcopis, qui ad solemnitatem invitati venerant, in conspectu Optimatum à vinculo anathematis, quo eum Romanus innodaverat Pontifex, petiit relaxari. Responsum est ab universo Clero, quod nullatenus posset absolvi, nisi sub juratoria cautione, quod

1. Ita quoque MS. Pic. Antea mittebantur, tantæ læsionis cur. soll. hab. atque. 2. Et Edd. pr. 3. Sic etiam MS. Pic. nisi quod ejus omitat. Antea, coactus pedem abscidit. Medici vero &c. omiſſis intermediis. 4. Haud Edd. pr.

super injuriis Regi Anglorum illatis iudicio ecclesiæ staret, Optimatibus quoque pariter jurantibus, quod ¹ si forte iudicium ecclesiasticum ² per eum minus procederet, ipsi modis omnibus procurarent, ne quid ex ³ hiis quæ ⁴ statuerentur in irritum cederet. Hac cautione solemniter præstita, absolutionis munus promeruit, moxque obsides Regis Anglorum liberari præcepit. Verum cum post modicum ingravescente molestia expirasset, succedens filius paternæ quoque avaritiæ heres esse voluit; & ne ultima ⁵ defuncti patris voluntas impleretur, adjunctis sibi quibusdam nobilibus obstitit. Unde factum est per laudabilem ⁶ atque invictum Cleri zelum, ut tanti Ducis corpus diebus aliquot inhumatum inobedienti filio maculam irrogaret. Qui tandem consternatus, memoratos obsides absolute relaxavit, eisque quatuor marcarum milia Regi Anglorum reportanda contradere voluit. At illi propter viarum pericula expediti repatriare maluerunt, & tanto velocius quanto & alacrius revertentes, suæ liberationis nuncii primi extiterunt. Gavissus rex nuncio, gratias egit Deo, & ex eo correctior vixisse ⁷ perhibetur.

1. Forte si *Edd. pr.* 2. *Desunt* per eum in *Edd. priorib.* 3. *Antea*, his. 4. Statuerent *Ed. Antv.* 5. Patris defuncti *Edd. pr.* 6. Sic etiam *MS. Pic. Antea* omittebantur, atque invictum. 7. Dicitur *Edd. priores.*

*Quid Dei ordinatione evenierit in pago Cenomannensi
 1 ad correctionem Regis Anglorum.*

CAP. IX.

ALIUD quoque ipso tempore in pago Cenomannensi accidisse fertur, quod eundem Regem non frustra territum suæ propensius salutis admonuit. Res pluribus nota est, quam nostræ simpliciter narrationi inferimus, prout nobis viri venerabiles & fide digni tradidere, à Cenomannensi Episcopo id ipsum se accepisse protestantes. Vir quidam ex ejusdem Episcopi clientela piæ devotionis instinctu profectus ² Hispanias ad memoriam beati ³ Apostoli Jacobi, cum sospitate ad propria remeabat. Qui post modicum calore ⁴ fidei & devotionis fortius ignescens, longe laboriosiori peregrinatione sepulcrum invisere Dominicum voluit. Valedicens ergo suis, iter opportune arripuit. Et cum forte solus graderetur, repente in ⁵ ipsa via obstitit ei quidam enormi corpore & vultu terribili. Pavefactus homo, elevata manu Christianam sumpsit armaturam. Ille vero tanquam non reputans salutare signaculum: nequaquam, inquit, hoc modo tueri te poteris, quin meus sis. porro si ⁶ procidens ado-

1. Ad coronationem Regis *pro* ad correctionem Regis Anglorum in *Edd. priorib.* 2. In Hispanias *Edd. pr.* 3. Jacobi Apostoli *Edd. pr.* 4. Fideli *Ed. Anrv. male.* 5. Ista *Edd. pr.* 6. Procedens *Ed. Anrv. male.* Respexit enim *Auctor* ad dictum diaboli *Luc. 4. Christum tentantis. Pic.*

raveris me, faciam te locupletem & inclytum valde. Ad hæc homo pavorem fiducia superans, cum libertate respondit. Liquet te esse partis sinistrae, sint tua tibi; nam mihi sufficit omnipotentis Dei largitio, quem solum adoro. Et ille, oportet (inquit) te vel invitum aliquid habere de meo. Et proferens tanquam pallium subtilis materiae, iactavit super caput hominis, quod mox ¹ attactu igneo capillis exustis cutem quoque capitis denigravit. Profiliensque hostis, hominem periculo anxium per brachium apprehendit. Homo vero cum tanta perurgeret necessitas, sanctum Jacobum ex recentis obsequii conscientia fortiter inclamavit. ² Qui beatus Apostolus in specie reverenda manifeste mox affuit, & potenti verbo invasorem improbum increpavit. Ut autem homo de ³ manibus inimici furentis ereptus, tuto jam auditu perciperet, quorum (ut creditur) audiendorum gratia per voluntatem Dei articulum illum inciderat: Apostolus ad nequam illum, dic (inquit) quis sis, vel quid negotii ⁴ habeas. Qui constrictus imperio: Dæmon (inquit) sum generi humano infestus, & mille nocendi artibus instructus. Ego enim grande illud scandalum & Christianae possessionis iacturam in Oriente patravi: ego inter Reges Christianos in terra promissionis,

1. A tractu igneo Edd. pr. *At à tactu igneo in Cod. suo legi monuit Picardus.* 2. In append. Sigib. anno 1140. habes simile quiddam relatum ex Hugone nostro de sancto Victore, Pic. 3. Manu Edd. pr. 4. Habes Edd. pr.

ut nil ab eis ageretur, nec prosperaretur opus Dei in manibus eorum, detestabilem discordiam feminavi: Regem Anglorum à Syria digressum per ministrum nequitiae meae, Ducem scilicet Austriae, captivavi, multimodam exinde malorum occasionem regnis Christianis concinnans: eundem quoque Regem de captivitate ¹ ad propria revertentem comitatus, in partibus istis nunc consisto, cubili ² regio tanquam familiaris minister frequenter affisto, & circa thesauros ejus apud Chinonem repositos pervigili cautela observo. ³ Hiis dictis, malignus disparuit: Apostolus etiam confortato homine in suae se claritatis secretum recepit. Homo vero ad urbem Cenomannensem mature reversus, Episcopo ⁴ virisque prudentibus cuncta per ordinem replicavit, in argumentum fidei caput depilatum, & brachium, manus pestiferæ contactu ustulatum, nudavit. Quibus actis, post dies aliquot propositum iter repetiit. ⁵ Nec diu ista latuere Regem Richardum. Qui nimirum ejus, qui tangit montes & fumigant, timore compunctus, salubrioris instinctu consilii cubiculum suum (⁶ sicut accepimus) de cetero castius esse voluit, & de thesauris suis largiores indigentibus eleemosynas ⁷ erogavit.

1. Sic etiam *MS. Pic. Antea omitebatur*, ad. 2. Regis *Edd. pr.*
 3. *Antea*, his. 4. Sic etiam *MS. Pic. Antea*, urbisque. 5. Ita quoque *MS. Pic. Antea*, nec latuit hoc Regem &c. 6. Ut *Edd. pr.*
 7. Erogare *Edd. pr.*

De morte Hugonis Dunelmensis Episcopi.

CAP. X.

¹ **H**IS diebus Hugo, Dunelmensis Episcopus, extrema forte defecit, anno sacerdotii sui quadagesimo secundo. Et quidem electorum Pontificum, quibus dignus non erat ² mundus, raros legimus tanto tempore officio functos: nostri autem temporis Episcopis, ³ quibus mundus non est crucifixus sed infixus, nescientibus cum Propheta dicere, ⁴ *Heu mihi quia incolatus meus prolongatus est*, etiam productius in illa excellentia tempus breve videtur, tantumque hos, cum suas vel divitias, vel delicias deferere coguntur, torquet dolor, quantus illis, dum affluerent, hæsit amor. Dicitur autem Episcopus ille, nescio unde deceptus, dum in prosperis ageret, tam annosam sibi prophetasse ætatem, ut audientibus plurimis pronunciaret, se, oculis senio caligantibus, annos decem in cæcitate acturum. Quamobrem mundo ⁶ secure incubans, extremis tandem ex improvise urgentibus ⁷ hujus sententiæ vel fero agnovit mendacium. Sane utrum in hoc aliquis eum quasi divinando deluserit, an ipse abundans in sensu suo, ex consideratione bonæ valetudinis suæ,

1. *Ansea*, his. 2. Mundus, paucos raro legimus *Edd. priores*. 3. *Deest* quibus in *Edd. priorib.* 4. *Psal.* 92. P. 5. Est, quibus etiam *Edd. pr.* 6. *Securus* *Edd. pr.* 7. *Ita quoque MS. Pic. Ansea*, hujus fatuæ suæ prophetiæ certum dat experimentum. Sane utrum &c.

vitam sibi longiorem pollicitus fuerit, incertum est. Quippe usque ad septuagesimum annum quo decessit, ¹ morbumque quo absumptus est, fere semper corpore indolorius, sospes & vegetus vixisse perhibetur; Homo in terrenis disponendis prudentissimus, & sine multis litteris eloquentissimus: pecuniarum sitientissimus, earumque scientissimus ² exquirendarum. Spiritualis potentia sive excellentia Episcopus non contentus, secularem ambivit, & multa ecclesiasticæ pecuniæ, religiosis potius usibus applicandæ, jactura quæsit sibi nomen grande juxta nomen magnorum qui sunt in terra. Castellorum instructioni, atque insignium in locis plurimis ædificiorum fabricæ deditus: quo plus studuit ædificare in terra, eo remissius ædificare curavit in cœlo. Hic nimirum ob solam generis nobilitatem ex secularis vitæ illecebris in ætate minus canonica ad Episcopatum assumptus, studiose implevit illud Salomonis³: *Omnia quæ desideraverunt oculi mei, non negavi eis; nec prohibui cor meum, quin omni voluptate frueretur.* Cumque opibus plerumque non parceret, sed multo studio congesta, ne quid magnis animi sui conceptibus deperiret, indiscrete effunderet: alias tamen multo plus erat congregans, quam dispergens. Leprosis indulgentior, nobile illis

1. *Desunt* morbumque q. a. est, f. s. c. indolorius, in *Edd. priorib.* Monuit tamen Picardus in suo etiam Cod. *existere*, morbumque quo assumptus est, fere semper indolens. 2. Quærendarum *Edd. priores.* 3. *Eccles. II. P.*

Xenodochium, non longe à civitate Dunelmensi, profusa quidem, sed tamen ex parte minus honesta largitione construxit. alieni quippe juris non modicum huic devotioni per potentiam applicans, dum propria sufficienter impendere gravaretur. Sane cum post plebis Christianæ in Orientē excidium Christiani Principes multusque populus characterem Dominicum suscepissent: ipse quoque ejusdem piæ devotionis confors esse voluit. Denique in capite jejunii signum Domini solemniter sumpsit, & pro castigandis peccatis suis sub veste¹ exteriori mollia cilicio mutavit, quo tamen diu usus non est. Porro ut abjiciendi etiam sacri characteris occasio non deesset, tepide rogatus à Principe, publicæ administrationis sollicitudinem (ut suo loco plenius² dictum est) minime recusavit, ac deinde ab eodem callide inductus, appensa illi universa pecunia, quam in sumptus longissimæ peregrinationis congesserat, Comitatum Northumbriæ comparavit. Quo factō, & Rege in Orientem profecto, à sacro tandem characterē humerum liberavit, ac geminato honori Episcopus senior Comesque novitius incubans, potentiam suam & gloriam usque ad ejusdem Principis reditum magnifice ostentavit. Cum autem ejus de captivitate Alemannica in regnum regressi faciem minus sibi arridentem

1. Sic etiam MS. Pic. *Antea*, exteriori durum cilicium calavit, quo &c. 2. L. 4. cap. 5. P.

notasset, non aliter eum, quam resignato Comitatu, quem gravi summa emerat, & spacio brevi possederat, placari posse credidit. Non tamen vel sic placare eum potuit, quem nimirum exactionibus importunis postmodum gravem sensit, credentem scilicet tanti Episcopi sacculos non facile posse exhauriri, præsertim cum ille pro redimendo Comitatu, quem olim frustra emerat, in multa quantitate pecuniam novam offerret. Proinde Regi in partibus transmarinis constituto, & oblatam quidem pecuniam¹ imminetia Regia exigenti, non tamen Comitatum reddenti, per responsales & munera supplicavit, ut vel mediante ipsa pecunia Comitatum redderet, vel non reddens ab exactione cessaret. Rex autem callide, ut olim, hominem palpans, litteris reverentia plenis mandavit, ut oblatam summam appensurus Lundonias accederet, & tanquam Pater patriæ cum Archiepiscopo² Cantuariensi totius regni moderator de cetero resideret. Qua gratia exhilaratus Episcopus, ³ in multa læticia eundi Lundonias iter arripuit. Veniensque ad villam propriam, quæ dicitur ⁴ Creic, ⁵ dominica, qua mos est sacerdotibus caput quadragesimalis jejunii solemni esu carniū prævenire: ibidem supra virtutem corporis senilis ingurgitavit se epulis, dum mi-

1. Sic etiam MS. Pic. *Ansea*, auctoritate Regia. 2. Ita quoque MS. Pic. *Ansea*, Cantuariæ. 3. In multa læticia eundi *omittunt* Edd. pr. 4. Sic etiam MS. Pic. *Ansea*, Craet. 5. Scilicet die *Quinquagesimæ*, P.

fer, cui nil sapit venter, per saporum illecebram de numerositate ferculorum usque ad gravamen proprium suscipere cogeretur. Cumque per vomitum vitio crapulæ mederi voluisset, eo ipso afflictus est magis. Ab illo ergo die sensim deficiens, obstinato tamen animo progressus est itinere dierum aliquot usque Doncastrum. Nec ulterius ¹ crescente incommodo ² obluertari valens, itinere liquido circa primam Dominicam Quadragesimæ delatus Hovedennam ³ idem decubuit. Et cum ingravescente molestia jam desperaretur, amicis qui aderant suadentibus, testamentum condidit, & pro tempore faciens fructus vel seræ poenitentiae, sensu quidem doloris modico, sicut fatebatur, sed defectu paulatim serpente, & tandem prævalente, vitam finivit. Illo autem mortuo, & Episcopatu illico per ministros regios in fiscum redacto, ⁴ iidem omnia secreta ejus ⁵ perscrutantes, quicquid repertum est Regiis applicuere commodis. Sed nec ministri & familiares ejus evasere quaestionem, qui nimirum jussione regia tanquam substractores bonorum ejus districtæ discussioni addicti, pro viribus ⁶ quisque substantiæ suæ satisfacere sunt compulsi.

1. Excrescente *Ed. Anrv.* Exercente *Ed. Pic.* 2. Sic etiam *MS. Pic. Antea*, reluctari. 3. Ibidem pro idem in *Edd. priorib.* 4. Idem *MS. noster.* 5. Scrutantes *Edd. pr.* 6. Quisque *MS. Pic.*

De tribus spuris ejusdem Episcopi, & quis ei successerit.

CAP. XI.

SANE memoratus Episcopus, dum adhuc Eboracensis¹ esset Ecclesiæ Thesaurarius, paulo ante Episcopatum diversis ex matribus tres spurios fuderat; nec tamen hoc vel ipsum divini respectu judicii ab Episcopatu ambiendo² deterruit, vel electionem ejus, quod & canones remissius & homines indiscretius agerent, impedivit. Ait enim beatus Gregorius³ scribens Clero & nobilibus civitatis Neapolis; *Joannem Diaconum, qui ab altera parte electus est, parvulam habere filiam quorundam relatione cognovimus. Unde si rationem voluissent attendere, nec alii eum eligere, nec ipse debuerat consentire. Nam qua præsumptione ad Episcopatum audet accedere, qui adhuc longam sui corporis continentiam (filiola teste) convincitur non habere?* Si ergo iste propter unam filiulam ad Episcopatum non debuit aspirare, vel eligi: multo minus ille propter tres⁴ filiolos. Episcopatum tamen nactus, susceptam quidem ante Episcopatum sobolem per illecebram⁵ carnalis affectus studuit ad divitias & nomen grande provehere. Porro in Episcopatu sobolem minime procreavit. Primogenitus ejus nobiliori matre procreatus, secularem militiam plus amavit. Sequens vero cum Archidiao-

1. *Ansea*, Ecclesiæ esset. 2. Terruit *Edd. pr.* 3. *L. 8. Epist. 40. P.*
4. Sic etiam *MS. Pic. Ansea*, filios. 5. *Carnis Edd. pr.*

natu Dunelmensi ecclesias plurimas ad usum magis deliciarum, quam utilitatem animarum paterna provisione possedit. Tertius autem, quem pater tenerius diligebat, multa ejus opera & impensa Regis Francorum Cancellarius, immatura morte paternum verberavit affectum. Medius quoque filiorum ¹ à patre superstes ² sospesque relictus in multa felicitate terrena, ³ à patris decessu mense sexto ejusdem felicitatis vanitatem atque fallaciam patrem sequendo probavit. Sane anno à morte ejusdem Episcopi expleto, & Episcopatu per officiales regios multifariam spoliato, accepit eandem sedem nutu regio Philippus, genere Aquitanus. Cum enim esset idem circa Principem multo tempore sedulus, laborum particeps, & conscius secretorum, tanquam de se optime meritum præclare remunerari idem Rex voluit. Ne autem fumere sibi honorem videretur, sed potius vocari à Deo tanquam Aaron: callide provisum est, atque intentato implacabili Regis motu, si quis refragandum duceret, electuris extortum, ut præelectum regium eligerent, & veritatem ⁴ electionis regiae celebri ecclesiasticæ electionis imagine adumbrarent. Solent enim plurimi, qui per potentum operam ad ecclesiasticos honores aspirant, ut manifestæ intrusionis evitent

1. Sic etiam MS. Pic. *Antea*, patri *pro* à patre. 2. *Desunt* sospesque in *Edd. priorib.* 3. *Antea*, ab ejus *pro* à patris. 4. *Desunt* electionis regiae celebri ecclesiasticæ in *Edd. priorib.*

¹elogium,

¹ elogium, terroribus elicitæ electionis quasi honestam prætexere speciem. Id vero frustra, cum dicat ² Apostolus: *Nolite errare. Deus non irridetur. Quæ enim seminaverit homo, hæc & metet.*

Quomodo Hubertus Cantuariensis Archiepiscopus in Eboracensi ecclesia nomine Legati celebravit Concilium: & de lite, quæ vertitur inter Cantuariensem & Eboracensem de ³ primatu.

CAP. XII.

DEFUNCTO igitur Dunelmensi ⁴ Episcopo, atque Eboracensi Archiepiscopo ad placandam Regis iram, quæ adversus eum vehementer excanduerat, in transmarinis partibus ⁵ constituto, Hubertus Cantuariensis Archiepiscopus, ⁶ & vices non tantum regias in regni moderatione, verum etiam Apostolicas in Ecclesiastica ordinatione per totam habens Angliam, ostentaturus gloriam utriusque potestatis, ⁷ Eboracam Metropolim adiit; Prælatos totius provinciæ, uti solemniter sibi occurrerent atque assisterent, præmissa auctoritate imperavit; suppresso pro tempore Primatis nomine, ipsam Ecclesiam Metropolitanam nomine Legati Apostolicæ ⁸ sedis pompaticè ingressus, potestatem

1. Ita quoque MS. Pic. Antea, opinionem. 2. Galat. 6. P. 3. Prioratu Edd. pr. 4. Sic etiam MS. Pic. Antea omitebantur, Episcopo, atque Eboracensi. 5. Constituti Edd. pr. 6. Deest & in Edd. priorib. 7. Eboracum Edd. pr. 8. Sedis cum pompa ingressus Edd. priores.

in ea magnam exercuit; & nullo obfistente vel reclamante, eo quod omnes vel terrore ejus perstricti, vel Metropolitano proprio minus essent devoti, Concilium magnifice celebravit. Quibus actis, & seculari quoque pro tempore ibidem jurisdictione expleta, propriæ se provinciæ reddidit. Hic commemorandum puto¹ qua vel ratione vel occasione duo Metropolitani Anglorum per longa jam tempora de prioratu contenderint. Eboracensis quidem perspicua se beati Gregorii auctoritate tuetur.² Scribens enim Augustino Anglorum Episcopo: *Eboracensem* (inquit) *Episcopum tuæ fraternitatis dispositioni volumus subjacere: post obitum vero tuum, ita Episcopis, quos ordinaverit, præsit, ut Lundoniensis Episcopi nullo modo ditioni subjaceat.* Et adjecit: *Sit vero inter Lundoniæ & Eboracæ Episcopos in posterum honoris ista distinctio, ut ipse prior habeatur qui prius fuerit ordinatus.* Cantuariensis vero Episcopus (quem beatus Gregorius Lundoniensem vocat) asserit huic auctoritati posteriori tempore abrogatum: quando scilicet Romanus Pontifex doctissimum virum Theodorum (ut venerabilis Beda refert) Cantuariensis Ecclesiæ ordinavit Episcopum; quem & præfecit universis Angliæ Episcopis tanquam primatem. Cujus successores per multa tempora eadem prærogativa insignes fuisse noscuntur: unde

1. *Antea*, qua ratione vel occasione, omisso priore vel. 2. *L. 12. Reg. Epist. 15. P.* 3. Sic etiam *MS. Pic. Antea*, Eboraci.

constat eam non personæ sed ecclesiæ fuisse concessam. Respondetur ¹ à parte Eboracensis, quod beatus fancivit Gregorius manifesti & solidi esse juris, quod nullo quidem tempore abrogatum: sed quodam tempore ratione ipsius temporis in usu non fuit, tanquam soporatum & suo tempore excitandum. Anglis siquidem nuper ad fidem Christi conversis, juxta ² veracis Bedæ historiam, rudes & indocti ex ipsa gente Episcopi præesse cœperant: quibus necessario informandis Romanus Pontifex pia providentia ³ doctum præfecit Theodorum, non quidem evacuans decretum beatissimi patris Gregorii, sed tantum consulens tempori. Successores vero Theodori aut similiter tempori consulendum duxerunt, aut temporibus melius se habentibus præsumptores fuerunt: cum Angli Episcopi Eboracensi ecclesiæ præsidentes simplicitate quadam rustica de ⁴ propriæ sedis prærogativa minus curarent, & usum quoque pallii à diebus Paulini Episcopi per tempora multa negligerent. Ad hæc dicit Cantuariensis: quia & postquam usus pallii Eboracensi ecclesiæ est redditus, plures ejusdem ecclesiæ Pontifices Cantuariensis ecclesiæ, sive Pontificis, tanquam proprii Primatis jurisdictioni subjacuisse ⁵ noscun-

1. V. C. ex. Id vero ceteraque hujus argumenti late præscribit in initio *Antiq. Eccles. Brit. Matt. Park. Pic.* 2. Sic etiam *MS Pic. Antea*, venerabilis Bedæ. 3. Doctorum pro doctum in *Ed. Pic.* 4. Desunt propriæ sedis in *Edd. priorib.* 5. Sic etiam *MS. Pic. Antea* omitebatur, noscuntur.

tur. ¹ Respondet Eboracensis, quia sicut ratio necessitatis temporalis juri Eboracensis Ecclesiæ, quod non perfunctorium, sed solidum & perpetuum, esse beatus Gregorius voluit, præjudicium generare non potuit, ita nec simplicitas sive negligentia Antistitum ejusdem Ecclesiæ. Denique ista de prioratu tam vana contentio, Anglorum Metropolitanos longo & sumptuoso labore exercuit. Vanissime autem uterque illorum se scribit totius Angliæ Primatem, cum neuter habeat significatam hoc nomine potestatem. Inde est, quod memoratus Cantuariensis, ut susciperetur ab ecclesia Eboracensi tanquam Apostolicæ sedis legatus, supprimendum putavit nomen Primatis: quod utique non simpliciter est suppressum, sed, cum aliter non posset suscipi, quod non tanquam primas adveniret, expressum. Verum nec legationis suæ ratione facile suscipi potuisset: si Clerus ejusdem ecclesiæ privilegio ante annos aliquot à sede Apostolica impetrato uti voluisset, quo scilicet à jurisdictione cujuslibet legati in Anglia instituti cum suo eximebatur Pontifice. Quem nimirum, quoniam non frustra velut terribilem ² formidabat, pro ejus prærogativa tepide æmulandum duxit, & legato potius, quem amicum & patronum optabat, maluit subjici, quam illius non frenandam potentiam experiri.

1. Respondit *Edd. pr.* 2. Formidabant *Edd. pr.*

De exercitu Sarracenorum qui ex ¹ Affrica Hispanias intravit.

CAP. XIII.

ISDDEM diebus, hoc est, anno M.C. LXXXV. à 1195.
partu Virginis, Christianis adhuc Regibus Francorum & Anglorum execrabilis in alterutrum odii morbo laborantibus, atque ægre sustentibus expletionem induciarum, quibus eorum vel ad modicum malitia nocendi avida frenabatur, Sarracenorum ex ² Affrica tremendus exercitus, Duce (ut dicitur) quodam suæ superstitionis Pseudo-philosopho grandia pollicente, Hispanias intravit, junctusque Sarracenis indigenis, Christianis se finibus perniciosus immerfit. Æmulantes quippe ³ Affri Orientalium Sarracenorum ferventem adhuc fortunam, qui sub principe Saladino regnum Jerosolymitanum invaserant, & Christiani nominis titulum ex Arabia funditus, ex Syria vero usque ad contemptibiles reliquias exturbarant, eosque fortitudine & gloria æquare cupientes, vicinas gentes Christianas moliti sunt vel expellere vel delere, totasque spurcissimæ sectæ suæ Hispanias applicare. Augebat autem eorum fiduciam, quod tempus eos juvare videretur, dissidentibus scilicet inter se fere totius Europæ Principibus Christianis, atque ita circa nefarios cupiditatum suarum motus explendos intentis, ⁴ ut te-

1. Aphrica *Edd. pr.* 2. *Amica*, Aphrica. 3. *Amica*, Aphri.
4. Ut vix aliquis *Edd. pr.*

pide aliquis eorum pro fidei Christianæ vel propagatione vel defensione in Hispaniam ¹ accingendus militiam crederetur. Itaque fretum quod ² Affricam Hispaniamque disternat transmeantes, junctis ³ sibi Hispanorum infidelium copiis cruenta & effreni audacia ⁴ debacchabantur in finibus Christianis. Nostri vero primo repentina infinitæ multitudinis irruptione attoniti, mox resumptis animis discrimen experiri bellicum statuerunt. Denique à Regibus Christianis ejusdem terræ, quæ nimirum adeo spaciofa est, ut extra partem sui non modicam, quæ à Sarracenis possidetur, quinque non ignobilibus regnis Christianis sit incluta, ⁵ varia contra perfidos illos forte pugnatum est. Et multum quidem utrinque sanguinis fusum est, sed tandem Deo nostris propicio hostilis exercitus plurima sui parte mutilatus, ad propria cum dedecore rediit, minus forte de cetero de vana sui Ducis philosophia præsumpturus. Sane rumor irruptionis hostilis late discurrens, totamque in brevi percurrrens Europam, atrociora nunciavit, populis Christianis alte gementibus, & Principes suos justa querela incusantibus, qui non se zelo igniti divino grassanti perfidiæ oppone-

1. Accingendus ad militiam *Edd. pr.* 2. *Antea*, Aþhricam.
 3. *Antea omitebatur*, sibi. 4. Delectabantur *MS. Pic.* 5. Primo enim die fuit æquo pugnatum Marte : secundo vero pars Christianorum fugavit Saracenos, *inquit Append. Sigib. ad annum 1195.* Vexillum Mummilini Ducis perfidi Romam missum & in Ecclesia S. Petri locatum. *Rigord. Auctor est. Pic.*

rent,

rent, sed juxta Apostolum mordendo & comedendo invicem confumerentur ¹ ab invicem, atque ita bellando inter se vires attererent Christianas, quas utique contra hostes nominis Christiani integras oporteret servari; nec recenti terræ Hierosolymitanæ commonerentur exemplo, quæ utique nostris inter se dissidentibus in manus Agarenorum infelicissime noscitur incidisse. Minus enim animavit atque adjuvit contra nos hostem sacre Religionis Saladinum propriarum fiducia vel potentia virium, quam nostrorum, qui terram sanctam regere videbantur, callide explorata discordia Procerum. At hoc parum est veterum respectu damnorum, quæ profecto ex nostrorum discordiis robur energivantibus Christianum profluxisse noscuntur. Cum enim florente olim Republica Romana tantus, immo & latior esset orbis Christianus quam orbis Romanus, qui nimirum præter Europam clarissimas maximasque Asiæ provincias cum tota fere ² Affrica intra suos limites cohibebat, intestinis Christianorum ³ malis Principum & ⁴ populorum actum est, ut Agarenis, qui

1. Sic quidem è Cod. nostro edidi. *Antea*, ab invicem. Non minus enim animavit &c. omisis intermediis. Monuit tamen Picardus, in suo Cod. legi, ab invicem, atque ita bellando vires attererent Christianas: quas utique contra hostes Christiani nominis integras oportet servari. Nec terræ Hierosolymitanæ recenti commoverentur exemplo: quam utique nostris inter se dissidentibus noscitur in manus Agarenorum infelicissime incidisse. Non minus enim &c.

2. *Antea*, Aphrica. 3. *Antea* omisebatur, malis. 4. Populorum bellis actum est Edd. pr.

& Sarraceni dicuntur, invalescentibus, & secta nefaria ¹ mundum replentibus, Christiana Religio extra fines Europæ modicum possideret. Quin etiam Europæ ex ² Affrica prius infecta idem pestilentissimus error irrepsit, atque usque in hodiernum diem partem Hispaniarum non modicam maculavit. De origine autem hujus spurcissimæ sectæ, & quomodo in tantum invaluerit, ut tot gentes ³ & regna corrumperet, propter eos, qui forte nesciunt, juxta majorum traditionem paucis perstringere libet.

De ⁴ Macometo Pseudo-propheta, & de lege quam per spiritum erroris introduxit, & quomodo eadem lex plurimas gentes infecit.

C A P. XIV.

POST tempora beati Papæ Gregorii cum Romanum Imperium, quod olim ab Oceano Britannico usque ad fines Persidis porrigebatur, tyrannicis motibus bellisque civilibus ita esset attritum, ut propriæ adversus gentes exterarum defensionis jam minus sufficeret: paganus ⁵ Persarum exercitus in Christianos effertus minimo negotio quasdam Orientalis Romanæ ditionis & Christianæ religionis provincias ⁶ milite vacuas occupavit. Secuta est è vestigio Ismaëliitarum, qui proprie quidem Sarra-

1. Replentibus mundum *Edd. pr.* 2. *Antea*, Aphrica. 3. Regnaque *Edd. pr.* 4. Mahometo *Edd. pr.* 5. Exercitus Persarum *Edd. pr.* 6. Militiæ *Edd. pr.*

cenī, sed verius Agareni dicuntur, pestis edacior, quæ nimirum juxta quod ¹ scriptum est, *residuum erucæ comedit locusta*, Christianas in Oriente reliquias fere usque ad ² internicionis extremum persecuta est, agens sub Principe ³ Macometo Pseudo-propheta. Sane hic in adolescentia negotiandi gratia plurimas peragrans regiones, crebra cum Christianis & Judæis conversatione, cum esset acer ingenio, utriusque religionis ritus cultusque addidicit: & ut ad explenda, quæ jam animo conceperat, nequissimorum sibi spirituum familiaritas & cooperatio non deesset, magicis quoque artibus imbuī curavit. Quibus instructus homo mire callidus & facundus, nationi se propriæ (nam ⁴ Hifinaëlita erat) ausurus ingentia reddidit: similisque illi malæ bestię de ⁵ Apocalypsi, quæ habebat duo cornua similia agni, & loquebatur quasi draco, ut seduceret plurimos innocentię & simplicitatis mendaci specie, pestilentium virus adumbrabat verborum. Denique suæ gentis ⁶ Dominam (quippe moris erat eam gentem regi à feminis) ita verbis ad seducendum compositis, & nefariæ artis præstigiis dementavit, ut eum

1. Joel. 1. P. 2. Internecionis Edd. pr. 3. Antea, Mahometo. Sed Macometo etiam in V. C. quo usus est Picardus, qui porro notat Paulo Diacono lib. 18. Rer. Rom. Muhammat vocari. 4. Hifnelita Edd. pr. At Hifinaëlita plane in Cod. nostro, licet alibi hoc in capite Hifinaëlita. Adeo ut non sit dubitandum quin utraque scribendi ratione (tam nimirum cum h, quam absque h) usus sit auctor. 5. Cap. 13. P. 6. Eadigam nomine, mulierem locupletem suamque cognatam, inquit Paul. sup. Pic.

tanquam summum Dei Prophetam coleret, atque ejus nuptias exoptaret. Cujus conjugio nactus ejusdem gentis Principatum, multo fortius populos seducebat, dum non tantum moverentur reverentia Principis, verum etiam motum divinum se incurfuros crederent, si summo ejus Prophetæ in aliquo remiffius obtemperarent. Quippe in omnibus, quæ feductis vel feducendis à fe populis præcipiebat, personam tanquam loquentis in fe Dei affumens, fallaci verorum imitatione Prophetarum præmittebat, *hæc dicit Dominus*. Et quia in traditione sacræ legis scriptum effe noverat, ¹ *Locutus est Dominus ad Moysen dicens*, ut fcilicet divinum, non humanum effe intelligeretur, quod per hominem tradebatur, ipfe quoque fuis libris inferendum putavit: *Locutus est Dominus ad Macometum Prophetam fuum dicens*, ut fcilicet divinæ auctoritatis pondus habere crederetur, quod ab eo ² feductorie fingebatur. Cumque non tantum fubditi, verum etiam alii plurimi ad eum fponte inclinati, ad ejus in omnibus penderent arbitrium, accenfus libidine latius ³ dominandi fub prætextu propagandæ Religionis, tanquam ex præcepto Dei finitimas gentes bello aggreffus eft. Et Chriftianas quidem in Oriente provincias primo invafit: confequenter vero ad ⁴ Perficæ ditionis terras arma convertit, arte & afu

1. Exod. 20. P. 2. Seductore Edd. pr. 3. Arabiæ inquit auctor doctus contra feftam Mahum. cap. 13. Pic. 4. Perfidiæ Edd. pr.

¹ efficiens

¹ efficiens quod armis minus ² poterat. Ut autem in omnibus Religiosus videretur, subactos populos, patriis ritibus abdicatis, in suam superstitionem ³ quocunque modo traducere studuit, paganis quidem, quos subegerat, idolatriam inhibens, Christianos vero usque ad sacri nominis exterminium atterens. Hoc modo in Ægypto & Lybia, Mesopotamia & Syria regnis clarissimis, aliisque provinciis Orientis, in quibus olim Christianæ Religionis cultus excelluit, usque ad reliquias modicas, prævalentibus Agarenis, defecit. Cumque idem pestifer dimissus à Deo secundum desideria cordis sui iret prospere ⁴ in adinventionibus suis, & juxta formam novissimi Antichristi dolus in ⁵ manu ejus dirigeretur, excogitato per seductorem spiritum modo quo seductionis virus diffusius spargeret, & seductos à se populos quibusdam quasi sacramentis ⁶ concorporans fortius irretiret, novas vivendi leges, novosque sacrorum ritus astuta vanitate composuit, &, ut tanquam divinæ sanctiones suo tanquam prophetico ministerio susciperentur, artificiosissime procuravit. Camelum namque elegantis formæ in secretis suis à tenero nutritum, & solis ejus manibus assuetum, suspenso ad collum ejus sacrilego codice ante lucem emisit. Qui nimirum insolita libertate gaudens, atque omnium accedentium con-

1. Perficiens *Edd. pr.* 2. Sic etiam *MS. Pic. Antea*, potuit.

3. Quacunque ratione traducere *Edd. pr.* 4. In inventionibus suis *Edd. pr.* 5. Manus *Edd. pr.* 6. Incorporans irretiret *Edd. pr.*

tactus refugiens, spaciabatur per campos. Famā mox nunciat apparuisse Camelum speciosissimum collo gerentem mysteria. Concurrit populus ad inusitatæ rei spectaculum, ad ipsum quoque nefariæ molitionis artificem res defertur. Egre-ditur tanquam visurus miraculum. Animal emi-nus conspecto ¹ nutritio, accurrit, & ² procum-bens notissimas manus allambit. Acclamat po-pulus clarere Prophetæ meritum; rogat codi-cem sacris ejus manibus accipi, & quid in eo mysterii contineretur aperiri. Quo aperto: *Ecce, ait, hæc est lex scripta non atramento homi-nis, sed manu Angelica: quam genti nostræ Deus omnipotens perpetuis servandam temporibus per hoc animal mittit de cælo. Hic liber docebit vos, quo-modo Deum colere, & quanta ab eo ³ pro servata ⁴ ejus lege sperare debeatis.* Hoc modo sub no-mine religionis sacrilega cordis sui commenta promulgans, diem quoque, quo hæc facta sunt, annis singulis statuit esse solemnem, qui a Sar-racenis (ut ⁵ accepimus) Festum Cameli dicitur, atque unius mensis jejunio prævenitur. Sane quoniam Christianas pariter & Hebræas tradi-tiones didicerat, ex utrisque nonnulla propriis figmentis inseruit, ne scilicet omnino inusitata prædicanti vel sancienti fides difficiliter habere-tur. Nempe ut Judæos mulceret, fuillæ carnis esum inhibuit: & propter circumcissum suæ

1. Nutritore occurrit Edd. pr. 2. Sic etiam MS. Pic. Antea omit-tebatur, procumbens. 3. Ita quoque MS. Pic. Antea omittebatur, pro-

4. Lege ejus Edd. pr. 5. Sic etiam MS. Pic. Antea, accipimus.

gentis patriarcham Ifmaëlem, circumcisionis ritum admisit. Nostri quoque baptismatis quadam sacrilega imitatione, crebras in ¹ aqua singulorum tinctiones membrorum quasi pro expiatione instituit. Illius Apostolicæ sententiæ, ² *Non in* ³ *comessationibus & ebrietatibus, non in cubilibus & impudiciis*, partem primam amplexus est & docuit: reliquam vero ⁴ grata lascivis indulgentia relaxavit. Cum enim ⁵ esset ipse ⁶ flagrantissimæ libidinis, ne aliter videretur facere quam docere, omnem suis impudicitiam carnalis voluptatis indulgit, impudenter mentiens, Deum ⁷ bonum pro talibus non irasci, atque hac foeda pudendaque licentia animos sibi concilians gentis obscenæ. Gulosos vero atque ebriosos orbi terrarum graves abominatus, sobrietatem docuit, ⁸ ciborum delicias fugillavit, vini usum, præterquam paucis certisque diebus solemnibus interdixit. Inde est, quod cum Sarraceni in ⁹ fluxu libidinum de sui (ut dictum est) seductoris indulgentia probentur esse spurcissimi; nostris (proh! dolor) in frugalitate superiores esse videntur, nobisque (proh! pudor) ¹⁰ comessationum & ebrietatum sordes improperant. Denique Malleus Christiani nominis Saladinus ante annos aliquot, cum nostrorum

1. Aquam Edd. pr. 2. Rom. 13. P. 3. Comessationibus Edd. pr. 4. Scilicet, non in contentione & æmulatione. Pic. 5. Ipse esset Edd. pr. 6. Ut Jacob. Virriac. cap. 5. histor. Oriental. notat. Pic. 7. Deest bonum in Edd. pr. 8. Sic etiam MS. Pic. Antea omittebantur, ciborum delicias fugillavit. 9. Luxu Edd. pr. 10. Antea, comessationum.

mores explorans audisset, quod pluribus in prandio ferculis uterentur, dixisse fertur, tales terra sancta indignos esse. Unde constat, quod luxus nostrorum conspectus, Agarenos, de frugalitate gloriantes, contra nos incitet animetque tanquam dicentes: Deus dereliquit crapulatos¹ istos, persequamur & comprehendamus, quia non est qui eripiat. De eodem autem Saladino rem memorabilem, quam à viro veraci audiui, paucis perstringam, quo elucescat quam argutus fuerit ad propriæ sectæ commendationem nostræ religionis fugillator. Præsentati sunt ei aliquando duo monachi Cisterciensis ordinis capti à Turcis prædonibus. Quos ex schemate inusitato intelligens esse de genere philosophantium Christianorum: per interpretem sciscitatus est, quinam essent, & cujus conditionis vel professionis? Responderunt se esse monachos, regulam beati patris Benedicti professos. Ille de institutis ejusdem regulæ plura percunctatus, cum inter cetera de cælibatu eorum audisset, tandem quæsit an vinum biberent, & carnibus vescerentur? Responderunt se omni tempore certum vini modulum habere ad usum, esum vero carnum non nisi ratione necessitatis seu infirmitatis admittere. Tunc jussit eos indulgentiori custodiæ mancipari, & per duas decentis formæ mulierculas, ad eorum ministerium deputatas, solas eis carnes cum potu aquæ ad

1. Ipsos *Edd. priores.*

viſtum miniſtrari. Qui carnibus uſi & aqua mandentes, exemplo beati Job ¹ pepigerunt ² foedus cum oculis ſuis, ut ne cogitarent quidem de turpitudine, ſed ſobrietate comite, ſolliciti pudicitiae ſuae cuſtodes, orationi vacabant. Quod ubi comperit Saladinus; carnes & aquam piſcibus ³ & vino juffit mutari. Et quidem ſi hoc eo animo feciſſet, quo à Salomone dictum eſt, ⁴ *Date vinum* ⁵ *hiis qui amaro ſunt animo; bibant & obliuiſcantur egeſtatis ſuae*: ⁶ benivole utique actum ⁷ eſſet. At inſidiabatur callidus, ut ſimplicitatem arte deluderet, & ex hoc religioni calumniam concinnaret. Vinum ergo ſumentes, dum blandientibus mulierculis triftitiam ſuam paulo indulgentiori hauſtu lenirent, illam Apoſtolicam regulam, ⁸ *Modico vino utere propter ſtomachum tuum*, minime tenuerunt. Nam quod ſtomacho ſat eſt, hilaritati minus eſt. Ubi autem ⁹ cum hilaritate honeſtatis irrepiſit obliuio, Salomonicae de vino ſententiae veritas claruit. Quippe ingreſſum eſt blande, ſed in noviffimo momordit ut coluber. Denique inciderunt in feminas id ipſum molientes. Mane digeſto vino & reatu agnito, fleverunt amare, & lacrimis madidi producti ſunt jubente molitionis artifice. Quibus ait, cur ſolito triftiores eſtis? Quia, inquiunt, peccavimus graviter vino abſorpti.

1. Foedus pepigerunt *Edd. pr.* 2. Job. 31. P. 3. Ac *Edd. pr.* 4. Prov. 31. P. 5. Iis *Edd. pr.* 6. V. C. benevolenti, ut referatur ad animum. Pic. 7. Fuiffet *Edd. pr.* 8. 1 Tim. 5. P. 9. Ita quoque *MS. Pic. Antea*, in hilaritate.

Et ille; cum carnibus, inquit, vesceremini & aquam biberetis, propositum vestrum caute custodistis. Porro absque esu carniū vino mandentes, regulæ vestræ & propositi ¹ vestri prævaricatores inventi estis. Ex quo apparet quod ille vestræ philosophiæ auctor Benedictus minus sapiens fuerit, esum scilicet vobis carniū inhibens, quo animi status nequaquam turbatur, & vini vobis usum relaxans, quo etiam integerrimæ rationis vigor enervatur, quod tam recenti vestro probatis exemplo. An non ergo prudentior philosophus noster & legislator, qui nobis animi turbatorem vini usum inhibuit, & semper innoxium carniū esum indulgit? Sed ² quid vobis est expiationis apud vestros, cum propositum solvitis? Et illi, poenitentia, inquit, & satisfactio, pro arbitrio senioris nostri. Ergo, inquit, non potestis apud nos expiari, redite ad vestros pro ritu vestro expiandi. Dimisitque eos libere ad propria reversuros, homo inveterata peste imbutus, & ad sugillandum, quod sapere non valebat, argutus. ita quidem cum nostris illis visus est ludere, qui tamen magis studuit sanæ doctrinæ, cujus ignarus erat, illudere, cæca vanitate carpens virum spiritu Dei plenum; de quo ³ ait Beatus Papa Gregorius, quod scripserit Monachorum regulam discretionē præcipuam, sermone luculentam.

1. Nostri *Ed. Antv. male.* 2. Vobis est quid expiationis *Edd. pr.* 3. *L. 2. Dialog. cap. 36. Pic.*

Nam re vera præcipuæ discretionis fuit, quod ad sacram militiam transeuntibus ciborum delicias, quæ animum ¹ molliunt & resolvunt, curavit restringere, & juxta formam Apostolicam, ² Modicum vini usum, quo & caro infirma refocillatur, & animus non gravatur, voluit relaxare. Sane pestifera secta illa, quæ nimirum per spiritum erroris & filium illum perditionis (ut dictum est) initium sumpsit, cum plurimas arte & armis auctoris sui provincias infecisset, post mortem tamen ejus operatione Sathanæ fortius invaluit, orbisque partem plurimam occupavit. Siquidem pestifer ille in fata vel fero ³ concedens, reliquit ⁴ discipulos artis & potentiaë successores. A quibus postea debellati potentissimi tunc omnium gentium Persæ, cum tota imperii sui latitudine in Arabum ditionem cesserunt, eorumque superstitionem, religionis se nomine, & pietatis se specie adumbrantem, subacti seductique receperunt. Processu vero temporis Agareni, qui & Sarraceni, propagandæ suæ vel ditionis vel superstitionis causa alias orbis partes hostiliter adeuntes, Constantino-polim ⁵ obsederunt; qua nimirum cum Græciæ Thraciæque provinciis ægre defensa, in ⁶ Affri-

1. Emolliunt & resolvunt, curaret restringere, juxta formam Edd. pr. 2. 1 Tim. 5. P. 3. Cedens Edd. pr. 4. Nempe Beberce, Hamar vel Homar, & alios quos perstringis Guil. Tyr. l. 19. c. 21. Pic. De Macometi successoribus vide, si lubet, Ductorem nostrum Historicum Vol. II. p. 357. ubi è Collectaneis Langbainianis nonnulla eandem in rem animadvertimus. 5. Obsiderunt Ed. Antv. non adeo recte. 6. Antea, Aphricam.

cam tranſierunt, & ampliffimas in ea Romanæ ditionis provincias, ¹ civilibus bellis exhaustas, ² haut multo negotio ingreſſi potius quam aggreſſi eas uſque in hodiernum diem cum ſacræ religionis exterminio poſſident. Nam à tempore Conſtantini Magni late in ³ Affrica Chriſtiani cultus jura vigerant; & fortiffimi fidei noſtræ propugnatores, glorioſus ſcilicet doctor martyrque Cyprianus, & clariffimum Chriſtianæ vas ſapientiæ Auguſtinus ibidem ⁴ claruerant. Nec tantis ſucceſſibus contenta gens perfida, Hiſpaniam, quam ab ⁵ Affrica medium non multæ latitudinis fretum diſterminat, pervicaci furore invadens, partem ejus non modicam occupavit, quam ſpurciſſimæ ſectæ ⁶ applicitam poſſidet uſque in præſens. Pyrenæos quoque montes, quibus Hiſpaniæ Galliæque dirimuntur, tranſgreſſa, Gallicam feritatem eſt aggreſſa, ſperans & moliens procurrente fortuna totam Europam, ſicut & cetera, in ſuum jus erroremque convertere. At huic tam undoſo mari omnipotens Deus, cujus judicia abyſſus multa, cum voluit, poſuit ⁷ hoſtia & ⁸ vectem, & dixit: ⁹ *Hucusque venies, & non procedes amplius, & hîc confringes tumentes fluctus tuos.* Graſ-

1. Civilibusque bellis Edd. pr. 2. Antea, haud. 3. Antea, Aphrica. 4. Sic etiam MS. Pic. Antea, claruerunt. 5. Aphrica Edd. priores. 6. Applicita Edd. pr. 7. Oſtia Edd. pr. Hoſtia autem maluit noſter, ad eorum nempe opinionem qui vocem ab hoſtibus arcendis deducendam eſſe volunt. 8. Vectim Edd. pr. 9. Job. 38. Verba ſunt Dei mare liquidum alloquentis. Pic.

fanti quippe vefaniæ regni Francorum, deficiente Romano imperio, ad hoc ipsum paulo ante ¹ præparati, impenetrabilem opposuit ² obicem, & non processuri amplius in Hispaniam sunt repulsi. Exposito igitur quomodo Agarenorum nefanda lues ³ à partibus Orientis, ⁴ Africæ atque Hispaniæ primo irrepserit, quorum diebus nostris obscena progenies Orientalium exemplo perfidorum adversus Christianos in Hispania consistentes novo motu incanduit, ad ordinem historiæ redeamus.

De rediviva post expletionem induciarum guerra Regum nostrorum.

CAP. XV.

IGITUR expleto induciarum tempore, ⁶ illustres Francorum & Anglorum Reges cum nulla ratione fœdera pacis fusciperent, licet utriusque regni majores seminandæ paci plurimum studuissent, mense Julio totis viribus bellum instaurant. Hujus autem tam infelicis perviciæ causa hæc fuit, quod Rex Francorum nullo vel consilio vel honestatis respectu flectebatur, ut Regi Anglorum ea resignaret, quæ de jure ejus, cum in Alemannia teneretur, nullo jure gentium usurparat, & eidem Anglorum

1. Præparato Edd. pr. 2. Obicem. Ab his enim non processuri Edd. priores. 3. Sic etiam MS. Pic. Antea omitebatur, à. 4. Aphricæ antea. 5. Sic etiam MS. Pic. Antea, De redivivo post expl. i. bello Regum nostrorum. 6. Scilicet anno 1195. mense Julio, Rigord. Pic.

Regi cum tanta finium fuorum mutilatione pacem facere indecorum videbatur. Pace igitur¹ etiam in reliquum desperata, convenere cum suis copiis in vallem quæ² Rullii dicitur. Quæ vallis non longe à Rothomago aberat, eratque de jure Regis Anglorum: sed cum eundem fortuna Alemannica premeret, cum sua munitione inciderat, sicut & alia plurima, in manus³ Regis Francorum. Cumque ibidem⁴ uterque exercitus sub meditatione pugnæ per dies aliquot excubaret in castris, intervallo modico atque anne interlabente⁵ discretis, visum est Regi Francorum munitione diruta, quod difficulter defendi posse videretur,⁶ recedere, viresque integras ad opportunioris pugnæ tempus servare. Itaque arci & mœnibus suffodiendis die noctuque instabat, adversæ interim partis impetum⁷ callide suspendens, tractando dolose de pace. Verum Rex Anglorum ex repentina suffossæ arcis ruina dolum intelligens, ingenti animo turmas suas⁸ ordinabat ad pugnam. Porro Francorum exercitus non expectato pugnæ discrimine abiit, compositis tamen ordinibus, ut prudenter cedere non turpiter fugere videretur. Rex vero Anglorum cum suis copiis anne transmissis cedentibus insistendum non duxit; sed pro tempore incruenta fortuna contentus, reformatæ munitionis studium habuit. Sane

1. Deest etiam in Edd. priorib. 2. Ruly Edd. priores. 3. Regum Edd. priores. 4. Exercitus uterque Edd. priores. 5. Discretus Edd. pr. 6. Discedere Edd. pr. 7. Callidum MS. Pic. 8. Ordinavit MS. Pic.
Rex

Rex Francorum, ut accepimus, in hoc bello nihil memorabile gessit. Regi vero Anglorum fortunæ hilarioris favor arrisit. ¹ Quippe per stipendiariam militiam ², quam Rutas vocant, expugnato & capto ³ Ifonduno cum quibusdam aliis munitionibus, fines suos in Bituricensi provincia egregie dilatavit, Normanniæ damna compensans. Comitem quoque Alvernensem, qui pridem ab ipso desciverat, per eosdem stipendiarios captum, cum suis munitionibus in potestatem redegit. Tunc studio bonorum virorum, cum vindemiales feriæ agerentur, & plurimi, qui prius in arma flagraverant, jam mollius urerentur, ⁴ bimestres ⁵ intervenire induciæ, uti hoc spatium deliberaretur de ipsis ⁶ induciis, vel in solidam pacem Deo propicio convertendis, vel saltem in annos aliquot prote-landis.

Quomodo Rex Anglorum de nece Marchionis purgatus sit per litteras senis Montani.

CAP. XVI.

⁷ **H**IS diebus ad Europæ Principes Epistolæ senis ⁸ Montani venerunt: sic enim non pro ætate, sed quasi pro sapientia

1. Quippe Rex per *Edd.pr.* 2. *Vide Notas. P.* 3. *Ifonduno MS. noster.* 4. *Bimestres Edd. priores.* 5. *Sic etiam MS. Pic. Anæa, factæ pro intervenire.* 6. *Quas Rigordus tribuit mero Dei consilio. Pic.* 7. *His Edd. priores.* 8. *Rigordus ad annum 1192. appellat vetulum Arfacidarum, Pic.*

& gravitate per fucceffiones fe nuncupat Princeps cujusdam gentis Orientalis, quam Hansefios vocant. Cujus Principis vel gentis ¹ supra plenius notitiam fecimus, cum interitum Conradi Marchionis de Monte Ferrato, qui ab eis interfectus creditur, exponeremus. Erant autem eadem Epistolæ scriptæ litteris ² Ebraicis, Græcis & Latinis, erantque scriptæ, non atramento, sed re multum inusitata, sanguine scilicet muricis, sicut ipsæ indicabant. Has nimirum se vidisse atque legisse vir fide dignus mihi protestatus est, cum Regi Francorum ³ Parisius constituto solemniter fuissent oblatae, quarum contentia hæc erat: *Vetus de monte Principibus & omni populo Christianæ religionis salutem. Quoniam audivimus illustri Anglorum Regi Richardo necem Marchionis de monte Ferrato à pluribus imputari, tanquam ejus ⁴ machinatione ob quandam inter eos exortam simultatem interfectus sit, cum uterque esset in Orientis partibus constitutus: nostræ honestatis interest ad purgandam ejusdem Regis famam falsi criminis suspitione denigratam, hujus rei veritatem, quæ ⁵ hætenus penes nos latuit, declarare. Nolumus alicujus innocentiam nostri operis occasione laborare, cum nulli immerito & insoni mali quippiam irrogemus, eos vero qui in nos deliquerint, Deo auctore, non patimur diu de illatis simplicitati nostræ injuriis gratulari. Significamus igitur univer-*

1. L. 4. cap. 24. P. 2. Antea, Hebraicis, & Græcis & Latinis.

3. Sic etiam MS. Pic. Antea, Parisiis solemniter, omisso constituto.

4. Machina MS. Pic. 5. Sic etiam MS. Pic. Antea, hætenus vos latuit.

sitati vestrae, ipsum testantes, per quem salvari speramus, quod nulla memorati Regis machinatione Marchio ille interfectus sit: qui profecto, pro eo, quod in nos deliquerat, & admonitus emendare neglexerat, nostra voluntate¹ & jussione per satellites nostros iuste interiit. Consuetudinis quippe nostrae est eos, qui nobis vel amicis nostris in aliquo injuriosi extiterint, primo ut nobis satisfaciant commonere; quod si contempserint, per ministros nostros, qui tanta nobis devotione obtemperant, ut se à Deo gloriose remunerandos esse non dubitent, si mandatum nostrum exequendo occumbant, severitatem ultionis expetere. Audivimus etiam de prænominato Rege vulgatum, quod nos tanquam minus integros & constantes induxerit, ut de nostris aliquos Regi Francorum insidiaturos emitteremus. Quod proculdubio falsum & vanissimae suspicionis commentum est; cum nec ipse Deo teste tale aliquid circa nos attentaverit, nec nos homini immerito malum moliri respectu honestatis nostrae sine-remus. Bene valete. Has denique litteras cum coram se solemmniter recitatas Rex Francorum audisset, dixisse fertur, Regem Anglorum de tam infami nota præclare purgatum; seque cum illo² haut difficulter de cetero posse foederari, cum in eum nulla³ alia causa fortius quam concepta suspitione de nece amicissimi Marchionis exarserit. Hæc dicens causam subticuit, qua nimirum propensius eo tempore ad ineundum cum Rege Anglorum foedus movebatur. Quip-

1. Ita quoque MS. Pic. *Ansea*, vel pro &. 2. *Ansea*, hand. 3. Causa alia Edd. pr.

pe, ut dicitur, ad Germanæ ejus, ¹ quæ Siculi Regis compar extiterat, nuptias aspirabat: quibus tamen potitus non est. Plures enim feminae ² nobiles, recens Dacæ puellæ (cui post unam noctem initi foederis turpiter abjectæ cum multo scandalo libellum repudii dederat) exemplum verentes, ejus aspernabantur conjugium. Denique præter filiam Comitis Palatini, de qua superius memoratum est, etiam alterius nobilissimæ virginis de imperio Teutonico exoptatis expectatisque fraudatus est nuptiis hoc modo. Cum eam alius vir potens expetisset, parentibus, regiam magis petitionem admittentibus, ad Franciam pompaticè ducebatur: transiensque per fines proci prioris, ejus se manibus sponte injecit. A quo volens retenta & solemner ducta, regia vota delusit. Præterea Rex Dacorum, repudiatae sororis dedecus ægre ferens, divortium non rite celebratum, sed ³ concinnatum mendaciter in gratiam Regis Francorum, per responsales idoneos in audientia sedis Apostolicæ allegavit, & digesta præcedentium temporum ⁴ serie, astruens Reges Francorum & ⁵ Dacorum nulla se consanguinitate vel affinitate contingere, de concinnato in fraudem divinæ sanctionis divortio judicium fieri perti-

1. Qui *MS. noster*. Sed absque dubio, inquit *cl. Twysdenus*, legendum, quæ. 2. Nobiles, Danæ *Edd. pr.* Sed in suo etiam *Cod.* nobiles, recens Dacæ legi testatur *Picardus*. 3. Continuatum *MS. Pic.* 4. Serie, se astruens *MS. noster*. Verum se redundare videtur, inquit *cl. Twysdenus*. 5. Danorum *Edd. pr.*

naci instantia postulavit. Verum id frustra: cum Regis Francorum vel metus vel gratia plus valeret. Denique postmodum idem Rex absque omni ¹ vel divini timoris, vel Ecclesiastici vigoris obstaculo, cujusdam Ducis Teutonici filiam duxit uxorem: si tamen uxorem, cum ² pellex potius fuisse videatur, & superducta magis quam ducta.

De bellico post inducias motu Regum, & quomodo apud Ifondunum fœdus inierunt.

CAP. XVII.

³ FINITIS igitur induciis cum corda Regum ad concordiam facile emolliri posse crederetur, causis rursus ingravescentibus, eorum, instigante diabolo, redivivus furor excanduit, elanguitque omnis spes pacis. Erat autem hiems, & dominici natalis solemnis expectatio, quæ adventus Domini dicitur, erat in januis. At neque rigor, neque religio temporis quicquam adversum malitiam nocendi avidam valuit, rapinis, cædibus, incendiis populus atterebatur Christianus, poteratque apud Dominum Dominorum de suis Principibus justissime conqueri & dicere, Quem tu percussisti persecuti sunt, & super dolorem vulnerum meorum addiderunt. Eo namque tempore sub disciplina Do-

1. Deest vel in Edd. priorib. 2. Pelex MS. noster. 3. Initio MS. Pic.

mini defudabat, & nondum averſus ¹ erat furor Domini, ſed adhuc manus ejus extenta. Denique famis validæ, quæ totam fere premebat Europam, annus jam tertius duobus præcedentibus gravior agebatur. Cum ergo ² hinc inde hoſtilis immanitas debacchari cœpiſſet: Rex Francorum explorato, quod Rex Anglorum ³ alias eſſet intentus, ⁴ Ifondunum oppidum obſedit, ſperans ſe eo expugnato potiturum, antequam hoſtis remotior poſſet ⁵ occurrere, ſed ſpe ſua fruſtratus eſt. Invenit ⁶ enim oppidum cibis armisque ſufficienter munitum. Cumque muris imminens, ut deſenſoribus terrorem ⁷ incuteret, ſe non inde niſi expugnato oppido diſceſſurum petulanti vanitate juraret: viri virtutis ſtantes ſuper murum, clara fiducia, ut dicitur, non ſunt cunctati jurare in contrarium. ⁸ Fit per dies aliquot ⁹ oppugnatio vehemens, ſed oppugnantibus damnoſa magis. Interea Rex Anglorum accepto nuncio impiger advolat, juſſas ſequi copias cum expeditioribus antecedens. Oppidum ſecurus ingreditur, ¹⁰ obſeſſore nec ſaltem attemptante illi prohibere ingreſſum, ſed potius adornante diſceſſum. Mox turmas ad ¹¹ pugnam diſpoſitas ingenti animo educit in cam-

1. Sic etiam MS. Pic. Antea, fuit. 2. Hic Ed. Pic. 3. Ita quoque MS. Pic. Antea, aliis. 4. Ifendinium MS. Pic. 5. Accurrere Edd. pr. 6. Deest enim in Edd. priorib. 7. Ita quoque MS. Pic. Antea, injiceret. 8. Fitque dies MS. Pic. 9. Expugnatio vehemens, ſed expugnantibus Edd. pr. 10. Obſeſſore ne tentante quidem illi Edd. pr. 11. Pugnandum diſpoſitas Edd. pr.

pum. ¹ Francis vero, quod se viribus impares cernerent, animi elanguère. Poterat fane dies illa longi certaminis declarare victorem, nisi Francorum sibi prudentia cautius prospexisset. Cum enim ad dimicandum minus sufficerent, & fugam ingenue detrectarent; hostem quoque ferocem, si forte vel cum fugæ dedecore tentarent evadere, in propriis finibus à tergo urgentem vix possent effugere: Dominum suum salubriori consilio impulere, ut vel in arcto positus certo belli discrimine declinato honestam dignaretur pacem amplecti. Qui nimirum in sui exercitus, qui facies conversas tanquam recedens habebat, extremo agmine erat, quod fortius cautiùsque instructum erat contra faciem insequentis. Porro Rex Anglorum in fronte sui exercitus gradiebatur. Cujus colloquium cum Rex Francorum per viros nobiles expetisset, sicut erant armati in equis occurrerunt sibi mutuo inter duos exercitus modico intervallo distantes, & colloquii exitum stando præstolantes. Itaque soli absque arbitris diu scule collocuti, in conspectu utriusque exercitus capitibus exarmatis sese in mutuos dedere amplexus. Concordiam principum ingens incruentorum exercituum lætitia sequitur, pacis dulce nomen sonoris vocibus inculcatur. Facta sunt hæc Deo propicio ² Nonas Decembris: & populi cum

1. Sic etiam MS. Pic. Antea, Franci vero, cum se viribus imp. c. animis elanguère. 2. Nonis Edd. pr.

gaudio rediere in sua, intentionem bellicam ad pacis studia ¹ & Dominici natalis in proximo celebranda solemnia convertentes. Principes vero formam pacis quam inter se secreto statuerant, apud se continebant, suo tempore declarandam. Quippe non poterant, prout decebat, ad tantæ rei confirmationem, nisi jam expletis natalis Dominici gaudiis, iterum solemniter convenire.

Quomodo Principes fœdus initum declararunt, quod diu ² non stetit, & de motu Britannico.

C A P. XVIII.

1196. **A**NNO à partu Virginis M. C. nonagesimo sexto, jam ingressò mense Januario, ³ iidem Principes cum magna nobilium frequentia in terrarum confiniis ad solemne colloquium convenere. ubi declaratum est & consensu publico confirmatum, quod inter se sub clypeo egerant. Rex enim Francorum resignavit Regi Anglorum Archas, Augum, Albemarlam, Castellum Novum, & cetera quæ de jure ejus tempore Alemannicæ detentionis usurparat, excepto Gifortio cum quibusdam aliis castellis, pro quibus, Rege Anglorum connivente retentis, Rex Francorum sponte remisit Regi Anglorum quicquid de jure ejus sorte bellica occuparat,

1. *Deest & in Ed. P.c.* 2. *Deest non in Edl. priorib.* 3. *Idem MS. noster.*

scilicet Burgum Turonense, beati Martini corpore insigne, Ifondunum oppidum, aliasque¹ five in Bituricensi² five in Alvernensi provincia munitiones plurimas. Statuta quoque poena prævaricatoris pactorum, caute provisum est, ne quod in posterum inter Principes scandalum oriretur. At³ omnis cautela minor fuit ad pacis propositum solidandum, ⁴ uti post modicum claruit. Denique Rex Francorum poenitentia ductus, & succensens suis qui pacis ei consilium dederant: ad rescindendam quam tenendam pacem proclivior fuit. Rex quoque Anglorum pro suorum finium vel modica mutilatione, nulla compensatione contentus, irritandi Regem Francorum, ut pacem infringeret, ex ipsa (ut dicitur) præscriptæ pacis formula occasionem artemque invenit. Rursus ergo bellicæ intentionis inter Principes rabies exarsit, cujus tamen motibus vel Quadragesimalis & Paschalis religio temporis, vel solito major & diuturnior⁵ inclementia aëris, vel fames per provincias supra modum defæviens obstitit, ut⁶ iidem Principes amicis suadentibus refractum pro tempore furorem suspenderent, & tempus, quo solent Reges ad bella procedere, mediantibus induciis expectarent. Acuebat autem Regem Francorum ad experiendam iterum belli fortu-

1. Deest five in Edd. priorib. 2. Ita quoque MS. Pic. Antea omittebantur, five in Alvernensi. 3. Cujus pro omnis in MS. Pic. 4. Ita pro uti in MS. Pic. 5. Aëris inclementia Edd. pr. 6. Idem MS, noster.

nam tumultuantium eo tempore contra Regem Anglorum turbatio Britonum, qui puerulum sibi Arturum sub magno hujus nominis omine nutriebant. Cum enim idem Rex ejusdem nepotis sui tunc decennis usque ad annos legitimos tutelam exposceret, quo sibi Britanniam adversus casus externos arctius obligaret: primi Britonum ¹ quadam magis suspicione quam cautela id ipsum non ferentes, & pro ipso puerro fortiter æmulantes, cum eo à facie patruī imminentis ad interiora Britanniae secesserunt. Verum hujus Britannici tumultus progressus & exitus suo loco plenius exponetur.

De improvisa morte Abbatis ² Cadomensis in ³ Anglia.

C A P. XIX.

IPSO tempore Rex Richardus de partibus Transmarinis misit in Angliam Abbatem Cadomensē, indulta ei potestate in ⁴ hiis, quæ fisco competerent, subtilius atque districtius exquirendis. Erat autem idem Abbas mediocriter quidem litteratus, sed in temporalibus egregie prudens ⁵ atque eloquens. Prudens (inquam) juxta illud, ⁶ *filiī hujus seculi prudentiores sunt filiis lucis in generatione sua.* Quippe ex claustrali disciplina assumptus ad monasterii regi-

1. Magis quadam Edd. pr. 2. Perperam Cadonienſis antea. Eſt enim Abbatia Cadomi Inferioris Normaniæ oppidi, condita à Guillelmo Notho, & S. Stephano dicata. Pic. 3. Angliam miſſi pro Anglia habent Edd. pr. 4. Iis Edd. pr. 5. Et Edd. pr. 6. Luc. 16. P.

men, cum juxta ¹ Apostolum *nemo militans Deo implicet se negotiis secularibus*, actionem muneris secularis ² subterfugiendo lucis esse filius debuit: quam utique ambiendo & amplectendo, filium se hujus ³ seculi declaravit, dum vel minus attenderet, vel nollet intelligere ut bene ageret, quantum peccatrix illa actio à professione monachi & Abbatis officio discreparet. Denique frequentibus obsequiis nactus amicitiam Principis, sub prætextu fidei & devotionis, ut dicitur, suggerendum ei putavit, fraude officialium Regionum ærario ejus plurimum depere: qua nimirum deprehensa & castigata, absque omni provincialium gravamine duplicia ⁴ posse fisco accedere. Quibus verbis Princeps aurem libenter accommodans, rogavit eum hanc operam sumere, ⁵ & potestate præditum in Angliam transfretare. Ille regiam vel petitionem vel jussionem devote amplexus, monasterii cura postposita, venit Lundonias, ⁶ Cantuariensi Archiepiscopo, qui regni curam gerebat, & regiam voluntatem, & suam in executione voluntatis regię potestatem intimavit. Quæ nimirum licet idem Cantuariensis minus approbaret, refragandum tamen non duxit, quo minus ille ⁷ munus exequeretur injunctum. Mandato igitur regio per universam Angliam dis-

1. 2 Tim. 2. P. 2. Suffugiendo Edd. pr. 3. Sic etiam MS. Pic. Antea, lucis. 4. Possent Edd. pr. 5. Ita quoque MS. Pic. Antea, & cum potestate in Angliam &c. 6. Ubi Cantuariensi Edd. priores. 7. Dcest munus in MS. nostro.

currente, uti provinciarum præfides ad diem certum Lundonias occurrerent, de administrationibus suis rationem coram memorato Abbate reddituri: ipse interim gloriosus & potestatem ostentans Quadragesimali tempore fedit Lundoniis, Paschalia gaudia non visurus, nec cum eis, quos evocaverat, rationem post Pascha positurus, sed ante Pascha rationem superno iudici de propriis actibus redditurus, quanto paratior ad rationem cum aliis ponendam, tanto imparatior ad rationem pro se reddendam. Paucis quippe diebus elapsis postquam Angliam introiit, de mundo exiit. Porro illi, qui introitum ejus expaverunt, exitum ejus non fleverunt.

De conjuratione Lundoniis facta² per quendam Guillelmum, & quomodo pœnas audaciæ luit.

C A P. XX.

SANE Lundoniis inter memorati Abbatis exitum, & cujusdam qui nuper emerferat, grandia molientis exitum, pauci admodum fluxere dies. Neuter enim fatis urgentibus Paschalia gaudia vidit, dum fors extrema modico intervallo divideret, qui similitudine vel causæ vel propositi consonare videbantur. Abbas enim, ut commoda regia cum quiete provincialium quæreret, fraudem atque effrenem avaritiam officialium Regionum castigandam

1. Expaverant *Edd. pr.* 2. Per Guillelmum, & quomodo pœnas audaciæ luit *Ed. Pic.* 3. Sic etiam *MS. Pic. Antea*, gaudia pro grandia.

esse censebat. Iste vero, cum civis esset Lundonienſis, ſub obtentu quaſi fidelitatis Regiæ cauſam ſe agere pauperum civium contra inſolentiam divitum aſtruebat, fortiter allegans (nam facundiſſimus erat) quod ad omne editum regium divites, propriis fortunis parcentes, pauperibus per potentiam omne onus imponerent, & ærarium Principis multa ſumma fraudarent. Hic nimirum Lundoniis oriundus Guillelmus dicebatur, agnomen habens à barba prolixa; quam ideo nutrieſcit, ut hoc quaſi inſigni in cœtu & concione magis conſpicuus appareret. Qui cum eſſet ingenio acer, mediocriter litteratus, eloquens ſupra modum: ¹ innata quadam animi & morum petulantia nomen ſibi grande facere volens, moliri nova & audere ingentia cœpit. Denique inhumana & impudens actio ejus in proprium germanum, ſignum eſt veſaniæ nequitiaque ejus in ceteris. Erat ² enim ei frater ſenior ejus Lundonienſis: à quo, ³ dum ſcholis vacaret, conſueverat ad uſus neceſſarios petere atque percipere ſolatia ſumptuum. Cumque jam grandior atque in expenſis ⁴ profuſior ea ſibi quereretur remiſſius miniſtrari: ⁵ quod precibus minus poterat, comminationum terroribus tentavit elicere. Ubi hoc fruſtra tentatum, eo quod frater circa do-

1. Sic etiam MS. Pic. Antea, viva pro innata. 2. Sic etiam MS. Pic. Antea, autem pro enim. 3. Scholis dum vac. Edd. pr. 4. V.C. pro illa vocula ad oram reposita habebat in ipſo textu ſuperior. Pic. 5. Precibus, quod Edd. pr.

mus suæ curam occupatus illi satisfacere minus sufficeret: tanquam in ultionem ¹ suam sæviens exarsit in scelus. Post tanta quippe fratris beneficia fraterni sanguinis sitiens, prodicionis regiæ crimen illi opposuit. Aditoque Principe, cui se pridem vel arte vel obsequio commendarat, quod frater suus in animam ejus conjurasset coram eo proposuit, tanquam suam in hac re circa Principem devotionem declarans, qui nec fratri pro fide ejus parceret. At hoc derisum est à Principe, inhumanissimi hominis malitiam forsitan exhorrente, & tanta naturæ injuria ² jura pollui non sinente. Hic nimirum favore quorundam nactus in urbe locum aliquem inter magistratus, coepit paulatim concipere dolorem & parere iniquitatem. Quippe duobus magnis vitiis stimulantibus, superbia scilicet atque invidia, (³ quarum prima est appetitus excellentiæ propriæ, secunda vero odium felicitatis alienæ,) quorundam civium sive optimatum, quibus se imparem ⁴ esse cernebat, fortunas gloriamque non ferens, dum aspiraret ad grandia, sub prætextu justitiæ & pietatis in ausus impios conspiravit. Denique clandestina opera, & venenatis fufurris apud plebem insolentiam divitum & potentum, per quam ipsi indigne tractarentur, sugillans, inopesque & mediocres ad immoderatæ libertatis & felici-

1. Deest suam in Edd. priorib. 2. Pollui jura Edd. pr. 3. Superbiæ definitio: quam S. Tho. II. 2æ. art. 2. probat. Pic. 4. Deest esse in Edd. priorib.

tatis amorem inflammans, adeo sollicitavit plurimos, & quibusdam quasi præstigiis fascinosos ita sibi devinxit, ut ad ejus in omnibus nutum penderent, ipsi, tanquam omnium provisorii, quæcunque juberet, incunctanter in omnibus obtemperare parati. ¹ Facta igitur Lundoniis tanquam zelo pauperum contra insolentias potentum conjuratio valida. Fuisse autem fertur conjuratorum civium ² numerus, ascriptis ut postea claruit penes ipsum nefariæ molitionis artificem nominibus singulorum, quinquaginta duo milia. Ferramentorum quoque ingens copia, ad effringendas domos munitiores præparata, penes eundem ³ rejacebat, quæ postea reperta malignissimæ machinationis argumentum fuit. Tanto itaque fretus consciorum numero, tanquam zelando pro plebe pauperum, & nihilominus sub prætextu regii commodi cœpit in omni cœtu nobilibus in faciem resistere, ⁴ quod eorum fraude fisco plurimum deperiret potenti eloquio allegare. Cumque ⁵ propter hoc contra eum indignarentur & fremerent, deploraturus apud Principem, quod pro ejus fide potentum inimicitias atque calumnias pateretur, ⁶ transfretandum putavit. Reversusque ad suos, calliditate solita cœpit de cetero, tanquam regio favore subnixus, fiducialius agere, & proprios complices fortius animare. Cum-

1. Facta est igitur *Edd. pr.* 2. Innumeris *MS. Pic.* 3. Latebat *Edd. pr.* 4. Et quod *Edd. pr.* 5. Illi addit *MS. Pic.* 6. Transfretandum *Edd. pr.*

que jam initæ conspirationis suspicio rumorque crebrescerent, Dominus Cantuariensis, cui principaliter regnum erat commissum, non ulterius dissimulandum ratus, convocatam plebem blande alloquitur, natos rumores replicat, ad omnem ¹ sinistram suspensionem tollendam obsides pro fide Domino Regi & pace servanda dari monet. Blandiloquio ejus populus placatus obtemperat, obsides dantur. Nihilominus homo ² ille coëptis insistens, vallatus turbis pompaticè procedebat, conventus publicos auctoritate propria faciebat, Regem se, vel Salvatorem pauperum, arroganter vocitans, & frenandam à se in brevi perfidorum insolentiam granditer intonans. Sane ex eo, quod viri veracis narratione didici, dicentis se ante dies aliquot concioni ejus interfuisse & concionantem audisse, factus sermonum ejus elucet. Sumpto enim vel themate vel testimonio de scripturis sacris, ita exorsus est: ³ *Haurietis* ⁴ *aquas in gaudio de fontibus Salvatoris.* Quod ⁵ ad se derivans: *Salvator* (inquit) *pauperum ego sum. Vos pauperes duras divitum manus experti, haurite de fontibus meis aquas doctrinæ salutaris, & hoc cum gaudio: quia venit tempus visitationis vestræ. Ego enim dividam aquas ab aquis.* ⁶ *Aquæ populi sunt. Dividam populum humilem & fidelem à populo superbo & perfido: dividam electos à reprobis, ut lucem à tenebris.* Ita-

1. Sic etiam MS. Pic. Antea omitebatur, sinistram. 2. Ita quoque MS. Pic. Antea, illis. 3. Sic etiam MS. Pic. Antea, hauriens. 4. Locus extat Esai. 12. P. 5. Dæst ad in MS. nostro. 6. Apoc. 17. P. que

que cum datum illi esset os loquens ingentia,
¹ habensque cornua similia agni, loqueretur ut
 draco: memoratus regni moderator de confi-
 lio Procerum evocavit eum satisfacturum de ob-
 jectis. Qui opportune affuit turbis ita vallatus,
 ut evocator ejus territus mollius ageret, & pro
 declinando periculo caute judicium protelaret.
 Explorato igitur per duos cives nobiles tem-
 pore, quo inveniri posset sine turbis, præsertim
 jam cum populus propter periculum obsidum
 quietius ageret, cum eisdem civibus ad capien-
 dum eum armatam manum emisit. Quorum u-
 num propius insistentem ipse arrepta bipenni
 mactavit; ² alterum vero quidam ex assistenti-
 bus ei trucidavit. Illico cum paucis suorum &
 concubina inseparabiliter adhærente in vicinam
 ecclesiam beatæ Mariæ, quæ dicitur de Archis,
 confugit: eaque ad tempus, non tanquam Aſy-
 lo, sed tanquam castello tueri se voluit, frustra
 sperans populum mature affuturum; qui nimi-
 rum & si de ipsius periculo doluit, tamen vel
 respectu obsidum, vel metu loricatæ multitu-
 dinis ad ereptionem ³ ejus non accurrit. Audito
 enim quod ecclesiam occupasset, militares eo
 copias ex vicinis paulo ante Provinciis accerſi-
 tas regni administrator direxit. Jussus ergo e-
 gredi & judicio fisti, ne locum orationis spelun-
 cam latronum facere videretur: conjuratorum

1. *Bestiæ secundæ apparentis Apoc. 14. cornua appingit huic tauro. Pic.*
 2. *Desunt alterum v. q. ex ass. ei trucidavit in Edd. priorib.* 3. *Desst*
ejus in Edd. priorib.

accursum frustra expectare maluit, donec oppugnata ecclesia igne & fumo cum suis egredi cogeretur. Egredienti autem filius civis, quem peremerat, prior occurrens, in ultionem paterni sanguinis cultro illi ventrem dissecuit. Captus itaque & juri exhibitus, judicio Curiae regiae prius equis distractus, ac deinde patibulo appensus est cum sociis novem qui illi deesse noluerant. Sic juxta quod scriptum est: *Qui fodit foveam, incidet in eam; & qui dissipat sepem, mordebit eum coluber*: tantorum incentor artifexque malorum dictante justitia periit, & nefariae conspirationis cum suo auctore rabies expiravit. Et illi quidem, quibus sanior cautiorque mens fuit, lætati sunt, cum viderent vel audirent vindictam, lavantes manus suas in sanguine peccatoris. Porro conjurati & novarum aucupes rerum, extinctum planxere vehementer, disciplinæ publicæ circa eum vigori derogantes, & regni provisorem tanquam homicidam pro supplicio pestilentis & homicidæ lacerantes.

Quomodo vulgus voluerit hominem illum tanquam martyrem honorare, & quomodo error iste extinctus sit.

CAP. XXI.

QUANTUM autem homo ille audendo & moliendo ingentia animos sibi conciliaverit ² improborum; & quantum etiam ³ sibi

1. Eccles. 10. P. 2. Sic etiam MS. Pic. Antea, impiorum. 3. Ita quoque MS. Pic. Antea omitebatur, sibi.

plebem

plebem devinxerit, tanquam pius & providus pro ea æmulator, etiam post interitum ejus claruit. Quippe ut ab eo puniti per leges dedecus conjuratoris abstergerent, & damnatores ejus impios ¹ comprobarent; arte illi martyris nomen & gloriam quæsierunt. Denique (ut fertur) quidam sacerdos propinquus ejus catenam, quâ vinctus fuerat, febricitanti ² superposuit, & salutem mox consecutam impudenti vanitate confinxit. Quo vulgato, populus insipiens hominem digna passum pro justitia & pietate occubuisse credidit, & tanquam martyrem venerari cœpit. Patibulum, quo suspensus fuerat, ut ³ in occultis honori haberetur, de loco supplicii furto nocturno sublatum est, terra quoque supposita, tanquam sanguine consecrata suspensi, veluti aliquod sacrum in usus curationum usque ad fossam non modicam per minutias à fatuis est abrafa. Fama mox late dispersa, stultorum, *quorum*, ut ⁴ ait Salomon, *infinitus est numerus*, & curiosorum greges confluebant ad locum; quibus ⁵ nimirum aggregabantur qui forte ex diversis Angliæ provinciis ⁶ propriis pro negotiis Lundonias adventassent. Excubabat itaque ibidem jugiter insulsa multitudo: quantum honoris defuncto impendens, tantum etiam criminis illi, per quem absumptus videbatur, impingens. Tantumque invaluit error vanissi-

1. Comprobaret *MS. noster*. 2. Sic etiam *MS. Pic. Antea*, supposuit. 3. Ita quoque *MS. Pic. Antea* omittitur, in. 4. *Eccles. 1. P.* 5. Etiam pro nimirum in *Edd. priorib.* 6. Pro negotiis propriis *antea*.
mus,

mus, ut etiam ¹ prudentes, tanquam fascinosos rumoribus, irretire potuisset, nisi ea, quæ de homine illo compererant, cautius ad memoriam reduxissent. Excepto enim eo, quod paulo ante exitium (ut supra expositum est) homicidium perpetravit, quod utique vel solum ad hoc, ne pro martyre propter supplicium haberetur, cordato cuilibet sufficere debuisset, ipsius sub ipsa morte confessio eorum frontes, qui talem sibi martyrem ² fecerunt, iusto si haberent in corpore sanguinem, debuit rubore perfundere. Quippe, ut à viris fide dignis ³ accepimus, in ipso supplicio, quo absumptus est, cum à quibusdam moneretur, vel fero humili peccatorum confessione dare gloriam Deo, confessus est, se ecclesiam illam, quam à facie insequentium cum propria concubina fuerat ingressus, in illa mora, quam ibidem sub inani expectatione auxilii fecit, semine polluisse: & quod longe majus est, ipsoque dictu horrendum, cum jam hostes nullo subveniente irrumperent, ⁴ negato Mariæ filio quod eum non liberaret, diabolum, ut vel ab ipso liberaretur, invocasse. Inficiabantur quidem ⁵ hæc justificatores ejus, atque in præjudicium sui martyris maligne conficta dicebant. Porro hanc litem diremit fabricatæ vanitatis in brevi occasus. *Veritas quippe solida est & tempore convalescit, concinnata vero falsitas nil habet soli-*

1. Imprudentes MS. Pic. 2. Fecerant Edd. pr. 3. Accipimus Ed. Pic. 4. Sic etiam MS. Pic. Antea omittebantur, negato M. fil. q. e. non liberaret. 5. Ita quoque MS. Pic. Antea omittebatur, hæc.

dum, sed in brevi evanescit. Igitur regni administrator in sacerdotem illum, qui totius superstitionis caput extiterat, digna ecclesiasticæ severitatis præeunte vindicta, armatorum globum emisit, qui & rusticam multitudinem fugarent, & si qui forte ibidem persistendum ducerent, comprehensos ¹ Regio carceri manciparent. Armatam quoque in ipso loco custodiam jugiter observare præcepit, quæ non solum ad supplicationes adveniens vulgus arceret insulsum, verum etiam curiose divertentium inhiberet accessum. Cumque hoc per dies non multos fieret: tota illa concinnatæ superstitionis machina funditus concidit, & popularis opinio conquievit.

² *De prodigio mortui post sepulturam ³ oberrantis.*

C A P. XXII.

⁴ **H**IS diebus in pago Bukingamenfi prodigiosa res accidit: quam prius à quibusdam ex parte, postea vero à venerabili Archidiacono illius provinciæ Stephano plenius didici. Quidam in fata concedens, juxta morem, honesta uxoris & propinquorum cura, in vigilia Dominicæ Ascensionis sepulturæ est traditus. Sequenti vero nocte cubiculum uxoris quiescentis ingressus, excitatam non solum terruit, verum etiam pene obruit importabili sui

1. Regis Edd. pr. 2. Desunt c. XXII, XXIII, XXIV, XXV, XXVI. in Ed. Antv. 3. Antea desiderabatur, oberrantis. 4. Antea, his.

pondere ¹ superjecto. Altera quoque nocte attonitam pari modo afflixit. Territa periculo mulier adversus tertiæ noctis agonem & deinceps ² tuto se vigilum consortio munire ³ insonnis ipsa curavit. Affuit ⁴ tamen ille: sed pulsatus exclamationibus vigilum, cum nocere non posset abiit. Sic repulsus à conjugē, fratres proprios in eodem vico habitantes similiter fatigavit. Illi vero, juxta ⁵ muliebris cautelæ exemplum, parati ad excipiendum repellendumque periculum, noctes cum suis ducebant insonnes. Aderat ⁶ tamen ille tanquam desiderans præoccupare somnolentos: sed repulsus sollicitudine & virtute vigilum, inter animalia, quæ vel in domibus, vel circa domos erant, debacchabatur; quod ipsorum animalium effratio, & motus insoliti declarabant. Tunc amicis quoque & vicinis pari molestia gravis, eandem omnibus necessitatem nocturnæ sollicitudinis ingerebat. Erantque jam in ipso vico per omnes domos vigiliæ generales, dum singuli ad improvisum essent ipsius accessum suspensi. Cumque aliquandiu hoc modo solis fuisset noctibus debacchatus: luce quoque diurna oberare coepit, formidabilis quidem omnibus, sed visibilis quibusdam. ⁷ Plerumque enim pluribus occurrens, uni tantum vel duobus conspicuus

1. Superjecto *MS. nosler.* 2. *Antea omitebatur,* tuto. 3. *Antea,* in sonnis. 4. *Antea,* tum. 5. *Antea,* cautelæ muliebris. 6. Tum in *Apographo Twysdeniano* quod à cl. Bretto mutuo accepi, ad cujus tamen oram tamen adponitur. 7. *Antea omitebantur,* plerumque enim &c. erat,

erat, cum tamen & ceteros ejus præsentia non lateret. Pavefacti homines supra modum, consilium ab ecclesia quærendum duxerunt: remque integre ad memoratum Archidiaconum conventui sacerdotum solemniter præsentem cum questu lacrimabili detulerunt. Qui confestim venerabili Episcopo Lincolnienſi Londoniis tunc constituto cuncta per ordinem scripto insinuans, ejus in re tam inusitata sententiam & auctoritatem merito censuit expectandam. Episcopo vero stupente super hoc, &¹ subtilem habente tractatum cum suis; fuere qui dicerent talia sæpius in Anglia contigisse, & crebris clarere exemplis, quietem populo dari non posse nisi miserrimi hominis corpore effosso & concremato. Indecorum nimis atque indignum hoc visum est venerando pontifici: moxque chartulam absolutionis manu sua conscriptam Archidiacono dirigens, ut quomodo illius hominis² se corpus haberet oculata fide claresceret, sepulchrum ejus aperiri, & supposita pectori ejus eadem chartula,³ rursum claudi præcepit. Aperto ergo sepulchro, corpus ita inventum est sicut ibidem fuerat collocatum, Pontificalis vero absolutionis chartula pectori ejus apposita, & clauso rursum sepulchro; nec oberrare deinceps visus est, nec alicui molestiam⁴ vel terrorem inferre permissus.

1. *Ansea omitebatur*, subtilem. 2. *Ansea*, omne pro se. 3. *Ansea*, rursum sepulchrum claudi &c. 4. *Ansea*, ulteriorem pro vel terrorem.

De re consimili, quæ accidit apud¹ Berewic.

C A P. XXIII.

IN² Aquilonalibus quoque Angliæ partibus aliud non dissimile & æque prodigiosum eodem tempore novimus accidisse. Est vicus nobilis ad³ hostium Tuidi fluminis qui Berewic dicitur de jure Regis Scottorum. Ibi quidam vir pecuniosus, sed pessimus, ut postea⁴ plenius clauit, post fata sepultus, operatione, ut creditur, Sathanæ, noctibus egrediebatur ex tumulo, & canum, cum ingenti latratu, prosequente turba huc illucque ferebatur, & multo cunctis accolis⁵ terrore incusso, ante lucem tumulo reddebatur. Cumque hoc per dies fieret⁶ plurimos, & nullus jam auderet post⁷ vesperum foris inveniri, dum omnes exitialis monstri formidarent occursum: quidnam agendum esset,⁸ necessarium inter se majores simul & mediocres habuere tractatum, metuentes scilicet simpliciores ex ipsis, si forte negligentius ageretur, ab exanimi prodigio maturius fugillari; prudentiores vero caute reputantes, ne forte tardante remedio ex crebro pestiferi cadaveris⁹ circumactu infectus corruptusque aër, morbos & mortes gigneret plurimorum: quod utique præcavendum crebris in re consimili clarebat exemplis. Con-

1. *Antea*, Berewik. 2. *Antea*, Aquilonaribus. 3. *Antea*, ostium Tuidi fluminis, qui Berewik. 4. *Antea* omittitur, plenius. 5. *Antea*, incusso terrore. 6. *Antea*, plurimas. 7. *Antea*, vesperam. 8. *Antea*, vicini pro necessarium. 9. Circumactu *MS. noster*.

duxe-

duxerunt itaque decem juvenes audacia insignes, qui corpus ¹ infandum effoderent, & membra-
tim exectum redigerent in combustionem & cibum. ² Quod & factum est & cessavit quassa-
tio. Nam & ipsum monstrum, dum circumfer-
retur à Sathana, sicut dictum est, quibusdam
forte obvium dixisse perhibetur, quod eo in-
combusto populus requiem habiturus non esset.
Eo ergo combusto data quidem videbatur po-
pulo requies: sed exorta consequenter lues ma-
jorem illius populi partem absumpsit. Nusquam
enim alibi tam dire defæviit, cum in cunctis
ipso tempore extiterit Angliæ finibus genera-
lis, ut suo loco plenius exponetur.

De quibusdam prodigiis.

C A P. XXIV.

SANE quod mortuorum cadavera de sepul-
chris egredientia nescio quo spiritu ad vi-
ventium vel terrorem vel perniciem circumfe-
rantur, & ad eadem sepulchra sponte se illis
aperientia revertantur, non facile in fidem re-
ciperetur, nisi & crebra nostri temporis exem-
pla suppeterent, & testimonia abundarent. Mi-
rum plane si talia olim contigere, cum ³ nihil
tale in libris veterum reperiatur, quibus uti-
que ingens studium fuit memorabilia quæ-
que litteris mandare. Cum enim quædam

1. *Ansea*, nefandum. 2. *Ansea desiderabantur*, quod & f. e. & cess. quassatio. 3. *Ansea*, nihil in libris veterum tale reperiatur.

¹ etiam modica conscribere nequaquam neglexerint, quomodo rem tanti stuporis simul & horroris, si forte illo seculo contigit, suppressere potuere? Porro si velim omnia ² hujusmodi scribere quæ nostris contigisse temporibus comperi, nimis operosum simul & onerosum erit. Duo tantum recentis memoriæ supra memoratis annectere, & nostræ historiæ, ³ quoniam se præbet occasio, ad posterorum cautelam inferere libet. Ante annos aliquot cujusdam illustris feminae capellanus exuens hominem, apud nobile illud cœnobium, quod Mailros dicitur, sepulturam accepit. Qui nimirum sacri ordinis, quo pollebat, in modico habens respectum, supra modum secularis extiterat, & maxime quod divinorum confectorem sacramentorum denigrabat, adeo venatoriæ deditus vanitati, ut infami elogio à plurimis ⁴ *Hundeprest*, id est, Canum presbyter, diceretur. Et quidem ⁵ hoc dum viveret vel ridebatur ab hominibus vel humanius pensabatur, post mortem vero ex eventu reatus ejus claruit. Noctibus siquidem tumulto exiens, in ipso quidem monasterio, obsistentibus habitantium sanctorum meritis, non poterat quenquam terrere vel lædere. Porro extra monasterium oberrabat, & maxime circa cubi-

1. *Antea desiderabatur*, etiam. 2. Sic è Cod. nostra. *Antea*, scribere hujusmodi, quæ contigisse &c. Conjecerat tamen Picardus, vel nostris vel quid simile desuisse. 3. Sic MS. non (ut in *Apographo Twysdeniano* quod mihi mutuo dedit eruditiss. Bretius) quum. 4. *Antea*, *Hundeprest*. 5. *Antea*, hoc dubium, post mortem vero &c.

culum propriæ quondam dominæ cum ingenti
¹ fremitu & horrendo murmure ferebatur. Quod
 cum sæpius fieret, illa supra modum anxia, ma-
 gnitudinem sui vel pavoris vel periculi venienti
 ad se pro causa monasterii cuidam ex fratribus
 intimavit, lacrimabiliter postulans, uti ² solito
 impensiores pro ea tanquam in agone posita
 preces Domino funderentur. Cujus anxietati
 frater ille (nam de sancto loci illius Collegio
 crebris beneficiis optime merita videbatur) pie
 justeque condoluit, & citum remedium de mi-
 sericordia summi provisoris spondit. ³ Rever-
 susque ad monasterium, alium sibi ⁴ constantis
 æque animi fratrem & duos juvenes validos so-
 ciavit, cum quibus cœmiterium ubi sepultus e-
 rat infelix ille presbyter pervigil custodiret. Hi
 ergo ⁵ quatuor animis armisque instructi, mutuo
 tuti solatio pernoctabant in loco. Noctis jam
 medium fluxerat, ⁶ & nihil monstri apparuit.
 Unde factum est, ut, relicto ibidem solo illo
 qui ceteros sibi ⁷ aggregarat, tres in proximam
 ædem secederent, ut frigus nocturnum, quod
⁸ caufabantur, igne levarent. Cum ergo solus
 ille in loco persisteret, aptum se tempus ut fi-
 duciam hominis frangeret invenisse diabolus

1. *Ansea*, strepitu. 2. *Ansea*, sollicitò. 3. *Ansea*, Reverfus quo-
 que ad. 4. *Ansea*, æque constantis. 5. *Ansea*, quatuor armis
 instructi. 6. *Ansea*, & vere monstrum apparuit. 7. Aggrega-
 verat *Apogr. cl. Twysdeni Brettianum. Quo modo & primum in Cod.*
nostro scriptum erat. Sed deinde duo puncta sub ve eadem posuit manus.
 8. Caubantur *MS. noster.*

æstimans, illico vas proprium, quod solito diutius quievisse videbatur, excitavit. Quo eminus conspecto, ille pro eo quod solus erat primo dirigit: sed mox resumpta fiducia, cum locus non esset effugii, impetum pestis cum terribili murmure irruentis fortiter excipiens, bipennem, quam manu gestabat, alte corpori ejus infixit. Accepto illa vulnere, sonore ingemuit: & conversa, non segnius quam advenerat, abiit, cum homo mirabilis fugientem à tergo urgeret, & sepulchrum proprium repetere cogeret. Quod illi se ultro aperiens, suscipiensque hospitem à facie insequentis, eadem facilitate mox clausum apparuit. Quibus actis, qui nocturni frigoris impatientes ad ignem² secesserant, vel fero³ accurrunt, & auditis quæ acciderant ad effodiendum tollendumque de medio cadaver maledictum summo mane necessarii cooperatores fuerunt. Quod cum egesta humo nudassent, ingens in eo vulnus, quod acceperat, & cruoris plurimum, qui ex vulnere fluxerat, in sepulchro⁴ invenerunt. Sublatum igitur extra septa monasterii comburentes, cineres quoque disperse-
runt. ⁵ Hæc nimirum prout à viris religiosis accepi, simplici narratione digessi. ⁶ Item aliud non dissimile sed perniciosius contigit apud Castellum quod Anantis dicitur, prout accepi à ⁷ fene religioso, qui clarus & potens in par-

1. Accepit *MS. Pic. perperam.* 2. *Antea,* secesserunt. 3. *Antea,* accurrerunt. 4. *Antea,* repererunt. 5. *Antea,* hoc nimirum à viris. 6. *Antea,* iterum pro item. 7. *Antea onuscebatur,* fene.
tibus

tibus illis extiterat, & in sua hoc ¹ ipsum præsentia factum memorabat. Quidam vir malæ ² actionis metu vel legum vel hostium ex Ebora-
 racensi provincia ad Dominum memorati ca-
 stelli, cui notus erat, confugiens, ibidem ³ re-
 sedit: & fortitus ministerium suis moribus a-
 ptum, augere magis proprias quam corrigere
 studuit pravitates. Uxorem duxit, in propriam
 sane perniciem, ut postea claruit. Audiens enim
 de ipsa quædam, spiritu zelotypiæ vexabatur.
 Cupiensque an vera essent ⁴ dinoscere, finxit se
 longius iturum, nec rediturum nisi post ⁵ dies
 aliquot. Reverfus autem vespere, atque in cu-
 biculum clanculo per ancillam consciam intro-
 missus, super trabem ⁶ cubiculi uxoris imminen-
 tem latuit, oculis probaturus si quid ⁷ ibidem
 contra thori fidem ageretur. Videnſque uxo-
 rem cum vicino juvene fornicantem, præ ira
 immemor sui effectus decedit, ⁸ graviterque se
 juxta ipsos cubantes ad terram elisit. Et mœ-
 chus quidem exilivit: uxor vero callide factum
 dissimulans, molliter erigere curavit jacentem.
 Ille ad se modice reverfus, stuprum imprope-
 rat, poenam comminatur. At illa: Signa inquit
 te, Domine ⁹ mi: aliena loqueris: ¹⁰ quod non

1. *Antea desiderabatur, ipsum.* 2. *Antea, actionis, vel legum vel hostium metu ex Eborensi &c.* 3. *Antea, resedit: fortius ministerium.* 4. *Antea, dinoscere.* 5. *Antea, aliquot dies. Reverfus vespere, atque cubiculum &c.* 6. *Antea, cubili.* 7. *Antea, ibi pro ibidem.* 8. *Antea, graviterque, juxta seipsos &c.* 9. *Mi MS. pro in. ut puto, inquit cl. Twysdenus ad oram Apographi sui penes doctissimum Bretium. Cui nevisquam assentio.* 10. *Antea, quæ non tibi, sed morbo imputentur &c.* tibi,

tibi, sed morbo imputetur quo teneris. Quas-
 fatus ergo ex casu & toto fere corpore stupi-
 dus, tanquam morbo decubuit. Quem vir me-
 moratus, qui hæc mihi ¹ retulit, pietatis officio
 visitans, monuit eum de peccatis suis confessio-
 nem facere, & Eucharistiam juxta morem su-
 mere Christianum. Ille vero quid sibi accidif-
 set, & quid uxor diceret, replicans, quod salu-
 briter monebatur in crastinum distulit, crasti-
 num in corpore non visurus. Nocte enim ² se-
 quenti Christianæ expers gratiæ meritis malis
 urgentibus soporem morti sociavit. Et Christi-
 anam quidem sepulturam indignus accepit, quæ
 illi non profuit. Noctibus enim operatione Sa-
 thanæ de sepulchro egrediens, prosequente eum
 cum latratu horribili canum turba per plateas
 & circa domos oberrabat, cunctis ³ hostia obse-
 rantibus, nec exire præsumptibus ad aliquod
 negotium ab incipientibus tenebris usque ad or-
 tum solis, ne quis ⁴ forte oberranti monstro su-
 gillandus occurreret. Verum hæc cautela ⁵ nil
 profuit. Nam ⁶ tetri corporis circumactu in-
 fectus aër, haustu pestilenti universas morbis &
 mortibus domos replevit. Jamque vicus, qui
 populosus paulo ante fuerat, pene exinanitus
 videbatur, dum cladi superstitēs, ne & ipsi mo-
 rerentur, ad ⁷ partes alias ⁸ commigrarent. Hanc

1. *Antea*, detulit. 2. *Antea*, sequente. 3. *Antea*, ostia. 4. *Antea*, forte ab oberrante. 5. *Antea*, nihil. 6. *Antea*, circumactu tetri corporis infectus aër æstu pestilenti. *MS.* tamen *Pic.* haustu. *pro* haustu, *ut* videtur. 7. *Antea*, alias partes. 8. Conjungerent *MS.* *Pic.* male. nimi-

nimirum suæ desolationem ¹ parochiæ dolens vir ille ex cuius ² hæc ore accepi, in sacra Dominica, quæ Palmarum dicitur, viros sapientes & religiosos accersire studuit, qui in tanto discrimine salubre darent consilium, & consolatione vel modica miseras plebis reliquias recrearent. Facto igitur sermone ad populum, & rite expletis venerandæ diei solemnibus, religiosos hospites cum ceteris ³ honoratis qui aderant vocavit ad mensam. Quibus epulantibus, duo fratres juvenes, qui patrem clade illa amiserant, sese mutuo cohortantes; monstrum, inquiunt, istud patrem nostrum perdidit, & nos ⁴ etiam cito disperdet si negligamus. Agamus ergo aliquid virile, tum propriæ salutis cautela, tum in ultionem ⁵ necis paternæ. Non est qui ⁶ impediat, cum & in domo sacerdotis convivium celebretur, & totus hic vicus fileat tanquam vacuus. Effodiamus pestem illam, & comburamus igni. Arrepto itaque ligone fatis ⁷ retunso coemiterium adeuntes, fodere coeperunt. Cumque se altius fossuros esse crederent, repente cadaver non multa humo egesta nudaverunt, enormi corpulentia distentum, facie rubenti turgentique supra modum. Sudarium vero quo obvolutum fuerat ⁸ conscissum penitus

1. *Antea*, parocciæ. 2. *Antea*, ore hæc. 3. *Antea*, honoratis, qui aderant, viris vocavit &c. 4. *Antea* desiderabatur, etiam. 5. *Antea*, paternæ necis. 6. *Antea*, impediat, & cum domo. 7. *Antea*, retunso. 8. *Antea*, concissum.

videbatur. Nec ¹territi juvenes, quos ira stim-
 ulabat, vulnus exanimi corpori intulerunt: ex
 quo tantus continuo sanguis effluxit, ut intelli-
 geretur sanguisuga fuisse multorum. Trahentes
 autem illud extra vicum, rogam celeriter con-
 struxerunt. Cumque unus ipsorum diceret, ca-
 daver pestiferum ardere non posse nisi corde
 extracto, alius crebris ictibus ²retulsi ligonis
 latus aperuit, & manu injecta cor maledictum
 extraxit. Quo minutatim discerpto & corpore
 jam ardente, nunciatur convivantibus quod ge-
 rebatur; & accurrentes, rei gestæ testes in re-
 liquum esse potuerunt. Porro infernali illa
³belua sic deleta, pestilentia quoque, quæ graf-
 fabatur in populo, ⁴conquievit, tanquam igne
 illo, qui durum cadaver absumpserat, aër jam
 esset purgatus, qui ejus fuerat pestilenti motu
 corruptus. His itaque expositis, ad historiæ
 ordinem redeamus.

*De signo quod visum est in cælo, & de expugnatione
 quorundam castellorum.*

C A P. XXV.

IN octavis Pentecostes hora diei prima appa-
 ruere in cælo duo soles, sol scilicet verus

1. *Antea*, terrorem juvenes, quos ira stimulat, exanimi cor-
 pore retulerunt: ex quo &c. Monuit tamen Picardus ad oram Editionis
 in suo etiam Codice intulerunt pro retulerunt exflare. 2. *Antea*, retulsi.
 3. Sic MS. noster. *Antea*, bellua. 4. *Antea*, circumvenit, tanquam
 ille, qui durum cadaver absumpserat, aërem esset purgaturus, qui &c.
 5. *Antea* omitebatur, de.

atque

atque alius tanquam ejus æmulus. Nec facile discerni poterat uter illorum esset sol verus, nisi ex solito processu, alius vero paulo elevatior quasi sequi videbatur, malorum forte, quæ subsecuta noscuntur, ¹ præfagus. Quod signum oculis meis vidi, cum aliis quibusdam qui mecum erant. Cumque suspensi & stupidi diu scule stetissemus, rem tam inusitatam intuentes, repente dum oculos tædio victi deflectimus, æmulus ille veri solis evanuit. Nec multo post expleto induciarum tempore, quod laborantes populos modice ² recrearat, cruentus rursus principum furor excanduit. Totis in arma viribus ruitur: igne ferroque florentes paulo ante provinciæ corrumuntur. Et Rex quidem Francorum cum suis copiis ³ Albemerliam obsedit. Rex vero Anglorum castrum, quod ⁴ Nonancurtis dicitur, sui quidem olim juris, sed à Rege Francorum jam pridem occupatum. Quo mature ⁵ potitus, propulsandi hostis & solvendæ obsidionis operam sumere rogabatur à suis: sed dissimulavit, sive pugnam, quæ supra modum cruenta foret, exhorrens; sive propensius de suorum, qui castellum obsessum ⁶ egregie defendebant, virtute confidens. Conversus ergo ad depopulandos fines hostiles, sollicitè fatagebat absque mutui sanguinis discrimine avertere obsessorem. Verum ille pervicaciter coeptis in-

1. *Anlea*, præfagium. 2. *Anlea*, recreabat. 3. *Anlea*, Albemarliam. 4. *Anlea*, Nonanciortis. 5. *Anlea*, potitus & propulsandi. 6. *Anlea desiderabatur*, egregie.

sistens, cum multo tandem sui exercitus sudore & sanguine castellum deditioe obtinuit & evertit. Sane hoc damnum minus contristavit Regem Anglorum, quod castelli clarioris receptio compensabat. Verum hoc non multo post sine ¹ sufficientibus forte munimentis inventum, recidit in manus Regis Francorum. Inimicitias igitur principum magis magisque ² crudescentibus, reformandæ paci à bonis & sapientibus inaniter studebatur, cum ipsi ad omne consilium pacis obsurdescerent. Nam ³ sicut scriptum est: ⁴ *Furor illis secundum similitudinem aspidis surdæ & obturantis aures suas, quæ non exaudiet vocem incantantium.* Quanquam in his Regis ⁵ Anglorum jus proprium repetentis causa potior, & ira proculdubio justior fuerit, ut supra ostensum est. Pace itaque desperata, cum nec ille ad resignandum quod illicite occuparat, nec iste ad quiescendum nisi jure suo ⁶ redintegrato ulla potuisset ratione induci, quantum inter se superbi principes fremebant, tantum & ⁷ miseræ plebes gemebant. Quicquid enim delirant ⁸ Reges, innoxiaë plectuntur plebes.

1. *Antea*, sufficientibus munimentis inventum est, recidit &c.
 2. Sic rectissime è Cod. nostro reposuimus. *Antea*, quiescentibus pro crudescents; unde & minus minusque pro magis magisque legendum esse conjecit Picardus. 3. *Antea*, ut. 4. *Psalm.* 57. P. 5. *Antea*, Anglorum. 6. *Antea*, redeunte. 7. *Antea*, miserè plebs gemebat. 8. Imitatus est notum illum Lyrici versum epistol. 2. L. I. Quicquid delirant Reges, plectuntur Achivi. *Pic.*

De fame & peste per Angliam ¹ grassante.

CAP. XXVI.

AGGRAVATA est ² etiam ipso tempore manus domini super populum Christianum, ³ vesaniæ scilicet principum vastanti provincias jungens famem & pestem, ut pene illud in nobis propheticum completum esse videatur: ⁴ *Plaga inimici percussit te, castigatione crudeli.* Et quidem fames intempestivis edita imbribus, per annos ⁵ jam aliquot Galliæ Angliæque populos vehementer attriverat: sed Regibus ⁶ inter se debacchantibus plus solito invaluit. Cumque vulgus pauperum passim inedia deperiret, secuta est ⁷ è vestigio, tanquam ex pauperum mortibus aëre corrupto, pestis sævissima, quæ & illis, quibus alimenta abundabant, minime parceret, & indigentibus longum famis cruciatum brevaret. In aliis sane regionibus quomodo illius se temporis res habuerint, minus nobis constat: de Angliâ vero quod scimus loquimur, & quæ vidimus eo tempore testamur. ⁸ Serpebat effusa lues, uno ⁹ tantum morbo, febre scilicet, quæ acuta dicitur, per singulos dies tam multos corripuens, tam multos conficiens, ut vix invenirentur qui ¹⁰ vel curam languidis,

1. *Antea desiderabatur*, grassante. 2. *Antea*, est ipso tempore etiam manus. 3. *Antea*, vesaniæ scilicet p. vastandi provincias, jungens &c. 4. *Hiere.* 34. P. 5. *Antea omittebatur*, jam. 6. *Antea*, intro pro inter se. 7. *Antea*, e vestigio, una dictione. 8. *Antea*, serpsit. 9. Non tamen, ut in *Apographo cl. Trysfdeni Brettiano*. 10. *Antea omittebatur hoc prius vel.*

vel

vel sepulturam mortuis exhiberent. ¹ Consuetus funeris apparatus cessabat: & quacunque hora diurna quis obisset, mox matri terræ reddebatur, nisi cum forte aliquis nobilior vel ditior decessisset. In plerisque etiam locis receptui cadaverum fiebant fossæ non modicæ, cum propter morientium multitudinem facultas non esset singillatim singulos juxta morem humare. Cum ergo tam multi cotidie morerentur, etiam incolumes animo languebant, & vultu pallebant, & moribundis similes incedebant, tanquam continuo morituri. In solis autem monasteriis eadem labes minime grassabatur. Quæ nimirum postquam per quinque vel sex fere menses passim defæviit, tandem hiemali rigore consopita quievit. Porro hac tam crudeli clade altercantium principum duriores animi fuere, qui in studio belligerandi hiemem ² æstati & autumnio junxere.

Quomodo Alemanni secundo signum Dominicum susceperunt.

C A P. XXVII.

SANE Rex Anglorum paulo ante obsides suos apud Teutonicum Imperatorem relictos ³ absolute receperat, persoluta illi pactæ redemptionis summa. Quibus receptis, dixisse

1. *Antea*, consuetis. *male*. 2. *Antea*, æstate. 3. Absolutos *Edd. priores*.

fertur à captivitate Alemannica tunc primo sibi se redditum. Liberatus itaque ab ¹ exactore tam gravi, intentione integra bellicis negotiis infisteat, de reversione in Syriam, cui se inde rediens devoverat, nihil vel tepide cogitans. ² non illi imputetur. Necessitate siquidem, quam primo per Imperatorem Teutonicum, ac deinde per Regem Francorum patiebatur, apud sobrios iudices facile excusatur. Porro idem ³ Imperator, ut quasi expiaret, quod in Christianum Principem ab Oriente revertentem tam foedæ avaritiæ instinctu commiserat, & pecunias, quibus Angliam nudaverat, piis usibus applicaret: Orientalis ecclesiæ miserandis reliquiis subvenire decrevit. Considerabat etiam per se actum, quod duo illi magni Reges relictis quæ Christi sunt sua tantum quærerent, & feralibus in alterutrum odiis debacchando vires more tyrannico frangerent Christianas. Cupiens ergo hanc jacturam religiosa opera compensare, anno à partu sacræ Virginis ⁴ M.C.XCV. circa solemnitatem beati Andreæ Apostoli, convocatis apud ⁵ Gormaciam primis imperii ecclesiasticis pariter laicisque personis, & devotione propria cunctis declarata, ad æmulandum pro Christo sublimi exemplo provocavit plurimos. Denique sedente eo solemniter in Cathedrali ecclesia

1195.

1. Exactione *Edd. pr.* 2. Sed non illi hoc imputetur *Edd. pr.*
 3. *Abb. Usperg.* scribit tantum eo curante hanc expeditionem susceptam. *Pic.*
 4. *Male V. C.* 1125. *Usperg.* 1197. P. 5. Sic etiam *MS. Pic. Antea,* Wormaciam.

continuis octo diebus, & ¹ confedente, qui ad hoc ipsum venerat, Apostolicæ sedis legato cum omni frequentia inclytorum: ² hiis quoque qui sapientia, dignitate & facundia præcellabant, per dies singulos in auribus Christianæ multitudinis potenti eloquio declamantibus: tantus fidei & devotionis in animis audientium fervor incanduit, ut fas esset dicere, *digitus Dei est hoc*. Magnis Præsulibus & præclaris Ducibus cum multitudine virorum fortium Dominicum characterem per dies singulos certatim fumentibus, ipse quoque Imperator paratus fuit eodem signo cum ceteris insigniri. Verum hoc ab omnibus altiori consilio dissuasum est, allegantibus Christianæ expeditioni conducere, ut in imperio manens, de victualibus progressu exercitui pro tempore transmittendis propensiori cura fatageret, & cum res posceret, laborantibus supplementa militiæ mitteret. Itaque secunda in Syriam Germanicarum atque Italicarum gentium expeditio totis viribus parabatur, cum Reges nostri nil sanum aut sobrium meditantés, proprio tantum ³ ad multorum discrimen indulgerent furori.

1. Obsidente MS. Pic. 2. Antea, his qui. Fatetur tamen Piccardus in suo etiam Cod. interjici quoque. 3. Sic etiam MS. Pic. Antea, in pro ad.

De Diffensione Regis Richardi & Rothomagensis Archiepiscopi.

CAP. XXVIII.

¹ **H**IS diebus orta est diffensio inter Regem Richardum & Galterium Rothomagensem Archiepiscopum: tanto foedior, quanto majori prius videbantur amicitia cohærere. Idem enim Pontifex eidem Principi & ante regnum, & in regno devotus semper & fidelis extiterat, ejusque sibi animum multis & præclaris obsequiis obligarat. Denique ipso Orientalem expeditionem ingrediente, domi pro officio residere non passus, ne illi vel ad tempus deesset, animo subeundi quælibet cum eo discrimina, usque in Siciliam una progressus est. Rex vero ² idem audiens tyrannicos mores Eliensis Episcopi, cui regni custodiam regimenque crediderat, remisit eum in Angliam, datis memorato Episcopo mandatis, ut eum in administratione regni per omnia collegam ascisceret. Verum ab homine singularem gloriam amante ad collegium non admissus, sustinuit filuitque ad tempus. Illo vero post modicum à regni nobilibus factum ejus non ferentibus fortiter debellato atque ignominiose ³ expulso, voto & decreto generali susceptam regni curam laudabili moderamine gessit. Cumque ⁴ post diutinam in

1. His *Edd. pr.* 2. Ibidem *MS. Pic.* 3. Expulso: iste voto *Edd. pr.* 4. Rex *inferis MS. Pic.*

Germania detentionem, pactis tandem cum Imperatore celebratis, mature liberandus speraretur, devotum sibi Præsulem ¹ accerfendum putavit, eumque non invitum apud Imperatorem pro summa non modica obsidem reliquit. Rege vero in regnum regresso, bellicisque intento negotiis, idem Pontifex in gratiam ejus Imperatori de proprio (ut dicitur) satisfaciens, ad propria cum gloria remeavit. Verum Princeps bellica quadam necessitate quæ plerumque & amicis non parcat, minorem illi gratiam, quam sperabat, ² rependit: præsertim cum Eliensis Episcopus ad auriculam Principis frequenter pro officio positus (nam Cancellarius erat Regius) illi apud Principem plurimum derogaret. Infestus quippe illi erat, causa superius memorata. Exasperatus ergo Pontifex propter quædam de jure ecclesiæ suæ à Rege præsumpta, cum Rex bellicam necessitatem obtendens nequaquam illi ad præsens satisfaceret, sed bellis cessantibus satisfactionem promitteret: Apostolicæ sedis judicium appellavit, & suspensis in sua Dioecesi divinæ laudis organis, Romam ³ contendit. Responsales quoque regii ⁴ è vestigio secuti, in conspectu summi Pontificis in faciem illi resistere: ea quidem quæ ab eo contra Regem proponebantur minime inficientes, sed necessitatem Regiam verbis ad deprecand-

1. Accerfendum *Edd. pr.* 2. Impendit *Edd. pr.* 3. Ita quoque *MS. Pic. Antea*, conscendit. 4. Evestigio (*una voce*) *Edd. pr.*

dum compositis excusantes. ¹ Tunc summus Pontifex actori dixisse fertur: Nota est orbi terrarum injusta Regis Anglorum vel captivatio ab Oriente (ubi Christo militaverat) cum signo ejusdem militiæ revertentis, vel spoliatio grave & diutinum sub cathena Alemannica tædium patientis. Debuit ergo tua discretio pro tempore dissimulare: etiam si majora, quam proponis, ratione necessitatis bellicæ attentasset. Hæc dicens, Principi quidem tanquam fatigato injuriis, & justum bellum gerenti morem gerere studuit. Pontificem vero alias delinitum atque placatum ad propria remisit.

² De morte ³ Eliensis Episcopi, qui Cancellarius ⁴ potius meruit appellari.

C A P. XXIX.

SANE inter eos, quos idem Rex pro sua causa Romam proficisci voluit, clariores fuisse videntur ⁵ Eliensis Episcopus (qui & Cancellarius Regius,) & Dunelmensis electus, qui Romam veniens, à summo Pontifice ordinari meruit. Cancellarius vero à Rege digressus, morbo ⁶ occubuit. quo ingravescente post dies aliquot vitam finivit, jam non coram Romano Pontifice causam Regis Anglorum acturus, sed ad tribunal Regis Angelorum pro seipso rationem redditurus. De hoc quidem Episco-

1. Tum summus Pontifex fertur. Nota est *Edd. pr.* 2. *Desunt* cap. XXIX. & XXX. in *Ed. Anrv.* 3. *Antea, Helienfis.* 4. *Antea* omittitur, potius. 5. *Antea, Helienfis.* 6. *Antea, decubuit.*

po, qui à paucis quidem Episcopus, ab omnibus
¹ vero Cancellarius dicebatur, eo quod à tem-
 pore ordinationis suæ longe magis palatio quam
 Ecclesiæ militaret: de hujus, inquam, Episcopi
 moribus & actibus, & qualia circa illum propter
 intolerabilem ejus fastum provenerint, cum ei me-
 moratus princeps Orientalem peregrinationem
² ingressurus administrandam in Anglia rerum
 summam credidisset, suo loco ³ superius expo-
 situm est. Expulsus ergo ab Anglia, atque in
 Galliis pro tempore exulans, cum eundem Re-
 gem ab Oriente revertentem Alemannica te-
 neri cathena audisset, ocius eum visitare cura-
 vit, quo & suæ circa eum devotionis compro-
 baret fervorem, ejusque ⁴ in posterum propen-
 sionem obsequiis mercaretur favorem. Assistens
 ergo vincto insigni toto tempore fortis indignæ,
 in multis ei ⁵ necessarius extitit: & si quid
 forte contra se pro rebus in Anglia turbatis
 animo principis federat, novæ sedulitatis ⁶ offi-
 ciis abolevit. Mutata vero circa Regem fortuna
 in Angliam cum ipso reversus, & rebus in An-
 glia compositis transfretantem ad bellum trans-
 marinum secutus, Cancellarii officio strenue
 fungebatur: Sacerdotio vero ita, ut expers sol-
 licitudinis & oneris pastoralis tantummodo ad
 honorem & commoda ⁷ episcopus esse videretur,

1. *Antea omittebatur, vero.* 2. *Antea, ingressus.* 3. *L. 4. cap. 5.*
 14. & 15. P. 4. *Antea, in posterum.* 5. *Antea, necessariis.* 6. *Antea,*
officio abolevit. Ornata circa Regem &c. 7. *Antea, videretur*
esse episcopus.

& nomine Episcopi per nomen Cancellarii adumbrato, à paucis Episcopus diceretur. Denique principi bellum atrox & cruentum cum Francis gerenti per annos aliquot seculari magis quam episcopali industria collaborans, tandem, ut dictum est, morbo defecit. Lætata est Anglia in morte ejus, quia incubuerat timor ejus super illam. Cum enim & apud principem plurimum posset, & suæ olim ab Anglia ignominiosæ extrusionis homo ingentis animi immemor esse non posset: manifestum erat, quod terræ, quæ illum evomuerat tanquam humorem pestiferum, crebro machinaretur malum. Quem ergo Angliæ nobiles non frustra formidaverant vivum, parcius flevire defunctum.

Quomodo finitum est¹ bellum breve Britannicum, & quadragenarium Tholosanum.

C A P. XXX.

² **H**IS diebus Britones, qui à Rege Anglorum jam pridem desciverant, vasta finium suorum per cohortes regias depopulatione coerciti, in ejusdem Regis foedus & gratiam cum suo Arthuro rediere. Bellum quoque Tolosanum, quod illustri Anglorum Regi Henrico & filio ejus Richardo res summi negotii fuerat, & per annos quadraginta vires multo-

1. *Anica*, bellum Britannicum quadragenarium pro bellum breve Britannicum, & quadragenarium Tholosanum. 2. *Anica*, his.

rum attriverat populorum, eodem tempore Deo propitio expiravit. Comes enim S. Egidii, ¹ pæctis cum Rege Anglorum celebratis, sororem ejus, quæ olim Regi Siciliae nupserat, & eo præmature defuncto ad fratrem redierat, cum ingenti gloria conjugem duxit, atque ² hoc modo inveteratum illud odium conquievit. Itaque Rex Anglorum, qui ad tria bella quasi trifariam divisus erat, atque ideo minus in singulis poterat, duobus finitis, Britonico scilicet & Tolofano, ad tertium, quod cum Rege Francorum gerebat, integer ³ redditus, coepit robustius agere & terribilior hostibus apparere. Certabatur ⁴ autem utrimque totis viribus: tantusque erat debacchantium furor, ut nec sacris Quadragesimæ diebus deferrent, ⁵ deprædationibus atque incendiis loca prius florentia corrumpentes, nec Sacerdotibus Domini, si forte inciderent, secus quam popularibus parcendum ducentes. Sane tam longa tamque exitialis concertatio principum detrectantium concordiam poterat saltem per unius partis victoriam breviari, si convenire & congredi noluisent. Verum hoc si quando alter eorum virium suarum fiducia voluit, alter ancipitem formidans eventum caute declinavit. Denique nocendo alter utrum dum alter alterum fatigando & lassando

1. *Anlea*, pace cum Rege Anglorum celebrata. 2. *Anlea*, hoc malo inveteratum illud malum conquievit. 3. *Anlea*, rediit, coepitque robustius. 4. *Anlea desiderabatur*, autem. 5. Deprædatoribus *MS. Pic.*

frangere studuit: uterque bellum sub expectatione melioris fortunæ protrahere, quam ¹ per incerti victoris gloriam mature terminare maluit.

De ² captione Episcopi ³ Beluacensis.

C A P. XXXI.

ANNUS à partu Virginis M. C. nonagesimus 1197.
septimus vertebatur, & furor Principum minime deferrebat, tanquam juvans manum Domini iramque ejus accumulans super populum Christianum. Nam famis validæ, quæ Galliæ Angliæque Regiones vehementer angebat, annus jam quintus currebat. Sane Rex Francorum, qui anno præcedenti fortius egisse videbatur, coepit remissius agere, & fines proprios mollius tueri. Rex vero Anglorum paulatim augebatur viribus & prosperabatur magis. Denique vicum ⁴ insignem (qui dicitur sancti Walarici) repente aggressus, potenter effregit, portum commeatibus abundantem obtinuit, opes abstulit, munitionem evertit, præda onustus abiit. Nec multo post in pago ⁵ Beluacensi castrum quod ⁶ Milliacum dicitur per suos expugnavit, moxque thesaurum reperit, id est, successum spe majorem. ⁷ Beluacensis ⁸ enim Episcopus, homo ferocis animi, & propinquitate

1. *Antea*, incerti per victoris. 2. Captivatione *Edd.pr.* 3. *Antea*, Belluacensis. 4. *Portu*, Oceano refluxente. P. 5. *Antea*, Belluacensi. 6. *Antea*, Miliacum. 7. *Antea*, Belluacensis. 8. *Vide Notas.* P.

regia inclytus, audiens ¹ Milliaccum oppugnari: sumptis propere armis, non suis, id est, militiæ secularis non spiritualis, cum armata multitudine contra hostes audacter egressus, & fortiter cum eis congressus, bellicosus magis Pontifex quam religiosus apparuit, sed fortunam non recte culpavit. Nam iudicio Dei victus, captus & vinctus cum quibusdam aliis nobilibus, Regi Anglorum, cui tam in Orientali expeditione & Alemannicis ² vinculis, quam regresso ad propria, supra modum infestus extiterat, gratissimum munus ³ oblatum est. Cumque Rothomagi vinctus servaretur, duo, ut dicitur, ex familiaribus clericis ejus supplices ad Regem venerunt, postulantes gratiam, ut sibi liceret Domino suo in vinculis ministrare. Quibus ille, Vos, inquit, judicate inter me & dominum vestrum. Ut enim quæ mihi vel intulit, vel molitus est mala, oblivioni tradantur usque ad unum: certe ab Oriente rediens, & detentus ab Imperatore Romano, respectu personæ Regiæ mollius tractabar, & cum decenti honore servabar. Superveniens autem idem Dominus vester vespere, cujus rei gratia venerit, & apud Imperatorem nocte quid egerit, expertus sum mane. Aggravata est enim super me manus Imperatoris, tantoque mox ⁴ oneratus sum ferro, ⁵ quantum equus vel asinus ferre vix posset. Juste ergo de-

1. *Antea*, Milliaccum. 2. Vinculis constituto, quam *Edd. pr.*
 3. Oblatum est *Edd. pr.* 4. Honoratus *MS. Pic.* 5. Quantum asinus vel equus vix ferre posset. Juste ergo discernite, *Edd. pr.*
 cernite,

cernite, qualem Dominus vester habere custodiam debeat apud me, qui talem mihi fecit apud detentorem meum. Clerici vero ad hæc non habentes ¹ quid dicerent, frustrati abierunt. Bellicosus itaque Pontifex fervabatur in vinculis, & tractabatur ab hostibus mitius forte quam meruerat, sed plane durius quam Episcopum decebat. Interpellavit autem per suos Romanum Pontificem, ut ecclesiastici vigoris instantia liberaretur de manibus detentoris. Idem vero summus Pontifex prudenter considerans, quod Rex Anglorum Episcopum non prædicantem sed præliantem cepisset, & rigidum magis hostem quam pacificum Præsulem teneret in vinculis: ut vinctum relaxaret, illi molestus esse noluit, sed interpellanti sapienter & discrete respondit, improperans, quod sæcularem militiam ecclesiasticæ prætulisset, & pro baculo pastoralis lanceam, pro mitra galeam, pro alba lorricam, & clypeum pro stola sumpsisset, & gladium ferreum pro gladio. spiritus, quod est verbum Dei, negansque se pro eo ² vincto imperaturum Regi Anglorum, sed opportune supplicaturum pollicens. Vinctus itaque Pontifex relaxationem suam citra Regum concordiam desperabat: atque ideo pacem, quam prius incensor belli oderat, in illo vinculorum tædio jugi desiderio suspirabat.

1. Quod *Edd. pr.* 2. Sic etiam *MS. Pic.* *Antea omittebatur,* vincto.

De defectione quorundam à Rege Francorum, & qua occasione ¹ treuia statuta est inter ipsum & Regem Anglorum.

CAP. XXXII.

EODEM tempore defecerunt à Rege Francorum quidam regni ejus potentes, illatis ab ² illo injuriis irritati, ³ & dominum durum caufantes, junctique Regi Anglorum, vires ejus auxerunt, & ab eo vicissim robur acceperunt. E quibus Comes Flandrensis dolens se à Rege Francorum juris ⁴ sui hereditarii dimidia fere parte fraudatum: Regis Anglorum pecuniis roboratus, nobile oppidum, quod dicitur Duai, obsessum deditione recepit, quasdam etiam munitiones alias occupavit. Quibus successibus confortatus, crescente fiducia civitatem Atrebatensem obsedit. Sane tunc Reges tanquam ex industria mutuam devitantes occursum, locis diversis exercebantur. Et Rex quidem Anglorum in pago Bituricensi munitiones aliquot expugnavit. Rex vero Francorum munitionem Dangu nominatam, quæ ab ipso paulo ante defecerat, castris circumdedit. Qua mature dedita & everfa, memoratæ urbis obsidionem solvere festinavit. Obfessor autem ⁵ adventu ejus præcognito, obsidionem deseruit, hostemque superbum ad persequendum cedendo accendens, dum

1. Induciæ factæ sunt Edd. pr. 2. Eo Edd. pr. 3. Sic etiam MS. Pic. Antea ominebantur, & dominum durum caufantes. 4. Ita quoque MS. Pic. Antea desiderabatur, sui. 5. Antea, ejus adventu.

à tergo

à tergo incautius progressi confractis ¹ amnium pontibus, difficilem vel illi reditum, vel exercitui ejus com meatum facere studuit, arte quam viribus plus effecit. Cumque amicis mediantibus inter partes de pace tractaretur, oblatam Comes pacem nec respuit, nec absolute amplexus est, ² obtendens se Regi Anglorum sufficientem per obsides idoneos præstitisse atque ab eo vicissim accepisse cautionem, quod neuter eorum sine altero bellum pace mutaret. Pactis tamen inter partes formatis consensu Regis Anglorum pro tempore ³ faciendis, Rex Francorum ad propria rediit; Comes vero cum festinatione adiit invitandum ad honestæ pacis consensum Regem Anglorum. Itaque Reges tantum jam pacis avidi, quantum bellici laboris pertæsi, ⁴ anno à partu Virginis M. C. nonagesimo VII^o. 1197. mense Septembri cum Optimatibus suis atque omni frequentia subditorum ad solemne in terminis colloquium convenerunt. Ubi de plena quidem pace minus actum est, eo quod animi Principum à longa inveterati odii passione difficile sanarentur; ⁵ sed treuiam unius anni & quatuor mensium tanquam arram futuræ pacis inter se statui maluerunt, adjicientes in pactis, ut negotiantibus regiones essent perviæ, mutuisque provinciæ gauderent solatiis: & ut captivi

1. Sic etiam MS. Pic. *Antea*, omnibus pro amnium. 2. Ita quoque MS. Pic. *Antea*, ostendens. 3. Faciendis MS. Pic. 4. Sic etiam MS. Pic. *Antea* omitebantur, anno à p. V. M. C. non. VII. in. Septembri. 5. Sed inducias unius *Edd. pr.*

utrimque competenti & tolerabili redemptione relaxari mererentur. Soluto ¹ igitur conventu, militantibus facultas data est ad propria remeandi, & fessæ malis provinciæ pausam modicam cum magnis gratulationibus susceperunt.

De re prodigiosa quæ accidit apud ² Maltonam.

C A P. XXXIII.

³ **H**IS diebus mense Augusto in nostra, ⁴ id est, Eboracensi provincia, super flumen Derwentum ⁵ prodigiosa res accidit, quæ silentio prætereunda non est, sed nostræ inferenda historiæ ad notitiam & cautelam posterorum. Apud monasterium Regularium Clericorum, quod Maltone dicitur, coquendæ calci clibanus parabatur. ⁶ Cumque jam, ut moris est, à latere deorsum ignis immitteretur post solis occubitum, ejusdem loci præpositus ⁷ cum quibusdam fratribus aderat: & ne tantus in irritum cederet apparatus, sollicitè satagebat. Circa aliud vero latus erat fovea modica usui præparata, altitudinis non amplius quam sex vel septem pedum. In hanc sane unus fratrum dum urgendo opus ⁸ circuiret, incautius per tenebras properans lapsus est. Et cum non statim exurgeret, ⁹ percunctante præposito an læ-

1. *Deest* igitur in *Edd. priorib.* 2. *Antea*, Maltone. 3. *Antea*, *his.* 4. *Antea* mittebantur, id est. 5. *Prodiosa MS.* 6. *Antea*, cum autem, ut &c. 7. *Antea*, aderat cum quibusdam fratribus. 8. *Antea*, circuiret cautius, per tenebras properans, lapsus est. 9. *Antea*, percunctanti.

fus esset, respondit, perii : quo dicto ¹ filuit in mortem, mirantibus silentium ejus cunctis qui aderant, cujus mortem ne suspicari quidem poterant. Nam circumfusæ noctis ² tenebræ interiora foveæ abscondebant. Rogatus autem quidam ex astantibus descendere ad ³ dinoscendum & renunciandum quomodo se res haberet, descendit : moxque procumbens ⁴ etiam ipse cum silentio in mortem obdormivit. Quo non renunciente aliquid neque egrediente, alius nihilominus jussus descendere, eadem forte mox absorptus est. ⁵ Tunc stupor apprehendit omnes qui circumstabant : nec tamen adhuc quiescendum putantes, cautius explorandi gratia, tertium descendere monuerunt. Qui, ut dicitur, salutari signo se muniens, in exitialem foveam descendebat, & confestim ⁶ exclamans, morior, inquit, morior, extrahite me. Qui autem propius astant, apprehensa summitate scalæ exiguæ per quam ⁷ descendebat, hærentem scalæ simul cum ipsa scala extraxerunt. Tunica vero, qua induebatur, disrupta, & quasi violentis male ⁸ attræctantium manibus conscissa videbatur. Sic ergo idem substractus exitio, sine voce & sensu diu semianimis jacuit, spumas ore provolvens, deinde paulatim ad se rediens, elanguit per dies

1. *Antea*, filuit, in morte mirantibus. 2. *Antea*, tenebræ, & interiora. 3. *Antea*, dinoscendum. 4. *Antea*, & pro etiam. 5. *Antea*, tum. 6. *Antea*, clamans. 7. *Antea*, descenderat, hærentem scalæ scilicet cum ipsa &c. 8. Attræctantium *MS. Pic.* Neque aliter primum scribebatur in *MS. nostro*. Sed punctum sub a, litteramque e supra lin. eadem posuit manus.

plurimos. Tunicam vero suam tanquam pestilentem horruit, nec ea etiam refarcita indui passus est. Sane post exitium memorati fratris, & duorum juvenum qui cum eo ¹ occubuerant, cum quidam sequenti luce ad eorum extrahenda corpora descendisset, nihil ibidem vel sensit horroris, vel mali expertus est. sed innoxie & cum omni fiducia exanimata corpora de loco exitii elevavit. In quibus profecto nulla læsio apparebat, præterquam in oculis sinistris, qui cruenti & quassati videbantur, livorem circa se tanquam recentis percussuræ prætendentes. ² Hæc denique prout eorum, qui vel interfuerunt, vel ab ³ hiis qui interfuerant audierunt, concordi narratione didici, literis mandare curavi, eventus plane, quem pro sua novitate cogor mirari, causam ⁴ non valens rimari. ⁵ Contigit autem ante annos aliquot apud Orientales Anglos in vico quodam tres viros operarios dum studio incolarum puteum vetustum purgarent, & largioris aquæ desiderio è terræ visceribus producendæ altius foderent, subito exanimari. quo viso incolæ eundem puteum ruderibus impleverunt, & locum exicii æternum exanimatis sepulchrum esse voluerunt. At istud non adeo mirum est: quia hinc probabiliter ratio reddi potest. Forte enim fundus putei habuit sive argenti vivi sive

1. *Antea*, occubuerunt, cum q. sequenti die ad extrahenda eorum corpora. 2. *Antea*, hoc. 3. *Antea*, his. 4. *Antea*, nolens pro non valens. 5. *Antea* desiderabantur hæc omnia usque ad principium capitis XXXIV.

alterius rei noxiæ venam occultam; quæ ut creditur dum à fossoribus eam contigit aperiri, durum & pestilentem spiritum exhalavit, qui omnem sensum præveniens in momento extingueret fodientes.

De concordia Regis Richardi & Rothomagensis Archiepiscopi, & de quodam prodigio.

CAP. XXXIV.

EODEM tempore illustris Rex Richardus & Galterius Rothomagensis Archiepiscopus post longam similitudinem modestiori studio veterem inter se amicitiam reformarunt, cum ² & Pontifex in gratiam Principis jure suo cederet, & Princeps Pontifici satisfaciens pro ³ hiis quæ de jure Rothomagensis Ecclesiæ ratione necessitatis bellicæ usurpasset videbatur, justam commutationem daret. Cum enim apud vicum, qui ⁴ Andelaicus dicitur, & erat patrimonium Rothomagensis Ecclesiæ, idem Rex locum notasset castro pro tuitione Normanniæ ⁵ super Sequanam flumen construendo aptissimum, timens ne forte idem locus ad hoc ipsum hostiliter occuparetur à Rege Francorum, eundem duxit præoccupandum. Cœpit ergo ibidem, natura loci mirabiliter juvante, opus humanum profusis ædificare sumptibus castrum firmissimum contra faciem Regis Francorum, memorato Pontifice antiquum Ecclesiæ suæ patrimonium hoc modo sibi præripi

1. Gualterus *Edd. pr.* 2. Enim *MS. Pic.* 3. Iis *Edd. pr.* 4. Andelaicus *Edd. pr.* 5. Sic etiam *MS. Pic. Antea*, ad Sequanam.

æquanimiter non ferente: Francis vero videntibus & irascentibus, & contra opus æmulum, quod impedire non poterant, frustra frementibus. Eundem autem Archiepiscopum Princeps postmodum digna compensatione placavit, ¹ vicum scilicet litigiosum famoso illo vico maritimo qui ² Depa dicitur Ecclesiæ Rothomagensi commutans. Quo facto, quanto meliori conscientia, tanto & hilariori fiducia & ferventiori studio operi deinceps ³ inchoato insistens, quantum ex hoc muniminis propriis in reliquum finibus ⁴ præparavit, tantum etiam ex hoc ipso hostilem ferociam exulceravit. Sane in loco illo cum magna illa ædificatio fieret, rem prodigiosam contigisse ferunt. Nam sicut quidam non ignobiles, qui se interfuisse asserunt, protestantur, mense Maio paulo ante Dominicæ Ascensionis solennia, cum Rex adesset, & opus urgeret (nam sæpius ad disponendum urgendumque opus aderat, & conspectum proficientis operis pro magna voluptate habebat) repente imber sanguine mixtus descendit, stupentibus cum ipso Rege cunctis qui aderant: cum & in suis vestibus veri sanguinis ⁵ guttas conspicerent, & rem tam insolitam malum ⁶ portendere formidarent. Verum ex hoc idem Rex non est territus, quo minus operi promovendo intenderet, in quo sibi (ni fallor) ita complacebat, ut etiam si Angelus de coelo id omittendum suaderet, anathema illi esset.

HIST. ANGL. FINIS.

1. *Antea*, virum. 2. *Dieppe*. P. 3. *Initiato MS. Pic.* 4. *Paravit Edd. pr.* 5. *Guttam MS. Pic.* 6. *Ita quoque MS. Pic. Antea*, protendere.

